

Ch.
Nov 12


8.53 B h





P. 4

8-53-B-4



Assistentia Germanica. &c.
TRACTATUS
DE
POENITENTIA
DISTRIBUTUS

In duas partes, alteram de VIRTUTE,
& alteram de SACRAMENTO.

AUTHORE
P. JOANNE BAPTISTA GORMAZ
Societatis JESU.

Dicatus Emin.^{mo} ac Rev.^{mo} Principi

PETRO
OTTHOBONO


S. R. E. CARD. VICECANCELLARIO.

PARS SECUNDA.



ROMÆ M. DC. XCVII.
Typis Antonii de Rubeis propè S. Sylvestrum de Capite in Via Vitis.

SUPERIORUM PERMISSU.



A D LECTOREM.



O tandèm deventum
est , Amice Lector ,
quò præcipuè tua te sa-
lus invitat , ad Pœni-
tentiæ scilicèt Sacra-
mentum . Procellosum
quippe , sparsumque generis humani :



naufraigiis navigatur Mare, dùm vivitur ; & in conspectu portûs , patriæque, mirum quantum, infano fluctuum impetu miserrimus quisque abripiatur . Ex alto tamèn Tridentini Concilii vox , quasi de Cœlo , audita dicentis sels. 6. cap. 14. *Qui verò ab accepta justificationis gratia per peccatum exciderunt , rursùs justificari poterunt , cùm excitante Deo , per Pœnitentiæ Sacramentum merito Christi amissam gratiam recuperare procuraverint . Hic enim justificationis modus est lapsis reparatio , quam secundam post naufragium deperditæ gratiæ Tabulam Sancti Patres aptè nuncuparunt . Hanc igitur fidentèr arripe , plurimasque Christi misericordiæ gratias habens , ex naufragiis feliciter enavigato . Se enim quodammodo major misericordia , & benignitas Salvatoris nostri Dei , in hujus Sacramenti institutione , nobis apparuit :*
cùm

cùm non solùm perfectæ contritionis actum, cum quo in lege antiqua homines justificabantur, ad constituendum Sacramentum extulerit, verùm etiàm attritionem, quæ sine Sacramento satis ad conferendam gratiam non erat. In eum fermè modum; quo ad gignendam in Matrimonio gratiam contractum elevavit, qui ante Sacramenti institutionem gratiam gignere minimè poterat. Quod etiàm est in reliquis omnibus Sacramentis videre; dùm verba, & materiam elevavit ad gratiam in Sacramento pariendam, quam extrà Sacramentum non valebant. Quidni igitur jure merito Christus profiteatur Matth. i i. *Jugum enim meum suave est, & onus meum leve*. Jugum, quis neget, & arduum illud sanè fuit ad aperienda peccata superimpositum: quantâ verò delinitum facilitate, quàm leve, si Attritionem



tionis actum facili negotio adhiben-
dum respicias, per quem in Sacra-
mento justificationem consequi pos-
sis? Vale.

THY-

THYRSUS GONZALEZ

Præpositus Generalis
Societatis JESU.

CUm Librum, cui titulus, *Tractatus de Pœnitentiâ*, à Patre Joanne Baptistâ Gormaz Societatis nostræ Sacerdote compositum, aliquot ejusdem Societatis Theologi recognoverint, & in lucem edi posse probaverint, facultatem facimus, ut typis mandetur, si iis, ad quos pertinet, itâ videbitur; Cujus rei gratiâ has litteras manu nostra subscriptas, & sigillo nostro munitas dedimus. Romæ 8. Novembris 1696.

Thyrus Gonzalez.

APPRO-

APPROBATIO.

EX commissione Reverendiss. P. Paulini Bernardinii Sac. Apost. Pal. Mag. Ord. Prædicat. Ego infrascriptus attentè legi, & percurri opus, cui titulus *Tractatus de Pœnitentia &c.* & deprehendi doctrinam in eo traditam profundis Sac. Theol. principiis, Summorum Pontificum, Sacrorum Canonum, præsertim Oecumenicæ Tridentinæ Synodi Decretis solidè fulciri, graviores in materia de Pœnitentia difficultates accuratè discuti, & dilucidè resolvi, exquisita eruditione abundare, nihil bonis moribus, vel orthodoxæ Fidei adversum continere, dignumque planè esse, ut in lucem publicam edatur: Ita sentio. Romę ex Collegio S. Isidori Ordinis Fratrum Min. Hibernorum Provinciæ Hiberniæ, hac die 27. Decembris 1696.

*Fr. Franciscus Porter Ord. Fratrum Min.
Hibernorum Sac. Theologiæ Lector bis
Jubilatus, Sæ Majestatis Britannicæ
Theologus, & Historicus.*

IN-

I N D E X

DISPUTATIONUM,

ET SECTIONUM,

Quæ in hac Secundâ Parte continentur.

DISPUTATIO I. De institutione, & necessitate Sacramenti Pœnitentiæ. Pagina. 4.

SECTIO I. De tempore institutionis Sacramenti Pœnitentiæ. pag. 6.

SECTIO II. Illationes doctrinæ moralis. pagina. 26.

SECTIO III. Solvuntur opposita. pag. 58.

DISPUTATIO II. De essentia Sacramenti Pœnitentiæ. pag. 94.

SECTIO I. De metaphysico, & physico constitutivo. pag. 96.

SECTIO II. Solvuntur opposita. pag. 115.

DISPUTATIO III. De materiâ remotâ, & obligatione pœnitentis. pag. 131.

SECTIO I. De principiis ad disputationem requisitis. pag. 133.

SE-

I N D E X.

SECTIO II. Qualis debeat esse Sacramentalis confessio. pag.168.

SECTIO III. Solvuntur opposita. pag.197.

DISPUTATIO IV. De absolutione, & adæquato Sacramenti essentiali constitutiv. pag.226.

SECTIO I. De verbis absolutionis. pag.227.

SECTIO II. De sensu legitimo verborum absolutionis Sacramentalis. pag.243.

SECTIO III. Illationes doctrinæ moralis. paginâ. 259.

SECTIO IV. Solvuntur opposita. pag.271.

DISPUTATIO V. An absolutio possit absenti conferri? pag.281.

SECTIO I. De statu, & progressu controversiæ. pag.282.

SECTIO II. Resolvitur Controversia. 297.

SECTIO III. Solvuntur opposita. pag.319.

DISPUTATIO VI. An dari possit Sacramentum Pœnitentiæ validum, & in-forme? pag.333.

SECTIO I. Resolvitur Cōtroversia. pag.334.

SECTIO II. Solvuntur opposita. pag.351.

DISPUTATIO VII. De satisfactione Sacramentali. pag.361.

SECTIO I. de effectu Sacramentalis absolu-
lu-

I N D E X.

lutionis . pag.362.

SECTIO II. De obligatione Confessarii ad
injungendam poenitentiam, & poeni-
tentis ad acceptandam, & implendam.
paginâ 376.

SECTIO III. Solvuntur opposita . pag.392.

DISPUTATIO VIII. De ministri muneri-
bus, & obligatione . pag.401.

SECTIO I. De Ministro Sacramenti Poeni-
tentiae . pag.401.

SECTIO II. Solvuntur opposita. pag.417.

DISPUTATIO. IX. De Sigillo Sacramen-
tali . pag.428.

SECTIO I. De præcepto, & materia sigil-
li Sacramentalis . pag.429.

SECTIO II. Solvuntur opposita. pag.448.


Imprimatur,

Si videbitur Reverendis. Patri Magist.
Sac. Pal. Apost.


Sperellus Episc. Interamn. Vicesg.

Imprimatur.

Fr. Paulinus Bernardinius Ord. Præd.
Sac. Apost. Pal. Magister.




TRA-



TRACTATUS DE POENITENTIA

PARS SECUNDA.

De Sacramento.

I.  POENITENTIAM habere rationem Sacramenti negarunt olim Montanistæ, qui appellationem habuerunt à Montano: Montanus autem erat natione Phryx, exindeque dicebantur etiam ejus discipuli Catophryges; tum etiam & Pepusiani à Pepusia vico Phrygiæ. Postmodum Novatiani, sic dicti à Novato Episcopo Africano, qui corripit Novatianum Presbyterum Romanum, licet absolutè non negaverint peccata remitti; docebant tamen illam remissionem non fieri per ministros Ecclesiæ, sed à solo Deo,

De Pœnit. Pars II.

A

adco-

adeoque pertinaciter respuebant Pœnitentiæ Sacramentum, & necessitatem confessionis, eo hæretico principio ducti, quod in Ecclesia Dei nulla esset collata ministris potestas absolvendi à peccatis: ac proinde nequaquam exigi debere peccatorum confessionem. Andiani, & Melsaliani tempore Valentiniani senioris docebant, nullam in confessione Sacramentali imponendam fore pœnitentiam, & sic joco potius, quàm seriò ministerium confitendi usurpabant, ideoque pœnitentes existimantes confessionem peccatorum à se exigi per jocum, solùm levia quædam peccata confitebantur, ut nunc Lutherani faciunt. Wicleffus ex Thoma Waldensi tom. 2. de Sacram. cap. 135. apertè confessionem Sacramentalem negare cœpit, asserens ex sola papali institutione esse inductam. Petrus de Osma circa annum Christi 1371. temporibus Sixti IV. & postea Rhenanus, & Erasmus in adnotat. ad epist. Hieronymi intendebant, confessionem nec esse de jure divino, nec fuisse in antiquo usu Ecclesiæ. Lutherus lib. de captiv. Babylonica cap. de pœn. scribit, *confessionem secretam, sicuti nunc fit, sibi placere multum, illam tamen non posse probari ex scriptu-*

ptu-

ptur a, nec esse necessarium confiteri omnia peccata Sacerdotibus, ac denique damnandos esse illos, qui volunt, circumstantias peccatorum, et si mutantes speciem, esse aperiendas. Propter hanc Lutheri clausulam, omnes Lutherani negant integritatem confessionis, nec volunt singula peccata esse aperienda. Calvinus denique lib. 3. institutionum cap. 4. negat, confessionem esse juris divini, docens illius usum, quamvis vetustissimum, semper fuisse in Ecclesia liberum. Contra has omnes hæreses Concil. Trid. sess. 14. Can. 6. ita definit. *Si quis negaverit, Confessionem Sacramentalem, vel institutam, vel ad salutem necessariam esse jure divino, aut dixerit modum secretè confitendi soli Sacerdoti, quem Ecclesia Catholica ab initio semper observavit, & observat, alienum esse ab institutione, & mandato Christi, & inventum esse humanum, anathema sit.* Hanc autem catholicam Trid. doctrinam in hac prima disput. ex Scriptura, Conciliis, & PP. probabimus, ostendendo Christi Domini institutionem, Sacramenti virtutem, & fidelium obligationem. Ex quo inferemus doctrinam moralem, simulque argumenta hæreticorum convellemus.

DISPUTATIO PRIMA.

*De institutione, & necessitate Sacramenti
Pœnitentiæ.*

2. **C**ONSTANS est omnium catholicorum sententia, Christum Dominum ante mortem promississe, & aliquomodò inchoasse institutionem Sacramenti Pœnitentiæ. Ratio est, quia Matth. 18. dixit Apostolis: *quæcumque solveritis super terram, erunt soluta, & in Cælis; & quæcumque alligaveritis super terram, erunt ligata, & in Cælis.* Quibus in verbis continetur promissio dandi Apostolis, eorumque successoribus potestatem ligandi, & solvendi. Sic in illis verbis Christi ad Petrum, Matth. 16. *Tibi dabo claves regni Cælorum:* continebatur vera promissio dandi Petro, ejusque successoribus supremam clavium potestatem, quam tunc non dedit, sed postea Jo: ult. quando dixit: *pasce oves meas.* Undè tunc Christus præcipuè instituit Sacramentum Pœnitentiæ, quando Apostolis dedit completam potestatem absolvendi. Quando autem dedit radicalem, seu inchoatam,

tam, tunc dicitur quasi institutionem inchoasse. Cum autem in nocte cœnæ, quando Christus ordinavit Apostolos, contulerit illis characterem Sacerdotalem, qui est fundamentum potestatis absolvendi, & inchoatio potestatis completæ, ea de causa dicitur, tunc inchoatam fuisse Sacramenti Pœnitentiæ institutionem; tunc verò præcipuè Sacramentum istud institutum fuisse, quando postea dedit eis potestatem peccata remittendi. Sic modò in Ecclesia istæ duæ potestates sunt separabiles: etenim cum Episcopus dicit: *accipite potestatem offerendi sacrificium in Ecclesia*: suscipitur actualis potestas consecrandi; Cum verò postea dicit: *accipite Spiritum Sanctum, quorum remiseritis peccata, &c.* suscipitur actualis potestas absolvendi. Cæterum quia per prima verba confertur character ordinis, qui non confertur novus per alia verba, sed tantum augetur, aut extenditur juxta varias sententias, ideo potestas radicalis traditur per prima, & completur per secunda verba. Querimus modò, quando Christus hanc potestatem absolvendi dederit, sive quando præcipuè Sacramentum Pœnitentiæ instituerit.

SECTIO PRIMA.

*De tempore institutionis, & necessitate
Sacramenti Pœnitentiæ.*

§. I.

3. **A**SSERO primò: tunc præcipuè instituit Christus Dominus Sacramentum Pœnitentiæ, quando post resurrectionem suam dixit Apostolis Jo: 20. *Accipite Spiritum Sanctum, quorum remiseritis peccata, remittuntur eis, & quorum retinueritis, retenta sunt.* Conclusio est de fide, & constat ex Tridentino sess. 14. cap. 1. dicente: *Dominus autem Sacramentum Pœnitentiæ tunc præcipuè instituit, cum à mortuis excitatus insufflavisset in discipulos suos, dicens: Accipite Spiritum Sanctum, quorum remiseritis peccata, remittuntur eis, & quorum retinueritis, retenta sunt.* Quo tam insigni facto, & verbis tam perspicuis potestatem remittendi, & retinendi peccata, ad reconciliandos fideles post baptismum lapsos, Apostolis, & eorum legitimis successoribus fuisse comunicatam, universorum PP. consensus semper intellexit. Probatum facile pri-

primò ex dictis num. superiori . Tunc præcipuè instituit Christus Sacramentum Poenitentiae , quando non modò radicalem , sed completam quidem potestatem dedit Apostolis, ejusque successoribus absolvendi à peccatis : sed quamvis in nocte cœnæ dederit potestatem radicalem ; post resurrectionem suam dedit completam potestatem absolvendi à peccatis: ergo &c. Confirmatur: potestas, quam Apostoli, eorumque successores acceperunt à Christo ad absolvendum à peccatis, erat judicialis, adeoque , & Sacramentum Poenitentiae institutum fuit per modum judicii: sic enim acceperunt potestatem judicandi in terra , ut judicium ratum haberetur in Cælo , ut constat ex verbis Christi , & diximus cum SS. PP. num. 442. de virtute . Atqui nullum institui potest judicium , si nulla adsit potestas judicialis: ergo tunc præcipuè instituit Christus istud Sacramentum , quando post resurrectionem suam dedit Apostolis, eorumque successoribus Jo:20. eam potestatem judicialem .

4. Respondebis ex hæreticis : ex Christi verbis non inferri , Poenitentiam esse Sacramentum: quia ab antiquis Ecclesiæ PP. non ita

intellecta sunt, neque ab ipsis Pœnitentiæ Sacramentum vocatur. Contra tamen primò, quia hæc responsio magnam continet inscientiam, & SS.PP. ignorantiam; August. enim in expositione psal. 146. versum illum interpretans: *qui sanat contritos corde, & alligat contritiones eorum*: ita differit: *quæ sunt ista alligamenta, nisi temporalia Sacramenta*: & in exemplum adducit Eucharistiam, & manûs impositionem, quâ per presbyterum peccatores reconciliantur. Unde planè patet, ipsum loqui de Sacramêto propriè dicto. Item Greg. Nyss. in lib. de vita Moysis sic habet: *Moysem per lapidem inundare aquis eremum fecit: quæ res, quantum, qualeque sit Pœnitentiæ Sacramentum, docet*.

5. Contra secundò. PP. primorum Ecclesiæ sæculorum per exomologesim Sacramentum Pœnitentiæ intelligebant, sive signû sensibile remissivum peccati, vel, ut ipsi dicebant, extinctivum gehennæ: ergo falsò, & imprudenter asserunt hæretici, Patres primorum Ecclesiæ sæculorum non vocasse Sacramentum, Pœnitentiam à Christo institutam. Probat Antec: licèt nomine exomologesis aliquando à PP. comprehendatur contritio, confessio,

fessio, & simul satisfactio; aliquando sola sacramentalis confessio, nunquam tamen apud ipsos est hujus nominis significatum sine sacramentali confessione, sive signo sensibili gratiæ, aut extinctivo gehennæ, ut constat ex Tertul. qui floruit circa annum 200. Hic enim, lib. de pœn. agens de iis, qui à confessione ex pudore ac verecundia abhorrebant, ait: *Plerosque hoc opus, ut publicationem sui, aut suffugere, aut de die in diem differre præsumunt, pudoris magis memores, quàm salutis.* Et circa finem libri: *Si de exomologesi retractas, gehennam in corde considera, quam tibi exomologesis extinguit.* Tum & Origenes, qui floruit circa ann. Christi 224. hom. 2. in Levit. ait: *Est adhuc septima, & dura per pœnitentiam remissio peccatorum, cum non erubescit Sacerdoti Domini indicare peccatum suum, in quo impletur, & illud, quod Apostolus dicit: Si quis infirmatur, vocet presbyteros.* Quod etiam tradunt alii plurimi PP. infra citandi: ergo &c. Exinde.

6. Probatur secundò Conclusio contra omnes hæreses relatas num. 1. Signum sensibile collativum gratiæ à Christo Domino institutum est verum legis novę Sacramentum: atqui Christus Dominus eo cap. 20. Joannis insti-

instituit signum sensibile collativum gratiæ: ergo, & instituit verum legis novæ sacramentum; adeoque sacramentum pœnitentiæ est unum ex sacramentis verè à Christo Domino in lege nova institutis . Cons.tenet, & Ma: admittitur etiam ab hæreticis, cum sit ipsum constitutivum sacramenti ex num.14. de sacramentis. Mi: verò probatur . Potestas judicialis, quâ judex reum juridicè absolvit, non exercetur, nisi per signum sensibile manifestativum remissionis, vi cujus, & judex absolvit, & reus manet absolutus, ac proinde cùm Christus hanc conferebat potestatem, verissimè constituēbat signum illud sensibile: atqui signum illud sensibile erat collativum gratiæ, sive, quod idem est, remissivum peccati, cùm peccata nunquam à Deo nisi per gratiæ infusionem remittantur: ergo &c. Confirmatur: verba Christi, utpotè sapientissimi Legislatoris, accipienda sunt in sensu proprio, quando nulla ratio in contrarium cogit, ut & ipsi hæretici fatentur ex Aug. citato n.443. de virtute: atqui sensus propositus istorum verborum Christi significat signum sensibile à Christo institutum, quo Apostoli, eorumque successores per hanc potestatem verè peccata

ta

ta remittant, adeoque, & sunt verè constituti-
va sacramenti poenitentiae, prout à Romana
Ecclesia traditur, ergo &c. Mirum est in quor,
& quantos dicendi modos argumenta ista he-
resiarcaſ diviserint.

7. Respondent primò Montanistæ, &
Novatiani: per illa verba non conferri pote-
statem Ecclesiae ministris ad remittenda pec-
cata, cum solus Deus peccata remittat. Ra-
tio eorum est, quia nunquam ab Eccle-
sia Dei, aut SS. PP. in sensu nostro intellecta
fuerunt ea verba. Cæterum ex dictis facile ap-
paret, quàm debilis sit ista responsio, & quàm
ingens mendacium contineat. Quapropter
contra primò: licet Deus sit causa principalis
peccatorum remissiva, & sacerdotes hoc sacra-
mentum conficientes sint causa minus princi-
palis, utpote non suo, sed nomine Christi, & ut
Christi ministri operantes; attamen per pote-
statem à Christo acceptam verè peccata re mit-
tunt: non enim dicit Christus: *accipite Spiritum
Sanctum, quorum remisero peccata, sed quorum
peccata remiseritis*; ergo &c. Contra secundò: ex
istis verbis inferunt SS. PP. peccata declaran-
da esse Ecclesiae ministris, ut ea remittant, ne
claves Ecclesiae Dei ipsis frustra collatae sint.

Sic

Sic Aug. lib. 50. homiliarum hom. 49. *Agite pœnitentiam, qualis agitur in Ecclesia: nemo dicat sibi, occultè ago, apud Deum ago, novit Deus, qui mihi ignoscit, quia in corde ago: ergo sine causa dictum est: quæ solveritis in terra, soluta erant in Cælo? ergo sine causa sunt claves datæ Ecclesie Dei? frustramus Evangelium Dei, frustramus verba Christi? ergo &c.*

8. Respondent secundò Andiani, & Messaliani: Christum per ea verba non instituisse sacramentum, quale ministratur in Ecclesia Dei, cum non dederit potestatem, ut pœnitentibus imponerentur pœnitentiæ, & satisfactiones, uti imponuntur, sed solùm ad purè remittenda peccata. Contra tamen primò: Per illa verba dedit Christus Apostolis potestatem judicalem; ut constat ex SS. PP. cit. num. 3. sive potestatem clavium, ut constat ex ipsis verbis Christi, & expressè habet Aug. cit. num. superiori: atqui Judex non solùm habet potestatem ad peccata utcumque remittenda, sed etiam ad imponendam mulctam, & satisfactionem: ergo per eam potestatem à Christo collatam, acceperunt Apostoli, & Ecclesiæ ministri potestatem ad imponendam mulctam, & satisfactionem. Con-

tra

tra secundò , quia ejusmodi potestas adeò clarè includitur in ea potestate judiciali à Christo Domino collata, ut nullum sit Ecclesiæ catholicæ œcumenicum Concilium, quod eam non definierit, quoties sese obtulit occasio . Sic Laodicenum circiter quartum sæculum Can.2. dixit. *His, qui diversarum peccatorum lapsus incurrunt, & instant orationi, confessioni, & pœnitentiæ, pro qualitate peccati tempus pœnitentiæ tribuendum est* : ergo &c. Vide alia plura Conc.à num.12.

9: Respondent tertiò Wicleffus, & Eras-
mus; confessionem (qualem docet Ecclesia
Romana) non esse sacramentalem: Ratio eo-
rum est , quia non est de jure divino , sed de
Summi Pontificis institutione . Contra tamen
primò, quia tale ingens mendacium ab hære-
ticis solùm potuit confingi: Pontifex enim,
aut Ecclesia nequit sacramenta instituere, ne-
que circa substantiã aliquid immutare, ut Ec-
clesia Dei semper constantissimè tenuit , &
docet Trid. sess.21. cap.2. ut diximus num.59.
de sacram. neque dare valet potestatem ho-
mini ad remittenda peccata, quam Christus
non dederit. Christus autem eam dare potuit,
& dedit, ut constat ex num.3. ergo confessio
sa-

sacramentalis, qualis fit in Ecclesia Dei, non quidem à Romano Pontifice, sed à Christo Domino habet institutionem. Cōtra secundò: Confessio sacramentalis, qualis fit in Ecclesia Dei, ab eo habet institutionem, à quo Ecclesia habet potestatem clavium: atqui Ecclesia non habet potestatem clavium à Summo Pontifice, sed à Christo Domino, aliter qui virtute sua frustraret potestatem clavium non frustraret verba Christi, sed verba Pontificis contra expressam Augustini doctrinam traditam num. 7. ergo. Contra tertio, quia nullus est assignabilis Romanus Pontifex, neque ipsius verba, ex quibus, vel apparenter confingi possit sacramentalis confessionis institutio: assignantur autem, & clarissimè Jo: 20. verba Christi Domini, ex quibus habetur talis institutio: ergo &c.

10. Respondent quartò Lutherus, & Calvinus: confessionem, qualem docet Ecclesia Romana, non esse à Christo institutā, quia Christus, inquit Lutherus, non exegit, quod singula peccata sacerdotibus manifestarentur, sive quia, ut inquit Calvinus, talem confessionem non præcepit, sed liberam facultatem fidelibus reliquit, ut qui sua peccata le-

tha-

thalia vellent confiteri, possent; qui autem nollent, possent etiam licite confessionem peccatorum suorum, aut omnium, aut aliquorum pro libito omittere: ad eum modum, quo instituit ordinem, & matrimonium, ut possent, qui vellent ea sacramenta suscipere: qui autem nollent, possent licite illa omittere. Contra tamen, quia hæc responsio solum tradi potest ex spiritu hæreticali, & malitia se perdendi, aliosque decipiendi, cum manifestè pugnet contra veritatem Scripturæ, Conciliorum, & PP. juxta communem totius universalis, & antiquæ Ecclesiæ intelligentiam: ergo &c. Cæterum ut hoc meridianâ luce clariùs appareat.

§. II.

II. Afferro secundò contra Lutherum, & Calvinum: jure divino obligantur fideles ad poenitentiam sacramentalem. Probatur primò ex Scriptura. Licet enim privati possint componere lites, quas habent cum aliis privatis, quin recurrere velint ad judices à principe constitutos, attamen lites, quas habent cum principe, non possunt componere, nolendo recurrere ad judices constitutos à principe ad tales lites componendas, modo, quo princeps recur-

recurso exigat, sive in re, sive in voto: atqui sacerdotes constituti sunt à Deo iudices ad solvendum, vel ligandum peccata, quibus homines rei sunt apud Deum, ut constat à n. 3. ita ut nunquam Deus velit fidelium peccata remittere sine recurso vel in re, vel in voto ad eos iudices: ergo &c. Probatur Mi: ex una parte Deus justificationem promisit verè contritis, sive Deum super omnia diligentibus ex num. 350. de virtute; ex altera verò parte voluit omnia peccata ad iudices ab ipso constitutos deferri ex num. 3. adeoque qui per contritionem justificatur, obligatus manet ad subiicienda iis iudicibus ea peccata, sicque contritio dicitur votum pœnitentiæ; sed in hoc stat doctrinâ Ecclesiæ catholicæ, quod peccata non remittantur sine pœnitentiâ vel in re vel in voto; adeoque, & quod fideles obligati sint ad sacramentum pœnitentiæ modo dicto: ergo &c. Confirm. ex Basilio, qui floruit circa ann. 360. in regulis brevioribus reg. 228. dicente: *necessariò iis peccata aperiri debent, quibus credita est dispensatio regni cœlestis*; tum ex Ambr. qui floruit circa annum 364. lib. 2. de pœn. cap. 6. dicente: *Si vis justificari, fateri delictum tuum: solvit enim cri-*

mi-

minum nexus verecunda confessio peccatorum:

Quod autem Ambrosius confessiones sacramentales audire solitus fuerit, habetur in ejus vita scripta à Paulino his verbis: *Quotiescumq; illi aliquis ob percipiendam pœnitentiam lapsus suos confessus fuisset, ita flebat, ut illum flere compelleret:* ergo ex SS. PP. primorum sæculorum, juxta Scripturæ doctrinam, fidelis, qui vult justificari, obligationem habet confitendi; adeoque sine sacramento pœnitentiæ, vel in re, vel in voto non obtinetur justificatio. Vide Sozomenum num. 15.

12. Probatur secundò: Institutio divina sacramentalis confessionis nunquam fuit ab Apostolis prædicata, ut libera, neque ab Ecclesia Dei fuit unquam, ut libera reputata, sed ut necessaria pro fidelibus, qui habent peccata mortalia. Sic in Concilio Carthaginensi III. ante 1100. annos, Can. 31. præcipitur Episcopis: *ut pœnitentibus secundum peccatorum differentiam, Episcopi arbitrio, pœnitentiæ tempora decernantur:* eo enim tempore non conferebatur jurisdictio presbyteris, nisi absente Episcopo, & urgente necessitate, ut habet ibi Can. 32. *Ut presbyter inconsulto Episcopo non reconciliet pœnitentem, nisi ab-*
De Pœnit. Pars II. B sen-

sente Episcopo, & necessitate cogente. Unde ibi clarè agitur de potestate ministri ad pœnitentiam determinandam; de libertate autem pœnitentis ad confitendum, vel non confitendum sua peccata, nulla fit mentio; sed omnino supponitur ex vi pœnitentię obligatio, ita ut Concilium Cabilonense primum circa annum 800. Can. 32. increpet eos, qui non plenè confitentur peccata sua sacerdotibus, simulque præcipiat, ut solerti indagatione omnia peccata ex fragilitate animæ, & corporis commissa inquirantur: atqui si fideles non tenerentur confiteri peccata sua, nulla illis esset obligatio ad eò accuratè examinandi, & inquirendi sua peccata, ut ea confiterentur, neque esset potestas in ministris ad obligandum ad talem accuratam confessionem, & ad suscipiendam pœnitentiam pro eorum peccatis: ergo &c.

13. Probatur tertio: Et explicatur ulteriùs hæc ratio fundamentalis: obligatio, quam ex vi hujus sacramenti institutionis habent fideles, optimè colligitur ex constanti, & immemorabili totius Ecclesię usu: sed ex illo peccatores fideles accedunt ad hoc sacramentum ex obligatione, & alligatione à Christo

im-

imposita : ergo &c. Probat^{ur} Mi: Ab initio Ecclesiæ, per singula antiqua sæcula, constat, peccatores fideles accessisse ad hoc sacramentum; nullibi autem fit vel minima mentio de eo, quod obligati non essent ad confessionem; imò contrarium constat: ex Oecumenicis antiquis Conciliis, obligationem hanc supponentibus, eamque ad nos, tamquam fide certam, transmittentibus ex Laodiceno cit. nu. 8. ex sexta Syn. sive Trullanâ cit. n. 442. de virt. omnibusque aliis Ecclesiæ Græcæ Conciliis, ut ex eo manifestè patet; quod in Concilio Florentino, ubi plura capita à PP. Latinis contra Græcos objecta fuere, nulla circa hanc obligationem lis oborta fuerit inter Ecclesiam Græcam, & Latinam Quinimò Hieremias Patriarcha Constantinopolitanus in censura confessionis Augustanæ cap. 11. increpavit Lutheranos dicentes, non esse necessarium omnia peccata per singulas species confiteri, adeoque Ecclesia Orientalis semper ab initio eam obligationem agnovit. Pariter Ecclesia Occidentalis, ut constat ex Conc. III. Carthag. cit. nu. superiori, ex Turonensi circa ann. 800. ex Moguntino sub Rabano Archiepiscopo, & Wormacensi eodem sæculq

congregatis, ideique præscribant generalia Concilia, Lateranense sub Innocentio III. capit. 21. anno 1225. Costantiense sess. 8. Florentinum in decreto Eugenii IV. & Trid. sess. 14. sed obligatio, quæ ab universa Ecclesia agnoscitur jure divino recepta, quamque Concilia provincialia supponunt, & generalia Concilia definiunt, ut divino jure præcepta, talis est, ut non sit liberum fidelibus eam pro libito suoadimplere, vel non adimplere: ergo &c.

14. Respondebis ex Calvino: pœnitentiam esse verum sacramentum; sive signum sensibile collativum gratiæ, aut remissivum peccati; cæterum non distingui à baptismo, sed esse ipsum baptisma solâ apprehensione, fide, & memoriâ repetitum. Contra tamen primò. Si sacramentum pœnitentiæ esset ipsum sacramentum baptismi, solâ memoriâ, fide, & apprehensione repetitum, sicut adulti non tenentur fateri peccata sua ad suscipiendum baptismum, ita neque tenerentur confiteri ad suscipiendum sacramentum pœnitentiæ, sed hoc expressè est contra scripturam, & SS. PP. citatos nu. 11. ergo &c. Contra secundò: Christus dedit Apostolis, ejusque successoribus

bus potestatem retinendi peccata, ut constat ex scriptura, & PP. à num. 3. atqui non dedisset potestatem ad retinenda peccata, si sacramentum poenitentiae esset ipsum sacramentum baptismi solâ apprehensione, fide & memoriâ repetitum, cum non dederit eis potestatem, quâ facerent, ut baptizati, vel non essent baptizati, vel non haberent apprehensionem, fidem, & memoriam, ut crederent, ipsis per baptismum remissa fuisse peccata: ergo &c. Contra tertio: Nulla ratio patitur, ut Deus facilius ignoscat iis, qui scienter post fidem, & baptismum peccarunt, quàm iis, qui antequam essent domestici fidei, deliquerunt: atqui ex data responsione id fieret, cum facilius sit cogitare de baptismo, quàm illum suscipere: ergo &c.

15. Contra quartò: Quia SS. PP. de baptismo, & de poenitentia, ut de sacramentis omninò diversis loquuntur: Sic Chrysostomus lib. 3. de sacerdotio: *Non solum sacerdotes regenerant, sed etiam condonandorum peccatorum obtinent potestatem.* Cyrillus Alexan. lib. 12. in Jo: cap. 56. *Duobus modis Dei spiritu pleni, vel afflati homines, peccata remittunt, ac retinent, vel cum dignos admittunt ad baptismum, ac in-*



B

3

di-

dignos excludunt, vel cùm filios Ecclesiæ peccantes corripunt, ac pœnitentibus ignoscunt. Item Ambr. lib. 1. de pœn. cap. 7. de potestate remittendi peccata, dicens: non interest utrum per pœnitentiam, an per lavacrum hoc jus sibi datum vendicent sacerdotes: idem in utroque mysterio est. Sozomenus lib. 7. hist. cap. 16. Pœnitentibus, quamvis frequenter deliquissent, veniam dare, Deus jussit, & ad impetrandam veniam confiteri peccata necesse est: ergo &c. Exinde Trid. sess. 14. cap. 2 definit, sacramentum pœnitentiæ distingui à sacramento baptismi ratione materiæ, & formæ, quæ in utroque diversæ sunt, & ratione fructûs, qui in baptismo est regeneratio, adeoque, & plena peccatorum remissio, quo ad culpam, & pœnam, ad quem fructum per pœnitentiam, sine magnis nostris fletibus, & laboribus, divina id exigente justitia, pervenire nequaquam possumus, ut meritò quidem pœnitentia laboriosus quidam baptismus à SS. PP. dictus fuerit: est autem hoc sacramentum pœnitentiæ lapsis post baptismum ad salutem necessarium, ut nondum regeneratis ipse baptismus: Ex quo, & catholica veritas definita, & anathematizati manent errores hæreticorum.

§. III.

16. Affero tertio: non solùm obligantur fideles ad confessionem sacramentalem utcumque faciendam, sed etiam ad omnia, & singula peccata à tempore baptismi commissa in confessione explicanda. Probatur primò ex sacra Scriptura; ex qua universalis Ecclesia, omnia, & singula lethalia clavibus subjicienda esse cognovit: etenim Act. 19. dicitur: *multi credentium veniebant confitentes, & annunciantes actus suos*: ibi enim agitur de fidelibus, qui dicebantur credentes: sed isti confitebantur peccata sua in particulari, quæ Lucas vocat actus suos, non quidem soli Deo, sed Paulo ministro Christi instituto, ad quem accedebant: ergo &c. Confirmatur primò ex Paulo 2. ad Cor. 5. de se, aliisque hujus sacramenti ministris dicente: *Dedit nobis ministerium reconciliationis, & posuit in nobis verbum reconciliationis: pro Christo ergo legatione fungimur*: ubi adeò clarè loquitur de potestate clavium, ut neque ipse Calvinus negare audeat lib. 1. instit. cap. 1. atqui legatis à Rege missis non licet pro arbitrio suo inauditos absolvere, sed oportet, ut peccata agnoscant,

salutaremque imponant satisfactionem juxta regis præscriptum; ad cujus præscripti adimpletionem, ut ex num. superiori constat, opus est in nostro casu, ut pœnitentes de singulis peccatis se accusent: ergo &c.

17. Confirmatur secundò ex primâ Jo: 1. *Si confiteamur peccata nostra, fidelis est, & justus, ut remittat nobis peccata nostra*: ibi enim non agitur de confessione soli Deo facta, sed ipsius ministris, ut indicant illa verba *fidelis, & justus*, quæ referuntur ad promissionem Christi suis ministris factam Jo: 20. neque agitur de confessione peccatorum in cõmuni, sed in particulari, aliter non diceret: si confiteamur peccata nostra, sed si confiteamur, nos esse peccatores: ergo &c. Confirmatur tertio ex Jacobi 5. *Confitemini alterutrum peccata vestra*: ibi enim agit de confessione juxta doctrinam scripturæ, ut optimè notavit Beda in expositione hujus loci, Hugo à S. Victore lib. 2. de sacr. pag. 14. cap. 1. quasi diceretur: *O vos, qui absolutione indigetis, confitemini illis, qui potestatem habent absolvendi*: atqui confessio juxta doctrinam scripturæ debet esse de singulis peccatis: ergo &c. Quapropter locum istum intelligunt de confessione sacerdotibus

fa-

facienda ex secundo sæculo Origenes hom. 2. in Levit. ex quarto sæculo Chrysoſtomus lib. 6. de ſacerdotio, & Auguſt. lib. 50. homil. hom. 12. ex quo hanc veritatem Concluſionis noſtræ definierunt Concilia generalia citata num. 13.

18. Probatur ſecundò Concluſio à primis Eccleſiæ ſæculis ex SS. PP. quos admittunt hæretici: Ireneus enim Apoſtolorum diſcipulus, qui floruit circa ann. Dom. 160. lib. 1. cap. 9. loquens de quibuſdam foeminis, quas Marcus hæreticus circumvenerat, ait: *Hæ ſæpiſſimè converſæ ad Eccleſiam Dei, confeſſæ ſunt, ibiq; de una ex illis addit: cùm magno labore eam fratres convertiſſent, omne tempus exomologeſi conſumavit plangens*. Idem in ſecundo ſæculo docent Tertull. & Origenes num. 5. citati. Sic etiam Cyprianus, qui floruit circa ann. 226. ſer. 5. de lapſis ait: *Denique quantò, & fide majore, & timore meliore ſunt, qui quamvis nullo ſacrificii, aut libelli facinore obſtricti, quia tamen de hoc, vel cogitaverunt hoc ipſum, apud ſacerdotem Dei dolenter, & ſimpliciter conſitentes, exomologeſim faciunt*. Idem docet in tertio ſæculo Lactantiùs lib. 4. divinarum inſtitut. cap. 17. & Baſilius cit. num. 11.

De-

Denique in quarto sæculo Chrysostomus homil. 13. in Gen. Hieron. ad cap. 16. Matth. & August. cit. num. 4. & 7. qui homil. 12. ejus libri docet, confessionem peccatorum à Deo esse præceptam, quam explicat Sanctus Petrus Damian. ser. de S. Andrea dicens: *Quartus gradus est confessio oris, hæc purè facienda est, quia non est pars peccatorum dicenda, & altera retinenda*, ubi loquens de confessario hæc habet: *Videat ne unquam de his, quæ de signaculo confessionis accepit, aliquam faciat mentionem*: ergo ante Concilia, & decreta Pontificum usus confessionis singulorum peccatorum ex præcepto, & jure divino agnitus est in Ecclesia, adeoque non fuit humano jure introductus. Vide alia SS. PP. testimonia apud Bellarm. toto lib. 1. de pœnitentia.

S E C T I O II.

Illationes doctrinæ moralis.

§. I.

19. **F**IT primò contra Lutherum, & Calvinum: verba absolutionis sacramentalis

lis non esse concionatoria ad excitandam fidem poenitentis, quâ ipsi peccata remittantur, sed esse verè judicialia, & peccatorum remissiva: Ratio est, quia Christus non instituit hoc sacramentum, ut poenitens sibi peccata remittat, sed ut sacerdos ea verè remittat, quando conficit istud sacramentum, ut manifestè constat ex ipsis Christi verbis num. 3. 11. & 14. Neque Christus instituit actum fidei in sacramentum, sed contritionem, confessionem, & satisfactionem, ut infra dicemus, & constat ex num. 110. de sacram. vide ibi à num. 63. Fit secundò: ex jure divino teneri omnes fideles baptizatos, postquam rationis usum attigerint, confiteri omnia sua peccata mortalia post baptismum, aut in susceptione Baptismi commissa: Ratio est, quia hoc sacramentum institutum est ad remissionem peccatorum mortalium, quæ ab homine Christiano committuntur, ut deferantur ad judices à Christo institutos, ut constat à nu. 11. atqui homo, & post baptismum, & in instanti baptismi jam est Christianus: ergo jure divino tenetur confiteri omnia sua peccata mortalia, vel post baptismum, vel in instanti baptismi commissa. Quapropter
cùm

cùm Trid. dicit. ſeſſ. 14. cap. 5. *Hoc ſacramentum eſſe neceſſarium lapſis poſt baptiſmum*, ly *poſt* intelligitur negativè, ſicuti quando dicimus, hominem non eſſe capacem peccandi, niſi poſt uſum rationis, ly *poſt* ſumitur negativè, negando tempus præcedens ad uſum rationis: cum etiam in ipſo instanti uſus rationis ſit capax peccandi ex num. 39. de baptiſmo.

20. Fit terriò: ex jure divino teneri per ſe fideles ad conſitenda peccata ſua mortalia, ſaltem in articulo mortis: Ratio eſt, quia præceptum divinum confeſſionis per ſe aliquando obligat; ſi autem aliquando, maximè in articulo mortis. Per articulum, aut periculum mortis intelligitur, nedùm gravis morbus, ſed & navigatio periculofa, vel proelium, aut quæcumque alia occaſio, in qua moraliter mors imminet. Ratione hujus præcepti Pius V. ann. 1566. renovavit prohibitionem latam in cap. *Cùm infirmitas*, de pœnitentiis, & remiſſionibus factam medicis, ne curarent infirmos, quin monuerint eos priùs de confeſſione facienda, ibique addit Pius V. ne medici ultra tertium diem viſitent ægrotum, niſi de illius cōfeſſione ſibi conſtet per fidem

con-

confessarii in scriptis datam, & ut ante gradum doctoratûs exigatur ab iis juramentum hanc consuetudinem servandi, quod ita fit. Hoc autem non de omni ægritudine; sed de morbo gravi, vel de quo prudenter judicat medicus in principio, periculum morale esse, ne grave fiat, intelligendum esse, censet communis sententia Theologorum.

21. Circa hoc autem præceptum Exim. Doctor disp. 35. sect. 3. num. 5. hæc valdè notanda habet: Secundò est notandum hoc auctores docere, satisfacere medicum huic obligationi, admonendo, & inducendo infirmum, non tamen teneri illum deferere, si confiteri nolit, quia hoc videtur repugnare charitati, quod quidem juxta antiquum jus non habet difficultatem. Tamen Pius V. videtur amplius præcipere, & hanc imponere veluti justam pœnam ei, qui in illo articulo confiteri non vult. Quia tamen videtur hæc lex sic exposita valdè rigida (hoc enim modo constituitur proximus in gravi periculo corporis, & animæ) ideò videtur lenienda: nam si non immineat probabile periculum, potest, & fortè debet medicus abstinere à curatione ejus, si nolit hanc legem observare; si tamen probabi-

babile mortis periculum ſit, ſi illum deferat, & tamen æger pertinax ſit, non credo teneri, nec debere medicum illum deferere, quia non credo, hanc fuiſſe mentem Papæ, neque legem cum hoc rigore receptam eſſe. Tertiò addit Cajetanus, & alii, ſatisfacere medicum, ſi admoneat infirmum, vel per ſe, vel per eos, qui ejus curam gerunt, ſi ſint fide digni, & timorati, & hanc credo eſſe communẽ conſuetudinem, juxta quam jam non ſervatur, ut medicus exigat fidem confeſſarii in ſcriptis. Unde juxta hanc conſuetudinem erit interpretandum juramentum ſervandi hanc legem, ſcilicet prout uſu recepta eſt, & obligat: cùm enim hæc lex poſitiva ſit, non eſt dubium, quin in totum, vel in partem potuerit conſuetudine abrogari, ut Cajet. & alii dicunt.

22. Eodem præcepto divino mulier, quæ primâ vice paritura eſt, aut quæ jam peperit cum periculo vitæ, tenetur ad confeſſionem; ſicuti & condemnatus ad mortem, & ægrotus, qui in diuturno morbi periculo peccavit poſt confeſſionem factam: licet enim non teneatur de novo Euchariftiam ſumere, quam antea ſumpſit (quia non eſt medium ad ſalu-

lutem absolutè necessarium) tenetur autem confiteri iterum. An autem extra periculum mortis, & independēter ab Ecclesiæ determinatione teneatur aliquis per se de jure divino confiteri peccata? negant D. Thom. & Scotus in quartum dist. 17. art. 4. Alii verò probabilius cum Bonav. sentiunt, quod si Ecclesia non determinasset præceptum confessionis ad singulos annos, non exinde differri posset usque ad mortem, sed debere adimpleri intra tempus, quod juxtà prudentum judicium destinandum esset; ne longa appareret mora, omissio adimpletionis talis præcepti: sic ante ullam determinationem Ecclesiæ, præceptum diligendi Deum super omnia ita obligat, ut non possit ultra quinquennium differri ex Innoc. XI. num. 284. de virt. sed de his latius in disp. de præcepto poen.

23. Fit quartò: præceptum divinum de confessione aliquando etiam per accidens obligare, nimirum quando aliquis intendit id, ad quod jure divino necessaria est confessio. Sic qui conscius peccati mortalis Eucharistiam sumere intendit, tenetur jure divino ad confessionem, pro eo quidem casu, dum adest copia confessarii, non sufficit contritio; Concil.

cil.enim Trid.fefs.13. cap.7. definit, hanc necessitatem confessionis esse de jure divino ex verbis Apostoli 1. Cor. 11. dicentis : *Probet autem se ipsum homo , & sic de pane illo edat , ut* constat ex num. 368. de virtute. Ad susceptionem autem aliorum sacramentorum vivorum non requiritur confessio, sed sufficit perfecta contritio , cum nullum sit præceptum divinum, aut ecclesiasticum de confessione pro eo casu . Unde Trid. sess. 24. cap. 1. de reform. matrimonii hortatur quidem conjuges , ut confiteantur peccata , antequam contrahant, non tamen præcipit . Quod si urgente necessitate sacerdos absque confessione celebraverit cum sola contritione, tenetur post celebrationem, quamprimum confiteri, idest primam, quæ haberi possit, copia confessarii . Hoc autem præceptum non est divinum, sed tantum ecclesiasticum latum in Concil. Trident. ea fefs. 13. cap. 7.

24. Quapropter laici , qui accesserunt ad altare sumpturi Eucharistiam , & recordantur alicujus peccati mortalis , quod ob scandalum non possunt confiteri ante communionem, non tenentur post illam citius confiteri peccatum , quia Concilium obligat tantum

tùm sacerdotes; & leges rigorosè extendi non debent. Cæterùm quia præceptum confitendi ad suscipiendam Eucharistiam ordinatur ad dignam Eucharistiæ sumptionem, adeoque ad unum actum virtutis perfectè constituendum; exindè qui sine confessione indignè accederet ad Eucharistiam, quando aliundè non teneretur confiteri, non committeret duo peccata, unum nempe contra præceptum confessionis, & alterum contra præceptum suscipiendi dignè Eucharistiam, sed unum tantùm peccatum committeret: sicut & ille, qui non jejunos Eucharistiam susciperet; ut habet communis sententia cum Exim. Doctore. Ratio est, quia transgressio præceptorum, quæ ad unum eundem finem tendunt, est unum solùm peccatum: Sic quando aliquis in die vigiliæ simul, & Quadragesimæ jejunium frangit, non committit duo, sed unum peccatum, cùm duo illa præcepta tendant ad eundem finem macerationis corporis.

25. Si verò præcepta ad diversum finem tendant, tunc peccata diversa sunt: sic qui die Quadragesimæ vovet jejunium, illudque frangit, duo peccata committit; unum qui-

De Pœnit. Pars II.

C

dèm

dèm contra jejunium, sive honestatem maccrationis corporis, ad quod tendit Ecclesiæ præceptum; alterum verò contra religionem, ad quod respicit vótum. Sic enim præcepta annuæ confessionis, & annuæ communionis, cùm respiciant diversos fines, ut constabit à num. 31. per eorum transgressionem committuntur duo peccata. Unde qui excusatus est à cōmunionem, non exinde manet deobligatus à confessione. Quapropter pueri, qui mortaliter peccavere, tenentur ad confessionem; quamvis non teneantur adhuc eo tempore ad communionem. Qua de causa Trid. sess. 14. can. 8. anathematizat eos, qui dixerint, ad confessionem sacramentalem, *non teneri omnes, & singulos utriusq; sexus Christi fideles juxta magni Concilii Lateranensis constitutionem semel in anno*: ubi loquitur indepēdenter à præcepto Eucharistiæ; cujus nulla ibi fit mentio. Neque adimplentur hæc præcepta per confessionē, & cōmunionem sacrilegas. Qua de causa Alex. VII. damnavit 14. proposit. quæ sic habebat: *Qui facit confessionem voluntariè nullam, satisfacit præcepto Ecclesiæ*. Et Inn. XI. damnavit 55. quæ sic habebat: *Præcepto communionis annuæ satisfit per sacrilegam domini manducationem*.

§. II.

26. Fit quintò cum communi Doctorum: Ecclesiam habere à Christo Domino potestatem determinandi tempus, pro quo obliget divinum præceptum de confessione ante articulum mortis . Ratio est , quia Ecclesia habet potestatem judicandi de peccatis, ut constat à nu.3. ergo habet potestatem determinandi tempus, in quo fieri debeat tale iudicium: cum tale tempus expressè à Christo Domino determinatum non sit: Ea; de causa semper visum est, factam esse ab Ecclesia talè determinationem; ideoque sentiunt gravissimi Doct. contingere nō posse, quod hoc aliquandò Ecclesia non determinet: nam esset intolerabilis error. Olim ter in anno obligabātur fideles ad confessionem, ut constat ex Fabiano Papa cap. *Et si non frequentius* &c. De consec. dist. 2. & ex Conc. Turon. 3. cap. 50. Postea verò ad confessionem faciendam saltem semel in anno imposita fuit obligatio per Concil. Lateranense, ut habetur in cap. *Omnis utriusque sexus de pœnitentiis, & remissionibus*, sub his verbis: *Omnis utriusque sexus fidelis postquam ad annos discretionis pervenerit, omnia sua solus*

peccata saltem semel in anno fideliter confiteatur proprio sacerdoti, & injunctam sibi pœnitentiam propriis viribus studeat adimplere, suscipiēs reverentè ad minus in Paschate Eucharistię Sacramentum. Quapropter obligatio ad confessionē oritur ex præcepto divino: determinatio verò ad confessionem intrà annum oritur ex præcepto ecclesiastico, quod satis expressè tradit Trid. sess. 14. cap. 5. per hæc verba: *Neque enim per Lateranense Concilium Ecclesia statuit, ut Christi fideles confiterentur, quod jure divino necessarium, & institutum esse intellexerat; sed ut præceptum confessionis saltem semel in anno ab omnibus, & singulis, cùm ad annos discretionis pervenissent, impleretur.* Quod autem hoc ecclesiasticum statutum non sit pura exhortatio, sed præceptum obligans sub mortali, constat ex pœna gravissima, quæ ferenda statuitur contra ejus transgressores, ejectio scilicet ab Ecclesia; & carentia ecclesiasticæ sepulturæ: Tùm ex Can. 8. Trid. cit. num. superiori. Quinimò in pluribus diœcesibus insuper est apposita pœna excommunicationis, quæ omnia manifestè demonstrant præceptum, quod agnoscit Ecclesia obligans sub mortali.

27. Fit sextò: decisionem illius dubii,
quod

quod Scotus, Richardus, & Navarrus latè promovent : an scilicèt Summus Pontifex obligetur hoc præcepto annuæ confessionis : pendere à principiis, quæ unusquisque jacet in materia de legibus. Communis nostrorum cū Exim. Doctore sententia est, quod quando Legislator fert legem, eademque est ratio in actu præcepto pro ipso, & pro aliis, obligatur ad servandas hujusmodi leges à se latas, quoad vim directivam, non quoad coactivam. Ratio est, quia ipsum dictamen rationis naturalis postulat, ut caput confirmetur corpori suo: unde veluti sub hac conditione intelligitur princeps accepisse potestatem ferendi leges : ex quo principio fit, non obligari Pontificem quoad vim coactivam ad observantiam hujus præcepti, cū sit supremus Legislator, & supra ipsa Concilia generalia ferentia legem ; obligari tamen quoad vim directivam, cū ratio, propter quam lata est lex, non minùs reperiatur in ipso, quàm in aliis orbis Christiani membris, ut rectè notavit Covarruvias, alios referens in Cap. Alma mater par. i. cap. i. §. 5.

28. Fit septimò cum communi contra Alensem, & alios : præceptum annuæ con-

fessionis non obligare per se eos, qui non peccavere mortaliter, solùmque habent venialia; sed solùm obligare habentes mortalia, quæ debent confiteri, & intra annum nondùm ritè de illis confessi sunt. Ratio est, quia ut definit Tridentinum cit. num. 26. hoc præceptum nullam obligationem imponit, quæ non esset divino præcepto mandata, præter temporis determinationem: atqui ex præcepto divino non tenentur confiteri, qui solùm habent venialia, sed solùm, qui habent mortalia, quæ nondùm ritè confessi sunt: ergo &c. Ex qua doctrina inferunt plures Theologi: sufficere sacramentum validum, & informe, non solùm ad non transgrediendum, sed etiam ad implendum præceptum. Verùm, ut infrà dicemus, nullum est sacramentum pœnitentiæ validum, quod non sit fructuosum, adeoque præceptum nunquam adimpletur, nisi per sacramentum validum, & formatum. Meliùs inferunt ex hoc principio Card. de Lugo disp. 15. sect. 8. à num. 164. Arriaga disput. 52. sect. 8. à num. 55. & communiter Recentiores, illum, qui hoc anno semèl confessus est de mortalibus, quæ post diligens examen memoriæ occurrebant, non teneri intra-

eun-

eundem annum ampliùs confiteri, licèt denudò peccet mortaliter, immò licèt aliquorum oblitus esset inculpabiliter: nam Ecclesia solū præcipit confessionem semel in anno, ad quam tenemur ex præcepto divino, ut ait Trid. quod sess. 14. cap. 5. ita explicat præceptum divinum, ut teneatur homo confiteri omnia peccata, quæ examine diligenti præmissio memoriæ occurrunt; atqui per primam confessionem totum hoc præstitum est isto anno: ergo ille ex vi præcepti annuæ confessionis per se non tenetur ad aliam confessionem intra eundem annum.

29. Quando verò aliquis non confessus esset omnia lethalia, quæ memoriæ occurrebant, sed ob justas causas reticuit aliqua, v.g. vel quia timebat fractionem sigilli, vel quia habens lethalia reservata, & non reservata, & ad tollendum scandalum debebat celebrare, nec habebat confessarium potentem absolvere à reservatis; ideoque ea reticuit, & alia dixit, vel ob alios similes casus juxta varias sententias, tunc enim licèt sacramentum fuerit validum, & formatum, videtur probabilius, quod contra Scotum, & Cordub. docet Arriaga, nempe teneri illum ad confitenda ea.

peccata, ſi poſſit, intra eundem annum. Ratio eſt, quia licet ille non trangreſſus fuerit divinum præceptum de confeſſione, tacendo ob juſtas cauſas ea peccata, quæ memoriæ occurrebant, nō tamen videtur adimpleviſſe divinum præceptum, prout traditur à Trident. num. ſuperiori: ergo tenetur ad confeſſionem eorum peccatorum, quā præceptum adimpleatur. Addit Card. de Lugo aliam rationem pro caſu reſervatorum, nempè quod ille non eſſet proprius ſacerdos pœnitentis; confeſſio autē adimpletiva præcepti debet fieri proprio ſacerdoti, ut expreſſè habet Lateran. citat. num. 26. Pariter, qui intra annum confeſſus fuiſſet ſæpè ſola venialia, & poſtea mortalia committeret, teneretur ad confeſſionem de mortalibus eo anno: Ratio eſt, quia ex numero ſuperiori divinum præceptum non obligat ad confeſſionem venialium, ſed ad confeſſionem mortalium. Præceptum autem eccleſiaſticum annuæ confeſſionis eſt determinatio temporis, quo adimpleri debet præceptum divinum, ut conſtat ex num. 26. ergo &c. Quid autem dicendum de illo, qui toto anno noluit confiteri, utrū inchoato novo anno teneatur quàmprimū confite-

fiteri, resolvemus à numero trigésimo quinto.

30. Cæterùm quamvis hæc, quæ hucusque diximus ita se habeant, si loquamur de obligatione per se ex præcepto annuæ confessionis; potest adhuc suboriri obligatio per accidens, si talis homo, aut debeat, aut velit communicare juxta dicta à num. 24. Quæ de causa si ante communionem Paschalem recordetur peccati obliti, tenetur illud confiteri ex num. 353. de virt. Si autem omnia lethalia, quæ diligenti præmissio examine memoriæ occurrebant, sint ritè confessa, & speciatim in confessione declarata, nec intra totum annum habeat ullum mortale, tenetur saltem in Paschate ratione sumendæ Eucharistiæ suum proprium sacerdotem adire, & dicere, se non habere conscientiam peccati mortalis, ideoque sine confessione accedere ad Eucharistiam, cui esset fides adhibenda, quando contrarium evidenter non constaret: quia in hoc foro unicuique credendum est, tam pro se, quàm contra se loquenti. Verùm cum adeò facile hujusmodi homini esset, confiteri venialia; & faciliùs ei adhiberetur fides intrà, quàm extrà confessionem de eo, quod lethale non haberet, ut conferretur ei Eucharistia

ad

ad adimplendum præceptum Paschalis communionis: ea de causa illi, qui nullo sunt lethali gravati, ad confessionem eo tempore accedunt. Unde casus adeundi proprium Parochum, ut aliquis se excuset à confessione annuali, aut rarò, aut nunquam venit ad praxim.

31. Fit octavò cum communi Doctorem contra Petrum Sotum, & alios: hanc esse differentiam inter præceptum annuæ confessionis, & annuæ communionis, quod præceptum annuæ communionis per se obligat in determinata parte anni; præceptum verò annuæ confessionis non obligat per se in determinata parte anni, sed relinquitur determinatio fidelium arbitrio intra annum: Sicuti præceptum audiendi sacrum die Dominica obligat tempore matutino, non tamen pro determinata hora illius, sed hoc relinquitur hominis arbitrio. Ratio est, quia ex Tridentino cit. num. 25. & Lateran. cit. num. 26. nullum est determinatum tempus pro confessione; sed solum imponitur obligatio ad confessionem semel in anno. Pro communione verò determinatur tempus Paschale, ut constat ex illis Concilii Lateranensis verbis, *saltem semel in anno*

anno fideliter confiteatur proprio sacerdoti, suscipiens reverēter ad min⁹ in Paschate Eucharistiam, nisi fortè de proprii sacerdotis consilio ob aliquam rationabilem causam ab hujusmodi perceptione duxerit abstinendum ad tempus. Ex quibus constat: Concilium voluisse obligare per se ad communionem pro determinata parte anni, ideoque illam partem expressisse; ad confessionem verò noluisse obligare per se pro determinata parte anni, ideoque nullam partem expressisse, sed solum dicit semel in anno. Insuper susceptio Eucharistiæ per se obligat, licet homo nunquam peccaverit, intenditque inter alia per eam Concilium augmentum fervoris fidelium, & vinculum charitatis ex num. 40. de Eucharistia, & propter memoriã institutionis hujus sacramenti, quæ eo tempore facta fuit à Christo, adeoque voluit, ut pro aliquo anni tempore universa Ecclesia conveniret in participatione tanti sacramenti.

32. Præceptum verò confessionis non obligat per se, nisi supposita culpa mortali, & ex vi sua tendit in illius remedium. Cùm autem valdè expediens sit, ut statim post commissum peccatum adhibeatur illius remedium,

dium, noluit Concilium occasionem ullam præbere, ut differretur, præcipiendo pro aliqua determinata parte anni susceptionem sacramenti pœnitentiæ: ideoque solum indeterminate præcipit semel in anno. Tempus autem Paschale pro Eucharistia non sumendum est indivisibiliter, sed moraliter, completendo dies, qui in singulis Diœcesibus destinati sunt pro adimplerione præcepti de Paschali communione. Pro quo communiter designatum esse solet totum tempus inter Dominicam Palmarum, & Dominicam in Albis inclusum, & in aliquibus locis paulò amplius. Potest autem proprius Sacerdos ob rationabilem causam consulere, ut pœnitens abstineat à communione Paschali, ut fieri solet respectu puerorum. Habetur hæc facultas in capite. *Omnis utriusque sexus*: ut diximus numero superiori; ubi, ut notavit Boivin quæstio tertia de Eucharistia, Conclusione secunda, per proprium Sacerdotem intelligitur quilibet Sacerdos, qui eo tempore excipere potest confessionem.

33. Quomodo autem debeat annus Ecclesiasticus, quoad præceptum confessionis

nis

nis computari, variæ sunt Doctorum sententia. Prima docet, computandum esse à primo peccato mortali post confessionem. Secunda ab ultima confessione. Tertia ab usu rationis uniuscujusque. Quarta à Paschate in Pascha. Cæterùm hæ sententiæ impugnantur faciliè, quia initium anni, sumpto anno absolutè, & absque addito limitante, ut à Lateranensi, & Tridentino sumitur, non pendet à peccato, neque à confessione, neque ab usu rationis peccatoris: neque per initium anni, absolutè in Ecclesia Catholica significati, intelligitur unquam, nisi prima dies Januarii; sicuti per finem anni absolutè dicti, intelligitur solùm ultima dies Decembris: ergo computatio anni pro adimpletione præcepti annuæ confessionis facienda est, à prima die Januarii vsque ad ultimam diem Decembris. Insuper voces absolutè sumptæ accipiendæ sunt in sensu vulgari, quem habent: Sensus autem vulgaris, quem sine ullo addito limitante habet apud Catholicos hæc vox *annus*, dumtaxat comprehendit illud tempus, quod intercedit inter primam diem Januarii, & ultimam Decembris: ergo &c. Quapropter hanc sententiam tenet Vazquez, Nñus,

ñus, Sylvius, Diana, Lugo, Arriaga, & communiter Doctores. Exindè

34. Quando Concilium Trident. sess. 14. cap. 5. dicit: *unde iam in uniuerſa Eccleſia cum ingenti animarum fidelium fructu obſeruatur mos ille ſalutaris conſitendi, ſacro illo, & maxime acceptabili tempore Quadrageſimæ, quem morem hæc Sancta Synodus maxime probat, & amplectitur, tanquam pium, & merito retinendum, non præcipit confeſſionem eo tempore faciendam (aliter contra ipſos aduerſarios determinatum eſſet ab Eccleſia tempus confeſſionis, ſicut tempus Communionis) Concilium enim cum haberet poteſtatem præcipiendi, ſi eam conſuetudinem voluiſſet reddere obligatoriam, uſum fuiſſet clariſ verbis id ſignificantibus, à quibus cum abſtinuerit, ſatis aperte oſtendit, non voluiſſe ad eam obligare, ideo verò eam conſuetudinem probat, & laudat, quia cum Communio debeat eſſe circa illud tempus; pro majori diſpoſitione ad illam expedire videtur, ut confeſſio immediate antè fiat, licèt in rigore, qui antè fuit confeſſus, & non habet conſcientiam mortalis, non teneatur conſiteri ante Communionem. Si autem habeat novum lethale,*

le, aut occurrat aliquod priùs oblitum, tenetur per accidens eo tempore ad confessionē, ideòque ex dictis num. 30. rarus, aut nullus accedit eo tempore ad Communionem sine Confessione. Quò tendunt verba Sixti IV. in Extravag. 2. de tregua, & pace dicentis, Parochianos teneri saltem in Paschate proprio Parocho confiteri; assignat enim illud tempus ratione Communionis, & quia tunc Parochi inquirunt de adimpletione præcepti Confessionis, ut exponunt Doctores, & colligitur clarè ex novo Jure Tridentini præcipientis, non quidem, iuxta Sixti IV. sed iuxta Lateranensis cōstitutionem indeterminatè semel in anno confessionem. Undè consuetudo Fidelium eo tempore confitendi nullam inducit obligationem per se de annua confessione eo tempore facienda, ut rectè declarat Ex.Doctor disput. 36. sect. 3. num. 4. & reliqui Doctores cum ipso.

§. III.

35. Fit nonò cum communi Doctorum contra Tabienam, Megalam, Sylvestrum, & alios, illum qui lethali gravatus, non est confessus intra annum, teneri statim confiteri initio sequentis anni. Ratio est, quia dupliciter

ter possunt præcepta respicere tempus, nimirum, vel assignando aliquid, ut onus unius, & non alterius temporis, ut præceptum jejunii, auditionis Missæ, recitationis Officii, & sic de aliis, vel assignando onus, quod debeat impleri, aut intra hoc, aut intra aliud tempus, præcipiendo simul, ut intra hoc impleatur, v.g. quando præfigitur certum tempus debitori ad solvendum, & ille jurat se intra illud tempus soluturum: inter utramque hanc obligationem est magnum discrimen, quòd in primo casu, transacto tempore, præceptum, & obligatio expirat: Sic qui die Dominica non audivit Sacrum, non indè tenetur illud audire die Lunæ; in secundo autem casu obligatio non expirat transacto tempore. Sic qui eo præfixo tempore non solvit, non exindè excusatur à solutione, quàm primùm possit: atqui præceptum Ecclesiasticum de annua confessione non habet tendentiam, iuxta genus primæ, sed iuxta genus secundæ obligationis: ergo qui non satisfecit hoc anno præcepto annuæ confessionis, tenetur anno sequenti, quàm primùm possit, confiteri. Ma: & Conseq. tenent: Mi: verò patet: quia intentum Concilii est, ne nimis differatur Confessio:

fio: Si autem transeat integer annus, crescit dilatio, adeòque non cessat, sed crescit intentum Ecclesiæ præcipientis: illa enim Lateranensis verba, *saltem semel in anno confiteatur*, æquipollent istis, ne ultra annum confiteri differat, sicuti dicebamus de debitore: ergo &c.

36. Quapropter qui omisit per aliquos annos confessionem (idem suo modo esto de Communionem) tenetur quàmprimùm possit confiteri: ea autem confessio satis erit ad adimplendum præceptum illius anni, cùm iam sit verum, quod homo ille semel in anno sit confessus; nec tenetur ad repetendas tot confessiones, quot omisit, cum per eam confessionem omnia sua debita, sive omnia sua peccata dissolvantur, adeòque & habeatur Ecclesiæ intentum, ut benè notavit Cardinalis de Lugo disput. 15. sect. 7. à n. 180. Quando autem aliquis post diligens consciëntiæ suæ examen, solùm recordaretur peccati mortalis dubii, & de eo confiteretur; si post factam confessionem peccaret mortaliter, teneretur intra annum ad confessionem iuxta sententiam ferè omnium Doctorem, dicentium, teneri illum ad confitendum peccatum

De Pœnit. Pars II.

D

du-

dubium, non tamen esse validum Sacramentum, si peccatum re ipsa non præcessit, de quo postea: iuxta sententiam verò eorum, qui docent, Sacramentum illud esse certò validum, non teneretur ille homo per se, ex vi præcepti ad ulteriorem confessionem intra annum propter rationem datam num. 28. ut notavit Arriaga disput. 52. sect. 8. nu. 61. qui cum expositione à nobis data intelligi debet.

37. Fit decimò, illum qui probabiliter valdè timet, aut certò scit, quod si modò non confiteatur, ante finem anni non poterit confiteri, quia nimirum navigaturus est in longinquam patriam, in qua non habeat copiam confessarii, teneri confessionem anticipare, & confiteri, antequam annus compleatur: Ratio est, quia cùm confessio non sit onus anni, sed onus, quod implendum est cum præcepto, ne differatur ultra annum ex num. 35. qui intra annum modò potest, & postea non, ex nullo capite excusari potest, si modò illam obligationem non adimpleat. Si autem aliquis non posset confiteri, nisi per interpretem, communis sententia docet, non teneri tunc ad Cōfessionem, quia Lateranense citatum

tum num. 26. quando dicit : *Omnia sua solus peccata saltem semel in anno fideliter confiteatur* : per *ly solus* excludit interpretes, neque Christus talem præcepit confessionem , ut infer- tur ex Tridentino sess. 14. cap. 5. dicente : *Cæ- terùm quoad modum confitendi secretò apud so- lum Sacerdotem , etsi Christus non vetuerit , quin aliquis in vindictam suorum scelerum , & sui humiliationem , cùm ob aliorum exemplum , tùm ob Ecclesiæ adificationem , delicta sua pu- blicè confiteri possit ; non est tamen hoc Divino præcepto mandatum , nec satis consultè humana aliqua lege præciperetur , ut delicta , præsertim secreta , publicâ essent confessione aperienda : at- qui confessio per interpretem non fieret apud solum Sacerdotem : ergo &c.*

38. Quapropter qui solùm posset confi- teri scripto peccata sua in circumstantiis, in quibus eorum revelationem prudenter time- ret , non teneretur tunc ad confessionem . Ex quo cõmunis sententia docet, non teneri scri- bere sua peccata illum , qui timet ne statim obliviscatur , cùm non teneatur , se exponere periculo , ut aliter quàm apud solum Sacer- dotem revelentur . Si autem poenitens ita posset confiteri scripto , ut non timeretur

prudenter revelatio confessionis, & si aliter confiteri non posset, tunc teneretur ad confessionem apud Sacerdotem, ut constat ex dictis. Addunt aliqui, in articulo mortis teneri Fideles confiteri per interpretes, aut coram aliis, si aliter non possint: quia licet ad id non obligentur ex præcepto Divino, obligantur tamen ex præcepto Charitatis erga ipsos etiam cum notabili detrimento famæ. Ratio est, quia cum in eo articulo agatur de æterna animæ salute, quæ præponderanda est omni temporali bono, non debemus propter omissionem temporalis famæ, quæ ex peccatorum confessione sequeretur, dubiam reddere æternam nostram salutem. Cæterum communis sententia apud Arriagam disputat. 51. sect. 7. num. 53. adhuc pro eo casu negat, illum teneri ad confessionem per interpretem, quia ut constat ex nu. superiori, Christus ad eam confessionem non obligavit; nec confessio est tunc unicum medium ad salutem, cum per perfectam contritionem possit haberi salus. Hæc sententia pro aliquibus fortasse erit favorabilis; de communi autem fidelium non credam, quod possint, & nolint in eo articulo confiteri.

39. Fit undecimò: præceptum Ecclesiasticum de annua confessione obligare omnes baptizatos, cùm ad annos discretionis pervenerint, itaut non solùm Catholici, verùm etiam hæretici, & publici peccatores teneantur ad confessionem. Ratio est, quia Lateranense nomine *Fidelis* intelligit idem, ac Christianus, aut Baptizatus, ut fusè demonstrat Lugo, & patet, quia ex Tridentino citato num. 26. hoc præceptum est determinatio præcepti Divini: atqui præceptum Divinum omnes Christianos obligat: ergo &c. Quod autem posito hoc præcepto Ecclesiastico habeant Hæretici plura peccata, quàm haberent, si latum non esset, parùm refert, quia hoc non ex culpa Ecclesiæ, sed ab eorum nequitia desumitur. Tempus autem, in quo Christiani obligari incipiunt, est tempus discretionis, seu usus rationis ex numero 26. Pueri tamen iuxta communem, & veriorem sententiam puniri non solent Ecclesiasticis poenis usque ad duodecimum, vel decimum quartum annum: Poenæ autem habentur in eo cap. *Omnis utriusque*: sub his verbis: *Ut arceantur ab ingressu Ecclesiæ, & priventur sepulturâ*. Quæ, ut ait Ex. Doctor, non si-

gnificant pœnam latam, sed ferendam. Cæterùm quia ibi apponitur pœna contra eos, qui utrumque præceptum, nempe Confessionis, & Communions non impleverint, sufficit ad incurrendum pœnam, vel unius ex his præceptis transgressio. Quando verò in aliquibus Diœcesibus statuitur pœna excommunicationis ipso facto incurrenda, statim incurritur, etsi delictum sit occultum.

40. Pueri autem, iuxta communem Ecclesiæ consuetudinem, intelliguntur exclusi, si positivè non includantur in ordine ad pœnam, ex Gregorio IX. dicente: *Pueros sæpè delinquere, non tamen in illis punienda esse delicta, sicut in majoribus*. At verò in aliquibus Diœcesibus includuntur in excommunicatione lata contrà omnes, qui post octavum ætatis annum non confitentur, ut in quadam Synodo Compostellana refertur factum. Videatur Cardin. de Lugo disput. 15. sect. 7. num. 150. Quoad potestatem autem Ecclesiæ disputant plures, utrùm si Christus libertatem reliquisset ad Confessionem, posset Ecclesia illam præcipere, vel an possit præcipere confessionem venialium, vel plures eorum-

rundem mortalium confessiones. Cæterùm hæc nihil conducunt ad praxim, & pro utraque parte inueniuntur Auctores. Si autem in aliquibus Religionibus inueniatur statutum confitendi semel, & iterùm eadem peccata, cùm illud statutum non obliget absque implicito, vel explicito subditorum consensu, ut notavit Carleton. nequit ad casum nostrum adduci.

41. Fit duodecimò: Sacramentum Pœnitentiæ necessarium esse, vel in re, vel in voto lapsis in mortale post Baptismum. Ratio est, quia ut constat ex num. 11. & 14. ministri hujus Sacramenti acceperunt à Christo Domino potestatem non solum ad remittenda, sed etiam ad retinenda peccata contra Deum commissa, sive quibus homines fideles constituti sunt inimici Dei: atqui si Sacramentum istud necessarium non esset, vel in re, vel in voto, nulla esset potestas ad retinenda peccata, ut per se patet: ergo &c. Unde cùm hæc potestas per se primò data sit propter peccata mortalia, quæ cùm simpliciter sint injuria Dei, claudunt homini januam Cœli; claves ad aperiendum, & claudendum per hanc potestatem, sive quod

idem est ad remittenda, & retinenda peccata, per se data sunt respectuè ad mortalia. Per extensionem verò data est per se ea potestas ad venialia cum debita proportionem, nimirum ad remittendum: sunt enim temporale impedimentum ad intrandum in Cœlum, cum illis debeatur pœna temporalis, adeoque potestas sufficiens in Iudice ad tollendum impedimentum perpetuum benè sufficiet ad tollendum, & remittendum temporale. Potestas autem clavium non est data ad retinenda venialia, quia illud impedimentum temporale in Purgatorio potest auferri, adeoque non est necessarium Sacramentum pœnitentiæ, neque in re, neque in voto ad remittenda venialia. Videatur Exim. Doctor disput. 17. sect. 2. à num. 22. Exindè.

42. Sacramentum pœnitentiæ non solum est necessarium necessitate medii, sed etiam necessitate præcepti, ex dictis supra, & habet Trid. sess. 14. cap. 1. & 2. Ratio est, quia omnia, quæ sunt necessaria necessitate medii, sunt etiam necessaria necessitate præcepti, si sint in nostra libertate. Ex eo enim, quod homo teneatur ad procurandam vitam æter-

æternam, tenetur ad id, quod apponere potest, & sine quo vitam æternam non obtinebit: atqui sacramentum poenitentiae in re, vel in voto est necessarium necessitate medii ex dictis, & insuper est in nostra potestate illud suscipere: ergo &c. Unde nulla tenet paritas ad primam gratiam, quæ necessaria est necessitate medii, non autem necessitate præcepti, quia prima gratia non est in nostra potestate, sed misericorditer fit à Deo in nobis sine nobis liberè concurrentibus. Quodnam autem sit discrimen inter necessitatem medii, & præcepti, diximus num. 459. de virtute, ibique num. 358. assignavimus diversitatem, quâ contritio est votum sacramenti poenitentiae, aut votum restitutionis alterius rei ab hoc sacramento distinctæ. Quinimò ex eo, quod contritio, aut attritio generalis à Christiano elicita sit virtuale votum hujus sacramenti, quatenus præcepti, & instituti à Christo Domino, ut per se remissivi peccatorum, respicit hoc sacramentum, tanquam necessarium necessitate medii in re, vel in voto; secùs alia, de quibus est votum, cum non respiciat illa, tanquam instituta à Christo, ut per se remissiva peccatorum: Etenim ob hanc rationem in non bapti-

baptizato contritio dicitur votum baptismi, tanquam necessarij in re, vel in voto ad salutem, & non ita dicitur votum aliarum rerum, quæ per se non sunt à Christo institutæ, ut remissivæ peccati. Qua de causa ait Boivin quæst. 1. de poen. Conclus. 3. necesse non est discrimen aliud quærere. Cæterùm Exim. Doctor disp. 17. sect. 2. num. 7. aliam rationem tradit: quia nimirùm sacramentum pœnitentiæ est complementum contractûs, ratione cujus, tanquam virtutis per se ad hoc institutæ, peccata remittuntur, quod non habent alia, quorum contritio est votum. Hæc autem ratio non pugnat, sed potiùs corroborat rationem à nobis assignatam eo num. 358. de virtute.

S E C T I O I I I.

Solvuntur opposita.

S. I.

43. **O**BJICIES primò contrà primam Conclusionem. Tunc institutum fuit sacramentum pœnitentiæ, cùm potestas clavium Apostolis collata est: sed talis potestas fuit ipsis collata Matth. 18. quando Christus

stus ante suam resurrectionem illis dixit : *Amen dico vobis, quaecumque alligaveritis super terram, erunt ligata, & in Cælo* : ergo tunc fuit institutum sacramentum poenitentiae . Resp. concedo Ma: & nego Mi: quia potestas clavium collata fuit Jo:20. post Christi resurrect. Per illa quippè Matth.verba, non dedit potestatem clavium, sed eam promisit, ut constat ex num.2. Quare autem Jo:20. potestatem illam contulerit Christus, nulla assignabilis est ratio à priori, præter voluntatem ipsius, à qua omnia sacramenta sunt instituta . Congruentiam verò assignavit D. Thom. nimirum remissionem peccatorum fieri mediâ charitate . Cùm autem Spiritus Sanctus sit charitas, congruentissimum fuit, ut Christus Apostolis eam potestatem conferret, quando per mysticam illam insufflationem contulit illis Jo:20. Spiritum Sanctum, tùm quia per baptismum renascimur, per peccatum morimur, per poenitentiam resurgimus, adeoque post resurrectionem Christi institutum fuit hoc sacramentum in symbolum resurrectionis nostræ . Addunt ex doctrina D.Thomæ aliqui Recentiores, posse etiam cõcedi, per illa Matth.verba, datam fuisse Apostolis potestatem

statem ad punienda peccata in foro exteriori, puniendo rebelles pœnis, & censuris ecclesiasticis, ut colligi potest ex ipso textu: nam ibi Christus posito præcepto ordinis servandi in correctione fraterna addit: *Si Ecclesiam non audierit, sit tibi, sicut ethnicus, & publicanus*, idest separatus, & excommunicatus per sententiam excommunicationis latam ab Ecclesia. Ut autem appareat efficacia potestatis ecclesiasticæ ad hanc pœnam inferendam, immediate subjungit Christus: *Amen dico vobis, quæcumque alligaveritis super terram &c.* Ubi ait D.Th. *Sic dicitur alligare, quia non solvit, vel quia excommunicat.*

44. Objicies secundò ex Montanistis, & Novatianis ea omnia testimonia Scripturæ, & PP. quæ dedimus à num 98. de virtute, ex quibus constat, peccata post baptismum commissa esse irremissibilia: atqui non essent irremissibilia, si Christus instituisset sacramentum pœnitentiæ ad remittenda peccata post baptismum commissa: ergo &c. Confir. ex Concilio Cabilonensi II. Can. 33. dicente: *Secundùm constitutionem Apostoli confiteamur alterutrum peccata nostra*: ergo sacramentum pœnitentiæ non fuit institutum à Christo, sed à Ja-

à Jacobo Apostolo. Resp. nego suppositum
Ma: ex illis enim Scripturæ, & PP. testimo-
niis nequaquam infertur peccata post bap-
tismum commissæ esse irremissibilia, etsi plu-
ra sint finalia, quæ non remittentur, non qui-
dè ex eo, quòd desit sacramento pœniten-
tiæ virtus ad ea remittenda, sed quia hæc vir-
tus non applicabitur, ut latè patet ex dictis ab
eo num. 98. de virt. Ad Conf. nego Conseq.
quia illa Concilii verba nequaquam signifi-
cant, institutum fuisse ab Apostolo pœniten-
tiæ sacramentum, sed declarari, per eam
Apostoli constitutionem, Canonicam insti-
tutionem à Christo factam: in hac enim pro-
videntia nunquam agnovit Ecclesia Dei, sibi
collatam à Christo potestatem ullam ad in-
stituenda sacramenta, ut constat à num 9.

45. Objicies tertio: ad omne sacramen-
tum requiritur verbum, & elementum ab ali-
quo ministro adhibitum, juxta illud Augusti-
ni tract. 80. in Jo: *Accedit verbum ad elemen-
tum, & fit sacramentum*: sed in pœnitentia
nullum est elementum: ergo pœnitentia non
est sacramentum. Resp. primò: nego Ante-
cedens: nam Augustinus ibi non loquitur de
sacramento quolibet, sed de baptismo tan-
tùm

tum, ut ex textu manifestum est, sic enim habet: *Quare non ait, mundi estis propter baptismum, quo loti estis, sed ait propter verbum, quod locutus sum vobis: nisi quia, & in aqua verbum mundat: detrahe verbum, & quid est aqua, nisi aqua? accedit verbum ad elementum, & fit sacramentum.* Resp. secundò: quod si dictum illud Augustini extendatur ad alia novę legis sacramenta, non debet sumi elementum strictè, & propriè; alioqui ne quidem Eucharistia esset sacramentum: nam panis, & vinum, quę sunt ipsius materia non sunt elementum strictè, & propriè, sed per ly *elementum* intelligenda est quęcumque res sensibilis à Christo instituta, quo in sensu possumus dicere, verbum in sacramento pœnitentię accedere ad elementum, scilicet ad confessionem pœnitentis.

46. Objicies quartò: in lege veteri pœnitentia non erat Sacramentum: ergo neque in nova. Probatur Consequent. Non minùs pœnitentia fuit necessaria ad remissionem peccati in lege veteri, quàm in nova: ergo si pœnitentia legis veteris non fuit sacramentum, neque pœnitentia legis novę erit sacramentum. Confirmat. Non minùs præcipiebatur à Deo

à Deo peccatorum confessio in lege veteri, quàm in nova, ex illo Numerorum 5. *Vir, sive mulier cùm transgressi fuerint mādātum Domini, confitebuntur peccatum suum*: ergo si illa antiquæ legis confessio non fuit sacramentum, neque ista novæ legis confessio erit sacramentum. Resp. Concedo Anteced. & nego Conseq. Ad prob. dist. Anteced. Non minùs, & eodē modo, nego: & diverso, concedo Antecedens, & nego Conseq. quia in lege veteri non fuit dictum, sicut in nova: *quorum remisistis peccata &c.* neque voluit Deus hoc beneficium ad remissionem peccatorum antiquis conferre, quod reservabat filiis legis novæ, adeòque non erat eodem modo necessaria pœnitentia ad peccatorum remissionem in lege antiqua, ac in nova.

47. Ad Confirm. dist. Anteced. Non minùs præcipiebatur confessio aliqua legalis, concedo: confessio sacramentalis, sive omnium peccatorum, nego Anteced. & Conseq. Ratio est, quia in lege veteri solùm præcipiebatur confessio de aliquibus peccatis exterioribus, non de internis, quæ nos ipsi tenemur fateri, adeòque ea Confessio erat tantùm figura nostræ. Confitebantur autem illi ea peccata externa

terna graviora per certa quædam sacrificia, quæ pro illis peccatis destinabantur, & quæ tenebantur offerre, in quo sacrificio consistebat illorum confessio: ea verò confessio nequaquam instituta erat ad remittenda peccata, neque gratiam causabat: Sacerdotes enim tunc discernentes inter lepram, & lepram, solum agebant de lepra corporali, judicantes, qualis esset lepra, & an esset perfectè sanata; illi verò neque lepram corporalem, neque spiritualem sanare poterant, cum nequaquam ipsis datæ fuerint claves regni Coelorum: nostra autem confessio non solum est de aliquibus, sed de omnibus peccatis, tum externis, tum internis, constituitque cum sacerdotali absolutione, & actibus pœnitentis sacramentum peccatorum remissivum, ad quod data fuit potestas à Christo Domino ministris hujus sacramenti, ut constat à nu. 3. adeoque Confessio nostra est verè sacramentalis; secùs autem confessio legis antiquæ.

48. Objicies quintò ex Calvino. D. Aug. lib. de nuptiis, & concupiscentia cap. 33. ait *lavacro regenerationis non tantum peccata præterita, sed etiam posteriùs admissa remittuntur: ergo non indigemus sacramento pœnitentiæ* di-

distincto à baptismo ad obtinendam remissionem peccatorum, adeoque ad hoc sufficiet baptismus in memoriam revocatus, per quam excitetur fides, quâ peccata remittuntur. Confirmatur ex Fulgentio lib. de fide ad Petrum cap. 30. ubi baptismum vocat: *sacramentum fidei, & pœnitentiæ*, juxta id, quod de Joan. dicitur Lucæ 3. *Venit prædicans baptismum pœnitentiæ in remissionem peccatorum: ergo &c.* Resp. nego Conseq. quia Augustinus non tribuit baptismo virtutem per se proximam ad remittendum peccata post ipsum commissa, sed radicalem, quatenus per baptismum, qui est janua omnium sacramentorum, ex nu. 88. de Confirmat. capaces reddimur ad suscipiendum sacramentum pœnitentiæ, si peccavimus. Quod autem hæc interpretatio legitima sit, patet tum ex his verbis, quæ ibidem addit: *quid enim prodesset, vel ante baptismum pœnitentia, nisi baptismus sequeretur, vel postea, nisi præcaderet?* tum etiam quia epistola 23. aperte docet, aliquod sacramentum à baptismo distinctum necessarium esse ad delenda peccata post baptismum commissa; ait enim: *Si parvulus baptizatus grandævus factus, propria in-ceperit habere peccata, per quam gratiam remit-*

De Pœnit. Pars II.

E

ten-

tentur? Non regeneratione, sed alia curatione resarciri possunt . Ad Confirm. nego Conseq. quia Fulgentius ex eo vocat baptismum sacramentum pœnitentiæ, quatenus in adultis, qui lethaliter peccarunt, ante susceptionem baptismi requiritur ad legitimā illius, & fructuosam susceptionem aliquis actus virtutis pœnitentię, ex illo Petri Act. 2. *Pœnitentiam agite, & baptizetur unusquisque vestrum: Verum hæc longè distant à re præsentī, in qua non agimus de pœnitentia virtute, sed de pœnitentia sacramento .*

§. II.

49. Objicies sextò ex Luthero, & Calvino contrà secundam Assertionem. Primus, qui Confessionem instituit, fuit Innocentius III. electus anno 1198. ille enim in cap. *Omnis utriusque sexus* annuam confessionem præcipit omnibus Christi fidelibus, sub pœna, quod vivens arceatur ab ingressu Ecclesiæ, & moriens Christiani careat sepulturâ : ergo sacramentum pœnitentiæ, saltem quantum ad confessionem peccatorum, non fuit immediatè à Christo institutum, adeòque nullum est Christi præceptum de confessione. Confirma-

tur

tur primò ex Nectario Patriarcha Constanti-
nopolitano prædecessore Chrysofomi. Ne-
ctarius enim, ut referunt Socrates lib.5. hist.
cap.19. Sozomenus lib.6.cap.16. & Nicepho-
rus lib.12.cap.28.confessionem abrogavit: er-
go non fuit à Christo præcepta. Confirmatur
secundò ex Chrysofomo successore Necta-
rii, qui multis in locis confessionem abroga-
re videtur, præcipuè hom. 2. in psal.50. ubi
sic habet: *Peccata tua dicito, ut deleas illa: si con-
fundaris alicui dicere, quæ peccasti, dicito ea quo-
tidie in anima tua: non dico, ut confitearis ea con-
servo tuo, qui exprobet, dicito Deo, qui curat ea:*
ergo &c.

50. Resp. nego Antecedens: Innocentius
enim III. confessionem peccatorum nequa-
quam instituit, sed solùm determinavit tem-
pus, præcipiendo, quòd non differretur con-
fessio ultrà annum ex dictis num.26. Præce-
ptum enim Christi de sacramentali confes-
sione facienda ab initio Ecclesiæ agnitum
fuit ex num.11. Sic August. lib.50. homilia-
rum, hom.12. *Deus noster, quia pius est, & mi-
sericors vult, ut peccata confiteamur in hoc sæ-
culo, ne pro illis postmodum confundamur in fu-
turo: & hom.41.docet, homines debere absti-*

nere à peccatis, tradens rationem, quâ peccatorem convincat, per hæc verba: *quia si ad ultimum vitæ steterit, nescit, si ipsam pœnitentiam accipere, ac Deo, & sacerdoti peccata sua confiteri poterit*: ubi non loquitur de pœnitentia, quam agimus, sed de pœnitentia, quam suscipimus, adeòque de sacramento pœnitentiæ juxtà ea, quæ contra Lovanienses diximus num. 473. de virtute. Unde semper in Ecclesia Dei fideles pœnitentiæ sacramentum suscipere ex Scriptura, & PP. primorum sæculorum à num. 16. Sic enim Chrysostomus homil. 30. in Gen. expressam facit mentionem de sacramentali confessione; quæ juxtà antiquum Ecclesiæ jus, de quo nu. 26. & 51. in hebdomada sancta fieri solebat: ait enim Chrysostomus: *quia in magnam hanc hebdomadam pervenimus, Dei gratiâ nunc maximè, & jejunii cursus intendendus: & magis continuandæ sunt preces: faciendaque diligens, & pura Confessio peccatorum*. Quod autem ad illam sacerdotis ministerium requirat, cõstat ex lib. 2. de sacerdotio, ubi sic ait: *Quamobrẽ multâ quidẽm arte opus est, ut qui laborant Christiani, ultrò sibi persuadeant, sacerdotum curationi sese submittere oportere*, & lib. 3. dicit, Leviticos non purgasse

à le-

à lepra corporali, sed tantum de sanata lepra
judicium tulisse: sacerdotes autem Evangeli-
cos non declarare solum, sed verè sanare à le-
pra spirituali.

51. Plura sunt etiam Concilia ante Late-
ranense celebrata, in quibus fit expressa men-
tio de confessione sacramentali, nempe Con-
cilium Laodicense sub Sylvestro Papa cele-
bratum, Cabilonense sub Vitaliano, Turo-
nense, & Rhemenſe sub Leone III. Mogunti-
num sub Leone IV. Wormatiense sub Adria-
no II. ut diximus à num. 12. Hunc confessio-
nis usum habuit ab initio Ecclesia Catholica,
ut patet ex Scriptura nu. 16. & PP. primorum
seculorum n. 18. Ex quibus constat, quàm fal-
sò scripserit Calvinus in antidoto Tridentini
fess. 6. cap. 15. per mille annos nullum fuisse
usum confessionis sacramentalis in Ecclesia,
donec, inquit, *Innocentius III. cum pauculis cor-
nutis bestis* (sic mille ducentos PP. qui Con-
cilio Lateranensi interfuerunt, sanctitate, &
doctrina conspicuos impudens hæresiarca
appellat) *laqueum hunc populo Christiano in-
duit, quem Tridentini PP. adstringunt*. Tanta
quidem est hæresiarcarum excæcatio, ut ne
ipsam quidem lucem conspiciere valeant. Ete-

nim in Ecclesia Dei nunquam fuit minor obligatio singulis annis ad confessionem, quàm ad communionem: ex quo infert Exim. Doct. disp. 36. sect. 1. num. 1. ex jure antiquo fuisse olim fideles obligatos ad confessionem ter in anno faciendam, cùm obligati fuerint ter ad communicandum. Fabianus quidè Papa de consecratione dist. 2. Can. 16. ita habet: *Et si non frequentius, saltem in anno ter laici homines cōmunicent (nisi fortè quis majoribus quibuslibet criminibus impediatur) in Pascha videlicet, & Pentecoste, & Natali Domini.* Expressè etiam sacramentalis confessionis antiquus usus habetur in decreto 26. quæst. 7. can. 1. & 27. quæst. 1. Can. 5. & sæpè alibi. Exindè

52. Ad primam Conf. concedunt aliqui Antecedens, & negant Conseq. quia Nectarius confessionem è sua Ecclesia sustulit, deceptus ab hæreticis Novatianis, quorum consilio in rebus ad fidem pertinentibus sæpè utebatur teste Socrate apud Baronium ann. 56. num. 28. Sed meliùs responderetur cum Exim. Doct. & Bellarm. negando Anteced. quia Nectarius nequàquam abrogavit sacramentalem confessionem; hujus rei signum evidens

dens est , quod Ecclesia Constantinopolitana nunquam apud veteres de hoc errore malè audivit, neque à Summis Pontificibus de illo reprehensa est ; sed abrogavit confessionem publicam , quæ ultra auricularem , & secretam fieri solebat, cujus rei causa fuit ista. Mos inoleverat , ut in qualibet civitate deputaretur sacerdos pœnitentiarius , qui exciperet confessionem quorundam peccatorum publicorum , aut graviorum ad imponendam pro illis pœnitentiã . Aliquandò causâ majoris humiliationis pœnitentis, & ad audientiũ ædificationem , & terrorem, fieri solebat hæc confessio publicè , & inter solemnia missarum . Quâdam autem die mulier nobilis se accusando , accusavit Diaconum , cum quo peccaverat , de qua re grandis tumultus factus est in Ecclesia , quem audiens Nectarius prohibuit, ne deinceps publicè fierent confessiones , cùm ad remissionem peccatorum satis esset secreta, & sacramentalis confessio; ad pœnitentiam verò agendam pro peccatis necesse non esset ea postea hominibus dicere , sed satis erat , si corde verè pœnitente dicerentur coràm Deo .

53. Ad secundam Confirmationem. Re-

E

4

spon-

spondeo, Chrysostomum neque in illo, neque in ullo alio loco abrogasse confessionem sacramentalem, quam à Christo institutam esse ubique docet, ut constat ex nu. 50. eamque ex verbis Christi probat hom. 85. in Jo: dicens: *Insufflauit enim, & dixit: Accipite Spiritum Sanctum, quorumcumque remiseritis peccata, remittuntur eis, & quorum retinueritis, retenta sunt: quemadmodum enim Rex præfektos mittens, ut in carcerem reos introducant, ut liberent, potestatem præbet; ita Jesus discipulos dimittens hac munivit auctoritate.* Et infrà docens, non considerandos esse sacerdotes, tanquam conservos, sed tanquam Dei ministros à Deo institutos, ait: *Quare Paulus dixit: pro Christo legatione fungimur, tanquam Christo exhortante per nos: nonne videtis sæculi principibus omnes subesse, & sæpè genere, vitâ, & prudentiâ potioribus deteriores præponi? Nihilominus principis, qui eos præposuit, reverentia, nihil quales illi sint, cogitat; quod si homo aliquem constituerit, tantus subit metus, si Deus, quem constituit despiciamus, maledicimus, innumeris afficimus contumeliis; & cum fratres nostros judicare prohibemur, contra sacerdotem linguam acui-*

acnimus. Ex quo juxta phrasim Chrysoſtomi, honor, reverentia, & confefſio facta ſacerdoti non eſt facta conſervo, ſed ſoli Deo.

54. Chryſoſtomus igitur nullatenùs abrogavit confefſionem, quam Chriſtus inſtituit, ut hæretici vanè glorian- tur, ſed rejecit eam aliam confefſionem publicam abrogatam per Nectarium antecefſorem ſuum ex num. 52. Docet itaque Chryſoſtomus, quòd poſtquam pœnitens ſua peccata confefſus fuerit ſacerdoti, non tanquam homini, nec tanquam conſervo ſuo, ſed tanquam Deo, cujus vices tenet, poſteà ſecretam pœnitentiam faciat de peccatis ſuis, non illa declarando iterùm hominibus, ut fieri ſolebat, ſed ſoli Deo inter privatos parietes: hoc enim ſignificant illa Chryſoſtomi verba: *non dico, ut confitearis ea conſervo tuo, ne exprobet*, in quibus apertè loquitur de confefſione publica, ex qua opprobriũ, & confuſio pœnitentium ſequi ſolebat. Id etiam conſtat ex hom. 4. de Lazaro circa medium, ubi hæc habet: *Cave enim homini dixeris, ne tibi exprobet: neque enim conſervo confiteris, ut in publicum proſeras, ſed ei, qui Dominus eſt, ei qui tui curam gerit, & qui humanus eſt, & qui medicus eſt, oſtendis vulnera.*

nera . Et infra inducit Deum sic cum peccatore loquentem . *Non cogo te in medium prodire theatrum , ac multos adhibere testes : mihi soli dic peccatum privatim , ut sanem ulcus , teque dolore liberabo .* Et hom. 31. in epistola ad Hebr. sic exponit dicenda peccata : *non dico tibi , ut ea tanquam pompam in publicum proferas , neque ut te accuses , sed ut pareas Prophetae dicenti : Revela Domino viam tuam , apud Deum ea confitere , apud judicem confitere peccata tua , orans si non linguâ , saltem memoriâ , idest confitere apud sacerdotem à Christo judicem constitutum , petens veniam cum contritione , vel attritione habita , si non exterius linguâ , saltem interius memoriâ .* Quibus in locis solùm intendit eam publicam confessionem abrogare , quæ hominibus fieri solebat ; non autem secretam , & sacramentalem , quæ fit sacerdoti constituto judici à Deo , illamque audienti nomine Dei , adeoque dicitur non homini , sed soli Deo facta : sic homil. 85. in Jo : dicit : *quidquid enim conatur sacerdos , solius Dei donum est .* Ex quibus apparet , quàm longè distet verus Chrysostomi sensus à prava hæreticorum expositione .

55. Ex his apparet etiam magna, quæ semper adfuit, concordia in ordine ad Sacramentum Pœnitentiæ inter Ecclesiam Occidentalem, & Orientalem, nam illam confessionem publicam, quæ fieri solebat, non solum rejecit Ecclesia Orientalis, verum etiam sustulit illam Occidentalis, ut constat ex Leone Magno epist. 80. ad Episcopos Campaniæ, ubi hæc habet: *Illam etiam contra Apostolicam Regulam præsumptionem, quam nuper agnovi à quibusdam illicitâ usurpatione committi, modis omnibus constituo submovere, ne de singulorum peccatorum genere libellis scripta confessio publicè recitetur, cum reatus conscientiarum sufficiat solis Sacerdotibus judicari confessione secreta. Quamvis enim plenitudo fidei videatur esse laudabilis, quæ propter timorem Dei apud homines erubescere non veretur, tamen quia non omnium sunt hujusmodi peccata, ut qui pœnitentiam poscunt, non timeant publicare; remoueaturn tam improbabilis consuetudo, ne multi à pœnitentiæ remedijs arceantur &c. sufficit enim illa confessio, quæ primùm Deo offertur, tum etiam Sacerdoti, qui pro delictis pœnitentium præcator accedit. Quin imò Tridentinum, ex num. 37. non solum declarat, nullum esse Di-*

vinum præceptum de confessione publica facienda, verùm addit, quod talis confessio non satis consultè humana aliqua lege præciperetur, adeòque ex factò Nectarij, & Chrysostomi, potiùs roboratur concordia inter Ecclesiam Occidentalem, & Orientalem in administratione hujus Sacramenti, quàm impugnetur Christi institutio, quam Uniuerſa agnoscit Ecclesia.

§. III.

56. Objicies septimò contra tertiam Conclusionem. Ex illis verbis Joan. 20. quibus Christus instituit Sacramentum pœnitentiæ, non solùm inferimus potestatem ad remittenda mortalia, sed etiam venialia: atqui non est obligatio declarandi in confessione omnia, & singula venialia: ergo neque omnia, & singula mortalia. Confirmatur primò ex Calvino: Contritio non est minoris efficacię in lege gratiæ, quàm in lege veteri: atqui in lege veteri peccator elicitæ contritione justificabatur, absque ulla obligatione manifestandi alteri omnia, & singula sua peccata, adeòque quin contritio esset votum Sacramenti pœnitentiæ: ergo etiam in lege Gratia.

riæ . Confirmatur secundò: ex verbis Christi non colligitur , datam fuisse Apostolis potestatem instar judicii , ut eis omnia peccata manifestarentur , & pœnitentiam imponerent : ergo ex verbis Christi non potest inferri obligatio manifestandi omnia peccata . Confirmatur tertio : in aliis judiciis remitti solent peccata , quin omnia declarentur , neque maneat obligatio ea declarandi : tum etiam quin reus omnia declaret , sufficitque quod per alium ea manifestet , sive reus sit præsens, sive absens: ergo ex potestate, quantumvis collata esset per modum judicii , non oritur hæc obligatio manifestandi omnia , & singula peccata . Confirmatur quartò : non minùs ex institutione Baptismi confertur Ministro potestas ad ligandum, & solvendum , quàm ex institutione pœnitentiæ , cùm non minùs sit necessarius, necessitate medii, Baptismus , quàm pœnitentia : atqui potestas ad baptizandum non est per modum judicii: ergo neque potestas ad absolvendum .

57. Resp. distin. Ma: Inferimus eodem modo , nego: proportionè servata , concedo Ma:& concessâ Mi:nego Conseq. Ratio est , quia sicut Dominus, quando dat famulo potestatem

estatem faciendi magnas Eleemosynas, dat etiam faciendi exiguas, & non è contrà; ita Christus quando dedit potestatem ministris remittendi peccata gravia, dedit etiam potestatem remittendi levia. Ceterùm cùm ea potestas clavium sit ad aperiendum Cœlum peccatori clausum propter peccatum, vel ad retinendum clausum, si peccatum non remittatur, & inter peccatum mortale, & veniale sit hoc grande discrimen, quod per mortale clauditur Cœlum, nec aperitur, si in hoc Mundo non remittatur; secùs autem per veniale, quod potest in alia vita remitti in Purgatorio; exindè mortale manet materia confessionis necessaria; veniale verò materia libera, adeòque licet non sit obligatio confitendi materiam liberam, malè exindè inferitur, non esse obligationem confitendi materiam necessariam. Ad primam Confirmat. distin. Ma: Non est minoris efficaciam, neque invenit in lege gratiam obligationem, quam non inveniebat in lege veteri, nego; & invenit, concedo Ma: & concessâ Mi: nego Conseq. quia contritio est ex se votum saltem implicitum adimplendi omnia, ad quæ homo tenetur, vt sæpè diximus, cùm autem non

tene-

teneretur ad confessionem in lege veteri, & teneatur in lege nova, ex eo non erat votum confitendi omnia, & singula peccata in lege veteri; benè vero in lege nova. Quod quidem immemores sui docent adversarii de contritione infidelis adulti, respectivè ad Baptismum, quæ est in lege nova, apud ipsos, votum suscipiendi Baptismum, & in lege antiqua non erat tale votum; non autem propter aliam, nisi propter rationem à nobis assignatam.

58. Ad secundam Confirmat. nego Antecedens: quia ex verbis Christi Domini habetur potestas, non solum ad remittendum, sed etiam ad retinendum peccata: retinere autem propriè significat aliquod positivum, quo res aliqua retinetur, adeoque in præsentia dicit, tanquam munus primarium, actum judiciale, non quidèmeram negationem absolutionis, sed sententiam latam retentionis, donec poenitens restituerit, occasionem aliquam peccandi præsciderit &c. à quibus peccatis, ne per contritionem quidèmpoenitens se liberare potest, nisi animû habeat se Sacerdotis arbitrio, & sententiæ submittendi. Retentio itaque propriè est actus judiciale-

dicialis in subditum prolatus, quando dispositus accedit ad absolutionem validè recipiendam, sed nondùm fecit, quæ Confessariorius necessariò facienda judicat, eaque fieri præcipit ante absolutionem. Si enim accedat indispositus, non est, propriè loquendo, retentio, cùm nullum in eo effectum habeat circa permanentiam peccati; eodem quippè modo permaneret, licèt Sacerdos actu illo id non retineret. Munus secundarium hujus potestatis ligandi est obligatio ad satisfactionem, non tamen est propriè retentio peccatorum, cùm ea iam remissa sint per sententiam judicalem, nec ulteriori sacerdotis judicio submitti debeant. Vndè licèt possit etiam Sacerdos differre alicujus Baptismum; hoc tamen non est retinere alicujus peccata propriè, & juridicè, cùm non fiat in subditum, nec causâ cognita, nec per sententiam judicalem, adeoque ad summum potest vocari retentio impropria, & negativa. Quo in sensu explicandi sunt aliqui PP. ut notavit. Exim. Doctor disput. 17. sect. 2.

§ 9. Ad tertiam Confirmationem, nego Conseq. quia pro diversitate Principum instituentium judicium, habentur respectu illius

lius diversæ obligationes, & requisita: Christus autem non minùs potuit, quàm alii Principes, requisita propria apponere pro Judicio ab ipso instituto. Sic voluit, quod Sacramentalis absolutio non conferretur absenti; quod iudicium hoc esset secretum, nec indigeret testibus, sed ipse poenitens esset reus, & accusator sui, ut constat ex uniuersæ Ecclesiæ consensu, à num. 11. & ex Regula, quam tradit August. lib. 4. de Bapt. cap. 24. vbi sic ait: *Quod Uniuersa tenet Ecclesia, nec Conciliis institutum, sed semper retentum est, non nisi auctoritate Apostolica traditum rectissimè creditur.* Ad quartam Confirm. distin. Ma: non minùs, & eodem modo, nego, & diverso modo, transeat Ma: & concessa Mi: nego Conseq. quia per institutionem Baptismi, nulla fuit collata potestas ad inquirenda peccata baptizandi, neque ad imponendam satisfactionem pro peccatis; adeoque neque ad retinenda peccata propriè per modum iudicii: neque unquam hanc iudicalem potestatem agnovit Ecclesia Dei in ministro Baptismi, ut constabit à num. 71. benè verò in Ministro Sacramenti poenitentiae, ut constat ex dictis: Minister enim Baptismi solum habet potesta-

De Penit. Pars. II.

F

tem

tem ad retinendum negativè , & impropriè , ex numero superiori , quatenùs ex iudicio privato repellit indignos : non verò ex iudiciali potestate collata à Christo pro remissione peccati , & retentione propriè , & absolutè dicta , qualem habet minister Sacramenti Pœnitentiæ .

60. Obijcies octauò ex Kemnitio. Jo:20. dixit Christus Apostolis: *Sicut misit me Pater, & ego mitto vos* : atqui Christus ad absolvendum à peccatis non exigebat singulorum peccatorum confessionem , ut constat de Magdalena, Lucę 7. & de Paralytico, Matth. 9. ergo , ut Ministri absolvant à peccatis , non exigitur singulorum peccatorum confessio. Confirmatur primò. Confessio publica abrogata fuit , & mutata in privatam tempore Decii Imperatoris ; confessio autem privata abrogata fuit tempore Nectarii, ideòque præter Chrysostomum, Cassianus , Collat. 20. c. 8. Origenes Hom. 9. in Levit. Aug. lib. 10. Confess. cap. 3. & Ambros. lib. 10. in Lucam c. 96. satis clarè insinuant , Confessionē Sacramentalem non esse Juris Divini: ergo &c. Confirmatur secundò: quia Confessio, quā debeant declarari singula peccata, est carnificina Con-

ficient-

scientiarum, nullam in Verbo Dei promissionem habens, in legem enumerationis peccatorum transformans Evangelium, & substituens gratuitæ Christi remissioni meritum enumerationis, & satisfactionis, adducendo conscientiam in dubitationem, & desperationem, cùm præcipiatur res impossibilis: constat enim, nos plura peccata, nec intelligere, nec meminisse: ergo &c. Hæc sunt fundamenta Kemnitii, quibus imprudenter se jactat.

61. Resp. distin. Ma: sumpto ly *sicut* per identitatem, nego; per similitudinem, concedo Ma:& concessâ Mi: nego Conseq. Ratio est, quia ut detur similitudo inter potestatem unius, & alterius; nequaquam requiritur, quòd sit eadem in utroque potestas, aliter non esset similitudo, sed identitas, quam & ipsi negant inter Apostolos, & Christum. Ad similitudinem autem non requiritur, quod Apostoli habeant illam potestatem excellentiæ, quam habebat Christus, ut remittere posset peccata, non solum intra, sed etiam extra Sacramentum, ut præstitit cum Magdalena, & Paralytico; sed sat est, quod habeant potestatem participatam ad remittenda pec-

cata intra Sacramentum, quæ quoad speciem, & numerum debent Fideles ad Ministros Christi deferre, prout ex jure Divino tradidit ab initio semper Ecclesia, ut constat à num. 11. Ad primam Confirmat. nego Antecedens, etenim tempore Decii Imperatoris non fuit abrogata, sed potius introducta publica confessio, ut latè ostendit Bellarmin. lib. 3. de pœnitentia. Quidquid tamen de hoc sit, privata, & secreta confessio jure Divino præcepta, nunquam fuit in Ecclesia Dei abrogata, neque tempore Nectarii, ex num. 52. sed ab initio Ecclesiæ fuit semper in usu, ut constat ex Scriptura, à num. 16.

62. Solùm ergo fuit abrogata secunda confessio publica peccatorum, de qua dumtaxat loquitur Cassianus, Chrysostomi discipulus: August. autè loquitur ibi de peccatis, quæ ipse commisit ante Baptismum, sicuti & Ambrosius, eo loco ab adversariis adducto, loquitur de peccatis, quæ Petrus commisit, antequàm institutum esset Pœnitentiæ Sacramentum, cum autem peccata ante Baptismum commissa, non sint materia Sacramenti Pœnitentiæ, in vanum affertur locus ille Augustini, qui aliter loquitur de peccatis post Baptismum

inum commissis, ex nu. 7. 18. 48. & 50. Tum etiam cum peccata Petri, quæ remissa fuere, antequàm institutum esset Pœnitentiæ Sacramentum, non fuerint remissa per hoc Sacramentum, sed per contritionem perfectam, imprudenter assertur pro re præsentis ille locus Ambrosii, qui aliter loquitur de remissione peccatorum fidelium post hujus Sacramenti institutionem, ex num. 11. Ex quo ad secundam Confirmat. nego Antecedens, in quo solum continentur imposturæ Kemnitii contra potestatem expressam, quam Christus dedit suis ministris, & contra totius Ecclesiæ censum, ut constat ex Scriptura, & PP. adductis, à num. 16. Quapropter meritò Tridentinum sess. 14. cap. 5. & per 15. insuper Canones Pœnitentiæ errores illos singillatim condemnat.

§. IV.

63. Objicies nonò, contra doctrinam nostrarum illationum. Ex testimoniis Lateranensis, & Tridentini à nobis adductis non colligitur, obligari fideles ad confessionem validam semel in anno: ergo doctrina nostra ex his principiis deducta nulla est. Probatur Antecedens: quando dicimus,

præceptum Eccleſiaſticum determinare tempus, in quo fieri debeat iſtud Sacramentale iudicium, vel intelligimus determinare tempus, præcipiendo confeſſionem; vel ſolùm intelligimus determinare tempus, ut fiat confeſſio, non quidem præcepta ab Eccleſia, ſed à ſolo Chriſto? Si primum: ergo pugnamus contra Tridentinum num. 26. citatum, dicens: *Neque enim per Lateranenſe Concilium Eccleſia ſtatuit, ut Chriſti fideles confiterentur*. Si ſecundum: ergo cùm præceptum non impoſitum violari non poſſit, qui non confitetur, non violat præceptum Eccleſiaſticum de confeſſione facienda, adeòque ad nihil tenetur, vi talis præcepti Eccleſiaſtici. Confirmatur. Confeſſio Sacramentalis dolorem de peccatis exigit, & includit: atqui dolor, cùm ſit actus purè internus, non poteſt cadere ſub præcepto Eccleſiæ, actus enim purè interni, cùm per ſe non cadunt in notitiam ſenſibilem, non poſſunt eſſe intra ſphæram humanæ gubernationis, ſolùmque ſubjiciuntur illi, qui omniũ hominum ſecreta novit: ergo confeſſio Sacramentalis non poteſt cadere ſub præcepto Eccleſiæ.

64. Reſp. nego Antecedens. Ad probatio-

tionem dico: Ecclesiam determinando tempus præcipere, ut confessio à Christo præcepta, & instituta, adeoque valida fiat eo tempore, neque per hoc opponimur Tridentino, quod eo loco solùm intendit docere, Concilium Lateranense non statuissè, confessionem fieri, quasi præciperet, quod Christus non præceperat; non autem negat, quod Lateranense præceperit confessionem à Christo præceptam fieri, semel saltem in anno, immò hoc supponit Tridentinum variis in locis; præcipuè sess. 14. Can. 8. dicens: *Si quis dixerit, confessionem omnium peccatorum, qualem Ecclesia servat, esse impossibilem, & traditionem humanam, à piis abolendam, & ad eam non teneri omnes, & singulos utriusque sexus Christi fideles, juxta Magni Concilii Lateranensis constitutionem, semel in anno, :::: anathema sit.* Cùm autem constitutio Concilii Lateranensis non sit Consilium, sed rigorosum præceptum, ex num. 26. exindè manifestè patet, per Lateranense, & Tridentinum præcipi confessionem à Christo præceptam, determinando, ut saltem fiat semel in anno. Quinimò si Ecclesia confessionem non præciperet, qui non confiteretur, non transgrediretur Eccle-

fiæ præceptum: nemo enim violat præceptum Ecclesiæ, quando Ecclesia præceptum non imposuit: dicere autem non violari tunc Ecclesiæ præceptum, damnatum est ab Alexandro VII. ex num. 25.

65. Ad Confirmationem, concedo Ma: & distin. Mi: Non potest cadere sub præcepto Ecclesiæ dolor purè internus, nudè sumptus, permitto: dolor constituens totum mixtum ex interno, & externo, nego Mi: & Conseq. Ratio est, quia Ecclesia potest præcipere, ut actus externus dignè moraliter fiat; cum autem, ut fiat dignè moraliter, requiratur opus mixtum ex interno, & externo, præcipit directè totum mixtum ex interno actu, & externo. Sic quando Tridentinum citatum num. 23. ait, quod percipiatur Eucharistia dignè, & sine conscientia peccati mortalis, in casu, quo Sacerdos debeat celebrare, & non sit copia Confessarii, clarè docet, illum debere elicere perfectum actum contritionis constituentem unum totum morale cum externa sumptione, simulque præcipiens, ut Sacerdos, quàm primùm possit, confiteatur, directè præcipit contritionem internam constituentem unum totum morale cum confessione

sione externa. Finis enim potestatis Legislativæ, quam Christus Dominus contulit Ecclesiæ, est in ordine ad finem supernaturalē, ad quem non conducit opus externum, nisi quando constituit totum cum interno, adeoque se extendit ad præcipiendum directè opus mixtum ex interno, & externo; aliter qui solùm haberet peccatum purè internum, non obligaretur ex præcepto Ecclesiæ ad annuam confessionem, quod dici non potest.

66. Qua de causa in jure Canonico sunt plures textus, in quibus Ecclesia directè præcipit, aut prohibet hæc opera mixta, quos textus habes apud Exim. Doctorem lib.4. de leg. cap. 13. nu. 3. per hæc verba: *Primum sit caput, Omnis utriusque, de pœnitentiis, & remissionibus, quatenus præcipiendo confessionem annuam, præcipit dolorem necessarium, & confessionem cogitationum merè internarum. Secundum est caput, Dolentes de Celebrat. Mis. & Clementina 1. ubi præcipitur Clericis recitatio attentæ, & devota. Tertium ex Cap. Commissa §. Cæterum, de electione in sexto, ubi punitur qui recipit beneficia, absque intentione suscipiendi debitum ordinem intra annum, nisi mutata voluntate*

te ordinetur. Quartò ex Clement. 1. 9. Verum de Hæreticis, ubi Inquisitores, qui ex odio, vel intentione turpis lucri omittunt contra justitiam, & conscientiam procedere contra aliquem in casu fidei, excommunicantur. Quintò ex Clement. 1. de Statu Monach. ubi Monachus Benedictinus, sine licentia se conferens ad Curiam animo accusandi Prælatum, excommunicatur, & non sine tali intentione. Sextò ex cap. si quis octavo distin. 30. ubi excommunicatur, qui ex contemptu, vel externa superstitione jejunium Ecclesiasticum non servaverit, & non aliàs, cum tamē contemptus, actus interior sit. Et eodem modo solent jura Canonica excommunicare facientes hoc, vel illud scienter, aut temerè &c. Hucusque Exim. Doctor.

67. Consultò dixi in responsione: Ecclesiam præcipere directè opus mixtum, ne incongruenter loquerer cum illis, qui dicunt, Ecclesiam præcipere in opere mixto directè actum externum, & indirectè internum, contra quos vehementer invehitur, & meritò Caramuel in theologia fundamentali editionis anni 1657. fundamento 24. num. 700. Ratio est, quia illa præcipiuntur indirectè, sine quibus poni non possunt, quæ præcipiuntur directè

directè : atqui sine attentione interna (idem suo modo de aliis) potest poni mera , & pura psalmorum lectio externa: ergo cùm mera lectio externa directè præcipitur, non ex eo præcipitur indirectè attentio interna . Consultò etiam permisi, quod Ecclesia non possit præcipere actum internum nudè sumptum , nam probabilius judico, quod Ecclesiæ potestas etiam se extendit ad ita imperandum : nam cùm Christus Dominus concesserit potestatem illimitatam Ecclesiæ ad ea omnia , quæ conducunt in gubernatione ad vitam æternam consequendam , & non solum conducant opera mixta , sed etiam actus purè interni , non est ratio, cur limiteretur ea potestas ad actus externos . Quinimò si Ecclesia exercet potestatem directè in actum mixtum , præcipiendo directè internum , & externum , cur potens præcipere duo , non poterit præcipere unum , nimirum solum internum ? Quapropter D. Thom. & alii , qui negare videntur hanc potestatem , eam reverà non negant quoad potestatem directivam obstringentem conscientiam , neque quoad coactivam internam , quâ Ecclesia præcipiat sub pœna latæ excommunicationis actum purè internum ;
sed

sed solum quoad potestatem coactivam, quâ per publicam sententiam statim post commissum delictum ferat sententiam contra transgressorem, quam potestatem Ecclesia non habet, cum occulta cordis non agnoscat. Videatur Cardenas supra propositiones ab Innocentio XI. damnatas differt. 34. cap. 2. num. 17.

68. Objicies decimò: Qui singulis annis tenetur solvere unum nummum aureum, si præterito anno non solvit, tenetur anno præfenti duos solvere, unum quidem pro anno præterito, & alium pro præfente: ergo idem dicendum erit de eo, qui singulis annis tenetur ad unam confessionem faciendam. Confirmatur: Ecclesia præcipiens confessionem semel in anno præcipit, ut fiat confessio de omnibus peccatis, quæ commissa sunt intra annum: illa enim verba, *omnia sua solus peccata saltem semel in anno confiteatur*, non solum significant, teneri quempiam ad confitendum eo anno omnia peccata, quæ habet, quando confitetur, sed etiam quæ post illam confessionem committat intra eundem annum; aliter posset absque hujus præcepti violatione per 23. menses non confiteri, nimirum si hoc
anno

anno ad initium Januarii, & anno sequenti ad finem Decembris confiteretur: ergo &c. Resp. concedo Antec. & nego Conseq. Ratio est, quia solutio illa præcipitur propter æqualitatem justitiæ constituendam, quæ non servatur, nisi solvantur duo nummi aurei; at verò confessio præcipitur, ut quis cum Deo reconcilietur, subjiciendo Ecclesiæ clavibus omnia, quæ post diligens conscientiæ examen memoriæ occurrunt, quod jam obtinetur per illam unicam confessionem, quod etiam ad-versarii fatentur, docentes, non teneri intra hunc annum facere 30. confessiones, qui 30. annis non est confessus. Ad Confirmat. nego Anteced. illa enim verba nequaquam significant obligationem confitendi iterum intra eundem annum alia peccata mortalia, quæ post ultimam eam confessionem committantur: Neque ullum est in eis verbis fundamentum ad talem expositionem. Qui enim hodiè confitetur omnia peccata, quæ post diligens conscientiæ examen memoriæ occurrunt, adimplet præceptum à Christo, & Ecclesia impositum ex num. 28. adeoque, qui in casu apposito per 23. menses non confiteretur, si aliunde confessus esset
semel

ſemel in anno omnia peccata , quæ poſt diligens conſcientiæ examen memoriæ occurrebant , nequaquam tranſgrederetur præceptum de annua confeſſione . Si autem poſt eam confeſſionem peccaret , ſicut non tenebatur tunc ad conſitenda peccata futura , ita neque ad ea eo anno iterum conſitenda ex vi adimpletionis præcepti , quod jam adimpletum erat . Neque unquam fideles de tali tranſgreſſione ſe accuſant, neque Eccleſia ulibi talem obligationem proponit . Reliqua argumenta , quæ hîc fieri poſſent, præoccupata jam ſunt in fundamentis doctrinæ noſtræ .

DISPUTATIO II.

De eſſentia Sacramenti Pœnitentiæ .

69. **D**UPLEX eſt in quovis ſacramento compoſitio ex num.42. de ſacramentis: prima ex rebus, & verbis , v. g. in baptiſmo ex ablutione, & verbis, in Confirmatione ex unctione chriſmatis, & verbis, in Pœnitentia ex actibus pœnitentis, & verbis . Res autem dicuntur materia, & verba dicuntur forma primæ hujus compoſitionis.

nis. Cæterùm quia hæc composita accidentalialia, & ad placitum instituta sunt à Christo in sacramentum, resultat secunda compositio ex talibus compositis, & Christi institutione. In hac autem secunda compositione totum primum compositum est materia, & institutio Christi forma. Sic in ramo, ut est signum vini venalis, consideratur duplex compositio, prima ex partibus physicis rami, ex quibus una est materia, & altera forma. Cæterùm quia totum illud compositum rami ex materia, & forma instituitur à voluntate hominum in signum vini venalis, resultat secunda compositio, in qua institutio hominum est forma; compositum autem ex materia, & forma rami est materia talis institutionis. Sacramentum istud fuisse institutum à Christo, constat ex tota disputatione præcedenti, adeoque & constat ratio, propter quam institutio Christi est forma secundæ compositionis. Quærimus modò, quid instituat Christus in hoc sacramento: sive quænam sit materia, & forma primæ compositionis.

S E C T I O I.

De metaphysico, & physico constitutivo.

§. I.

70. **A**SSERO primò. Sacramentum pœnitentiæ theologicè sumptum pro significatione practica effectus interioris, ita metaphysicè definitur: *Sacramentum per se remissivum peccatorum ab homine Christiano commissorum*. Probatur primò, & explicatur simul Conclusio: *Sacramentum per se remissivum peccatorum: est genus*, quo pœnitentia convenit cum baptismo, nec convenit cum ullo alio sacramento; ideòque strictissimè est genus proximum. Neque damus hìc definitionem sacramenti, quam notam supponimus ex tractatu de sacramentis, pro qua apponimus particulam *sacramentum*, ut præcidatur scrupulus apponendi definitum in definitione; reliquæ autem particulæ sunt differentia, quâ hoc sacramentum distinguitur à sacramento baptismi. Neque dicimus: peccatorum hominis Christiani, sed ab homine Christiano commissorum, ut natura hujus sacramenti

menti clariùs innotescat. Peccata enim adulti baptizati, quæ commisit ante baptismum fictè susceptum, sunt modò peccata hominis Christiani, & tamē sacramentum poenitentiae non est per se remissivum illorum peccatorum: quia peccatum solùm committitur quando fit, adeòque illa sunt peccata commissa ab homine non Christiano; sacramentum verò poenitentiae per se solùm est remissivum peccatorum, quæ ab homine Christiano commissa sunt: ergo data definitio per rectum genus, & differentiam explicat naturam hujus sacramenti.

71. Probatur secundò, & explicatur ulterius Conclusio contra novam aliquorum Recentiorum sententiam: peccata ante baptismum commissa nullatenùs sunt materia remota sacramenti poenitentiae, adeòque qui ea sola confiteretur, vel qui ab illis absolveret, peccaret mortaliter contra institutionem hujus sacramenti: ergo adæquatum, & metaphysicum constitutivum sacramenti poenitentiae stat in definitione à nobis exposita. Probatur Antecedens contra eos Recentiores, qui hac tempestate acerrimè defendunt, peccata ante baptismum commissa esse

materiam sacramenti pœnitentię, nō quidem necessariā, sed sufficientem: etenim sacramentum pœnitentię solū potest remittere peccata, ad quorum remissionem fuit à Christo institutum: atqui non fuit institutum ad remittenda peccata commissā ante baptismum, sed solū ad remittenda commissā post baptismum, sive quod idem est ab homine Christiano: ergo &c. Probatur Minor ex Tridentino sess. 6. cap. 14. dicente: *Etenim pro iis, qui post baptismum in peccata labuntur, Christus Iesus sacramentum instituit pœnitentię, cū dixit: Accipite Spiritum Sanctum, quorum remisistis peccata, remittuntur eis, & quorum retinueritis, retenta sunt. Unde docendum est, Christiani hominis pœnitentiam post lapsum multò aliam esse à baptismali. Sic etiam sess. 14. cap. 1. Sacramentum pœnitentię, quo lapsis post baptismum beneficium mortis Christi applicatur: tum etiam cap. 2. constat certè, baptismi ministrum iudicem esse non oportere, cū Ecclesia in neminem iudicium exerceat, qui non prius in ipsam per baptismi januam fuerit ingressus. Quid enim mihi (inquit Apostolus) de iis, qui foris sunt iudicare? Secus est de domesticis fidei, quos Christus Dominus lavacro baptismi, sui corporis mem-*
bra.

bra semel effecit . Nam hos, si se postea crimine aliquo contaminaverint, non jam repetito baptismo ablui, cum id in Ecclesia Catholica nulla ratione liceat, sed ante hoc Tribunal, tanquam reos sisti voluit. Ergo &c.

72. Confirm. ex Consensu ferè omnium theologorum: etenim Exim. Doctor disp. 18. sect. 1. cum D. Thoma, & antiquis theologis de peccatis ante baptismum commissis hæc habet: *Talia peccata non tantum non sunt materia necessaria, verum nec sufficiens, nec debet illa quis sacramentaliter confiteri, cum ab eis non possit sacramentaliter absolvi. In quo etiam Theologi conveniunt, quamvis sine fundamento sentiat oppositum Angelus, verbo confessio.* Idem docet Vazquez quæstione 90. dub. 2. art. 1. Turrianus disput. 2. de pœnitentia dub. 1. & Martinus Perez disput. 16. sect. 5. num. 2. ajunt, hoc esse certum. Bonacina disput. 5. de pœnitentia, quæst. 3. punct. 1. num. 4. dicit, hoc videri, tanquam de fide definitum, quod apud reliquos theologos adeò certum est, ut potiùs hanc veritatem supponant, quàm probent. Aliter eâdem libertate, quâ dicitur, peccata sola post baptismum commissa esse materiâ necessariâ; secùs autem sufficien-

tem, adeoque Tridentinū, quando dicit institutum hoc sacramentum pro hominibus post baptismum lapsis, intelligi de necessitate; secus de facultate illud suscipiendi; posset etiam dici, peccatum originale non esse materiā necessariam, benè verò sufficientem sacramento pœnitentiæ; adeoque quando Tridentinum dicit, dolorem de peccato commissio esse materiā hujus sacramenti, intelligi de materia necessaria, secus de sufficiente, ad quam sufficeret dolor de peccato contracto: sed hoc neque ipsi adversarii audent dicere: ergo &c.

73. Affero secundò: Contritio, Confessio, & satisfactio sunt partes materiales intrinsecæ sacramenti pœnitentiæ in prima sui compositione: Absolutio verò est pars formalis intrinseca. Constat Conclus. ex tract. de sacram. à num. 29. Nunc autem probatur facile ex Trident. sess. 14. cap. 3. ubi hæc habet: *Docet præterea sancta Synodus, sacramenti pœnitentiæ formam, in qua præcipuè ejus vis sita est, in illis ministri verbis positam esse: Ego te absolvo &c. & subjungit: Sunt autem quasi materia hujus sacramenti ipsius pœnitentis actus, nempe contritio, confessio, & satisfactio. Modò*
 sic

fic: in ea parte formali consistit præcipuè vis sacramenti poenitentiaë, quæ est pars formalis intrinseca; pars enim extrinseca non est adeò præcipua, sicut intrinseca: atqui absolutio ex Tridentino est forma, in qua vis hujus sacramenti præcipuè consistit: ergo est forma, sive pars formalis intrinseca. Rursus: non potest dari forma intrinseca alicujus totius absque materia intrinseca, neque virtus magis principalis absque minùs principali: atqui ex Tridentino forma absolutionis constituit hoc sacramentum, tanquam cum materia, cum contritione, confessione, & satisfactione: ergo contritio, confessio, & satisfactio sunt partes intrinsecæ hujus sacramenti, licet minùs principales.

74. Respondebis: Tridentinum non dixisse de contritione, confessione, & satisfactione esse materiã, sed quasi materiam, adeòque exindè non inferri, esse partes intrinsecas, sed extrinsecas. Contra tamen primò: *ly quasi* licet significet aliquandò similitudinem, etiã significat aliquando identitatem, ut constat ex Jo: 1. ubi de Christo dicitur: *Vidimus gloriam ejus, quasi Unigeniti à Patre*: Sic quando admiramur Regem magno cum splendore

venientem, dicimus venit quasi Rex, adeòque significatio illius particulæ, an sit de identitate, an de similitudine, inferenda est ex contextu: sed ex contextu constat, ly *quasi* significare identitatem, seu materiam intrinsecam: ergo &c. Probatur Mi: in illo textu Tridentinum non loquitur de absolutione, tanquam de forma extrinseca, sive quasi forma, solum per similitudinem, sed de absolutione, quæ est vera, & intrinseca forma, ut constat ex numero superiori: atqui non potest dari intrinseca forma totius, absque intrinseca totius materia: ergo quando Tridentinum pro materia, quâ absolutio componit hoc sacramentum, assignat contritionem, confessionem, & satisfactionem, non loquitur de materia extrinseca, adeòque ly *quasi* non significat apud Concilium similitudinem, sed identitatem. Contra secundò ex Catechismo Romano titulo de pœnitentia, de actibus pœnitentis ita loquente: *neque enim hi actus, quasi materia à sancta Synodo appellantur, quia vera materia rationem non habeant, sed quia ejus generis materia non sint, quæ extrinsecus adhibeatur, ut aqua in Baptismo, & crisma in Confirmatione: ergo &c.* Ex his autem oritur nova difficultas,

tas, nam partes intrinsecæ aliæ sunt essentialis, alię integrales, ut constat ex aliis compositis. Quærimus ergo inter istas partes: quænam sint essentielles, & quænam integrales.

75. Affero tertiò: Absolutio, contritio, & confessio sunt partes essentielles; satisfactio verò est pars integralis sacramenti poenitentiae. Probatur primò: Illæ sunt partes essentielles, quæ sunt partes intrinsecæ totius, & quibus deficientibus totum deficit: Sic materia prima, & anima rationalis sunt partes essentielles hominis; illa verò est pars integralis, quæ est pars intrinseca totius; attamen illa deficiente, non ex eo deficit totum. Sic brachium dicitur pars hominis integralis: atqui licet absolutio, contritio, confessio, & satisfactio sint partes intrinsecæ sacramenti poenitentiae ex nu. 73. ita tamen illud constituunt, ut deficiente absolutione, contritione, vel confessione, deficiat sacramentum, secùs autem deficiente satisfactione: ergo &c. Probatur Mi: deficiente absolutione, & accusatione deficit iudicium absolutivum rei, adeòque & sacramentum poenitentiae, quod ut definit Tridentinum sess. 14. cap. 5. institutum est per modum iudicii.

76. Deficiente etiam contritione , ut & ipsi adversarii fatentur, sacramentum deficit, quod est reconciliativum hominis fidelis cum Deo, ut definit Tridentinum ea sess. 14. cap. 1. quæ reconciliatio in hac Divina providentia requirit actum pœnitentiæ ex illo Lucæ 13. *Nisi pœnitentiam egeritis, omnes simul peribitis .* Quinimò hoc sacramentum dicitur pœnitentia ab actu pœnitentię, quo essentialiter constituitur , ideòque ut definit Tridentinum cap. 4. actus contritionis est præcipuus inter pœnitentis actus hujus sacramenti constitutivos : undè non minùs deficeret sacramentum ex defectu contritionis , quàm confessionis . Cæterùm deficiente satisfactione, non exindè deficit sacramentum, ut pater quando confessarius invincibiliter obliviscitur injungere pœnitentiam, vel quando illam injungere non potest, ut constat in moribundo sensibus destituto , quibus in casibus , ut constat ex praxi, & totius universalis Ecclesiæ consensu, datur essentialia sacramentum pœnitentiæ: ergo &c.

77. Probatur secundò ex Tridentino sess. 14. cap. 3. dicente : *Sunt autem, quasi materia hujus sacramenti, ipsius pœnitentis actus,*
nem-

nempè contritio, confessio, & satisfactio, qui quatenus in pœnitentia ad integritatem sacramenti, ad plenamque, & perfectam peccatorum remissionem ex Dei institutione requiruntur, hac ratione pœnitentiæ partes dicuntur. Ex quibus constat, non solum loqui Concilium de partibus à Deo institutis ad essentiam, sed etiam ad sacramenti integritatem habendam, adeoque ex contextu Concilii, & praxi Ecclesiæ, à Theologis inferendum est, quænam ex his sint essentielles, quænam autem integrales; certum enim est, Concilium non loqui de his partibus, tanquam de puris dispositionibus ad sacramentum requisitis; sed ut institutis à Christo Domino ad essentiam, & integritatem sacramenti pœnitentiæ constituendam: absolvit enim præsens caput per hæc verba: *Hæc de partibus, & effectu hujus sacramenti sancta Synodus tradens, simul eorum sententias damnat, qui pœnitentiæ partes incussos conscientie terrores, & fidem esse contendunt.*

78. Terrores autem conscientie dispositiones congruæ sunt, ut peccator obtineat remissionem peccatorum: fides etiam est dispositio essentialiter requisita, ut constet ex ipso Concilio sess. 6. cap. 8. dicente: *Fides est*
bu-

humanae salutis initium, fundamentum, & radix omnis justificationis, sine qua impossibile est placere Deo, & ad filiorum ejus consortium pervenire, ut diximus num. 110. de Sacramentis, adeoque ex eo, quod ex hac definitione Concilii, diverso modo requirantur ex Christi institutione contritio, confessio, & satisfactio, quàm fides, certum est eas non requiri, ut extrinsecè se habentes, sed ut intrinsecè, ex Christi Domini institutione, Sacramentum istud constituentes, ac proinde, tanquam partes essentielles, aut integrales, cùm istæ solum partes sint intrinsecè constitutivæ totius: atqui ex praxi, & usu totius Ecclesiæ satisfactio non est pars essentialis: benè verò absolutio, contritio, & confessio, ut constat ex numero superiori: ergo &c.

79. Confirmatur ex Catechismo Tridentini doctrinam nostram, titulo de Pœnitentia, clarè tradente per hæc verba: *Hæ autem partes ex earum partium genere esse dicuntur, quæ ad aliquod totum constituendum necessariae sunt: quoniam quemadmodum hominis corpus ex pluribus membris constat; manibus, pedibus, oculis, & aliis hujusmodi partibus, quarum aliqua si desit, meritò imperfectum videatur, perfectum*

Etum verò, si nulla desideretur, eodem etiam modo pœnitentia ex hisce tribus partibus ita constituitur, ut quamvis, quoad ejus naturam attinget, contritio, & confessio, quibus homo justus efficitur, satis sit: tamen nisi etiam tertia pars, idest satisfactio, accedat; aliquod ei omninò ad perfectionem desit necesse sit: ergo &c. Ex quibus præoccupatę manent adversariorum responsiones, quas dedimus, & impugnavimus à num. 39. de Sacramentis. Exindè.

§. II.

80. Fit primò: absolutionem, contritionem, & confessionem, utpotè partes essentielles hujus concreti moralis *Sacramentum*, debere omnes existere moraliter per virtutalem ipsarum permanentiam, ut Sacramentum constituatur, ex num. 132. de Sacramentis. Ratio est, quia sicut partes physicę requiruntur ad constituendum compositum physicum; ita partes morales requiruntur ad constituendum compositum morale: atqui partes, quę simul physicè non existunt, non possunt simul constituere compositum physicum: ergo partes, quę simul moraliter non existunt, nequeunt constituere simul compositum morale. Permanentia autem

tem moralis partium, ut aliquis effectus adhuc ab ipsis oriri possit, non potest ex alia regula, quàm ex prudentum judicio definiri, consideratâ uniuscujusque partis naturâ: etenim secundum diversam naturam, & significationem partis deducenda est sufficiens, vel insufficiens illius existentia, & permanentia. Quapropter absolutio, cùm tendat in præsentem, ut patet ex illis verbis *absolvo te*, non potest constituere unum totum morale cum reliquis partibus, si conferatur absenti, ut infra ex Conciliis probabimus. Sic etiam contritio, sive perfecta, sive imperfecta, quæ ex dictis à num. 430. de Virtute, satis est ad constituendum hoc Sacramentum, si taliter non permaneat, ut ex vi illius adhuc ille, qui confiteatur, verè pœnitens reputari possit, non erit sufficiens; benè verò, si ita permaneat virtualiter, idque certum esse, iuxta omnes Theologos, testatur Exim. Doctor disput. 20. sect. 4.

81. Fit secundò: non sufficere ad proximam opinionem solùm speculativè probabilem de sufficientia doloris, sed requiri tutam ex Innocentio XI. citato num. 470. de Virtute, & latè diximus à num. 308. de Sacramentis. Ma-

téria

teria autem tura est dolor antecedens confessionem, relatè ad illam elicitus, vi cujus confessio fit. Totum hoc fieri communiter solet, quando quis recogitat peccata sua in ordine ad confitendum illa, & tunc dolet de peccatis in ordine ad confessionem. Ratio est, quia ut defendunt Coninck disput. 4. dub. 6. Layman lib. 5. cap. 4. alique Recentiores, & favere satis videtur Exim. Doctor disput. 20. sect. 4. nu. 29. cùm sola confessio, & dolor sint inter actus pœnitentis partes essentielles Sacramenti, & istæ debeant fieri sensibiles; dolor, qui in se sensibilis immediatè non est, debet fieri sensibilis per confessionem: atqui si confessio ex eo dolore non procedat, non potest reddere dolorem sensibilem: ergo debet procedere ab eo dolore, adeoque dolor debet esse prior confessione cùm ea prædicta relatione ad illam. Quamvis enim hæc ratio demonstrativa non sit, contrariūq; doceant plures Doctores, quos citat, & sequitur Arriaga disp. 37. sect. 2. & Tamburinus in Methodo lib. 2. c. 2. §. 4. nihilominus est probabilis, & tutior, adeoque in praxi amplectenda.

82. Qua de causa, quando aliqui bonâ fide confessi sunt, absque prævio dolore ante absolutionem, admonentur à Confessario,

ut

ut dolorem eliciant de illis peccatis in ordine ad abſolutionem: manifeſtatio autem illius doloris in eis circumſtantiis in ordine ad confeſſionem eſt accuſatio, & confeſſio peccatorum, quorum particularem notitiam habet iam confeſſarius, ac proindè ſufficiens eſt, ut validè, & licitè impendatur abſolutio, prior enim accuſatio verbalis quaſi retrotrahitur, ut ex Eccleſiæ praxi ſatis conſtat. Quinimò Cardenas diſſertat. 2. num. 88. iudicat, dolorem ita elicitum eſſe certò validum, quantumvis uno, vel duobus diebus ante confeſſionem habeatur, ſi poſtea abſque illius retractatione homo ex tali dolore moveatur ad confeſſionem. Ratio illius eſt, quia cùm tempus unius, vel alterius diei ſit adeò breve, optimè intelligitur, quomodò dolor ille poſſit in confeſſionē influere; ſecùs autem ſi diuturnitas temporis eſſet major, cùm valdè dubium ſit apud prudentes, an poſt maiorem temporis diſtantiā dolor ille poſſit influere. Cæterùm ſi iſte author loquatur de dolore nullum ſui effectum relinquire, non benè illum appellat moraliter permanentē, & virtualiter perfeverantem, ex num. 132. de Sacramentis. Si verò aliquem relinquit effectum

fectum sui, non est cur, si ad duos dies extendi possit, non valeat etiam ad aliquod amplius extendi, & majorem habere durationem, ut patet in illo, qui ex intenso dolore per plures dies conscientiam examinat, & se ad absolutionem disponit. Videatur Gobat tract. 6. de contr. casu 6. à nu. 46. vsque ad 148. Exindè.

83. Fit tertio: sententiam docentem, non requiri novum dolorem, quando quis confitetur peccata jam olim confessa, non manere practicè probabilem, licet re verâ probabilis sit speculativè, ut defendunt Cardin. de Lugo, Dicastillo, & plures alii, quos citat, & sequitur Moya tom. 1. select. tract. 3. disput. 5. quæst. 8. Ratio est, quia ista opinio non est certa, neque sui Authores defendunt illam, ut certam, sed ut probabilem. Quinimò Enriquez in summa lib. 4. cap. 26. num. 7. Filliucius tom. 1. tract. 6. pluresque alii oppositam sententiam defendunt, eâ ducti ratione, quòd non minùs requiratur dolor, ut pars essentialis, quàm confessio: sed unica confessio non potest deservire ad duas absolutiones, seu ad duo Sacramenta numero distincta constituenda: ergo neque idem dolor. Unde ea opi-

opinio non manet practicè , sed solùm speculativè probabilis , cùm probabile sit, sufficere eundem dolorem ad duas absolutiones; sicuti idem Christi Corpus ad constituendum duo Sacramenta Eucharistię numero diversa.

84. Fit quartò , cum Cardin. de Lugo , Cardin. Pallavicino, Dicastillo , & aliis: propositum vitandi mortalia , & venialia, ex motivo universalì conceptum , non intelligi retractatum per aliquod veniale postea commissum; adeoque sufficere ad confessionem mortalium, imò & ad venialium diversę speciei , quorum dolor retractatus non est: Ratio est, quia dolor, licèt sit universalis de omnibus peccatis, inæqualiter tamen ad illa, juxta eorum inæqualitatem, terminatur, ita ut magis mortalia, quàm venialia detestetur, ut ex ipsa virtuosi actus natura manifestè constat. Quapropter licèt per veniale commissum post illum dolorem , & ante absolutionem retractetur dolor , prout ad venialia illius speciei terminatus, perseverat tamen, prout ad mortalia, & venialia graviora se extendit, quod satis est, inquiunt Authores citati, ut sine scrupulo possit quis non iterato doloris actu recipere absolutionem.

85. Fit

85. Fit quintò : confessionem formaliter integram requiri necessitate Sacramenti ; Confessionem verò integram materialiter necessariam esse necessitate præcepti. Ratio est, quia confessio materialiter integra est ea , in qua declarantur omnia peccata mortalia , quæ habet pœnitens , aliàs nondùm ritè confessâ ; formalis verò est ea, in qua aperiuntur omnia modo, quo hîc , & nunc pœnitens tenetur , & potest ; etiamsi aliundè taceat, quæ declarare non tenetur . Ratio est , quia qui confitetur omnia , ad quæ tenetur , adimplet obligationem ad validam Confessionem , & sui accusationē requisitam , adeòque & potest elicere veram contritionem , sive perfectam, sive imperfectam, constitutivam Sacramenti ; sicque Sacerdos impendere potest absolutionem, atqui posita vera Confessione, contritione, & absolutione, datur verum pœnitentiæ Sacramentum, quod dari non potest deficiente requisito essentiali Sacramenti: ergo confessio formaliter integra est necessaria necessitate sacramenti; secùs integra materialiter. Quando autem aliquis culpabiliter non facit confessionem materialiter integram, neque potest elicere contritionem ad Sacra-

mentum requisitam, utpotè cum actuali peccato impossibilem, adeoque non recipiet validum pœnitentiæ Sacramentum. Cæterùm de his infra latiùs agemus, quando de causis ab integritate materiali confessionis excusantibus sermo sit.

86. Fit sextò: Satisfactionem non esse partem essentialem Sacramenti Pœnitentiæ, non solum ut opere impletam, verùm neque ut injunctam à confessario, neque ut acceptatam à pœnitente: Ratio est, quia Sacramentum pœnitentiæ dari potest secundùm tota sua essentialia, quin detur satisfactio opere impleta, vel injuncta, vel acceptata, ut patet in casibus appositis num. 76. vel quando constaret, omnem pœnam esse remissam, & opus non esset ulla pœnitentia medicinali, vel quando confessio esset ultima diligentia, ad lucrandum Jubilæum, vel Indulgentiam Plenariam: cùm enim in his casibus detur tota essentia Sacramenti, quin detur satisfactio, aut opere impleta, aut injuncta, aut acceptata, talis pœnitentia nequit esse pars essentialis Sacramenti pœnitentiæ. Vnde in eo Sacramento, in quo satisfactio est pars intrinseca, non est essentialis, sed integralis, cùm
hoc

hoc fit discrimen assignatum à Philosophis, & Theologis inter partem essentialem, & integram . Si verò peccata jam sint omninò remissa , quoad culpam ; cum tunc poenitentia necessaria non sit, ne aliquid de perfectione Sacramenti deficiat, Sacramentum illud non erit absque satisfactione imperfectum , adeoque satisfactio non erit pars integralis illius Sacramenti : sic capilli in barba sunt de integritate hominis adulti ; secùs autem pueri : quia licèt sint perfectio statûs adolescentiæ , non sunt perfectio statûs pueritiæ . Pariter satisfactio Sacramentalis est perfectio Sacramenti, quando adest poena remittenda, ut constat ex num. 77. secùs autem quando non adest , ut ex dictis, & ex universalis praxi Ecclesiæ constat .

S E C T I O II.

Solvuntur opposita .

§. I.

87. **O**BJICIES primò , contra primam Conclusionem. Sacramentû poenitentiae, non solùm est per se remissivum

H 2

pec-

peccatorum ab homine Christiano commissorum, sed etiam commissorum ante baptismum, si postea ab homine Christiano clavibus Ecclesiæ subiciantur: ergo data definitio non explicat adæquatam essentiam Sacramenti pœnitentiæ. Probatur Antecedens: Jurisdictio in foro Sacramentali potest exerceri in personam subditam, licet delictum commissum fuerit ab illa persona, quando subdita non erat: Sic qui Neapoli, dum subditus esset ejus Episcopi, delicta commisit gravia, & postea transiit Mediolanum, ibique domicilium figit, debet ab illis absolvi ab Episcopo Mediolanensi, cui subditur tēpore confessionis, quamvis subditus non esset, quando ea peccata commisit: persona enim modò huic Episcopo subiecta, quæ extra ejus Dioecesim peccatum aliquod commisit, non potest absolvi ab eo Episcopo, in cujus Territorio peccavit, sed à suo proprio, cui subiecta est. Quod ut certum docet Exim. Doctor disputat. 25. sect. 1. num. 18. qua de causa potest quis in Religione absolvi à peccatis, quæ commisit in sæculo, quia licet non esset subditus Religioni, quando ea commisit; subditus tamen est, quando ea confitetur, ut docet

cet

cet Cardin. de Lugo disput. 19. num. 9. & Ariaga disput. 39. num. 34. ergo eodem modo qui commisit peccata, quando non erat subditus Ecclesiæ, poterit absolui ab illis in Sacramento poenitentiae, quando jam est Christianus, & Ecclesiæ subditus.

88. Confirmatur primò. Partes essentialles Sacramenti Poenitentiae sunt, ultrà absolutionem, confessio, & dolor de peccatis commissis: sed circa peccata ante baptismum commissa potest dari confessio, & dolor: ergo &c. aliter si requirerentur peccata post Baptismum commissa, essent pars essentialis Sacramenti poenitentiae, contra doctrinam Tridentini citati à num. 73. Confirmatur secundò. Peccata jam semel per Sacramentum poenitentiae remissa, sunt materia sufficiens ad Sacramentum poenitentiae: ergo etiam peccata semel jam per Baptismum remissa. Probatur Consequentia, quia ad materiam remotam parùm refert, quod fiat ante, vel post Baptismum, ut constat paritate aliorum Sacramentorum: etenim quod hostia consecranda confecta sit à fidei, vel infidei, nihil conducit ad valorem Sacramenti Eucharistiae, idemque suo modo est de oleo, &

balsamo respectu Unctionis, & Confirmationis : cùm enim Sacramenta non consistant in materia remota, sed in proxima; sufficit, quod hæc fiat à debita persona, quidquid sit de materia remota : atqui ex parte pœnitentis materia proxima pœnitentiæ est contritio, & confessio, quæ modò apponuntur ab homine fideli circa peccata, quæ ante Baptismum commisit : ergo &c. Confirmatur tertio : Si adultus post Baptismum, reddatur perpetuò amens, ita ut post illum nec venialiter peccare potuerit; potest nihilominus recipere Sacramentum extremæ unctionis, & in eo verificari forma ratione peccatorum, quæ commisit ante Baptismum, ut cum Exim. Doctore docet Diana par. 3. tract. 4. resolut. 181. ergo etiam, quando manet sui compos, poterit suscipere Sacramentum Pœnitentiæ, & in eo verificari forma absolutionis ratione peccatorum, quæ commisit ante Baptismum. Hæc sunt fundamenta, quæ paucis ab hinc annis maximas apud Recentiores lites excitarunt, eaque hic breviter colligere placuit : non enim ea inuenies apud Doctores, cùm à suis Patronis nondùm sint huc usque typis data.

89. Resp. nego Antecedens. Ad probat. distin. Antecedens: potest exerceri in personam subditam, si adsint omnia requisita, ab institutione Christi Domini sibi essentialiter præfixa; concedo: si non adsint, nego Antecedens, & Conseq. Ratio est: quia Sacramentum est concretum ad placitum ex materia, & forma, à voluntate Christi Domini institutum, ex num. 69. institutio autem illa Christi præfixit sibi plures terminos, quibus deficientibus non datur illa institutio, circa illam materiam, & formam; ac proindè neque Sacramentum; sicuti evenit in reliquis signis ad placitum, ut latè diximus à num. 98. de Sacramentis, quæ in præsentì omninò videntur. Sic voluntas hominum instituit non quidè januam, sed ramum in signum vini venalis; verùm quia non vult instituere ramum, quando non appenditur, sed quando appenditur ad januam; appensio, & janua dicuntur puri termini illius institutionis, quibus deficientibus non datur institutio circa illum ramum; ideòque ramus, dum manet in arbore, vel in agro, non est institutus in signum vini venalis. Pariter in casu nostro. Institutio Christi circa Sacramentum

pœnitentiæ præfixit ſibi , tanquam purum terminum , peccata poſt Baptiſmum commiſſa , circâ quæ verſari deberent confeſſio , & dolor ex Tridentino citato num 71. ac proindè ſi non præcedunt talia peccata , nulla datur inſtitutio Chriſti circa confeſſionem , & dolorem ; adeòque neque materia proxima Sacramenti pœnitentiæ .

90. Peccata verò ab homine baptizato commiſſa , vel extra hanc Dioceſim , vel extra Religionem , jam ſunt peccata commiſſa poſt Baptiſmum , adeòque poſſunt remitti , vel ab hoc Epifcopo , vel à Prælato , cujus modò pœnitens ſubditus eſt . Quinimò cùm voluntas inſtituens ad placitum præfigat ſibi liberè hunc terminum , & non illum ; non quidèm per argumentum à paritate , aut ex cerebro noſtro , ſed per Scripturam , aut Concilia , aut Patres , debemus quærere , quem ſibi terminum præfixerit , quemnam autem non : Paritas enim in his rebus facilè viam aperit ad hæreſes inducendas , ut patet in exemplis ab adverſariis adductis : etenim Fidelis , qui in aliena Dioceſi commiſit peccata , quando non erat ſubditus hujus Sacerdotis , aut Epifcopi , tenetur modò ea confiteri

fiteri huic Sacerdoti, aut Episcopo, cujus subditus est: ergo Infidelis, qui commisit peccata, antequam esset subditus Ecclesiæ, tenetur modò ea confiteri Ecclesiæ, cujus est subditus ? en hæreticam Consequentiam ex ipsissima adversariorum paritate deductam. Exindè .

91. Ad primam Confirmat. distin. Ma: de peccatis commissis ab homine Christiano; concedo, ab infideli, nego Ma: & distinguo Mi: Confessio, & dolor à Christo institutus, nego, non institutus, Concedo Mi: & nego Conseq. Neque exindè fit, quod peccata post Baptismum commissæ sint pars essentialis Sacramenti, sed purus terminus, ex num. 89. Ad secundam Confirmat. concedo Antecedens, & nego Conseq. Ad probat. distin. Ma: parùm refert; si fieri ante, vel post Baptismum, non sit terminus ab ea Christi institutione sibi præfixus, concedo: si sit, nego Ma: & distinctâ, ut suprà Mi: nego Conseq. Ratio est, quia ex eo quòd peccata post Baptismum commissæ sint, tanquam materia remota, terminus ab institutione Christi præfixus, ut confessio, & dolor instituantur, deficiente illâ materiâ remotâ, deficit institutio

tio Christi circa illam confessionem, & dolorem; adeoque arguitivè deficit Sacramentum ex defectu talis materiæ remotæ, & formaliter ex defectu institutionis. Quod manifestum fit in ipsis exemplis adductis ab adversariis: Nam ex eo quòd Chrisma ex oleo, & balsamo (idem suo modo de oleo) non sit nudè sumptum materia remota confirmationis, sed Chrisma benedictum ab Episcopo, ex num. 28. de Confirmatione; quamvis detur Chrisma, si non sit ita benedictum, non datur materia remota, circa quam cadat materia proxima à Christo instituta. Pariter igitur in nostro casu.

92. Ad tertiam Confirmationem dist. Antecedens: potest recipere sacramentum extremæ unctionis, si peccata post baptismum commissa sint purus terminus respectu institutionis illius sacramenti, nego; si non sint, concedo Anteced. & nego Conseq. quia peccata post baptismum commissa sunt materia remota sacramenti pœnitentiæ, & terminus sibi præfixus ab institutione hujus sacramenti ex Trident. cit. nu. 71. & ex omnium theologorum consensu num. 72. An verò ita se habeant respectu sacramenti extremæ unctionis-

ctionis, non est constans apud Theologos, neque hùc usque definitum est à Conciliis. Undè qui judicant, non esse purum terminum talis institutionis, sed sufficere, quòd adultus baptizatus sit ratione ægritudinis in articulo mortis; concedunt, posse illi ministrari sacramentum extremæ unctionis, quod non solùm tendit ad remittenda peccata, si sint; sed ad conferendam gratiam, & allevandum infirmum, si expediat. Ideòque cum pluribus docet Arriaga, Beatam Virginem extremã unctionem recepisse. Qui autem docent, peccata post baptismum commissã esse purum terminum respectu talis institutionis, consequenter negant, posse conferri illi, qui post baptismum non peccavit. Eligant modò adversarii quamcumque ex his sententiam voluerint, & in illa invenient nostram solutionem.

§. II.

93. Objicies secundò contra secundam Assertionem ex Scoto: Sola absolutio significat remissionem peccati; non verò actus pœnitentis: ergo sola absolutio erit de constitutivo sacramenti pœnitentię; secùs actus pœnitentis. Confirmatur primò: pœnitens non

re-

remittit peccata , ſed ſolus ſacerdos , qui ſolus eſt miniſter : ergo actus pœnitentis non ſunt partes huius ſacramenti remiſſivi peccatorum : aliter ſicût in matrimonio uterque contrahens eſt miniſter , quia uterque præſtat conſenſum , qui eſt pars illius ſacramenti , ita in hoc ſacramento , & ſacerdos , & pœnitens eſſent miniſtri . Confirmatur ſecundò : dolor non eſt ſenſibilis : ergo neque pars ſacramenti , quod eſſentialiter eſt ſenſibile. Reſpon. diſt. Ma: ſola àbſolutio ſecundùm ſignificationem , quam habent verba , impoſitam ab hominibus , concedo ; ſecundùm ſignificationem , quam habet ſacramentum , impoſitam à Chriſto , nego Antec. & Conſeq. ut latè conſtat à num. 50. de ſacramentis . Ratio eſt , quia ea omnia ſignificant remiſſionem peccati juxta Chriſti inſtitutionem , quæ à Chriſto ſunt inſtituta ad conſtituendum iſtud ſacramentum : cùm autem conſtituant illud non ſolùm àbſolutio , ſed etiam actus pœnitentis , exindè , & àbſolutio , & actus pœnitentis ſignificant remiſſionem peccati juxta ſignificationem à Chriſto impoſitam .

94. Cæterùm non ſunt miniſtri , neque remittunt peccatum omnes , qui partes illas appo-

apponunt, sed qui nomine Christi apponant formam ad constituendum illud concretum, ex num. 193. de sacramentis. Cùm autem in pœnitentia solus sacerdos apponat formam, licèt in matrimonio eam apponat uterque contrahens; exindè in sacramento pœnitentiæ solus sacerdos remittit, & est minister, licèt in sacramento matrimonii uterque contrahens sit minister. Ad secundã Confir. dist. Antec. non est sensibilis immediatè, & per se, conc. mediatè, & per confessionem validam, humilem, & devotam, nego Antec. & Conseq. quia in illis circumstãtiis ista sunt signa doloris sufficientia ad reddendum apud homines dolorem sensibilem, ita ut si apparentia sit re-cta, reddatur rectè sensibilis, & simulatè, si apparentia sit simulata, prout cõtingere potest in prolatione verborum, aliisq; sacramentorum constitutivis, ex num. 56. de sacram.

95. Objicies tertio ex Soto. Tridentinum sess. 14. can. 4. tres solas partes sacramenti pœnitentiæ enumerat; nimirum actus pœnitentis: ergo absolutio non est pars hujus sacramenti; aliter daretur quarta pars contra Tridentinum. Confirmatur: absolutio non est actus pœnitentiæ: ergo non constituit pœnitent-

tentiam sacramentum . Resp. dist. Anteced. secundum quod se habet ex parte materiæ , concedo ; ex parte formæ , nego Anteced. & Conseq. quia ipsum Tridentinum ultrà eas tres partes, quas assignat, ut materiã; assignat etiam absolutionem, ut formam, ex nu. 73. Ad Confirm. dist. Antec. non est actus pœnitentiæ virtutis, concedo: pœnitentiæ sacramenti, nego Antec. & Conseq. absolutio enim, utpote actus judicialis, est præcipuus actus pœnitentiæ sacramenti constituti per modum iudicii, ut ait Tridentinum citatum . Neque video consequentiam Soti . Quid enim refert, quod absolutio non constituat pœnitentiam virtutem, ne constituat pœnitentiam sacramentum ; quandoquidem apud ipsum confessio verbalis constituit pœnitentiam sacramentum, quin constituat pœnitentiam virtutem ?

96. Objicies quartò , contra tertiam Assertionem . Ad valorem sacramenti pœnitentiæ requiritur acceptatio, sive propositum adimplendi pœnitentiam ; cùm requiratur propositum adimplendi omnia , ad quæ pœnitens tenetur , & teneatur acceptare pœnitentiam justam , quam confessarius imponit:
atqui

atqui ea omnia, quæ sunt necessaria ad valorem, sunt de essentia sacramenti : ergo acceptatio pœnitentiæ est de essentia sacramenti. Confirmatur primò : iudicium sacramenti pœnitentiæ debet esse essentialiter iustum: sed tale non esset absque satisfactione : ergo satisfactio est pars essentialis sacramenti pœnitentiæ . Confirmatur secundò: si satisfactio esset solùm pars integralis, posset dari hoc sacramentum sine satisfactione , sed hoc implicat: implicat enim sacramentum integraliter mutilum , quale esset absque sua parte integrali: ergo &c. Confirmatur tertio: Tridentinum eodem modo loquitur de satisfactione, ac de aliis actibus pœnitentis: ergo satisfactio est pars essentialis, nō minùs quàm alii actus. Resp. dist. Ma. requiritur acceptatio distincta à contritione, nego; indistincta, quando pœnitentia obligat sub gravi, concedo Ma:& distinguo Mi: Sunt de essentia, si sint de constitutivo contritionis, confessionis, & absolutionis, concedo: Si non sint, nego Mi:& Conseq. Ratio est, quia contritio, ut sæpè diximus, est votum adimplendi ea omnia , ad quæ homo sub gravi tenetur; adeòque quando sub gravi tenetur ad admittendam, & implendam pœ-

nitentiam, est votum, & acceptatio illius; At non quærimus de acceptatione in hoc sensu, an sit de sacramenti constitutivo essentiali, sed de acceptatione sumpta pro actu distincto à contritione, & confessione, de qua dicimus, non esse partem essentialem sacramenti, cùm sine illa possit stare tota essentia sacramenti, ex num. 75.

97. Ad primam Confirmationem dist. Ma: essentialiter justum, idest justificativum, remissivum, aut sanctificativum, concedo, compensativum per satisfactionem, aut poenam impositam; nego Anteced. & Conseq. Ad secundam Confirmationem: concedo Ma: & nego Mi: sicut enim homo sine brachio dicitur integraliter mutilus, ita sacramentum poenitentiae sine satisfactione, quando hæc requiritur ad partem poenae delendam, dicitur mutilum integraliter, quamvis tale non sit, quando necessaria non est satisfactio ex num. 86. Ad tertiam Confirmationem, dist. Antecedens: eodem modo loquitur sub conceptu communi abstrahente à partibus essentialibus, & integralibus, concedo; sub conceptu specifico contracto ad partes essentielles præ integralibus, nego Anteced. & Conseq.

Ra-

Ratio est, quia Tridentinum quando loquitur de his partibus intrinsicis, agit de illis prout requisitis non solum ad essentialē peccatorum remissionem, sed etiam ad integram, ex num. 77. sub quo conceptu non solum includuntur partes essentielles, sed etiam integrales. Quapropter inferendum est per principia theologica, quānam ex illis sint essentielles, quānam verò integrales. Ex principiis autem theologicis in universali Ecclesiæ praxi fundatis, clarè deducitur, satisfactionem non esse partem essentialē, sed integram, ut constat ex dictis. Quinimò, si quando satisfactio imponi debet, esset pars essentialis; ipsa deficiente, deficeret sacramentum, quāvis ex culpabili, vel inculpabili oblivione confessarii deficeret: cū autem ex defectu illius sacramentum non deficiat, exindè manifestè fit, non esse partem essentialē.

98. Obiicies quintò: pars integralis sacramenti poenitentię pertinere dumtaxat potest, vel ad materiam, vel ad formam: atqui satisfactio, neque ad materiam pertinet, neque ad formam: ergo &c. Probatur Mi: materia debet antecedere formam, quæ solum se habet ex parte ministri; sed satisfactio, neque

De Pœnit. Pars II.

I

se

se habet ex parte ministri, sed ex parte pœnitentis; neque antecedit formam absolutionis, sed eam subsequitur: ergo &c. Confirmatur: materia est illa, quæ ad constituendum suum compositum cum forma determinatur à forma: sed satisfactio non determinatur à forma: illa enim verba formæ: *Absolvo te à peccatis*, solùm significant absolutionem à culpa, & pœna æterna, habentque totam suam verificationem, quamvis nulla sit imponenda satisfactio: ergo &c. Resp. concedo Ma: & nego Mi: Ad prob. nego Ma: Materia enim, quæ ab homine per nutritionem acquiritur, est vera pars integralis compositi humani, & non præcedit formam, sed eam subsequitur; unde necesse non est, quod materia integralis præcedat formam; adeoque parùm refert, quod satisfactio subsequatur formam, ne sit pars integralis.

99. Ad Confirmationem dist. Ma: determinatur à forma, vel essentiali, vel integrali, concedo; solùm essentiali, nego Ma: & dist. Mi: nego Conseq. Ratio est, quia licet forma essentialis consistat in illis verbis: *Absolvo te à peccatis*: integratur tamen per præceptum satisfactionis exhibendæ impositum à confessario,

rio; siue verbis, siue nutibus imponatur, cùm impositio satisfactionis sit de integritate iudicii, & sententiæ iudicis. Qua de causa quodcumque opus pœnale faciat pœnitens post absolutionem, non erit satisfactio sacramentalis, nisi à confessario iungatur, qui est verus iudex à Christo institutus in hoc sacramento, ut definit Tridentinum sess. 14. cap. 5. per hæc verba: *Dominus noster Iesus è terris ascensurus ad Cœlos, sacerdotes, sui ipsius Vicarios, reliquit, tanquam præsides, & iudices, ad quos omnia mortalia crimina deferantur, in quæ Christi fideles ceciderint, quo pro potestate clauium remissionis, aut retentionis peccatorum sententiam pronuncient.*

DISPUTATIO III.

*De materia remota, & obligatione
Pœnitentis.*

100. **M**A T E R I A remota Sacramenti pœnitentiæ sunt peccata, quæ pœnitens confiteri tenetur, aut licitè potest, in ordine ad absolutionem: Cùm autem talia sint peccata post baptismum commissa; secùs.

autem ea , quæ commissa fuerunt ante baptismum ex num. 71. ea de causa illa , & non ista sunt materia remota sacramenti pœnitentiæ . Peccata autem jam ritè confessa, sive venialia, sive mortalia, sunt materia libera, & sufficiens , ut constat ex Benedicto XI. citato num. 54. de virtute . Peccata verò mortalia quoad speciem , & quoad numerum peccatorum, adeòque, & quoad circumstantias mutantes speciẽ, sunt materia necessaria, si nondùm sint ritè confessa, ex num. 16. & ex Tridentino sess. 14. Can. 7. ubi hæc habet : *Si quis dixerit, in sacramento pœnitentiæ ad remissionem peccatorum necessarium non esse jure divino, confiteri omnia, & singula peccata mortalia, quorũ memoria cum debita, & diligenti præmeditatione habeatur, etiam occulta, & quæ sunt contra duo ultima decalogi præcepta, & circumstantias, quæ peccati speciem mutant, sed eam confessionem tantum esse utilem ad erudiendum, & consolandum pœnitentem, & olim observatam fuisse tantum ad satisfactionem canonicã imponendam; aut dixerit, eos, qui omnia peccata confiteri student, nihil relinquere velle divinæ misericordiæ ignoscendum; aut demum, non licere confiteri peccata venialia, anathema sit.* Exinde

dè ortum habent plures, & gravissimæ apud theologos difficultates, in hac disputat. decidendæ jam circa peccata dubia, jam circa circumstantias, intra eandem physicam speciem notabiliter aggravantes, jam circa modum peccata confitendi, sive sacerdoti absenti, sive præsentī, sive verbo, sive scripto; jam circa obligationem manifestandi iterum peccata aliàs ritè confessa, si confessarius necessarium esse judicet ad pœnitentis consuetudinem agnoscendam, ad quorum claram, & solidam decisionem, oportet plura in præsentī notare, ne inter se, quæ valdè diversâ sunt, confundantur. Pro quo fit.

S E C T I O I.

De principiis ad disputationem requisitis.

§. I.

101. **C**ONCILIUM Tridentinum sess. 14. cap. 5. sex apponit principia, quæ ad Canonem 7. nu. superiori citatum, postea detulit, ex quibus ferè tota hujus disputationis resolutio dependet. Primum est: *ex institutione sacramenti pœnitentiæ jam explicata,*

universa Ecclesia semper intellexit, institutam etiam esse à Domino integram peccatorum confessionem; & omnibus post baptismum lapsis jure Divino necessariam existere. Secundum. Constat enim: sacerdotes judicium hoc, incognitâ causâ, exercere non potuisse, neque æquitatem quidem illos in pœnis injungendis servare potuisse, si in genere dumtaxat; & non potius in specie, ac singillatim sua peccata ipsi declarassent. Tertium. Ex his colligitur, oportere à pœnitentibus omnia peccata mortalia, quorum post diligentem sui discussionem conscientiam habent, in confessione recenseri, etiamsi occultissima illa sint, & tantum adversus duo ultima decalogi præcepta commissa. Quartum. Qui verò secus faciunt, & scienter aliqua retinent, nihil divinæ bonitati per sacerdotem remittendum proponunt. Quintum. Colligitur prætereà, etiam eas circumstantias in confessione explicandas, quæ speciem peccati mutant. Sextum. Reliqua autem peccata, quæ diligenter cogitanti non occurrunt, in universum eadem confessione inclusa esse intelliguntur. Ex quibus constat: triplicem esse integritatem materiale: alia quidem est specifica, in qua omnes peccato-
rum

rum species: alia numerica, in qua omnes numeri: & alia circumstantiarum, in qua omnes circumstantiæ declarantur . Pro claritate, & brevitate sex illa Tridentini principia ad hæc tria membra, illorumque explicationem reducemus. Circa primum igitur divisionis membrum .

102. Suppono primò: peccata mortalia dupliciter posse specie distingui, primò specie physica, & materiali, nimirum quando actus habent objecta specie physicâ distincta v.g. furtum auri, & furtum argenti. Secundò specie morali; nimirum quando malitiæ notabiliter diversæ sunt in ordine ad mores . V.g. furtum rei profanæ, & furtum rei sacræ . Exinde Exim. Doct. disput. 22. sect. 2. Sorus, Coninck, Bonacina, & alii docent, explicandas esse species morales; non autem esse necessarium ad integritatem confessionis sacramentalis, explicare omnes species purè physicas peccatorum . Ratio est, quia, ut constat ex Trident. cit. num. superiori, eatenus debent declarari jure divino peccatorum species, quatenus confessarius judicium exercere non potest, incognitâ causa; adeoque neque curationem, & medicinam afferre valeat

opportunam, atqui species purè physicæ non immutant iudicium confessarii; benè verò species morales: etenim in humana æstimatione, & in ordine ad iudicium confessarii, perinde est, si furtum quatuor juliorum committatur, furando aurum, vel argentum; E' contrà verò sæpè contingit, ut peccata non differant specie physicâ, & tamen differant specie morali, ut peccatum veniale, & mortale ejusdem speciei physicæ in eadem materia, v.g. auri, vel argenti, ut furtum unius argentei, & furtum, quod habet aliquid amplius. Idemque est de duobus peccatis in eadem materia, quorum unum fiat cum perfecta advertentia, & deliberatione; aliud verò cum imperfecta. Sic etiam comestio carnis die Jovis, & die Veneris physicè ejusdem speciei sunt, & tamen moraliter distinguuntur specie. Cæterùm de his infra latiùs agemus.

103. Suppono secundò, cum omnibus Theologis recentioribus, teste Gobat. tractat. 6. numero 357. adversùs Cajetanum, & Navarrum: debere exprimi in confessione non solùm species supremas, & subalternas, sed etiam infimas, & ultimas in esse moris; ita ut liberè omitti non possint, quæ notæ sunt the-

theologis benè doctis; quamvis ignotæ sint theologis mediocriter doctis. Ratio est, quia cùm Tridentinum num. 101. citat. doctrinam tradat instructivam morum, debet intelligi de speciebus in esse moris: atqui dùm definit, explicandas esse has omnes species, & circumstantias mutantem speciem, nullam excipit, sive nota sit, sive ignota solùm mediocriter doctis: ergo &c. Qua de causa Vazquez, quæst. 91. dub. 1. num. 9. contrariam sententiam falsissimam vocat, & Tridentini verbis repugnantem: exindè non satis est occidenti, & furanti, dicere: commisi duo peccata contrà justitiam: sed opus est dicere: commisi homicidium, & furtum.

104. Neque satis est dicere: commisi duo peccata contra religionem, quando aliquis violavit votum, & præceptum audiendi sacrum. Neque satis est dicere: peccavi contrà temperantiam, & justitiam; sed necesse est dicere, in qua specie injustitiæ, & intemperantiæ: Valdè enim in esse moris diversæ sunt, judiciumque per se variant confessarii, licèt per accidens ratione ignorantiae non varient. Peccata autem acromantiæ, hydromantiæ, & alia similia, quorum meminit S. Thom. 2.2. quæ-

quæstion. 95. art. 3. probabile est, non esse distinctas specie in esse moris, sed purè in esse physico: tota enim peccati ratio stat in pacto cum dæmone ad divinandum: quod autem exerceantur in hac, vel illa materia, aquâ vel terrâ, non variat per se rationem malitiæ, ac proindè juxta hanc sententiam opus non erit, in ejusmodi peccatis, diversas species physicas explicare: nisi fortè aliquandò adsit pactum explicitum, & aliquandò solùm implicitum: quia illud, & non istud addit commercium cum dæmone, & malitiam notabiliter diversam; quod dictum etiam habet de similibus casibus.

105. Suppono tertio: opus non esse pluribus actibus specie morali distinctis, ut dentur plures malitiæ distinctæ in confessione explicandæ: Ratio est, quia in eodem actu possunt dari plures malitiæ specie morali distinctæ: actus enim cum extrinsecè specificentur ab objectis, & intrinsecè ex suo modo tendendi circa illa, ut habet S. Thom. 1. 2. quæst. 18. art. 2. 3. 4. ex eo sunt boni, vel mali, quia ad objectum bonum, vel malum, bono vel malo fine tendunt, induuntque speciem bonitatis, aut malitiæ, in qua est objectum.

Qua-

Quapropter quandò circumſtantiæ diverſam ſpeciem bonitatis, aut malitiæ addunt objecto, refunditur in actum præcipuè juxta finem ipſius actus. Sicut enim contingit in una ſpecie peccati, dari plura individua, & numerum peccatorum majorem, vel minorem; ita etiam contingit, in eodem actu realiter indiviſibili, dari plures ſpecies malitiæ invicem formaliter ſeparabiles, & ſecundùm conceptum formalem diſtinctas: etenim qui furatur in Eccleſia propter mæchiam, & cum ſcandalo adſtantium, exercet realiter unum actum, cui tamen ineſt multiplex ſpecies malitiæ, nimirum furti, ſacrilegii, luxuriæ, & ſcandali, ex quibus quælibet ex ſuo conceptu, & quidditate eſt diſtincta, & ſeparabilis à reliquis.

106. Inter prædictas autem realiter identificatas formalitates, illa, quæ eſt veluti fundamentum, & ſubjectum cæterarum, eò quòd ſit univerſalior, vel majoris indifferentiæ, vel magis nota, vel ex ſe, aut per rationem prior, cùm ſit id, quod intenditur ab operante; ut in prædicto exemplo ratio furti; dicitur communiter pertinere ad ſubſtantiam actûs; reliqua verò ad circumſtantias. Cæterum

rùm quænam circumstantia addat malitiam specie diversam, infertur, vel ex eo quòd opponatur diversæ virtuti; adeoque spectet ad diversum vitium; ut ajunt Moya tr. 3. sect. 1. & Tamburin. lib. 2. de expedita confessione cap. 1. vel ut ait Scotus in quartum dist. 17. ex eo quòd speciali, & diversa prohibitione interdicitur, vel ut clariùs D. Thom. in quartum, dist. 16. quæst. 3. art. 2. ex eo quòd habeat specialem repugnantiam cum ratione, diversam ab ea, quæ est in ipsa substantia actûs. Undè quotiès actio ex motivo duplicis virtutis prohibetur, ut occisio clerici ex justitia, & religione: vel ex eadem suprema virtute sub diverso formali titulo notabiliter distincto, ex quo substantiæ actui diversa advenit repugnantia cum ratione: ut omissio actionis debitæ ex voto, & juramento: totiès datur circumstantia addens substantiæ actui malitiam specie distinctam.

107. Quando ergo tales circumstantiæ mutant speciem graviter, declarandæ sunt; adeoque si quis occidat clericum, non satisfaciet dicendo: occidi hominem: quia ea occisio, præter malitiam homicidii, habet etiam malitiam clericidii. Pariter si conjugatus, vel ligatus

rus voto castitatis, peccaverit cum consanguinea, vel conjugata, vel habente votum castitatis; non satis erit, si explicet peccatum fornicationis; sed debet explicare circumstantiam adulterii, vel sacrilegii, vel incestûs, & sic de aliis similibus, de quibus infrà. Si autem circumstantiæ speciem solùm leviter mutant: V.g. si aliquis occidat ob levem vanam gloriam, vel juret falsò cum modico præjudicio proximi, sicut non obligatur ad confitendum peccatum veniale, ita neque ad illam circumstantiam, solùm venialiter malam. Et hæc pro præambulis circa primum assignatę divisionis membrum.

108. Suppono quartò circa secundum membrum divisionis: teneri pœnitentem certum, ac determinatum numerum peccatorum declarare, in quem finem tenetur diligens conscientię examen præmittere; non minorem diligentiam adhibendo, quàm adhibere solent prudentes ad res graves obtinendas, ut benè notavit Gasp. Hurtado disp. 9. diff. 8. quo satisfit obligationi examinandi conscientiam. Ratio est, quia Deus non præcipit impossibilia, sed ea, quæ humano, & prudenti modo agendo, valent adimpleri: atqui apponere di-
ligen-

ligentiam, quæ adhiberi ſolet à prudentibus, ad res graves obtinendas, eſt humano, & prudenti modo agere: ergo &c. Undè neque ſatisfit per levem conſcientiæ diſcuſſionem, neque requiritur exquisitiſſima, quæ potiùs ad generandos ſcrupulos, quàm ad certificandum pœnitentem de adimpletione præcepti, deſerviret. Quapropter adhibito examine modo explicato; ea, quorum pœnitens obliſcitur, in ea confeſſione comprehenſa eſſe intelliguntur, juxtà doctrinam Tridentini traditam num. 101. Notat opportunè Exim. Doctor diſp. 22. ſect. 5. illum, qui multa commiſit peccata ſolo numero diſtinſta, non teneri ea ſucceſſivè narrare, ſed ſufficere, ſi dicat numerum uno verbo, v.g. mille jura-menta: etenim quando Tridentinum ait, ſingula ſingil- latim eſſe aperienda, ſolùm ſignificat aperiri debere, oſtendendo, unum peccatum diſtin- gui ab alio; quod ſatis præſtatur, declarando uno verbo eorum numerum: ſiquidem qui dicit eſſe mille, ſatis declarat, ea diſtinſta eſſe. An autem oblita comprehendantur ratione examinis, vel ratione doloris, diximus agen- do de virtute, & infrà latiùs conſtabit.

109. Suppono quintò: quando poſt dili-
gens

gens conscientiae examen, non occurrit numerus omninò certus; benè verò talis, qui plùs, minùsve creditur, parùm à certo distare eo modo, quo memoriae occurrit; declarandum eum numerum esse. Ratio est, quia sic fit, quod humano, & prudenti modo agi debet; adeòque sufficit ad poenitentis obligationem implendam; secùs autem impleretur, si numerus ille non ita exponeretur, ut est in conscientia. Quapropter reus esset mortalis criminis, qui certus de contracto majori numero peccatorum, confiteretur illum, apponendo minorem numerum cum particula circiter. V.g. qui certò scit pejerasse duodeciès, si dicat: pejera vi circiter deciès, paulò plùs, minùsve. Ratio est, quia ille haberet peccatum in conscientia, & non confiteretur illud, ut certum; sed ut dubium; adeòque non confiteretur illud, prout est in conscientia, contra textum Tridentini datum principio tertio. Ex quo Catechismus Tridentini tit. de poenit. ita habet: *ea enim confessio esse debet, quæ nos tales sacerdoti aperiat, quales nos ipsos novimus, certa que pro certis, ac dubia pro dubiis demonstret.* Quod maximè notandum est pro his, quæ infrà circa peccata dubia dicemus.

110. Unde ſi quis modò confitetur, dicens: peccavi deciès paulò plùs minùſve, & poſteà occurrat numerus certus duodecimus; probabilius judico, ipſum teneri poſteà aperire, ut certa, ea duo peccata, quæ confefſus fuerat, ut incerta; licèt plures Doctores oppoſitum cenſeant: Ratio eſt, quia ille nunquam confefſus fuit illa peccata, prout ſunt in conſcientia: atqui tenetur illa confiteri, prout ſunt in conſcientia; certa quidèm pro certis, & dubia pro dubiis: ergo &c. Quinimò, & apud ipſos adverſarios; ſi aliquis confiteatur modò peccatũ, ut dubium, & poſteà agnoſcat, ſe certò illud perpetràſſe, tenetur poſteà illud confiteri: atqui nō ex alio titulo, niſi ex ratione à nobis assignata: ergo &c. Sin autem rogo: ille, qui dicit: deciès paulò plùs, minùſve pejeravi: cōfitetur duo ſuprà deciès, ut certa, vel ut dubia? Si primum: ergo non confitetur illa, ut ſunt in conſcientia: Si ſecundum: ergo ſi quando confitetur peccatum, ut dubium, tenetur poſtea illud confiteri, ſi appareat, ut certum: eodem pacto qui dicit decem paulò plùs, minùſvè, ſi poſteà certò ſciat, fuiſſe duodecim, tenebitur confiteri, ut certa illa duo; ſecùs eſſet, ſi poſtea in-

ve-

veniret, non fuisset decem, sed octo, quia illa octo, quæ certò sunt in conscientia, jam fuerunt confessa, ut certa. Quidquid tamen sit de probabilitate sententiæ contrariæ.

§. II.

III. Suppono sextò: Doctores sententiæ contrariæ nobiscum convenire in eo quod teneatur poenitens confiteri, ut certum numerum, quem sub illis particulis, *paulò plus, minusve*, confessus fuerat, ut incertum; si postea appareat notabilis excessus supra numerum prius expressum. Quantum autem requiratur ad notabilem excessum, non est constans apud Doctores. Aliqui enim dicunt, eas voces *paulò plus, minusve* solùm extendi ad duo peccata; rectiùs tamen plures alii Doctores, quos sequitur Diana par. 3. tract. 4. resol. 94. dicunt, id esse iudicio prudenti committendum, quamvis prudenter solùm possint extendi ad parvum numerum. Card. de Lugo disput. 16. num. 96. ait; in hoc iudicio servandam esse hanc regulam, ut quò major est numerus, qui exprimitur, eò etiam major, proportionem servatâ, possit sub illis verbis comprehendi.

Gobat num. 422. ait, quod ipse non compelleret iterum confiteri illum, qui confessus, se centiès pejerasse paulò plùs, minùsve, postea inveniret deciès ampliùs se pejerasse. Card. de Lugo num. 86. eodem modo discurrit de illo, qui deciès quinquès, & postea inveniret vi-ciès pejerasse. Largiùs locutus est Tannerus quæst. 7. dub. 3. n. 45. dicens: qui 20. circiter pejerasse confessus est, non teneri, si postea deprehenderit, esse 30. Largissimè autem omnium Vivaldus in candelabro de confessione num. 7. excusans eum, qui confessus est, se circiter centiès blasphemasse, & postea benè memor invenit, id contigisse ducentiès: quem meritò omnes rejiciunt.

112. Quando autem factâ debitâ diligentia, neutro ex dictis modis potest affirmari certus numerus peccatorum: sufficiet declarare consuetudinem peccandi, quam pœnitens habuit, & tēpus, quod in illa perduravit, & modum frequentia per dies, aut hebdomadas, aut menses, aut annos, ad quod explicandum, debet quoque confessarius juvare pœnitentem modo, quo possit, sicque licitè, & validè conficietur sacramentum. Ratio est, quia ille homo hoc modo adimpleret, quod

quod docet Tridentinum; nimirum aperire peccata sua post diligens examen, prout sunt in conscientia: ergo qui post diligens conscientiae examen, non potest alio modo ea in species, & numerum redigere; bene verò modo à nobis exposito, licite, & valide confitetur, suam conscientiam eo modo manifestando. Quinimò confessarius in his casibus certiorum numerum non debet inquirere, nec poenitentem extorquere, cum hoc sufficiens sit, ut morale, & rectum iudicium concipiat circa poenitentem: accuratorem enim numerum definire, est moraliter impossibile, vel ita incertum, ut nulla fides possit adhiberi, ut notavit Exim. Doctor disput. 22. sect. 5. num. 39. Sciendum tamen est; in quo mortale differat à veniali; secundum quod in tractatu de peccatis docent Theologi; ut confessarius rectè procedere possit in hoc sacramento. Illud quippè est peccatū mortale Theologicè sumptum, quod sub gravi à Deo prohibetur, sicque affert jus ad determinatam inimicitiam, estque valdè dissonum naturæ rationali, secundum se consideratæ. Peccatum autem veniale ob suam levitatem, sive non adeò notabilem cum rationali natura difformitatem,

non affert jus ad determinatam inimicitiam; adeoque neque à Deo sub gravi prohibetur; etsi fervorem charitatis minuat , & temporalem poenam mereatur.

113. Neque conducit ad praxim quaestio illa, quam Doctores exagitant circa numerum peccatorum: An scilicet quando per unum actum vis occidere decem homines, dentur ibi decem peccata numero distincta , vel unum peccatum habens decem malitias : quia ; sive plura peccata sint ; ut docent plures cum Vazquez ; sive unum, plures malitias continens, ut alii docent cum Bonacina ; cum hoc unum illis decem æquivalet, explicari debet in confessione ; nec sufficit dicere: volui semel occidere plures . Ratio est : quia sicut furtum leve unius julii , & furtum grave quatuor juliorum sunt una , & eadem species physica; non verò una, sed duplex species moralis; ita actus , quo vis occidere decem homines , etsi sit unum peccatum physicè , non est unum, sed decem peccata moraliter , utpotè decem peccatis æquivalens : atqui nequit explicare peccatum poenitens, prout est in conscientia, qui moraliter habet decem peccata, & ea non confitetur: ergo &c. Eodem modo , qui per mul-

multum temporis perseverat in voluntate prava, tot multiplicat actus, quot objecta variat, & quot interruptiones immiscet, five minimas, five voluntarias, five involuntarias, five ex quacumque distractione naturali, vel somno, etiam modici temporis; ut habet Exim. Doctor disp. 22. sect. 5. Ratio est, quia nequit variari objectum actus peccaminosi, quin actus peccaminosus varietur, adeoque detur novum peccatum: neque potest voluntas, post interruptionem, pristinum objectum amplecti, nisi per novum moralem actum, adeoque, & per novum peccatum: talia enim peccata, cum per distinctum usum libertatis committantur, diversis, coram Deo, poenis punientur, habentque malitias moraliter distinctas, adeoque augent numerum peccatorum.

114. Præceptum autem confessionis non induxit novum modum distinguendi numero peccata, sed supposita distinctione, quam in se habent, obligat ad numerum illum declarandum, five, quod idem est, ad ea peccata singillatim aperienda, ut definit Trident. num. 101. Ob hanc namque rationem peccata, quæ in esse peccatorum inter se specie di-

stinguuntur, etiã inter se distinguuntur in ordine ad confessionem; sive illa distinctio sit magna, sive parva, sive cognitu facilis, sive difficilis, ex num. 103. Unde peccata, quæ inter se numero distinguuntur, talia etiam sunt in ordine ad confessionem; ac proinde tenetur homo confiteri eam multitudinẽ eo modo, quo potest. Quapropter cùm quis ea peccata confiteretur per modum unius moræ in peccando, juxta dicta num. 112. non est confiteri illa per modum unius peccati, sed per modum unius confusæ multitudinis in illa mora inclusæ, quæ neque aliter ab homine fieri solet, neque aliter potest ab homine cognosci, aut explicari. Si autem aliqui agnovissent adeò grossam distinctionem inter unum peccatum, & unam moram in peccando, agnovissent etiam metaphysicam concordiam, quam semper inter se observat Exim. Doctor.

115. Quando verò actus internus peccaminosus, vel ex natura sua, vel ex humano operandi modo, ordinatur ad actum externum; declaratio peccati externi censetur communiter apud Doctores sufficiens ad declarandam multitudinem peccatorum con-
cate-

catenatorum . Sic declarato peccato fornicationis, censentur declarati tactus, & actus impudici præcedentes in ordine ad talem finem elicitum; secus autem subsequentes, cum illi, & non isti ordinentur ad eum finem peccaminosum, eaque de causa sint, quasi partes ejusdem integri peccati; quod ad tactus subsequentes, extendit Lugo cum pluribus, eo quod sint complementum actus præcedentis, adeoque constituent unum integrum peccatum. Etsi doctrina hæc extendi non possit ad secundam copulam, cum unaquæque sit ex natura sua opus consummatum, nec ad aliam ordinetur. Hæc doctrina propter Doctorum auctoritatem probabilis est, & ad tollendos plures scrupulos, tum in poenitente, tum in confessario; licet probabilius judicem, obligationem ea singillatim manifestandi, modo, quo poenitens possit, cum debeat se talem manifestare coram confessario, qualẽ se noscit coram Deo, ut constat ex nu. 109. illaque omnia sint verè, & coram Deo peccata numero distincta, ex num. 113.

116. Exindè qui volens interficere inimicum, parat arma, occasionem quærit, & alia ad finem intentum præstat, plures immi-

K 4 scens

scens interruptiones, quamvis occisio non sequatur; non benè confitetur, dicens dumtaxat: volui occidere inimicum; cùm ea verba non satis exprimant numerum peccatorum, juxta nostram datam doctrinam de numerica multiplicitate; etsi Doctores, num. superiori citati, consequenter ad sua principia doceant, constitui ex omnibus his mediis, prout ordinatis ad finem, unum solùm peccatum, cum non discontinuentur moraliter, etsi discontinuentur physicè. Juxta nostra verò principia tot sunt peccata, quot etsi minimæ interruptiones. Qua de causa Exim. Doctor disp. 22. sect. 5. num. 29. hæc habet: *Itaque non satis erit dicere: desideravi occidere hominem: sed oportet dicere: decrevi, & deliberavi, & de mediis ad interficiendum mecum statui.* In quibus, & similibus casibus meliùs exprimitur numerus, declarando illum per modum unius moræ, quod facilè fieri potest, quàm ad ulteriora descendendo ex regula, & ratione data ex nu. 112. Actûs verò intensio, inquit Exim. Doctor, non solet esse ab homine discernibilis, nisi per effectus, in quos prorumpit, aut prorumpere intendit; adeoque his explicatis, manet quoque apud homines ea intensio ex-

pli-

plicata. V.g. quando aliquis occidens inimicum, non contentus homicidio, postea illum in frustra secatur, & multiplicat vulnera, manifestando, inquam, humanos actus externos, satis declarat magnitudinem actus interni. Si autem magis extraordinaria, & discernibilis à peccatore aliquando esset, teneretur eam intentionem aperire. Si autem discernibilis non sit, jam manet in eadem confessione inclusa juxta Trident. cit. num. 101.

117. Beneficia autem determinata majora vel minora, major vel minor advertentia, longior duratio actus absque ulla interruptione, & id genus alia, etsi ad varios poenitiæ fines assignatos num. 490. de virtut. convenienter explicari possint; non tamen est obligatio ex vi sacramenti ea explicandi. Ratio est, quia determinata beneficia, advertentia, & tempus ex se sunt indifferentia, & ad actum bonum, & ad malum, ideòque nullam secundum se malitiam formalem continent: Deus enim neque tempus, neque advertentiam, neque sua beneficia prohibet, sed confert: adeòque ita non redduntur prohibita per conjunctionem cum actu pravo: neque gratitudo obligat sub gravi ad compensandum
be-

beneficium, eliciendo actum bonum, & omit-
tendo malum: aliter non esset gratitudo, sed
justitia: inclinatur verò extra gravem obliga-
tionem, & movetur ad correspondentiam,
adeòque non correspondere dicitur circun-
stantia intra eandem speciem, & numerum;
& physicum, & æquivalentem peccati, ut be-
nè notavit Esparza quest. 90. art. 3. ad 8. Quam
circumstantiã pœnitens confiteri non tenetur,
ut magis infra constabit. Neque innotescit
nobis temporis constitutio; An scilicet per in-
divisibilia, an per partes constituatur, adeòq;
neque innotescit duratio actus non interrup-
ti. Undè, talis qualis sit, manet verè in ea
confessione comprehensus.

118. Quapropter satisfacit pœnitens, de-
clarando in confessione numerum peccato-
rum modo à nobis exposito; ita tamen, ut te-
neatur manifestare peccata mortalia, quæ cõ-
fiteretur, esse commissã post ultimam confes-
sionem: tali nempe modo, ut nequaquam in-
dicet, esse aliàs ritè confessã. Quinimò etsi suo
confitendi modo nequaquam intendat, ne-
que dicat, neque indicet peccatum novum
fuisse antiquum, & jam confessum; si tamen
advertat confessarium decipi, & putare pec-

ca-

catum jam fuisse confessum, debet illum monere, & detegere apertius veritatem, ut tenet Castro Palao, Hurtadus, & Moya cū omnibus antiquis, & ferè omnibus Recentioribus contra aliquos modernos. Ratio est, quia si peccata nova confiteantur, ut antiqua, ea confessio potius erit palliata, quàm aperta, qualem exigit Tridentinum ea sess. 14. cap. 5. dicens: *Verum cum universa mortalia peccata etiam cogitationis, homines iræ filios, & Dei inimicos reddant, necessarium est, omnium etiam veniam, cum aperta, & verecunda confessione, à Deo querere.* Sine aperta autem confessione non posset confessarius pœnam, quam oportet, pro illis peccatis imponere: ergo &c. Confirmatur: quia ex adversa sententia sequerentur varia absurda, quæ vel ipsi adversarii non auderent concedere: v.g. qui singulis diebus peccaret contra Luxuriam, posset quotidie confiteri de venialibus; addendo insuper: accuso me ex vita præterita de uno peccato luxuriæ: talis enim non negaret per ea verba peccatum esse novum; indicaret autem modo loquendi, esse antiquum, & jam aliàs ritè confessum: adeoque ex adversariorum principiis satisfaceret obligationi confitendi: sed hoc absurdum est,

&c

& manifestissimè pugnans contra Tridentin. citat. ergo &c.

119. Quapropter audiendi non sunt qui dicunt, posse pœnitentem sine gravi peccato sive spontè, sive interrogatum à confessario, positivè dicere, novum peccatum jam esse antiquum, & confessum, ea ratione ducti, quòd substantia peccati est eadem in novo, & antiquo; adeoque circumstantia novitatis est res levis non pertinens ad confessionem. Cùm autem mendacium de re levi, quando apponitur materia gravis, non invalidet sacramentum, ea de causa, ajunt, mendacium illud nequaquam invalidare sacramentum. Quantum verò hæc opinio à veritate distet, facile patet ex dictis: nam pœnitens non tenetur iterum confiteri peccatum jam ritè confessum, & remissum; benè verò non remissum; adeoque circumstantia novitatis in casu nostro, cùm sit ea, quæ per se affert obligationem confessionis sub gravi, omnino liberè, & absque fundamento vocatur res levis: est enim res gravissima, ac proindè peccaret mortaliter, qui ita confiteretur, nullumque esset sacramentum: quænam enim major excogitari posset perversio hujus sacramentalis judicii?

cii? Ad quid deserviret potestas à Christo collata suis ministris ad retinendum, si in re adeò gravi possent pœnitentes confessarium decipere , ut nunquam posset peccata retinere? Sanè pro naturæ lumine apparet ea nova opinio hujus sacramenti institutioni omninò contraria: magisq; conducens ad ipsum pœnitentem in æternum damnandum, quàm ad se ostendendum coràm ministro , qualem se agnoscit coram Deo .

§. III.

120. Suppono septimò, circa tertium membrum divisionis: circumstantias, quæ ad præsens pertinent institutum, septem communiter numerari, hoc versiculo comprehensas. *Quis, quid, ubi, quibus auxiliis, cur, quomodo, quando*. Quarum brevis expositio hæc est. *Quis* inquit statum personæ, quæ peccavit, an libera sit, an vinculo matrimonii, vel castitatis voto ligata. Quocircà considerandum est, an peccet quis per puram delectationem, & complacentiam; an verò per desiderium præsertim de re venerea: nam desiderium, cùm sit ex se inductivum operis, affert obligationem manifestandi statum personæ de-

deſideratæ; pura verò complacentia, & delectatio ex ſe inductiva non eſt; adeoque non eſſe obligationem manifeſtandi tunc perſonam, circa quam complacentia verſatur, docent nō improbabiler Vazquez, Sayrus, Diana, plureſque alii: ſaltem ſi complacentia mente præſcinderet ſtatum à perſona, ſolùmque attenderet ad perſonam ſecundùm ſe, ut benè probat Card. de Lugo omninò videntus diſp. 16. ſect. 6. à num. 363. uſque ad 390.

121. Ratio eſt, quia ſi complacentia verſetur circa conjugatam v.g. non ut conjugatam, ſed mente præſcindendo perſonam à ſtatu, delectatio habebit ex objecto illam ſolam malitiam, quæ deſumi poteſt à malitia objectiva, quæ non præſcinditur: ſtatus enim in alterius mente præciſus delectationem ſuam non prohibet, quæ ſtatum non inducit; ſed malitia, quæ non præſcinditur eſt illa, quæ communis eſt omnibus, qui in illa materia intemperatè verſantur: ergo illa complacentia non contraheret adulterii malitiam; adeoque ultra communem ſe habentem ex parte objecti, ſolùm adderet peculiarem ſe habentem ex parte perſonæ, quæ complacet: nam ſi hæc habeat votum caſtitalis, cùm ratione
voti

voti prohibita sit habenti quæcumque similis complacentia; sive præscindens, sive non præscindens à voto habentis; quæcumque factis erit ad sacrilegium. Exindè Lugo docet peccare contra votum, qui inducit ad luxuriam eos, qui non habent votum castitatis, scilicet qui non inducit; quamvis non impediatur debens ex obligatione charitatis impedire. Ratio est, quia qui inducit, peccat contra castitatem, ad quam ex voto tenetur, adeoque non solum obligatur directe ad servandam castitatem propriam, sed etiam indirecte ad non violandam alienam; at verò qui non impedit, quando ex charitate tenetur, non peccat contra castitatem, ad quam obligatur ex voto, sed contra charitatem, ad quam ex voto non tenetur: oppositum autem defendit Sanchez, judicans, votum castitatis, neque directe, neque indirecte obligare ad non violandam alienam, sed solum ad conservandam propriam. Nihilominus Lugo juxta principia theologica consequentiùs procedit.

122. *Quid* inquit factum ipsum commissum, & materiã, circa quam, ad dignoscendum cui, vel quibus virtutibus opponatur. *Ubi*: circumstantiam loci, ut si in loco sacro.

Qui-

Quibus auxiliis : utrùm nempe alios ad hoc, vel simile factum invitaveris, utrùm pecuniam abstuleris, percutiendo, aut vulnus alteri infligendo, aut simoniacè agendo &c. *Cui*: quo fine: si enim præter opus illicitum v.g. furtū, addatur ulterius malus finis, ut ad explendā libidinem: finis hic est in cōfessione explicandus: quinimò malus finis sufficit ad operationem aliàs honestā vitiandam: v.g. restituere ensē amenti, ex fine, ut se interficiat. *Quomodo*: utrùm ex ignorantia, & quali, vincibili scilicet, vel invincibili; utrùm te defendendo alium occideris, &c. *Quando*, circumstantiam temporis, an scilicet eo tempore, quo actio illa fuit ab Ecclesia prohibita, &c. Quæ omnia explicanda sunt juxta doctrinam datam circa expositas species, & numerum peccatorum; ne ob culpabilem defectum integritatis confessionis sacramentum sit nullum. Si verò sint causæ legitimè excusantes ab integritate materiali confessionis, sacramentum erit validum, cū tunc sit formaliter, etsi non materialiter integrum, ex dictis num. 85.

123. Causæ autem ab integritate materiali confessionis excusantes contingere possunt, vel ex parte confessarii, vel ex parte pœnitent-

tentis. Ex parte confessarii v.g. quando omnes per tēpus audire non licet in casu necessitatis, ut imminente naufragio, vel quando morbo aliquo contagioso laborantes adit, estque periculum ratione angustiarum loci, ne à pœnitente, si diutiùs maneat confessarius, inficiatur, vel quando morbus ipsi cōfessario subito obveniret cum periculo mortis instantaneæ. Ex parte verò pœnitentis, ut si subito obmutescat post unum, vel alterum peccatum manifestatum, & omni sensu destituatur, sitque periculum, ne moriatur ante absolutionem; si prudenter timeat pœnitens, ne confessarius violet sigillum confessionis; quando non potest confiteri, nisi alius audiat, de quo diximus à num. 37. vel quando adestet periculum alicujus gravis extrinseci nocumenti temporalis, vel spiritualis, quod sibi, vel alteri pœnitentis prudenter timet ex confessione alicujus peccati: v.g. si pœnitens prudenter timeret, se, vel alium occidendum à confessario, si ei detegat aliquod peccatum, vel aliquod simile grave damnum extrinsecum eventurum: quæ omnia reducuntur ad impotentiã physicam, vel moralem. Ratio horum est: quia præceptum confessionis est morale positivum, quod non

folùm cum phyfica, verùm etiam cum morali impossibilitate, aut gravi damno extrinsecus adveniente præcepto, non obligat: ex vi enim talis præcepti folùm tenemur ad incommoditates, & damna præcepto illi intrinseca; v. g. ad infamationem propriam coram confessario, qualem affert peccatorum manifestatio, & ad id genus alia, vel quæ ex tali manifestatione per se sequuntur, aut juri pœnitentis non prævalent. Aliæ verò minores causæ non excusant. Unde Innocent. XI. damnavit 59. propositionem, quæ sic habebat: *Licet sacerdotaliter absolvere dimidiatè tantùm confessos ratione magni concursus pœnitentium, qualis v.g. potest contingere in die magnæ alicujus festivitatis, aut indulgentiæ.*

124. Quapropter licet quando quis facile potest adire confessarium, non cognoscen-tem personam complicitis, teneatur id facere; si aliquæ causæ non excusent, de quibus statim dicemus; attamen si non adsit confessarius, cui manifestari possit peccatum, nisi revelato complice, teneris non obstante illo detrimento complicitis confiteri peccatum, nec potes confessionem facere dimidiatam, ut contra Dianam, Navarrum, Victoriâ, Bânes,

ñes, & alios, docet Exim. Doctor, Vazquez, Coninck, Lugo, & alii cum S. Thoma, & S. Bernardo, qui in formula honestæ vitæ ait: *De nullo prorsus sinistrè loquaris, quantumcumque sit verum, vel manifestum, nisi in confessione, & hoc ubi non potest aliter manifestari peccatum tuum.* Ratio est, quia præceptum charitatis, & jus naturale complicitis ad suam famam solum se extendit ad casum, in quo bonum manifestationis non prævaleat bono suæ famæ; secus autem ad casum, in quo prævaleat bonum manifestationis; in quo poenitens habet jus.

125. Qua de causa, ut benè notat Lugo disp. 16. sect. 8. num. 424. Dicastillo disput. 9. dub. 12. num. 946. & alii, etiamsi peccatum possit declarari cum omnibus suis circumstantiis, non declarato complice; tenetur poenitens ad complicem, vel ipsi confessario, vel alteri declarandum, prout opus sit ad poenitentis emendationem; vel ad correctionem ipsius complicitis, vel ad evitationem scandali, & ruinæ aliorum, vel ad infamiam, aut alia damna communitatis, aut reipublicæ præcavenda: ad hæc enim tenetur poenitens ex præcepto charitatis, utpotè prævalentia bono

juris proximi, adeòque si declaratio complicitis sit medium necessarium, nolitque poenitens illud adhibere, non est benè dispositus, nec debet, nec potest absolvi; quare cogendus est, ut declaret complicem, vel ipsi confessario, vel superiori, vel alteri, prout charitas postulaverit.

126. Bonum autem integritatis confessionis à Christo præceptæ secum affert, tanquam onus sibi intrinsecum, manifestationem delicti, adeòque modo, quo delictum manifestari non valet, non manifestato complice, affert secum complicitis manifestationem. Undè si utilius sit poenitenti, confessario noto complicitis personam declarare, ob consolationem, quam sentit, aut expectat à confessario pio, amico, & docto, vel si dubitans de sua contritione, velit se cum Deo reconciliare, & alium confessarium non habeat, nisi cui persona complicitis nota est, potest illi complicem manifestare. Idem est in aliis similibus: v. g. si absque scandalo non possit communionem omittere, ut benè advertunt Reginaldus, & Tamburinus.

127. Ratio est, quia infamatio complicitis sub sigillo confessionis apud confessarium
non

non est tanta, ut in his casibus non prævaleat jus poenitentis ad hunc fructum juri complicitis ad suam famam . Undè si tunc poenitens non faceret confessionem integram , peccaret mortaliter: quia dum poenitens confitetur, tenetur facere confessionem integram , si licitè potest : atqui tunc poenitens dum confitetur, potest licitè facere confessionem integram: ergo &c. Si autem nulla esset necessitas faciendi tunc confessionem ; neque ullum specialem fructum expectaret poenitens à confessario noto præ ignoto ; ordo charitatis postularet, ut confiteretur confessario, cui complicitis persona ignota esset . Quinimò, si intra duos dies talis confessarius possit facilè haberi , judicat Eximius Doctor disput. 34. sect. 2. num. 13. charitatem obligare ad expectandum ; secùs autem si necessaria esset dilatio longi temporis , aut nimia intermissio utilis consuetæ frequentiae .

128. Exindè communior Theologorum sententia cum D. Thom. Exim. Doctore, Co- ninck, Lugo, & aliis, contra Paludanum , & alios, docet, nunquam licere, præcisè propter casus reservatos , dimidiare confessionem , confitendo nimirum sola mortalia non refer-

vata inferiori, & postea sola reservata superiori. Ratio est: quia si pœnitens confiteatur superiori, debet omnia lethalia ei manifestare, ut ab eis directe absolvatur, cum superior possit ea omnia directe absolvere. Si vero confiteatur inferiori, tenetur, vel per se, vel per confessarium, aut quemvis alium facultatem obtinere, ut ab omnibus directe absolvatur. Si autem confessio absque scandalo omitti non possit, vel pœnitens debeat communicare, aut celebrare, aut ex quocumque alio capite confessio non possit omitti, & tunc solum adsit confessarius inferior, tenetur pœnitens omnia sua lethalia reservata, & non reservata confiteri inferiori, ut status ejus confessario innotescat, & servetur præceptum divinum de integritate confessionis, quamvis solum absolvatur directe à non reservatis, & indirecte à reservatis, adeoque reservata debeant postea superiori manifestari. Ratio est, quia licet inferior tunc non habeat jurisdictionem ad absolvendum directe reservata, habet tamen jus ad cognoscendum, utrum pœnitens sit dispositus hic, & nunc ad absolutionem directam de non reservatis, adeoque habet jus cognoscendi

di integrè poenitentis statum, etiam quoad reservata, quatenùs possunt impedire absolutionem de non reservatis, ad quam poenitens non erit dispositus, nisi extendat dolorem, & propositum ad non reservata; relinquat occasionem eorum, & proponat satisfacere, si exindè debet: ergo &c.

129. Suppono octavò: iterandam esse confessionem, quando sacramentum fuit irritum, undecumque proveniat. Ex parte autem integritatis tunc provenit, quodcumque quis scienter peccatum aliquod mortale in confessione reticet sine legitima causa: tunc enim nihil divinæ bonitati remittendum proponitur ex num. 101. Simulque additur novum peccatum sacrilegii. Quando verò confessio fuit invalida, si fiat eidem sacerdoti memori adhuc illorum peccatorum, sufficit uno verbo, ea iterum repetere, dicendo: accuso me de iis omnibus, quæ aliàs confessus sum, explicando, si fuit commissum novum peccatum sacrilegii: Immò sufficit, juxta plures, si confessarius generatim meminit statum poenitentis. Quod si confessio postea alteri fiat, debent omnia peccata quoad speciem, & numerum repeti, ac si nunquam es-

sent confessa, idque ex quocumque capite contingat, sacramentum fieri irritum. Si autem aliquis validè fuit confessus, non tenetur, per se loquendo, peccata illa iterum in confessione aperire; aliquando verò teneri potest per accidens, ut si integrè confiteatur, & solùm indirectè absolvatur à reservatis, juxta dicta numero superiori, tenetur postea reservata iterum confiteri ad habendam directam absolutionem de illis, vel si opus sit ad pœnitentis consuetudinem agnoscendam. Undè Innocentius XI. damnavit 58. propositionem; quæ sic habebat: *Non tenemur confessario interroganti fateri peccati alicujus consuetudinem.*

S E C T I O II.

Qualis debeat esse sacramentalis Confessio?

§. I.

130. **A**SSERO primò. Nullum est validum pœnitentiæ Sacramentum, absque confessione formaliter integra, neque absque confessione integra materialiter, quoad species, & numerum peccatorum, si nulla sit causa rationabilis excusans ab ea
inte-

integritate. Probatur facilè Conclusio ex dictis. Confessio formaliter integra est necessaria necessitate Sacramenti; Confessio verò integra materialiter est necessaria necessitate præcepti, ex num. 85. atqui absque confessione necessaria necessitate Sacramenti, non potest dari validum Sacramentum; aliter daretur Sacramentum, absque sua parte essentiali, quod evidenter repugnat. Insuper quando nulla causa rationabilis excusat ab adimptione præcepti de integritate confessionis materiali, tenemur sub gravi ad eam integritatem; ita ut omissio unius solius lethalis satis sit ad frustrationem Sacramenti, sive ad hoc, ut nihil Deo remittendum proponatur, ex num. 101. & 108. Quando autem Sacramentum Pœnitentiæ frustratur, non est validum: ergo &c.

131. Affero secundò, cum Exim. Doctore, & omnibus antiquis videndis apud Cardenas tom. 2. *Chrisis Theologicæ tract. 6. disputat. 46. contra Caramuelem*, & aliquos Recentiores: Peccata strictè, & negativè dubia declarari debent in confessione. Probatur primò. Tunc datur peccatum strictè, & negativè dubium, quando aliquis dubitans

an

an peccaverit, non habet motiva sufficientia ad prudenter judicandum, quod non peccaverit, vel saltem manet intellectus anceps inter utramque rationem, quin alterutri parti possit prudenter assentiri, sicuti non habemus fundamenta sufficientia, ad assentiendum alterutri parti, quando quærimus, an grana arenæ sint paria, vel imparia: etenim quod in hoc casu præstat ignorantia, in casu nostro præstat dubium: si enim sint rationes sufficientes, ad prudenter judicandum, peccatū re vera esse commissum, jam non dicitur strictè, & negativè dubium, sed verè probabiliter commissum, sive, ut alii vocant, dubium positivè; sicuti si adsint rationes sufficientes ad prudenter judicandum, re vera non esse commissum: dicitur verè, & probabiliter non commissum, de quo agemus postea: atqui quando aliquis dubitans, an peccaverit, non habet motiva sufficientia ad prudenter judicandum, quod non peccaverit, vel manet anceps, tenetur peccatum illud confiteri: ergo &c.

132. Probatur Mi: qui ita dubitat, tenetur, quantum est ex se, agere pœnitentiam, ut illud peccatum ei remittatur, si fortè quid
com-

commisit: qui enim cum eo dubio diligentiam illam omitteret, imprudentissimè se gereret, & contra charitatem propriam peccaret: atqui pœnitentia hominis Christiani, vel est Sacramentalis confessio in re, vel in voto, quo obligatur ad sacramentalem Confessionem: ergo qui ita dubitat, tenetur ad confessionem. Probatur Mi: ex Tridentino sess. 6. cap. 14. dicente; *Vndè docendum est, Christiani hominis pœnitentiam post lapsum, multò aliam esse à baptismali, eâque contineri non modò cessationem à peccatis, & eorum detestationem, aut cor contritum, & humiliatum, verùm etiam eorundem Sacramentalem Confessionem, saltem in voto, & suo tempore faciendam: ergo &c.* Confirmatur primò. Non minùs requiritur ad valorem Sacramenti Pœnitentiæ, quod peccata sint commissà post Baptismũ, quàm quod peccata sint verè commissà, ut adversarii fatentur, & constat à num. 71. sed qui dubitat, an commiserit hoc peccatum mortale ante, vel post Baptismum, tenetur cum eo dubio illud confiteri, & sub conditione absolutionem suscipere: ergo &c. Confirmatur secundò, ex Catechismo citato num. 109. Conclusionem nostram expressè docente.

133. Respondebis primò: hominem dubitantem de peccato commissò, præsumendum esse innocentem, cùm possessio sit pro Innocentia, ut constat in regulis Juris, ex quibus, *in dubiis melior est conditio possidentis, & in obligationibus, pœnisque imponendis benignior interpretatio est facienda, statque pro libertate Innocentia, & possessio.* Contra tamen primò. Ex his regulis juris ad summum, potest esse in dubio pro libertate possessio, quoad effectus onerosos, v.g. restituendi, subeundi condemnationem, solvendi pœnam, aut quoduis aliud simile onus; secùs verò quoad effectus favorabiles, ex quorum omissione summa reo infelicitas prudenter imminere posset: atqui in casu nostro obligatio pœnitendi, adeòque & confitendi, est effectus reo favorabilis, ex cujus omissione summa ipsi infelicitas prudenter imminere posset: si enim moreretur absque pœnitentia de eo peccato, quod re ipsa fuerit commissum; damneretur in æternum, quæ summa est omnium infelicitas: ergo &c. Contrà secundò, ad homines: licèt de dubio quoad effectus purè onerosos non teneatur ex regulis juris homo ex naturali charitatis præcepto pœnitere, at-

tamen

tamen de dubio peccati commissi, tenetur saltem præcepto naturali charitatis poenitere, ut aduersarii farentur: ergo illæ regulæ Iuris inutiliter adducuntur ad casum nostrum.

134. Respondebis secundò. Poenitere ex solo præcepto charitatis, non esse tantum onus, quantum obligari ad confessionem: cum autem per huiusmodi poenitentiam præcaveatur malum illud imminens; iste solus est effectus reo favorabilis; adeoque obligatio ad confessionem, jam esset effectus onerosus, ad quem homo non tenetur, propter solum dubium. Quæ de causa Tridentinum solum obligat ad confitenda peccata, quorum quis conscientiam habet, ex num. 101. Conscientia autem idem est, ac cognitio cum scientia, quæ ex dubio non habetur. Vndè si ad hanc obligationem confessionis teneretur homo, obligaretur ad poenam certam, propter delictum non certum; adeoque contingere posset, quod innocens teneretur ad subeundam poenam, quod naturæ lumine est planè dissonum. Contra tamen primò. Nullus est actus poenitentiae, cui ratione sui debeatur remissio peccati; ut con-

conſtat ex num. 305. de Virtute, niſi ex acceptione, & promiſſione divina, ut ipſi adverſarii, cum quibus diſputamus, fatentur, adeòque Fidelis non poteſt præcavere mala ex peccato imminetia, niſi pœniteat modo, quo Deus exigit pœnitentiam ad remiſſionem; atqui pœnitentia, quam Deus exigit, eſt confeſſio ſacramentalis in re, vel ſaltem in voto, quo pœnitens obligatur ad confeſſionem, ex num. 132. ergo pœnitentia favorabilis Fideli pro peccato dubio nunquam datur, abſque Sacramentali illius confeſſione, vel obligatione illud confeſſendi.

135. Contrà ſecundò. Non ſolùm poteſt homo habere ſcientiam de eo, quod peccavit, ſed etiam de eo, quod dubitat, an peccaverit: etenim non eſt minùs certus, quod ſcit id, quod ſcit, quàm quod dubitat de eo, de quo dubitat: atqui utraque certitudo ſufficiens eſt ad ſcientiam, & conſcientiam, iuxta Tridentinum: ergo &c. Probatur Mi: utraque certitudo ſufficiens eſt, ut homo non poſſit ſe excuſare à faciendâ pœnitentiâ, ex num. 132. ſed pœnitentia fit de peccato, prout eſt in ſcientiâ, & in conſcientiâ, ita nimirum, ut ſi peccatum ſit in conſcientiâ

cer-

certum, poenitentia fiat de peccato, ut certo; si autem sit in conscientia dubium, poenitentia fiat de peccato, ut dubio; ergo &c. Contra tertio. Vtraque certitudo sufficiens est, ne dicatur, quod peccatum illud memoriae non occurrit: atqui poenitens tenetur confiteri peccatum, prout memoriae occurrit, solumque excusatur à confessione illius, quod post diligens conscientiae examen memoriae non occurrit, ut constat, ex 6. principio dato num. 101. ergo &c. Unde juxta Tridentinum, idem omnino est, meminisse peccati, ac peccatum memoriae occurrere.

136. Contra tertio: quia Conscientia in jure Canonico, nihil aliud significat, nisi certitudinem prout à nobis expositam: Sic in Decretalibus cap. *Petitio de Homicidio voluntario*, Honorius Tertius ita ait: *Mandamus, quatenus si de interfectione cujusdam in illo conflictu tua conscientia te remordeat, à ministerio Altaris abstineas reverenter, cum sit consultius in hujusmodi dubio abstinere, quàm temerè celebrare*: & capite Inquisitioni de sententia excommunicationis, Innocentius Tertius, ita habet: *Inquisitioni tua respondentes,*

tes, credimus distinguendum, utrum alter conjugum certò sciat impedimentum conjugii, propter quod sine mortali peccato non valeat carnale commercium exercere; quamvis illud apud Ecclesiam probare non possit: an non sciat pro certo, sed credat. In primo casu debet potius excommunicationis sententiã humiliter sustinere, quam per carnale commercium peccatum operari mortale. In secundo distinguimus, utrum habeat conscientiam hujusmodi, ex credulitate levi, & temerariã, an probabili, & discretã. En ex ore Pontificis haberi conscientiam, ex credulitate levi: Verum cum conscientia pulsat animum ex credulitate probabili &c. En iterum conscientiam ex credulitate probabili: ergo, cum certò aliquis scit, se dubitare, an peccatum commiserit, verè habet conscientiam de peccato dubio; adeoque obligatio confitendi non erit tunc effectus purè pœnalis, sed favorabilis pœnitenti.

137. Probatur secundò Conclusio: Christus Dominus ita potuit hoc pœnitentiæ Sacramentum instituere, ut fideles; non solum essent obligati ad confitendum peccata certa, sed etiam peccata dubia: atqui ex vniuersâ Ecclesiæ praxi colligitur, hoc modo instit-

tuisse hoc poenitentiae Sacramentum : ergo &c. Probatur Mi: Usus confitendi peccata dubia, ac persuasio de obligatione ea confitendi, semper rejecta est ab Ecclesia omnibus retrò sæculis, nec ullus Sanctorum Patrum, aut antiquorum Theologorum, de hoc unquam dubitavit: Dubium enim apud modernos Theologos 40. ab hinc annis incœpit; sed dici non potest, Ecclesiam tot sæculis fuisse deceptam eâ existimatione: ergo dicendum est, ita fuisse à Christo institutum hoc Sacramentum, universæque Ecclesiæ ita fuisse traditum per Apostolos. Hæc ratio adeò efficax est, ut Arriaga, Oviedus, Moya, aliique quamplures eâ solâ nitantur, quam insolubilem judicant, & confirmant ex regulâ Augustini tradita, numero 59.

138. Respondebis: ex usu fidelium non inferri traditionem: quia de tali usu semper retento non constat, cum antiqui Patres de eo non meminerint. Quinimò licet retentus fuisset; non constat, eum ortum ex obligatione, & non ex aliis capitibus devotionis, aut majoris securitatis conscientiæ. Contra tamen: traditio præcepti Christi per Aposto-

De Pœnit. Pars II.

M

los,

los, & iste usus semper in Ecclesia retentus, clarè constat, ex antiquis Patribus, & Conciliis: ergo &c. Probatur Antecedens: *Universa Ecclesia semper intellexit institutam fuisse à Christo integram peccatorum confessionem*, ut definit Tridentinum citatum num. 101. ad quam integram confessionem tenentur fideles aperire omnia lethalia, quorum conscientiam habent, ut definit idem Tridentinum ibidem citatum; atqui non solum sunt in conscientia peccata certa, sed etiam peccata dubia, ex num. 135. ergo &c.

§. II.

139. Afferò tertio. Non tenentur fideles ad aperiendas circumstantias, intra eandem speciem aggravantes; benè verò ad declaranda peccata, sive formaliter, sive æquivalenter peccatorum numerum augentia. Probatur primò. Circumstantiæ, quæ intra eandem speciem puræ circumstantiæ sunt, superaddunt substantiæ actus malitiam venialem, quam in confessione pœnitens exprimere non tenetur: Supposito enim, quod ad furtum grave requirantur quatuor julii; qui furaretur quinque, superadderet peccato gra-

gravi circumstantiam unius julii intra eandē speciem aggravantem . Si autem furaretur octo , quatuor illi superadditi jam non essent purā circumstantia , sed novum æquivalenter peccatum , supra alios quatuor julios , quod poenitens teneretur explicare : ergo &c. Probatur Antecedens : etenū circumstantiæ intra eandem speciem sunt circumstantiæ puræ , quatenū rectum , & necessarium judicium confessarii circa poenitentem non mutant : si enim immutarent , jam non essent circumstantiæ , sed peccata confitenda , ut in poenis imponendis posset æquitas servari in isto Sacramentali judicio , ex Tridentino citato num. 101. in principio secundo : atqui circumstantiæ , quæ malitiam dumtaxat venialem superaddunt , non mutant necessarium , & rectum confessarii judicium circa poenitentem ; benè verò illæ , quæ æquivalenter peccatorum numerum augent : si quidē diversissima injungenda est poenitentia illi , qui furatus est centum millia , quàm illi , qui furatus est solū quatuor : ergo &c.

140. Respondebis : Nomine circumstantiarum intra eandem speciem intelligi ab

Authoribus, non solum illas, quæ venialem malitiam superaddunt, sed eas etiam, quæ æquivalenter augent numerum peccatorum, ut constabit auctoritates legenti. Cum autem Trident. ex professo explicans obligationem pœnitentis solum doceat, teneri ad confitenda peccata, quoad speciem, & numerum, & quoad circumstantias mutantes speciem, nullamque obligationem proponat, quoad circumstantias intra eandem speciem aggravantes, nulla est obligatio pœnitentis ad eas in confessione aperiendas; ac proinde, si semel pœnitens furatus est quatuor, satisfaciet dicendo, se semel commisisse furtum grave; eodemque modo satisfaceret, si semel furatus esset centum millia, dicendo, se semel commisisse furtum grave, quin quantitatem illam magnam furti teneretur aperire. Contra tamen primò: circumstantiæ, quæ æquivalenter augent numerum peccatorum, nunquam vocantur ab Authoribus circumstantiæ nudè sumptæ, sed cum addito extrahente eas à pura ratione circumstantiarum: Sic vocantur à pluribus circumstantiæ, non quidem aliququaliter, sed absolute, intra eandem speciem notabiliter aggra-

van-

vantes, idest peccatorum numerum æquivalenter augentes, ut antiquos legenti planum fiet, & constabit ex D. Tho: num. 143. ergo licet non sit obligatio confitendi eas puras circumstantias, cum necessarium confessarii judicium non immutent; necessarium erit confiteri circumstantias non puras, five peccatorum numerum æquivalenter augentes, utpotè necessarium confessarii judicium immutantes.

141. Contra secundò. Non solùm tenetur poenitens confiteri, se peccasse; sed tenetur ex Tridentino aperire singillatim peccata sua, declarando, unum ab alio distingui, ex num. 108, atqui si unâ vice aliquis furatus fuisset quatuor, & alterâ vice furatus fuisset centum millia, non aperiret singillatim sua peccata, solùm dicendo, se bis commisisse furtum grave: Licet enim actus solùm fuerint duo, objecta tamen per eos actus ablata, sunt plus quàm duo furra gravia, ut per se notum est: ergo poenitens, qui tenetur singillatim aperire peccata, tenetur aperire quantitatem illam magnam, per secundum furtum ablatam. Contra tertiò ad homines: qui per unum actum decem homines interfe-

quidē , sed non mortalis peccati, non sunt de necessitate confessionis , tamen eadem confiteri perfectionis est , sicut , & de venialibus dictum est . Statimque addit . *Ad primum ergo dicendum , quod ::::: de venialibus , & circumstantiis , quæ venialibus æquivalent, potest homo sine confessione exire .* Vndē juxta antiquos , sicut aliqua venialia sunt aliis graviora, ita aliquæ circumstantiæ, addunt aliquam notabilem quantitatem, quæ semper manet in genere venialis; adeoque sicut non tenemur confiteri venialia; ita neque eas circumstantias, utpotè æquivalentes venialibus; ex quo magnam accipit lucem Assertio nostra .

144. Probatur secundò Conclusio . Pœnitens , qui taceret circumstantiam furti facti in Ecclesia, non confiteretur integrè peccatum , dicendo solūm, se furatum fuisse quantitatem gravem : ergo qui taceret quantitatem centum aureorum , quos furatus est, non confiteretur integrè peccatum suum , dicendo solūm , se furatum esse quantitatem gravem . Probatur Consequentia: circumstantia mutans speciem in unico actu furti sacrilegii non facit , quod sint duæ malitiæ specificè realiter distinctæ; aliter essent duo peccata reali-

realiter distincta, sed solum facit, quod in eo peccato sint duæ malitiæ specificæ æquivalenter distinctæ; altera quidem furti, & altera sacrilegii: atqui in furto centum aureorum sunt etiã æquivalenter plura peccata numero distincta: ergo &c. Confirmatur ex variis absurdis, quæ ex adversâ sententiâ sequuntur. In primis enim nulla esset obligatio aperiendi in confessione opus ullum externum, cum juxta probabiliorem, & communio-rem sententiam, tota malitia peccati desumatur ab affectu interno, non autem ab opere externo, à quo solum potest sumi æquivalentia ad duo, vel plura peccata specie, vel numero distincta, ex num. i 39. Insuper: qui immaniter amputasset alicui aures, brachia, & pedes, linguamque ei abscidisset, atque oculos effodisset, satisfaceret præcepto confessionis, dicendo, se graviter aliquem vulnerasse; tum qui disposure tormenti bellici occidisset mille homines, sufficienter delictum suum explicaret, dicendo, se semel occidisse; Item: qui edicto injusto, bona totius Reipublicæ expilasset, & cives omnes bonis propriis expoliasset, satisfaceret, dicendo, se semel grave furtum commisisse; idemque esto de aliis
fimi-

cit, non satisfacit in confessione dicendo, semel occidi; sed tenetur dicere, occidi decem homines: ergo qui per unum actum furatus est quantitatem per se sufficientem, ad constituendam decem furta gravia, non satisfaciet in confessione, dicendo, semel commisi furtum grave; sed tenebitur dicere quantitatem sufficientem ad decem furta gravia.

142. Contra quartò: Simulque impugnantur adversariorum responsiones: Nullus ex Authoribus antiquis, usque ad tempus D. Thomæ, vocavit puram circumstantiam actus, illam, quæ numerum lethalium æquivalenter augeat, sed eam, quæ malitiam solum venialem superaddit, neque de hac, sed de illa erat apud antiquos controversia, quoad obligationem confitendi: ergo Tridentinum docens, singillatim confitenda esse peccata, pariter docet, juxta antiquorum sententiam, obligationem confitendi æquivalentem numerum peccatorum; ac proindè, quando de circumstantiis intra eandem speciem nihil addit, ex eo silentio, dumtaxat excluduntur circumstantiæ, quæ æquivalenter non augent numerum peccatorum. Con-

se-

sequentia tenet, quia Concilia in suis definitionibus supponunt terminos notos, & admissos apud Theologos. Antecedens patebit, inquit Esparza lib. 10. quæst. 90. artic. 3. ad octauum, si legantur Alexander Alensis par. 4. quæst. 18. memb. 4. artic. 3. D. Thom. in quartum, distin. 16. quæst. 3. art. 2. quæstiun. 4. & 5. & Scotus in quartum, distin. 17. quæst. unica, artic. 2. Cæterum ut clariùs appareat, en D. Thomæ verba eâ quæstiunc. 5.

143. *Ad quintam questionem dicendum, quod omnes circumstantias confiteri, est impossibile: quasdam autem confiteri est necessitatis: sed in hoc est differentia opinionis. Quidam enim dicunt, quod omnes circumstantiæ, quæ aliquam notabilem quantitatem peccato addunt, confiteri, necessitatis est, si memoriæ occurrant. Alii verò dicunt, quod non sint de necessitate confitendæ, nisi circumstantiæ, quæ ad aliud genus peccati trahunt, & hoc probabilius est, sed addendum est, quæ ad aliam speciem mortalis trahunt, cujus ratio est, quia venialia non sunt de necessitate confessionis, sed solùm mortalia, quæ quantitatem infinitam quodammodo habent. Et quia circumstantiæ aggravantes, quæ aliam speciem peccato non tribuunt, vel quæ tribuunt*

quidè m , sed non mortalis peccati, non sunt de necessitate confessionis , tamen eadem confiteri perfectionis est , sicut , & de venialibus dictum est . Statimque addit . Ad primum ergo dicendum , quòd ::::: de venialibus , & circumstantiis , quæ venialibus æquivalent, potest homo sine confessione exire . Vndè juxta antiquos , sicut aliqua venialia sunt aliis graviora, ita aliquæ circumstantiæ, addunt aliquam notabilem quantitatem, quæ semper manet in genere venialis; adeòque sicut non tenemur confiteri venialia; ita neque eas circumstantias, utpotè æquivalentes venialibus; ex quo magnam accipit lucem Assertio nostra .

144. Probatur secundò Conclusio . Pœnitens , qui taceret circumstantiam furti facti in Ecclesia, non confiteretur integrè peccatum , dicendo solùm, se furatum fuisse quantitatem gravem : ergo qui taceret quantitatem centum aureorum , quos furatus est, non confiteretur integrè peccatum suum , dicendo solùm , se furatum esse quantitatem gravem . Probatur Consequentia: circumstantia mutans speciem in unico actu furti sacrilegii non facit, quod sint duæ malitiæ specificè realiter distinctæ; aliter essent duo peccata reali-

realiter distincta, sed solum facit, quod in eo peccato sint duæ malitiæ specificæ æquivalenter distinctæ; altera quidem furti, & altera sacrilegii: atqui in furto centum aureorum sunt etiã æquivalenter plura peccata numero distincta: ergo &c. Confirmatur ex variis absurdis, quæ ex adversâ sententiâ sequuntur. In primis enim nulla esset obligatio aperienti in confessione opus ullum externum, cum juxta probabiliorem, & communiorem sententiam, tota malitia peccati desumatur ab affectu interno, non autem ab opere externo, à quo solum potest sumi æquivalentia ad duo, vel plura peccata specie, vel numero distincta, ex num. i 39. Insuper: qui immaniter amputasset alicui aures, brachia, & pedes, linguamque ei abscidisset, atque oculos effodisset, satisfaceret præcepto confessionis, dicendo, se graviter aliquem vulnerasse; tum qui dispendio tormenti bellici occidisset mille homines, sufficienter delictum suum explicaret, dicendo, se semel occidisse; Item: qui edicto injusto, bona totius Reipublicæ expilasset, & cives omnes bonis propriis expoliasset, satisfaceret, dicendo, se semel grave furtum commisisse; idemque esto de aliis
fimi-

similibus : sed hoc ipso naturæ lumine apparet absurdum : ergo &c.

145. Probatur tertio . Qui necessitatus esset ad eligendum unum è duobus furtis inæqualibus ejusdem speciei, v.g. ad furandum quatuor, vel centum, si eligeret majus furtum, præ minori , peccaret sine dubio, & teneretur confiteri tale peccatum, atqui tantum peccaret eligendo illum malitiæ excessum, quo non augetur formaliter , sed solum æquivalenter numerus peccatorum in actu , quo quis ea centum omnino liberè furaretur : ergo qui omnino liberè furatur centum, non solum tenetur confiteri , se commisisse furtum grave , sed tenetur declarare , se furatum fuisse centum . Confirmatur primo , quia alioquin in casu prædictæ necessitatis , qui furaretur centum, non teneretur peccatum furti confiteri, sed hoc dici nō potest: ergo &c. Probatur Major : furandi illū excessum supra quatuor æquè libera est, & moraliter mala, sive detur, sive non detur necessitas ad furandum quatuor : atqui si non datur necessitas , non tenetur ad confitendum excessum: ergo neque teneretur, quando daretur necessitas ad furandum quatuor . Probatur Conseq. Homo ille
non

non teneretur fateri, se furatum esse materiam gravem: erat enim, ut supponimus, necessitatus ad eam furandam; adeoque prout furatus est quatuor, non peccavit: atqui juxta adversarios non tenetur confiteri excessum, quamvis æquivalet furto gravi: ergo &c. Confirmatur secundò. Qui furatus est centum millia, non satisfacit in confessione, dicendo, se furatum esse quatuor: ergo non satisfacit, quin declaret numerum æquivalentem peccatorum. Probatur Conseq. quia tacere materiam confessioni non necessariam, non reddit confessionem invalidam: atqui si non esset obligatio confitendi illum numerum æquivalentem peccatorum, qui confiteretur, se furatum fuisse quatuor; & omnem aliam quantitatem taceret, taceret materiam confessioni non necessariam: ergo &c.

146. Afferro quartò: licet necessaria non sit necessitate sacramenti confessio propriâ poenitentis voce facta; quando tamen ita fieri potest, est necessaria necessitate præcepti, Ecclesiasticâ saltem consuetudine introducti. Probatur primò. Ex praxi, & usu Ecclesiæ, poenitens voce destitutus, per signa, & nutus petens absolutionem, licitè, & validè absolvi-
tur,

tur, adeòque certum omninò est, confessio-
nem propriâ pœnitentis voce factam neces-
sariam non esse, necessitate sacramenti. Insu-
per licèt sit dubium, an ex præcepto Christi,
quando fieri potest, debeat confessio fieri
propriâ voce, juxta ea, quæ tradit author de
vera, & falsa pœnitentia apud August. ro-
mo 4. cap. 10. dicens: *Quem ergo pœnitet,*
omninò pœniteat, & dolorem lacrymis osten-
dat, repræsentet vitam suam Deo per sacerdotem,
præveniat judicium Dei per confessionem; præce-
pit enim Dominus mundatis, ut ostenderet omnia
sacerdotibus, docens corporali præsentia confi-
tenda peccata, non per nuncium, non per scri-
ptum manifestanda. Hæc enim verba cum eò
tendant, ut explicant, confessionem non fa-
ciendam esse absenti ad recipiendam absolu-
tionem ab absente, possunt etiam rectè intelligi
de nuncio, & scripto ad absentem missò, ut
conferat absolutionem, de quo agemus infra;
adeòque ex illis verbis non arguitur certò præ-
ceptum divinum de confessione ore facienda.
Cæterum de Ecclesiastica consuetudine, quâ
scimus, confessionem fieri propriâ voce pœ-
nitentis, quando pœnitens propriâ voce con-
fiteri potest, non est dubium, sed res certa
omni-

omnibus fidelibus nota; quam consuetudinem sub gravi obligare, censent communiter Doctores in Ecclesia, ut constabit numero sequenti; sed nemini licet talem consuetudinem violare: ergo &c. Exindè.

147. Probatur secundò: Ecclesiastica consuetudo, quæ sub gravi obligatione, aut introducta, aut recepta est, sub gravi obligat, licet sub gravi non obliget illa, quæ ut liberè implenda proponitur, & ut talis admittitur, & agnoscitur: atqui ecclesiastica consuetudo confitendi propriâ voce, quando pœnitens potest, sub gravi obligatione est recepta: ergo &c. Probatur Mixtum: iudicium de obligatione ortâ ex consuetudine, nullo aptiori modo colligi potest, quàm ex communi omnium, & præcipuè Doctorum consensu: atqui ex communi Doctorum consensu consuetudo in casu nostro ita est obligatoria, ut certissimè obliget ad minus sub levi, teste Arriaga disput. 51. sect. 8. num. 59. & valdè probabiliter sub gravi, quandoquidem esset nimia levitas animi contra talem communem consuetudinem in re adeò gravi agere: ergo &c. Confirmatur: licet ex nullo textu possit certò probari, talem consuetudinem inductam esse ad obli-

obligandum sub gravi, ut notavit Card. de Lugo; attamen communis Doctorum consensus gravem obligationem agnoscens, satis est, ut ea consuetudo vim legis obtineat obligantis sub gravi, quando nullum est grave fundamentum pro opposito, ut contingit in casu nostro. Ex dictis.

§. III.

148. Fit primò: nullum esse peccatum, si pœnitens paucis verbis se accuset, omnia sua peccata sufficienter clavibus subjiciendo. Ratio est, quia plures sunt casus, quos Doctores admittunt, in quibus paucis verbis servari potest consuetudo confitendi verbaliter: ergo si pœnitens tradat omnia sua peccata scripta in schedula confessario, cui postquam legerit dicat pœnitens: de his omnibus me accuso, ut notavit Lugo disp. 15. sect. 2. num. 80. & cum eo Arriaga supra cit. tum etiam si confessarius extra confessionem noverit peccatum pœnitentis, sufficiet, si pœnitens dicat: *accuso me de peccato, quod scis me commisisse*, ut notavit Exim. Doctor disput. 22. sect. 6. num. 5: qui etiam notat, sufficere, quando quis in confessione invalida omnia sua peccata declaraverat, si eidem confessario eorum peccatorum

me-

memori dicat, *accuso me de omnibus peccatis, quæ in præcedenti confessione dixi*, ut præmonui num. 82. & 129. Quod idem est de aliis similibus casibus, qui excogitari possunt: cùm autem nulla verecundia excusare possit à prolatione eorum verborum: *accuso me de his peccatis, quæ nosti, vel legisti*, quæ satis sunt ad confessionem vocalem, ea de causa à confessione vocali excusare nequit verecundia, ut Lugo, Arriaga, & Martinus Perez distinctè notarunt. Quinimò cùm hoc sit onus sacramento intrinsecum ex num. 123. ex nullo capite patitur exceptionem.

149. Fit secundò: illum, qui confiteri non potest, nisi publicè, vel per interpretem, non teneri ad declaranda singillatim omnia sua peccata, saltem extra articulum mortis ex num. 37. Si tamen poenitens velit, quoties præcepto naturali confessio publica prohibita non sit, ut quando ex ea scandalum, vel quid simile oriretur, poterit publicè singillatim omnia sua peccata confiteri. Ratio est, quia ut constat ex Tridentino eo n. 37. confessio publica per se non est jure divino prohibita, licèt non sit præcepta. Unde quando jure naturali prohibitum esset, aliqua peccata pu-

publicè confiteri, si pœnitens aliter non posset, quàm publicè confiteri, posset ea peccata confiteri, quæ jure naturæ non prohiberetur declarare, & dicere: *de his, & de omnibus meis peccatis me accuso*. Teneretur autem postea, quando posset, in confessione secreta confiteri directè ea peccata, quæ tacuit. Quando verò pœnitens scripto dat confessario legenti omnia peccata, & postea dicit: *de his omnibus me accuso*, non tenetur ea postea iterùm confiteri, cùm omnia in ea confessione directè confiteatur. An verò confessio per litteras facta confessario absenti licita sit, vel prohibita? constabit, cùm de absolutione agamus disputatione sequenti.

150. Fit tertio: multipliciter posse reddi invalidum sacramentum, & vitiosā confessionem. Ratio est, quia quotiescumque deficit materia proxima sacramenti, nempe contritio præscindens à perfectâ, & imperfectâ, deficit sacramentum; cùm talis materia proxima sit pars essentialis, ut constat à num. 75. atqui materia proxima, sive talis contritio multipliciter potest deficere ex vitiosa confessione: ergo &c. Probatur Mi: Si aliquis in confessione mentiatur advertenter, addendo ali-

aliquod mortale, quod non commisit, vel tacendo aliquod, quod commisit, cum tunc mortaliter peccet, impedit veram contritionem, & attritionem, quæ cum actuali lethali componi non possunt. Pariter si aliquis confiteretur solum unum veniale, absque ullo dolore de illo, peccaret contra institutionem Sacramenti, exigentem actum poenitentiae circa materiam, quæ ad conficiendum Sacramentum, ita apponitur necessaria, ut sine illâ tale Sacramentum extare non possit: licet enim ex se veniale leve sit, in hoc casu est quid grave, in ordine ad finem Sacramenti. Sic paucissima aqua, quæ vino admiscetur, in se est quid leve, in ordine tamen ad finem præcepti, significantis conjunctionem Christi cum Fidelibus, sive membrorum cum capite, ut diximus in Tractatu de Eucharistiâ, est res gravissima: adeoque graviter peccaret, qui ad conficiendum Sacrificium, nollet aquam vino immiscere. Sic etiam tenuis cibus in se est res levis; in ordine tamen ad servandum jejunium naturale requisitum ab Ecclesiâ, ad recipiendam Eucharistiâ, est res gravis: ergo etiam dolor requisitus ad retractationem venialis, quod

unicè apponitur pro materia Sacramenti, est res gravis in ordine ad conficiendum Sacramentum; adeòque qui solùm unum veniale confiteretur, illudque dumtaxat apponeret pro materiâ Sacramenti, peccaret mortaliter, si non doleret de illo, ad conficiendum Sacramentum.

151. Fit quartò: Mendacium in confessione de re levi, non pertinente ad materiam Sacramenti, per se loquendo, non esse mortale; adeòque neque invalidare Sacramentum. Ratio est: quia tale mendacium nequaquam impedit materiam remotam, & proximam necessariam ad Sacramentum; adeòque ex nullo titulo potest per se inducere malitiam gravem. Pariter qui aliis confessariis confitetur omnia sua mortalia, & postea suo ordinario confessario confitetur solùm venialia, non peccat mortaliter, ut contra Sylvestrum docent Exim. Doctor, Navarrus, Reginaldus, Lugo, & alii communiter. Ratio est, quia pœnitens ritè confessus est mortalia, ut supponimus, nec per se loquendo, tenetur ea bis confiteri; adeòque cùm non dicat, se solùm commisisse venialia peccata ab ultima confessione facta, apud ipsum ordi-

na-

narium confessarium, nequaquam mentitur in re gravi. Quòd autem dicat, se nihil aliud habere pro materia confessionis, nullum est crimen, cùm nullam aliam materiam teneatur apponere, neque per se loquendo, teneatur declarare ordinario confessario peccata commissa ab ultima confessione, apud ipsum facta. Per accidens tamen potest esse lethale, negare confessario interroganti, ea peccata commissa, si necessarium sit ad cognoscendam pravam consuetudinem poenitentis, ejusque occasionem, & periculum peccandi mortaliter, ex propositione damnata ab Innocentio XI. num. 129.

152. Fit quintò: Facile resolvi posse ex dictis difficultatem, quam aliqui longè controvertunt, nimirum an reddatur nulla confessio, quando intentio confitendi, & recipiendi Sacramentum poenitentiae, vitatur ex aliquo alio fine, aut motivo malo, v. g. quando quis vult confiteri, & recipere Sacramentum, referens hoc ad turpem finem inanis gloriae, aut vanæ existimationis apud confessarium, aut alios? Etenim quando intentio confitendi, ex motivo malo, redditur mortaliter mala, tunc Sacramentum est nul-

lum, quia tunc datur actuale peccatum mortale; atque adeò deficit debitus dolor, & propositum, ex dictis. Quando autem intentio ſolùm redditur venialis, hoc motivum leviter malum tunc per ſe non invalidat confeſſionem, cùm non impediat debitum dolorem verſantem circa materiam, quæ apponitur ad conficiendum validum Sacramentum; dolor enim ſupernaturalis, licet componi non poſſit cum actu naturali pravo mortaliter peccaminoso, poteſt componi cum actu naturali venialiter malo. Vnde ex illo non invalidatur Sacramentum. Quod idem dicendum eſt de quocumque alio peccato de ſe levi commiſſo in confeſſione; peccatum quidèm leve non ſolùm habituale, ſed etiam actuale, ſtare poteſt ſimul cum vera generali attritione, & vera confeſſione de mortalibus, ſive de aliis venialibus; atqui peccatum veniale, quod ſtare poteſt cum verâ confeſſione, & contritione requiſitâ ad valorem Sacramenti, non invalidat Sacramentum: ergo &c.

S E C T I O III.

Solvuntur opposita.

§. I.

153. **O**BJICIES primò, contra primam Conclusionem. Poteſt aliquando fieri confeſſio non integra materialiter, quoad ſpecies, & numerum peccatorum pro ſolo libito pœnitentis: ergo &c. Probatur Antecedens: Quando pœnitens magnam habet Sanctitatis exiſtimationem apud confeſſarium, & alios, ſi committat peccatum mortale, poteſt confiteri venialia, & tacere mortalia: ergo &c. Probatur Antecedens. Plus amitteret ille pœnitens, quoad ſuam famam, & exiſtimationem, quàm perderet alius, cui ob revelationem peccati pœnitentis apud confeſſarium, prudentiſſimè immineret grave detrimentum in pecunia, aut re familiari, cùm bonum famæ æſtimabilius ſit bono pecuniæ: atqui quando prudenter immineret alteri detrimentum in pecunia, aut re familiari, non teneretur pœnitens illud peccatum declarare confeſſario: ergo &c.

154. Resp. nego Antecedens: ad probat. nego Antecedens. Ad probat. distin. Ma: plus amitteret ratione oneris intrinseci Sacramento, concedo: extrinseci, nego Ma: & permissâ Mi: nego Consequentiam. Ratio est, quia ex institutione Sacramenti pœnitentiæ, non tenentur fideles ad onera Sacramento extrinseca, sed ad intrinseca, ex num. 123. illud autem detrimentum famæ pœnitentis apud confessarium, est onus intrinsecum Sacramento exigenti manifestationem delicti pœnitentis: Detrimentum autem in pecuniâ, aut re familiari non est onus Sacramento intrinsecum, sed valdè extrinsecum Sacramento, ad quod Christus ex sua institutione non obligavit: quapropter licèt hoc sufficiens esset, ne homo teneretur ad integritatem materiale confessionis; secùs illud.

155. Objicies secundò, contra secundam Conclusionem. Obligatio confitendi per se gravis non est imponenda fidelibus, absque fundamento claro; sed præceptum clarum, & certum non datur confitendi peccata dubia: ergo &c. Ma: communis est inter Authores, eamque tenent Thomas Sanchez lib. 1. summæ cap. 10. num. 32. pluresque alii,
& su-

& fumitur ex lege , quidquid astringendæ ff. de verborum obligationibus: *Quidquid adstringendæ obligationis causâ dictum est , id nī palam exprimatur , omīssum esse censendum est .*

Constat etiam ex cap.1. de jurejurando , in quo dicitur: *Ubi agitur de obligatione inducenda, interpretatio debet esse mitis , & ex Cap. grave 22. quæst. 3.* Tum etiam ratione , quia præceptum dubium non videtur satis promulgatum, sive intimatum intellectui, ut homo censeatur illo adstrictus. Mi: autem probatur : nam tale præceptum , nec constat auctoritate ; Scriptura enim Concilia , & Patres docent obligationem quidē confitendi peccata ; sed de dubiis nihil loquuntur.

156. Insuper Tridentinum , quod accuratius de confessione egit , huic sententiæ potius favet, cū sess. 14. cap. 5. dicat , solum teneri poenitentem confiteri *ea peccata, quibus Dominum , & Deum suum mortaliter offendisse , meminerit* : Meminisse autem certam scientiam significat . Qua de causâ , qui meminit, se recitasse officium, non tenetur recitare ; secūs qui dubitat . Pariter qui meminit, se confessum tale peccatum à se commissum , non tenetur confiteri ; secūs qui dubi-

rat, & sic de aliis. Pariter nemo potest iurare, se meminisse de hoc, quod dubitat, adeoque, qui dubitat, non meminit: ergo &c. Confirmatur, quia ut ex Aristotele lib. i. de memoria, tradit ibi S. Thomas, semper cum anima memoratur, pronunciat, se prius vel audivisse, vel sensisse, vel intellexisse, sed qui de his dubitat, non pronunciat, se audivisse, seu scisse, aut intellexisse, sed dubius est, an audierit, senserit, vel intellexerit: ergo, qui dubitat, non meminit. Unde dixit Plato, meminisse, esse quoddam scire.

157. Respondeo, permixtâ majori, cujus examen pertinet ad Tractatû de Conscientiâ, nego Mi: ad probat. nego Antecedens: quia ut docet Tridentinum citatum nu. 101. tenentur Fideles confiteri omnia lethalia, quorum conscientiam habent: conscientia autem habetur, non solum de peccato certo, sed etiam de peccato dubio, ex num. 136. Unde peccaret lethaliter, qui de tali peccato dubio non ageret pœnitentiam; adeoque nec confiteretur, nec eliceret votum confitendi, ex num. 132. quapropter *meminisse*, etsi aliquando significet scientiam directam de objecto; aliquando autem significat scientiam

tiam reflexam de probabilitate, vel de dubio, quod habemus, ex num. 135. Quando ergo aliqua testimonia, ut ea, quæ in argumento adducuntur, significant scientiam directam, assumunt ly *meminisse* in uno sensu; quando verò significant scientiam reflexam, sumitur ly *meminisse* in alio sensu. Vndè non sufficit quodlibet meminisse, sive quævis memoria, ut aliquis excusetur à recitatione Officii, sed ea, quæ sufficiens sit, ad deponendum prudenter scrupulum de opposito, juxta ea, quæ tradunt Theologi in Tractatu de Conscientia. Ad Confirmat. distin. Ma: pronunciat, vel per memoriam reflexam, vel directam, concedo, semper directam, nego Ma: & distin. Mi: nego Conseq. ut constet ex dictis.

158. Obijcies tertio. Præceptum confessionis, quoad totam suam integritatem, obligat ante susceptionem Eucharistiæ, adeoque quæ non sunt ex necessitate præcepti confitenda ante sumptionem Eucharistiæ, non cadunt per se sub præceptum confessionis: sed per Tridentinum non sunt confitenda ante sumptionem Eucharistiæ, nisi omnia peccata, quorum quis habet conscientiam.

cer-

certam, & directam: ergo &c. Probatur Mi:
nam sess. 13. cap. 7. sic proponit præceptum
confessionis ante susceptionem Eucharistiæ:
Eccllesiastica autem consuetudo declarat, eam prob-
ationem necessariam esse, ut nullus sibi conscius
mortalis peccati, quantumvis sibi contritus vi-
deatur, absque præmissâ Sacramentali Confessio-
ne, ad Sacram Eucharistiam accedere debeat:
ubi verbum *consci*us solâ notitiâ certam,
& directam denotat, non autem dubiam, aut
reflexam: etenim qui dubitat de Sacrilegio
commisso, non dicitur conscius Sacrilegii cõ-
missi: inauditum quidè est, ait Cardenas,
quod nomen *consci*us dicatur de eo, qui du-
bitat: nihil enim absurdiùs, quàm quod quis-
que velit dare vocibus significationem, in
qua nunquam usurpantur. Confirmatur: si
esset obligatio confitendi peccatum dubium,
etiam esset obligatio confitendi peccatũ pro-
babiliter non commissum, cùm eadem sit de
utroque ratio; sed non est obligatio confiten-
di peccatum probabiliter non commissum:
ergo &c.

159. Resp. concedo Ma: & nego Mi: Ad
probat. concesso textu Tridentini, nego quod
ly *consci*us sumatur ibi pro solâ notitiâ certâ,
& di-

& directà . Ratio est , quia conscius est qui habet conscientiam , undè quot modis potest quis habere conscientiam , tot modis potest dici conscius , ex dictis num. 136. Quod etiam patet ex ipso Tridentino sess. 13. Can. 11. ubi doctrinam cap. 7. recolligens , hæc habet : *Statuit , atque declarat ipsa Sancta Synodus , illis , quos conscientia peccati mortalis gravat , quantumcumque etiam se contritos existiment , habitâ copiâ confessorii , necessario præmittendam esse confessionem Sacramentalem.* Ubi Concilium pro eodem sumit , habere conscientiam , & conscium esse . Quapropter absurdum valdè esset , nomen conscium non assumere in ista significatione , quæ neque nova est , neque inusitata , utpotè à Conciliis , & Jure Canonico sæpiùs assumpta , quod adversarii notare debuissent .

160. Ad Confirmat. distin. Ma: Si etiam esset probabile , quod fuit commissum , concedo ; si non sit probabile , sed imprudenter ita judicetur , nego Ma: & distin. Mi: nego Conseq. Ratio est , quia si sit verè probabile , quòd fuit commissum , cùm non possit prudenter deponi , manet in conscientia , adeòque talis tenetur agere pœnitentiam de illo ,
de-

debetque confiteri, ex num. 132. Si verò non sit verè probabile, quantumvis scrupulosè ita judicetur, sicut imprudenter formatur iudicium, ita prudenter deponitur, quod notandum maximè pro iis, qui scrupulis laborant: tales enim ex consilio confessorii prudenter deponunt scrupulum; adeoque nulla manet eis obligatio pœnitendi. Undè deposito prudenter scrupulo, liberantur licitè ab onere confessionis, cum solùm teneamur confiteri peccata, prout sunt in conscientia, & tunc jam illa in conscientiâ non manerent. Si autem ita prudenter deponi non possent, deberent confiteri, ut benè notavit P. Salas primâ 2. tract. 8. quæst. unicâ, num. 6. pluresque cum ipso.

161. Objicies quartò. Omnia jura clamant, in delicto dubio, reum esse absolvendum, & consequenter esse liberum ab obligatione, quam ratione delicti subiturus erat, à quâ regulâ juris, utpotè rationi consona, non est recedendum, absque textu expresso; sed nullus est textus pro obligatione confitendi peccatum dubium: ergo &c. Confirmatur primò: *In dubiis melior est conditio possidentis*: ergo in dubio, an peccaveris, decer-

cernendum est pro libertate. Confirmatur secundo: in Tribunali forenſi non admittuntur delicta dubia: non enim admittitur accusator, qui dicat: accuso Petrum, si forte occiderit Joannem: ergo neque in Tribunali confessionis tenetur quis se accusare de peccato dubio. Resp. distin. Ma: Omnia jura Tribunalium forensium, Concedo, Tribunalis poenitentiae, nego Ma: & distin. Mi: nego Conseq. Ratio est, quia accusatio apud Tribunal forenſe tendit ad damnandum reum; in Tribunali autem poenitentiae tendit ad reum absolvendum; adeoque diversae leges institutae sunt pro uno, quam pro alio; unde quamvis nulla esset lex de accusando reo pro delicto dubio, apud Tribunal forenſe; malè infertur exindè, non apponendam legem de accusatione rei in Tribunali poenitentiae. Quinimò cum leges hujus Tribunalis appositae sint à voluntate Christi instituentis, hancque legem apposuerit, ut patet ex Tridentino num. 132. exindè nulla est paritas in praesenti ab aliis ad hoc Tribunal.

162. Ad primam Confirmat. distin. Antecedens: in dubiis, quae solum afferunt onus
pœ-

pœnitenti, transeat, quæ afferunt favorem, & impediunt magnum detrimentum, nego Antecedens; & Conseq. Sic quando dubitatur, ad quem pertineat dominium rei, cæteris paribus, standum est pro eo, qui possidet, nam perseverantia in possessione nullum ei affert detrimentum, & aliundè est jus prævalens; at verò in eo, qui dubius est, an peccaverit, possessio de non agenda pœnitentia pro eo peccato, maximum ei afferre posset detrimentum. Contingere quidè potest, quod peccaverit. Si autem peccaverit, & moriatur absque pœnitentia, in æternum damnabitur, quod detrimentum evitat per confessionem; undè nulla tenet paritas ex illo ad nostrum casum. Ad secundam Confirmat. concedo Antecedens, & nego Conseq. quia ut constat ex dictis numero superiori, accusatio in Tribunali forensi tendit ad damnationem, quæ non est imponenda certa pro delicto incerto; at verò accusatio in foro Sacramentali tendit ad liberandum pœnitentem à gravissimo malo imminente, adeòque potest poni certa pœna pro certâ securitate, quam exindè habet.

§. II.

163. *Objicies quintò . Præceptum confessionis , tam jure Divino , quàm humano solùm est præceptum confitendi mortalia : ergo dubitare , an culpa sit mortalis , est dubitare , an culpa sit sub præcepto ; sed quando constat de præcepto , & dubitatur , an res aliqua sub illo contineatur , nemo illo tenetur , ut docent Sanchez in summa cap.10. num.32. Salas de Legibus tract.8. disput.unica sect.25. num.258. aliisque cum ipsis : ergo qui dubitat , an peccaverit mortaliter , non tenetur præcepto confessionis . Confirmatur primò . Omne dubium facti pertinentis ad materiam præcepti reducitur ad dubium juris , ut videri potest apud Castro-Palaum de conscien. punct.34.num.4.& puncto 35.nu.2. In dubio autem Juris nemo tenetur , ut docent communiter Theologi . Quapropter dubitans post sufficientem diligentiam , an hodiè sit dies Veneris , vel an dies Festus , vel an 21. annum compleverit , nullo præcepto ligatur abstinendi à carnibus , audiendi Sacrum , vel jejunandi , quia materia horum præceptorum est abstinencia à carnibus die Veneris , audi-*

auditio Sacri in die Fæsto, & jejunium 21. anno completo; ac proindè de prædictis dubitare, est dubitare de præceptis, eo quod sit dubium facti pertinentis ad materiam præcepti, quod proindè ad dubium juris reducitur: atqui peccatum mortale est materia præcepti confessionis: ergo dubitare de peccato mortali est dubium facti pertinentis ad præceptum confessionis, adeòque ad dubium juris reducitur.

164. Confirmatur secundò, ut docent Exim. Doctor, Navarrus, Sanchez, Arriaga, aliique quamplures, quandocumque dubium est circa actionem, ex quâ primò lex nascitur, sive primò incurritur legis obligatio, standum est pro libertate, & negandum quem teneri lege: sed commissio peccati mortalis est actio, ex quâ primò nascitur lex confessionis, seù primò ejus obligatio incurritur: ergo qui de eo dubitat, non tenetur lege; Sic qui dubitat de voto, aut juramento emisso, non tenetur lege naturali ad implenda vota, & juramenta. Item qui dubitat de peccato reservato commissio, non tenetur præcepto confitendi superiori peccata reservata, & sic de aliis. Confirmatur tertio, ex Regula 65. de

de Regulis juris in sexto : in dubiis melior est conditio possidentis : quod Juris principium non solum habere locum in materia Justitiæ, sed generaliter verum esse in aliis materiis, & præceptis, probat cum communi sententia Exim. Doctor tom.2. de Relig.lib.4. cap.5.& Oviedus primâ 2.tract.5.controvers.4.punc.6. sed qui dubitat, an primò contraxerit obligationem præcepti alicujus, præsupponitur cum libertate à tali obligatione; aliter non præsupponeretur liber: ergo in hoc dubio melior est conditio possidentis libertatem, & pro ejus possessione debet stari, à quâ non deturbatur per dubium superveniens: etenim qui dubitat de facto, per quod obligatio præcepti primò contrahitur, dubitat de obligatione: sic obligari quem ad confitendum reservatum superiori, stat in duobus; in eo nempe quod præceptum adsit obligans confiteri superiori reservata, & quod reservatum commiserit, adeoque ex cujuscumque dubio, obligatio adveniens est dubia, nec debet vincere possessionem libertatis certam.

165. Resp. distin. Ma: est præceptum confitendi mortalia, utcumque, nego, quorum habemus conscientiam, concedo Ma: &

De Pœnit. Pars II.

O

di-

distin. Mi: Si præceptum non se extendat ad dubium, concedo; Si se extendat ad dubium, ut in casu nostro, nego Mi: , & Conseq. Ratio est, quia Tridentinum citatum num. 101. definit, præceptum confitendi peccata, se extendere ad ea, quorum pœnitens conscientiam habet. Cùm autem conscientia non solum habeatur de peccato certo, sed etiam de peccato dubio, ex num. 136. exindè si quis habet peccatum dubium, adest certum præceptum de obligatione confessionis, & non potest dubitare de præcepto, nisi dubitet, an peccatum sit in conscientia, de quo sanè dubitare non potest, existente conscientia dubia: nam dubitanti evidens est se dubitare, ex num. 135. Explicatur exemplo: quia irregularitas imposita est, non solum ex homicidio secundum se, sed etiam ex homicidio, ut dubio; dubitare de homicidio non est dubitare de irregularitate. Rem ampliùs explico: dubitat quis, an ex actione suâ Clericum occiderit? Consequenter dubitat de excommunicatione, & ideò non tenetur excommunicatione, juxta communem sententiam, quia hæc imponitur ex percussione Clerici secundum se, adeòque ubi percuss-

cussio Clerici est dubia , dubia est excommunicatio , & ideò illam non contrahit : contrahit ramen irregularitatem : quia hæc imposita est , non solùm ex homicidio secundùm se, sed etiam ex homicidio dubio . Pariter ergo in nostro casu .

166. Ad primam Confirmat. distin. Ma: dubium facti reducitur ad dubium Juris, quando obligatio non est imposita pro facto, ut dubio, omitto; quando imposita est pro facto etiam, ut dubio, nego Ma: & distin. Mi: nego Conseq. Nam in casu nostro, cùm præceptum confessionis obliget ratione peccati dubii, ubi adest peccatum dubium, adest certa obligatio, præceptumque est in possessione obligandi, neque dubitans gaudet libertate, utpotè ratione dubii deturbatus ab illa . Ad secundam Confirmat. distinctis eodem modo præmissis, & probationibus, nego Conseq. Ad tertiam Confirmat. distinctis eodem modo præmissis, nego Conseq. Illa enim exempla ab adversariis adducta nihil probant, cùm non imponant obligationem ex dubio, quæ in nostro casu clarè appositæ est in dubio per præceptum confessionis, ut constat ex dictis. Undè aduertenter di-

xerunt, Sanchez , & Lugo, in nostro casu confessionem certam stare pro obligatione confitendi peccata dubia .

167. *Objicies sextò . Dubium, quod vinci non potest , æquivalet ignorantia invincibili, ut docet Sanchez lib. 1. de Matrimonio disputat. 41. num. 46. §. 2. ergo dubium de peccato lethali , quod factâ sufficienti diligentia vinci non potest , æquivalet ignorantia invincibili de culpa mortali : sed tacere in confessione culpam , quæ ex ignorantia invincibili non existimatur commissa, vel mortalis , non opponitur præcepto confessionis , ut omnes fatentur : ergo tacere culpam mortalem dubiam , cujus dubium , factâ diligentia , vinci non potest , non opponitur præcepto confessionis . Confirmatur : qui habet dubium peccati negativum , re verâ non scit se commisisse peccatum : ergo habet ignorantiam de tali peccato : ad ignorantiam enim negativam opus non est scire , aut judicare prudenter , peccatum non esse commissum , sed satis est , non scire , peccatum esse commissum , cùm ignorantia hæc in solâ negatione scientiæ consistat ; aliter nemo ignoraret peccatum , nisi qui errans existimaret , se*
non

non habere peccatum, quod re verâ habet : hoc autem apertè est falsum, cùm possit esse ignorantia sine errore : aliundè verò ea ignorantia fit invincibilis, quando post sufficientem diligentiam veritas inveniri non potest, neque ignorantia potest expelli, adeoque tunc dicitur ignorans non posse illam vincere : ergo &c.

168. Resp. distin. Ma: æquivalet in aliquibus, concedo: in omnibus, nego Ma: & distin. Mi: nego Conseq. Ratio est, quia dubium non æquivalet ignorantiae invincibili in ordine ad excludendam conscientiam de peccato, licet æquivaleat in ordine ad excludendam scientiam directam : cùm autem ex eo, quod quis habeat conscientiam de peccato, obligetur præcepto confessionis; exinde non excusatur à confessione, ratione dubii, quamvis excusetur ratione ignorantiae omninò invincibilis. Ad Confirmat. distin. Antecedens: non scit, idest, non habet conscientiam de peccato, nego; idest non habet scientiam directam, concedo Antecedens, & nego Conseq. Dubium enim nequaquam æquivalet, quoad omnes effectus, ignorantiae invincibili, ex dictis; aliter sicut, qui cum

ignorantia omninò invincibili non potest confiteri peccatum, adhuc ut dubium, imò peccaret, si ita confiteretur; ita pariter, qui habet peccatum dubium, non posset, quantumvis vellet, confiteri peccatum, ut dubium, sed peccaret, si ita confiteretur, quod ipsi adversarii dicere non audebunt: esset enim in Ecclesia Dei omninò inauditum.

169. Objicies septimò: Peccatum dubium non est materia certa confessionis, neque satis est, ut detur certò validum Sacramentum: si enim re ipsâ non præcessit peccatum, absolutio erit nulla: ergo ex peccato dubio non oritur obligatio confitendi. Confirmatur primò: pro peccato dubio non potest quis obligari ad pœnam certam, qualis est ipsa confessio, & pœnitentia à confessorio imponenda: contingere quidèm posset, quòd ille homo esset innocens: innocenti autem nulla debet imponi pœna: ergo &c. Confirmatur secundò. Si hoc dubium satis esset ad obligationem confitendi, qui multis ab hinc annis fêcit confessionem generalem, & modò dubitat, an confessus fuerit hoc peccatum, nec ne, teneretur illud confiteri: sed hoc valdè arduum est, & difficile: ergo &c.

Resp.

Resp. distin: Antecedens: Si non sit certò commissum, concedo: si sit, nego Antecedens, & Conseq. Ratio est, quia sive sit, sive non sit certò commissum, est verè in conscientia; adeòque adest obligatio confitendi: ut autem non irrogetur injuria Sacramento, quando solùm peccatum dubium apponitur pro materia, debet impendi absolutio sub conditione, quo & confessarius fungitur suo munere, & poenitens adimplet suam obligationem.

170. Ad primam Confirmat. distin. Antecedens: Ad poenam certam correspondentem peccato certo, concedo; peccato dubio, nego Antecedens, & Conseq. Ratio est, quia sicut habetur beneficium certum, & deobligatio poenitentis, ex confessione peccati dubii, ex num. 158. ita ex Christi institutione debet haberi correspondens poenitentia. Ad secundam Confirmat. distin. Ma: Si solùm dubitat negativè, nego Ma: verè probabiliter, concedo Ma: & distin. Mi: nego Conseq. Ratio est, quia ille, qui multis ab hinc annis fecit confessionem generalem, ex animo adimplendi totam quantam habebat obligationem, præsumendus est, eam adimplevisse, dum prudenter contrarium positi-

vè non constat: Interim autem possessio est pro confessione facta, in quâ omnia sua peccata remissa fuere, non solum, quæ memoriæ tunc occurrere, sed etiam ea, si quæ fuerint inculpabiliter oblita: Undè deturbandus nunquam est à sua possessione, quâ prudenter gaudere præsumitur, sine ullo periculo se exponendi æternæ damnationi. Hoc autem non evenit respectu illius, qui dubius est, an peccaverit, & nunquam confessus est peccatum, quod habet in conscientia. Hic enim neque contritionem elicere potest, quæ non sit votum suscipiendi Sacramentum pœnitentiæ, ut definit Tridentinum citatum nu. 132.

.171. Objicies octavo, contra tertiam Conclusionem: Tridentinum sess. 14. cap. 5. doctrinaliter definiens obligationem pœnitentis, quoad confessionem Sacramentalem, meminit solum earum circumstantiarum, quæ speciem mutant, non autem earum, quæ æquivalenter augment numerum peccatorum: ergo non est obligatio confitendi tales circumstantias. Confirmatur: Tridentinum post allatam ibi doctrinam, ait: *Nihil aliud in Ecclesia à pœnitentibus exigere*; atqui si esset obligatio confitendi æquivalentem numerum peccatorum,

ali-

aliquid aliud in Ecclesia exigeretur: ergo &c. Resp. nego Antecedens, quoad secundam partem, nam ut constat ex num. 121. Tridentinum ibi docet, peccata declaranda esse in specie, ac singillatim, quo satis ostendit, non solum declaranda esse peccata realiter, quoad numerum distincta, sed etiam distincta æquivalenter.

172. Quod manifestum fit ex ipsa ratione ibi à Tridentino assignata, quæ hæc est: *Constat enim, Sacerdotes judicium hoc incognitâ causâ exercere non potuisse, neque æquitatem quidem illos in pœnis injungendis servare potuisse, si in genere dumtaxat, & non potius in specie, ac singillatim sua ipsi peccata declarassent.* Judicium autem confessarii valdè diversum esse, quando sunt plura æquivalenter peccata, quàm quando unum solum est, nemo est, qui dubitet; adeoque satis clarè hæc obligatio colligitur ex Tridentino, quàmvis non sit obligatio manifestandi puras circumstantias, intra eandem speciem. Ad Confirmat. concedo Ma. & nego Mi: quia ut constat ex dictis, satis apertè docuit ibi Tridentinum hanc obligationem. Undè quando dicimus, non esse obligationem confitendi
cir-

circumstantias, intra eandem speciem, sermo est de circumstantiis, quæ circumstantiæ sunt; non autem quatenus augent, vel minuunt æquivalentem numerum peccatorum; quoad istum namque respectum, non sunt circumstantiæ, ut per se patet.

§. III.

173. *Objicies nonò: Ex S. Thoma citato num. 143. non est obligatio confitendi circumstantias, nisi quæ ad aliud genus, & speciem peccati mortalis trahunt: ergo non est obligatio confitendi illas circumstantias, solum æquivalenter augentes numerum peccatorum. Resp. distin. Antecedens: quæ solum ad aliud genus, & speciem peccati mortalis trahunt, comprehendendo eas, quæ pure dicuntur circumstantiæ, concedo: quæ æquivalenter augent numerum peccatorum, nego Antecedens, & Conseq. Ratio est, quia ut habet D. Thomas eo num. 143. solum excluduntur ab obligatione illæ circumstantiæ, quæ superaddunt malitiam levem, quales non sunt illæ, quæ æquivalenter augēt numerum peccatorum mortalium: istæ enim apud antiquos non vocabantur pure circumstantiæ.*

174. Quod

174. Quod ex fine D. Thomæ, manifestius apparet. Fuerunt enim quidam tempore D. Thomæ, qui docebant, aliquas circumstantias, quæ æquivalenter non augebant numerum peccatorum mortalium, esse necessario confitendas, ut si ille, qui commisit peccatum, esset Episcopus, vel Generalis Ordinis, vel si commisit peccatum in die Festo; quia existimabant, illas circumstantias notabiliter aggravare, adeoque afferre obligationem confitendi: contra quos ait D. Thomas, eas circumstantias solum addere malitiam levem, adeoque non adesse obligationem eas in confessione aperiendi. Unde inferes, Sorum, Canum, & alios Thomistas, non benè exposuisse D. Thomam, dicendo, hæc fuisse dicta à S. Doctore, non in propriâ, sed in alienâ sententiâ.

175. Objicies decimò. Circumstantiæ intra eandem speciem non addunt novum peccatum, sed unicum constituunt: ergo non est obligatio eas confitendi. Confirmatur. Non obligatur poenitens ad id, de quo nullum extat præceptum: sed nullum extat præceptum de confitendis circumstantiis intra eandem speciem: ergo &c. Resp. distin.

An-

Antecedens: non addunt novum peccatum realiter, concedo, æquivalenter, nego Antecedens, & Conseq. ut constat ex dictis, à num. 139. Ad Confirmat. concedo Ma: & nego Mi: nam ut habet Tridentinum citatum num. 101. extat præceptum confitendi omnia lethalia singillatim, & prout sunt in conscientiâ: cùm autem æquivalens pluribus peccatum verè sit in conscientiâ, prout distinctum ab illo, quod pluribus non æquivallet, ex num. 139. exindè adest præceptum confitendi tale peccatum.

176. Objicies vndecimò. Si adesset obligatio confitendi circumstantias augentes æquivalenter numerum peccatorum, etiam esset obligatio confitendi circumstantias æquivalenter minuentes numerum peccatorum; sed hoc videtur falsum, cùm Sacramentum pœnitentiæ non sit ad excusandum, sed ad accusandum: ergo & illud. Confirmatur primò. Non est obligatio confitendi majorem, vel minorem actûs intensiorem: ergo, neque circumstantias augentes, vel minuentes æquivalenter numerum peccatorum. Confirmatur secundò. Beneficia Divina majora, vel minora, major, vel minor adver-

advertentia, longior duratio actûs, absque interruptione, immutant iudicium confessarii, non minùs, quàm illæ circumstantiæ, quæ æquivalenter augent, vel minuunt numerum peccatorum: sed non est obligatio confitendi illas circumstantias: ergo neque istas.

177. Resp. concedo Ma: & nego Mi: quia hoc necessarium est ad declarandum fingillatim peccata, ex num. 171. Undè ex hoc capite potius roboratur, quàm infirmitur nostra sententia, licèt enim Sacramentum poenitentiae non sit ad se excusandum, sed ad accusandum, est tamen ita ad se accusandum, ut ex ipsa accusatione possit confessarius agnoscere mensuram delicti, & juxta eam, debitam tantùm, & non excedentem satisfactionem imponere. Undè si hæc æquivalens multiplicitas, vel æquivalens peccatorum diminutio se habeat, vel ex parte objecti, vel ex parte actus pravè tendentis, duplicatâ quasi libertate sibi intrinseca, probabilius est, totum hoc debere in confessione explicari, si totum hoc per opus externum non explicetur, ut cum Exim. Doctore notavimus num. 116. Ex quo non solum plu-
res

res nostri, sed etiam plures Thomistæ, cum Gonet docent, eodem modo de aliis similibus casibus discurrendum esse. U. g. si mulier metu mortis consenserit in fornicationem, debere talem circumstantiam explicare in confessione; sicuti & qui peccat ex ignorantia, vel ex aliqua vehementi tentatione, ad hoc, ut Sacerdos possit de ejus crimine rectum judicium ferre.

178. Cæterùm cùm hæc rarò discernibilia sint, quoad æquivalentem numerum augendum, vel minuendum, nisi per opus externum, quod factum fuit, vel fieri intendebatur, exindè rarò adest obligatio, ad majorem explicationem, quàm ad eam, quam in eis circumstantiis secum affert opus externum. Ad primam Confirmat. distin. Antecedens: Si non sit aliter discernibilis, quàm per opus externum, concedo, si sit, nego Antecedens, & Conseq. ex num. 116. Ad secundam Confirmat. distin. Ma: Si sint ex se discernibilia, ut augmentia, vel minuentia æquivalenter numerum peccatorum, concedo; Si non sint, nego Ma: & distin. Mi: nego Consequentiam: quia illa per se nudè sumpta sunt puræ circumstantiæ, nisi ex alio capi-

capite ab eis per pravam tendentiam actus vitietur. Quando igitur actus novam acciperet ab eis matitiam, vel augeret numerum æquivalentem, deberet explicari, vel per se, vel per opus externum; secùs quando ita non eveniret, ex num. 117.

179. *Objicies duodecimò: Difficile est discernere inter illas circumstantias, quæ sunt puræ circumstantiæ, vel quæ augent, vel minuunt æquivalenter numerum peccatorum: quis enim definiet, saltem in communi modo operandi, utrùm ex parte actus, vel quoad libertatem, vel quoad intensiorem augeatur, vel minuatur æquivalenter numerus peccatorum; atqui jugum confessionis non est adeò difficile: ergo quoad istum numerum æquivalentem, vel minuentem, nulla datur obligatio confessionis. Resp. distin. Mi: Regulariter loquendo, transeat; semper, nego Ma: & distin. Mi: non est adeò difficile, ut exigatur, quod declarentur ea, quæ discerni non possunt, concedo, quæ per diligens examen possunt discerni, nego Mi: & Conseq. Ex eo enim confessionis jugum facile est: quia ea, quæ post diligens examen memoriæ non occurrunt, ex misericordia Christi Domini*

ni

ni institutione, eâdem confessione, quoad absolutionem inclusa esse intelliguntur, ut ait Tridentinum cit. num. 101. Cùm autem istud non sit intolerabile, sed facile jugum, eâ de causâ Tridentinum sess. 14. cap. 5. hæc superaddit: *Sed & impium est, confessionem, quæ hac ratione fieri præcipitur, impossibilem dicere, aut carnificinam illam conscientiarum appellare.*

180. Objicies tertio decimò, contrà quartam Conclusionem. Plures sunt consuetudines in Ecclesia, quæ non obligant sub gravi, neque adhuc sub levi, qualis est consuetudo confitendi venialia, quam pii, & timorati homines observant: ergo ex consuetudine faciendi confessionem verbalem, non rectè inducitur obligatio confitendi verbaliter. Resp. distin. Antecedens: Plures consuetudines, quæ communiter in Ecclesiâ acceptatæ sunt, ut obligatoriæ, nego, ut liberè implendæ, concedo Antecedens, & nego Conseq. quia consuetudo confitendi venialia semper cognita fuit à Fidelibus, ut liberè implenda; secus autem consuetudo confitendi verbaliter, ex numero 146. Quo in sensu debet intelligi Concil. Florent. in decreto Eugenii, ubi

ubi explicans partes Sacramenti Pœnitentiæ, nempe contritionem, confessionem, & satisfactionem, de confessione ait: *Secunda est oris confessio, ad quam pertinet, ut peccator omnia peccata, quorum memoriam habet, suo Sacerdoti confiteatur integraliter.* Unde oris confessio requiritur ex præcepto, saltem ex consuetudine introducto, aliter non vocaret illam oris confessionem, sed absolutè confessionem. Exindè Trident. sess. 14. cap. 3. ut omnem æquivocationem auferret pro confessione requisitâ necessitate Sacramenti, non vocavit illam oris confessionem; sed purè confessionem. Cæterùm quia ex præcepto, quando potest, facienda est ore, non licet extra casum necessitatis eam aliter facere, ut expressè habet Benedictus XI. Extravag. inter cunctas, de Priuil. cap. 1. dicens: *Nisi articulus necessitatis occurrat, Sacerdoti facienda est confessio, prout scriptum est: corde ad justitiam creditur, ore autem confessio fit ad salutem.*

DISPUTATIO III.

*De Absolutione , & adequato Sacramenti
essentiali constitutivo .*

181. **P**LURES sunt sententiæ circa essentialiale constitutivum absolutionis . Prima est Durandi existimantis , omnia illa verba ; *Ego te absolvo à peccatis tuis , in Nomine Patris , & Filii , & Spiritus Sancti ,* nullo prætermisso , esse de essentiali constitutivo . Secunda est Gabrielis docentis , ea verba , *absolvo te ab omnibus peccatis tuis ,* esse essentialia . Tertia est Dominici Soto in quartum distin. 22. quæst. 1. artic. 1. docentis , sufficere hoc solum verbum *Absolvo* . Quarta est Gonetii , & aliquorum Thomistarum docentium , sufficere ista *absolvo te* . Quinta dicit , sufficere pro forma essentiali dicere : *absolvo te à peccatis* : ita Paludanus , Petrus Soto , & alii quamplures apud Lugo disputat. 13. sect. 1. §. 2. Ante resolutionem , certum est apud omnes , preces illas , quæ præcedunt formam , scilicet *Misereatur tui &c.* & quæ sequuntur , ut *Passio Domini Nostri Jesu Christi* ,
non

non esse de substantia formæ, licet utiliter, vel ut plures docent, ex obligatione adhibendæ sint, quando nulla causa excusat. Constat ex Trident. sess. 14. cap. 3. dicente: *Docet præterea Sancta Synodus, Sacramenti pœnitentia formam, in quâ præcipuè ipsius vis sita est, in illis Ministri verbis positam esse: ego te absolvo, &c. quibus quidè de Ecclesiæ Sanctæ more, preces quædam laudabiliter adjunguntur; ad ipsius tamen formæ essentiam nequaquam spectant, neque ad ipsius Sacramenti administrationem sunt necessariae. Quærimus modò, an, & quæ verba ad essentiam absolutionis requirantur.*

S E C T I O I.

De verbis Absolutionis.

§. I.

182. **A**SSERO primò, cum omnibus hujus temporis Theologis contra aliquos antiquos citatos num. 234. Absolutio Sacramentalis, sive forma Sacramenti pœnitentiæ necessariò requirit verba propriè dicta, & humano modo prolata. Proba-

tur primò . Talia verba exigit necessario Christi institutio nobis nota per Concilia: ergo &c. Probatur Antecedens, ex Concilio Florentino in decreto Eugenii, & ex Tridentino citato numero superiori, in quibus dicitur, formam hujus Sacramenti consistere in verbis illis: *Ego te absolvo &c.* Hæc autem intelligenda esse de verbis propriè sumptis, non verò de impropriè acceptis, ut sunt nuntus, & Scriptura, constat ex ipso Florentino, quod cùm generaliter dixisset, omnia Sacramenta perfici verbis, postea de Matrimonio specialiter subdit, regulariter perfici verbis, indicans, aliquando posse perfici, absque verbis propriè sumptis, & cum solis nutibus, aut Scriptura, sicuti perfici solent alii contractus propter rationem, quam dedimus, num. 31. de Sacramentis: ergo quando agit de aliis Sacramentis, manifestè loquitur Florentinum de verbis propriè sumptis, aliter sine fundamento dixisset de solo Matrimonio, regulariter perfici verbis: nam sine verbis propriè, vel impropriè acceptis nunquam perfici potest.

183. Probatur secundò, ex traditione, & perpetuo usu Ecclesiæ; quæ est in hac materia

teria efficacissima ratio, ut ait Exim. Doctor disputat. 19. sect. 1. Ex tali quippè usu, & praxi semper in Ecclesia observatâ inferitur, fuisse voluntatem Christi Domini, ut absolutio non esset valida sine verbis propriis, undè cessant omnes conjecturæ, quæ objici poterant: Nam illis non obstantibus potuit, & voluit Christus absolutionem Sacramentalē debere perfici per verba propriè accepta, sicuti ex iisdem capitibus colligimus, formam aliorum Sacramentorum: (uno dempto Matrimonio) v.g. Baptismi, Confirmationis, Ordinis &c. perfici verbis: Sicut enim Christus instituit poenitentiam his verbis: *Accipite Spiritum Sanctum, quorum remiseritis peccata, &c.* ita instituit Baptismum his aliis, *Baptizantes eos in Nomine Patris, &c.* ergo sicut Christus, quamvis ex vi verborum instituentium non expresserit, proferenda esse in Baptismo hæc verba: *Ego te baptizo &c.* & tamen ex usu, traditione, praxi Ecclesiæ, & suprà citatis Conciliis constat, hanc fuisse Christi voluntatem, idem etiam dicendum est de Poenitentia Sacramento, cū eadem fundamenta militent.

184. Quapropter licet in aliis judiciis.

P 3

pos-

possit validè dari sententia sine verbis, & ita etiam conferatur absolutio à censuris, remissioque offensæ inter homines possit fieri scripturâ, aut nutibus; in hoc tamen iudicio Sacramentali à Christo instituto, præscripsit ipse, formam constituendam esse ex verbis propriis, quæ si non apponantur, nullum erit Sacramentum, ut patet in aliis Sacramentis, præter Matrimonium. Undè sustinenda nequaquam est sententia Paludani, Medinæ, & Soti apud Lugo disputat. 1. 3. sect. 1. num. 1. qui significare videntur, absolutionem Sacramentalem non requirere indispensabiliter verba propriè sumpta, sed sufficere scripturam, vel nutus, quibus Sacerdos significet, se remittere peccata pœnitentis: hæc enim sententia opposita est totius Ecclesiæ praxi; & insolubilibus supra positis fundamentis, quæ ulterius roborantur decreto Clementis VIII. declarantis, absolutionem datam absenti per Epistolam, vel Internuncium in nullo casu esse licitam: Si autem fieri posset per Scripturam, nihil esset, cur absenti non posset in aliquo casu licitè dari: nam per Scripturam possumus loqui cum absente; ut patet in absolutione à censuris, quæ datur,

tur ; quin requiratur præsentia absolvendi.

185. Affero secundò: Absque his verbis : *Absolve te à peccatis*, aut aliis perfectè æquivalentibus stare nequit essentia Sacramentalis absolutionis ; in illis verò , etsi alia non superaddantur tota essentia reperitur . Probatum primò . Et in primis , quod pronomen *ego* expressè prolatum non requiratur , patet : quia in verbo *absolve* includitur , & nihil expressè significat , quod etiam expressè non significet Verbum *Absolve* , ex se , & independentè à quacumque circumstantia : id enim est proprium verborum in prima , & secunda persona , quæ absque ullo alio addito significant personam absolventem , aut agentem : ergo sufficit verbum *absolve* , non prolato pronomine *ego* , ut de forma Baptismi , & aliorum Sacramentorum docent communiter Doctores , cum S. Thoma . Quia verò ejus omissio est contra usum , & praxim observandam in formis , eo modo , quo à Conciliis præscribuntur , esset peccatum saltem veniale talis omissio ; Rursus , quod verba illa duo : *absolve te* : sint necessaria , præterquamquod ferè omnes asserunt , facilè ostenditur ,

quia absolutionis verba debent exprimere remissionem peccatorum, & personam præsentem, cui illa remittuntur: sed hoc exprimi non potest sine dictis verbis, aut aliis perfectè æquivalentibus: etenim absque verbo absolvo deficit significatio actus judicialis sententiæ remissivæ, & sine pronomine te deficit significatio practica talis remissionis, seu sententiæ remissivæ: non enim significatur practicè remissio judicialis, quando non significatur, cui fit: ergo sine istis verbis absolvo te deficit sensus formæ.

186. Præterea quòd illa particula *à peccatis*, sit etiam necessaria, patet: quia Tridentinum citatum num. 181. assignans formam hujus Sacramenti dicit, esse illa verba *absolvo te &c.* quo modo loquendi clarè indicat, aliquid aliud requiri ad formam, præter illa verba *absolvo te*, aliter otiosè addita esset particula *&c.* Ratio autem Theologica est: quia verba formæ debent determinatè, & practicè significare, non quamcumque absolutionem, sed absolutionem à peccatis: atqui hoc non præstant absque particula *à peccatis*: ergo hæc requiritur: Probatum Mi: Illa duo verba *absolvo te*, sunt ex se indifferentia ad significan-

ficandam remissionem culpæ, vel censuræ, vel alterius delicti: ergo ut verba ex se, & determinatè significant remissionem peccati, debet apponi illa particula, à peccatis.

187. Respondebis, verba illa *absolvo te* prolata in his circumstantiis, & suppositâ confessione peccatorum, determinari ad significandam absolutionem à peccatis, adeoque per se sola esse adæquatè constitutiva formæ essentialis. Contrà tamen primò: verba necessaria ad formam absolutionis debent se solis, & per se, independentèr à circumstantiis extrinsecis, significare remissionem peccatorum: atqui non significant hanc per se illa duo verba *absolvo te*: ergo &c. Probatur Major. Circumstantiæ extrinsecæ non concurrunt partialiter ad significationem formæ absolutionis, aliter, cùm significatio sit de essentia, circumstantiæ illæ essent de essentia; quod absurdum est, neque admittitur ab ipsis adversariis. Voluit enim Christus Dominus, ut forma absolutionis constaret solis verbis, & non rebus, quales sunt illæ circumstantiæ extrinsecæ: ergo verba formæ se solis, & per se debent habere significationem determinatam,

tam, & perfectam independenter à circumstantiis.

188. Contrà secundò : Ideò Verbum *absolvo* sine particula *te* non sufficit apud adversarios ad formam absolutionis, quia per se solùm non significat absolutionem personæ præsentis, licèt illam significet in his circumstantiis personæ præsentis: sed eadem est ratio de his verbis *absolvo te*, absque particula *à peccatis*, ut per se patet: ergo. Contra tertiò. Si pœnitens post confessionem peccatorum interroget ita confessarium: *Absolvis me à peccatis?* & confessarius respondeat, *absolvo*, vel respondeat *etiam*, jam ex circumstantiis, ly *absolvo*, vel ly *etiam*, determinaretur ad significandam absolutionem à peccatis personæ præsentis confessæ; sed apud adversarios verbum *absolvo* non sufficit, & particula *etiam* in nullius sententia sufficit: ergo verba, quæ hanc determinationem, & significationem ex se non habent, sed à circumstantiis extrinsecis, non sufficiunt ad essentiam formæ absolutionis: verba enim, & non circumstantiæ instituta sunt à Christo in formam hujus Sacramenti.

189. Respondebis secundò: voluisse Christum,

stum, ut exprimeretur persona ipsa, cui Sacramentum confertur; quoad significationem verò remissionis peccati fuisse contentum, ut ex verbis, & aliis circumstantiis constaret. Contra primò, quia in rebus adeò gravibus non est fingenda Christi voluntas; sed ex nullo capite constat, voluisse Christum unum, & non aliud; imò ex institutione hujus Sacramenti apparet, voluisse Christum utrumque verbis significare: verba enim, quibus hoc Sacramentum instituit, fuerunt ista: *quorum remiseritis peccata remittuntur eis &c.* quæ verba expressè significant remissionem peccatorum in particula *quorum peccata*, & personam remittentem inclusam in verbo *remiseritis*, & personam, cui remittuntur in particula *quorum*: ergo &c. Contra secundo. Si poenitenti interroganti: *absolve me à peccatis?* vel roganti Sacerdotem, *absolve me à peccatis*, Sacerdos respondeat, *facio tibi, quod petis*, jam verbis istis exprimeretur persona, cui conferretur absolutio, & eadem illa verba ex circumstantiis significarent remissionem à peccatis; sed hoc non obstante talia verba sunt inutilia pro forma absolutionis: ergo dicendum est, voluisse Christum
for-

formam hujus Sacramenti esse verba, ex se, & expressè significantia remissionem à peccatis personæ præsentis; ad quod omninò necessaria sunt illa verba: *absolvo te à peccatis*.

190. Probatur secundò Conclusio: ista verba *absolvo te à peccatis* necessaria sunt ad essentiam absolutionis, sed nulla alia præter ista requiruntur: ergo in istis stat tota, & adæquata essentia absolutionis; Ma: constat ex dictis à num. 185. Probatur Mi: nam particula ego, vt eodem numero constat, nequaquam requiritur. Propter eandem rationem particula *tuis* non requiritur, quia includitur in particula *te*. Idemque expressè significant hæc verba *absolvo te à peccatis tuis*, quàm ista *absolvo te à peccatis*. Deinde nec requiritur particula *omnibus*, quia licèt à Concilio Moguntino cap. 24. apponatur ea particula in forma absolutionis, hoc tamen non fit, quia sit de essentia formæ, sed quia tunc erat talis consuetudo absolventi, quam observari monet prædictum Concilium; ea autem particula expuncta est à forma absolutionis à Rituali Romano reformato: & hic mos est doctissimorum, &

piis-

piissimorum Confessariorum . Deindè, quia multa sunt peccata venialia poenitentis , quæ non absolventur , vel quia poenitens non doleat de illis , vel quia non confitetur de illis . Dicitur autem à peccatis tuis , quia unum mortale non deletur sine altero , & verba absolutionis indirectè extenduntur ad peccata , si quæ sint inculpabiliter oblita , cùm in eadem confessione inclusa esse intelligantur , ex Tridentino citato num 101. Unde particula *peccatis* rectè apponitur , quantumvis poenitens unum solum lethale declaret .

191. Præterea neque est necessaria invocatio Trinitatis , quia ex nullo capite id constat : Christus enim in institutione hujus sacramenti invocationem Trinitatis non apposuit , neque ex ullo Concilio constat , esse necessariam , vt ex institutione Christi , & Conciliis constat , requiri in Baptismo , ex ibi dictis num 51. Quare qui sine causa omitteret nomen Trinitatis in administratione Sacramenti Poenitentiae , non omitteret quidquam essenziale formæ , etsi faceret contra Ecclesiæ consuetudinem , ratione cujus non licet illam omittere : neque opus est mentio Trinitatis , vel Christi , ex eo quod Minister
ope-

operatur nomine Christi: nam in omnibus sacramentis ita operatur, & non requiritur hujusmodi mentio, vel invocatio in multis sacramentis, vt certum est apud omnes: ergo ista verba *absolvo te à peccatis* necessaria sunt, & sufficientia ad essentiam sacramentalis absolutionis. Ex dictis

§. II.

192. Fit primò: mutationem horum verborum substantialem invalidare sacramentum; secùs accidentalem, ex num. 67. de sacramentis; non autem judicatur ab Auctoribus substantialis mutatio, si Sacerdos auctoritatis gratiâ dicat: *Nos te absolvimus*, aut si absolvens Papam, aut Regem, dicat: *absolvo sanctitatem vestram*, &c. vel si utatur verbis æquivalentibus, ut *condono*, *remitto tibi peccata*, &c. Ratio est, quia Christus non determinavit materialiter verba quoad essentiam, sed quæcumque expresse significant absolutionem à peccatis pœnitentis, factam à Confessario: omnes autem prædictæ formæ idem significant: ergo, &c. Cæterum quamvis hoc non impediat sacramenti valorem; non exinde potest Confessarius sal-

saltem latinus licite uti aliâ formâ, quàm hâc consuetâ, nempè : *ego te absolvo à peccatis tuis, in nomine Patris, & Filii, & Spiritûs Sancti*, neque licite potest omittere, aut mutare aliquam ejus particulam. Ratio est, quia Ecclesia saltem latina semper utitur his omnibus verbis, & plura Concilia ponunt expresse particulam *ego, & tuis*. Vtrum autem sit mortale, vel veniale, aliqua ex his omittere, vel mutare,

193. Sotus, & alii tenent, per se loquendo, esse veniale; Vazquez, ait, se mortale judicaturum, saltem in mortis articulo ob aliquale periculum nullitatis sacramenti, & damnationis poenitentis. Granadus ait, vix excusari posse à mortali, qui omitteret invocationem Trinitatis, quam graves Authores judicant, esse de essentia formæ, ut Major, Gerson, & alii apud Lugo disput. 13. sect. 1. §. 2. quod majorem vim habet post Innocentium XI. ex dictis num. 298. de sacramentis; tùm quia sub gravi peccato tenemur nos in re gravi generali Ecclesiæ praxi cõformari: etenim si cuilibet liceret mutare, vel omittere verba pro suo libito, in re tanti momenti; magna sequeretur confusio, & sæpe magna

gna pericula , vt infra dicemus juxtâ Græcorum consuetudinem; tum etiam quia peccare mortaliter Sacerdotes, qui omitunt formas, & materias consuetas Sacramentorum, aliasque similes substituunt, ait Cardenas in Christi Theologicâ disputat. 23. cap. 5. num. 64. esse certum apud Authores, cujus rationem, ait, ex Diana, non provenire ex defectu opinionis, aut ratione periculi, & irreverentiæ Sacramenti, sed quia contravenitur Ecclesiæ consuetudini, quæ vim præcepti habet. Verius autem judico, illicitam esse, ex his omnibus capitibus, mutationem, ut latè diximus ab eo num. 298. de Sacramentis. Vndè quando D. Thomas 3. par. quæst. 84. artic. 3. ad 3. dixit: *relinqui invocationem Trinitatis arbitrio Sacerdotis*: intelligendus est de probabilitate speculativa, de quâ agit; secùs de practicâ.

§. III.

194. Obicies primò, contra primam Conclusionem ex Paludano, Medina, & Soto. Ad conferendam absolutionem in aliis judiciis non requiruntur verba propriè dicta, sed conferri potest per Scripturam, aut

aut nutus: ergo neque requiruntur verba propriè dicta ad conferendam absolutionem Sacramentalem . Retorquero Argumentum . Ad conferendam absolutionem in aliis judiciis , non requiritur confessio , neque retractatio pœnitentis , neque quod pœnitens , aut Judex præsentes sint : ergo neque ad conferendam absolutionem in Sacramento pœnitentiæ . Resp. deindè concedo Antecedens , & nego Conseq. quia absolutio in aliis judiciis instituta est , ex libito Principum , qui neque requisierunt præsentiam pœnitentis , neque ejus confessionem , aut retractationem , neque verba formalia ad absolutionem , ut constet ex praxi ; at verò absolutio Sacramentalis instituta fuit ex libito Christi , qui , ut ex totius Ecclesiæ praxi constat , verba propria requisivit . Undè sicut ista esset inepta argumentatio . Alii Principes hoc voluerunt: ergo voluit Christus ; pariter & hæc est argumentatio omninò nulla ; Alii Principes voluerunt posse validè conferri per Scripturam absolutionem : ergo & voluit Christus .

195. Objicies secundò , contra secundam Assertionem . Ista verba *absolvo te* in circumstantiis confessionis pœnitentis signifi-

De Pœnit. Pars II.

Q

cant

cant remissionem à peccatis : ergo adæquatè constituunt essentiam absolutionis . Confirmatur . Ex eo quod ista verba : *Ego te Baptizo in nomine Patria , & Filia , & Spiritua Sancta* , corruptè prolata à balbutiente significant in illis circumstantiis Patrem , & Filium , & Spiritum Sanctum , sunt sufficientia ad constituendam adæquatam , & essentialem formam Baptismi , ut declaravit Zacharias Papa , cap. Retulerunt de Consecrat. distin.4. ergo ex eo quod ista verba : *Absolvo te* , in istis circumstantiis significant absolutionem à peccatis , satis erunt ad constituendam adæquatam , & essentialem formam absolutionis Sacramentalis .

196. Resp. distin. Antecedens : Significant per se sola , nego : per circumstantias extrinsecas , omitto Antecedens , & nego Conseq. quia Christus solùm instituit in Sacramentalem absolutionem verba , quæ per se sola significarent remissionem à peccatis ex num.187. Ad Confirmat. distin. Antecedens : ex eo quod ista verba tunc per se significant , concedo : ab extrinsecis circumstantiis , nego Antecedens , & Conseq. ex dictis à num.70. de Sacramentis . Ratio autem est : quia non
so-

folùm sunt instituta ab hominibus verba prolata ab illis, qui expeditè loquuntur, sed etiam prolata à balbutientibus, vel ab illis, qui non perfectè callent linguam, quam loquuntur, ut ex communi omnium existimatione constat: aliter illa non essent verba, sed sonus, quod nemo dixit: adeòque licèt illa verba prolata à balbutiente satis sint ad constituendam formæ Baptismalis essentiam; ista verò *ego te absolvo*, sufficientia non sunt ad constituendam adæquatam essentiam formæ Sacramenti Pœnitentiæ, hæc enim per se sola non significant absolutionem à peccatis, sed indifferentia sunt ad absolutionem, vel à peccatis, vel à censuris, vel ab alio debito ex num. 186.

S E C T I O II.

*De sensu legitimo verborum absolutionis
Sacramentalis.*

§. I.

197. **S**ACERDOS per absolutionem non solùm declarat, peccata esse remissa, sed verè illa remittit, ut constat ex

Q 2

Chri-

Christi institutione per totam primam disputationem, & ex num. 442. de Virtute. Dubium ergo est, casu, quo peccata jam sint pœnitenti remissa, vel per contritionem, vel per aliam præcedentem absolutionem, quomodo possunt verificari verba formæ absolutionis, non enim tunc videntur peccata remitti, cùm jam supponantur remissa. Quomodo ergo verum est, quod dicit Sacerdos: *Ego te absolvo à peccatis*. Difficultas enim magna est, quæ ad hunc syllogismum tota reduci potest. Vincula destructa dissolvi non possunt: atqui per primam absolutionem vincula peccati sunt destructa: ergo per secundam absolutionem solvi non possunt. Quomodo ergo tunc dicit Sacerdos: *Ego te absolvo à peccatis*? Variæ sunt sententiæ Doctorum quærentium varios sensus his verbis, ut possint in his casibus rectè verificari.

198. Prima Sententia est Magistri Sententiarum, & aliorum antiquorum apud Exim. Doctorem disputat. 14. sect. 2. num. 6. qui existimant, Sacerdotes verbis absolutionis non absolvere pœnitentem, sed solum declarare, esse absolutum, ita ut sensus sit:

Ego

Ego te absolutum ostendo , & declaro . Secunda est docentium, per verba absolutionis non remitti peccata , sed solùm remitti vinculum poenæ æternæ , alii dicunt poenæ temporalis, alii dicunt exilii à Gloria , alii demùm obligationem confitendi . Vide hos apud Exim. Doctorem loco citato , & Lugum disput. 13. sect.2. Tertia Sententia est Cajetani dicentis , casu, quo remissa sit culpa , & tota poena temporalis , poenitentem liberari à peccati commissi reliquiis, quibusdam scilicet inclinationibus pravis à peccato relictis . Quarta est recentiorum Thomistarum asserentium, sensum esse hunc : *Ego tibi Sacramentum Absolutionis impendo .* Quinta est Coninck disputat.4. dub.8. num.52. dicentis , hominem per peccatum fieri magis indignum ad divina beneficia , quàm foret , si nunquam peccasset , ac proindè per absolutionem semper liberari , vel à culpa , vel à poena , vel ab obligatione confitendi , vel à prædicta indignitate, quam, etsi inextinguibilem in hac vita, minuit , & aliquantulum tollit absolutio , quoties ea confertur, quia confetendo judicialiter gratiam , reddit hominem minùs indignum ad beneficia Divina .

tum, adeòque non satis est dicere, quod Minister, quantum est ex se, abluir, dummodò verè non abluat. Quapropter si Sacerdos verè non absolvat, parum referret, quod quantum est ex se, absolveret: adeòque ut significatio habita ex institutione Christi cadat supra ea verba, ita debet habere suam significationem, ut quando proferuntur à Ministro, minister per illa verè absolvat. Si enim nihil absolvitur, neque institutio Christi supra illa cadet.

202. Suppono secundò, per peccatum Mortale (idem suo modo de Veniali) non solum manere peccatorem uno vinculo moraliter ligatum, sed multiplici. Ratio est, quia ligatur vinculo inimicitiae, & poenae aeternae: ligatur vinculo poenae temporalis, & ligatur vinculo amaritudinis, & privationis solatii animae. Qua de causa soluto vinculo culpae, & poenae aeternae, manere potest vinculum poenae temporalis, ut definit Tridentinum sess. 6. cap. 14. ubi docet, imponendam esse poenitentiam: *Non quidem pro poenâ aeternâ, quae vel Sacramento, vel Sacramenti voto unâ cum culpa remittitur, sed pro poena temporali, quae, ut Sacrae Litterae docent, non tota*

tota semper, ut in Baptismo fit, dimittitur illis, qui gratia Dei, quam acceperunt, ingrati Spiritum Sanctum contristaverunt, & Templum Dei violare non sunt veriti, de qua pœnitentia scriptum est: Memor esto, unde excideris: age pœnitentiam, & prima opera fac.

203. Insuper quando absoluta essent hæc duo vincula culpæ & pœnæ æternæ, & pœnæ temporalis, semper superest in viatoribus aliud vinculum amaritudinis, & privationis solatii animæ, juxta illud Hieremiæ secundo: *Vide quia malum, & amarum est, reliquisse te Dominum Deum tuum.* Hoc autem vinculum potest magis, & magis solvi secundum majorem tranquillitatem, solatium, & serenitatem animæ, quæ ex vi hujus Sacramenti per absolutionem confertur, ut ait Tridentinum sess. 14. cap. 3. dicens: *Sanè verò res, & effectus hujus Sacramenti, quantum ad ejus vim, & efficaciam pertinet, reconciliatio est cum Deo, quam interdum in viris piis, & cum devotione hoc Sacramentum percipientibus, conscientia pax, & serenitas cum vehementi Spiritus consolatione consequi solet.* Quapropter cum nunquam in hac vita sit tanta ferepiras animæ, ut major, & major esse non pos-

possit, nunquam tantum solvitur amaritudo de peccato commissio, ut amplius, & amplius per absolutionem ex vi hujus Sacramenti dissolvi non possit.

204. Suppono tertio, vinculum inimitiæ, & pœnæ æternæ contractum per peccatum lethale impedire remissionem vinculi pœnæ temporalis: hæc enim à Deo nunquam remittitur, pœnâ æternâ non remissa. Quae de causa, qui est in peccato mortali, nunquam lucratur Indulgentias pœnæ temporalis remissivas. Vinculum verò pœnæ temporalis etiam impedit solatium ex vi hujus Sacramenti communicatum, quoad serenitatem conscientiae, de absolutione debiti pœnæ. Verum hoc pœnæ debito remisso, non exinde remittitur totum debitum, sive vinculum amaritudinis relictæ ex minori solatio: Sicut enim in hac vita semper possumus dolere magis, & dolere de eo, quod Deum offendimus, absque minori, & minori animæ tranquillitate; ita possumus magis, & magis ab hoc tertio vinculo semper absolvi; cum ab his omnibus absolvi possimus virtute hujus Sacramenti, ut ex Trid. cit. à n. 202. clarè constat, ex quo facilis est resolutio nostra.

§. II.

. 205. Affero primò ex dictis : Sensus verborum absolutionis est iste : Absolvo te à vinculo peccatorum , abstrahendo à qualitate vinculi . Probatur primò . Absolutio à peccatis , juxta Christi institutionem semper operatur in Anima effectum solutionis alicujus vinculi , quò constringebatur ratione peccati : remittit enim , si inveniatur , reatum culpæ , & poenæ æternæ , sin autem , reatum , si inveniatur , poenæ temporalis : sin autem , reatum , quem semper invenit , amaritudinis , destitutionis majoris , & majoris solatii animæ , ex dictis num. 203 . Sed ex eo quod semper operetur effectum alicujus solutionis vinculi peccatorum , habet sensum , quem requirit significatio imposita ab hominibus : hæc enim verba *absolvo te à peccatis* verè verificantur , dummodò operentur solutionem alicujus vinculi à peccatis habiti , adeòque optimè supra ipsa cadere potest significatio à Christo imposita : ergo sensus verborum absolutionis est iste &c. Probatur Consequentia , quia ille est sensus verborum absolutionis , quo deficiente , verba verificari non
pos-

poſſunt; quo verò præciſè appoſito, verba optimè verificantur: ſed ſic ſe habet ſenſus à nobis expoſitus: ergo &c. Probatur Mi: nullo ſoluto vinculo, non eſt verum dicere, quod Sacerdos abſolvit, aliquo verò ab ipſo ſoluto, verum eſt, quod abſolvit: ſed abſque ſenſu à nobis expoſito nullum intelligeretur vinculum, quod à Sacerdote ſolveretur: ergo &c.

206. Probatur ſecundò. Gratia per ſe remiſſiva peccatorum, per Sacerdotis abſolutionem collata, aliquem debet habere effectum, per quem remiſſiva peccatorum per ſe vocetur, & abſolutiva peccati, & Sacerdos actu dicatur abſolvens: atqui non ſemper debet habere effectum ſolvendi à debito culpæ, & pœnæ æternæ, neque effectum ſolvendi à debito pœnæ temporalis; quandoque enim poteſt peccator accedere ad pœnitentiam, his omnibus debitis remiſſis, ex Tridentino ſeſſ. 14. cap. 2. dicente: *Alius eſt prætereà baptiſmi, & alius pœnitentiæ fructus: per Baptiſmum enim Chriſtum induentes nova prorsùs in illo efficiuntur creatura, plenam, & integram peccatorum omnium remiſſionem conſequentes: ad quam tamen novitatem, & integri-*

gritatem per Sacramentum pœnitentiæ sine magnis nostris fletibus , & laboribus , divina id exigente justitia , pervenire nequaquam possumus .

Ex quo constat , pervenire nos posse appositis istis magnis fletibus , & laboribus per Sacramentum pœnitentiæ ad obtinendam remissionem totius culpæ , & pœnæ : adeoque tunc non manebit vinculum peccatorum , quo ligemur reatu culpæ , & pœnæ , sive temporalis , sive æternæ : ergo solum manebit vinculum , quo ligemur , reatu amaritudinis suprà dictæ , qui magis , & magis per absolutionem potest absolvi , adeoque & per hunc effectum verificantur optimè verba absolutionis .

207. Quamvis autem hæc , quæ huc usque dicta sunt in prima Assertionem , satis sint , ad intelligendum sensum verborum absolutionis , quæri nihilominus insuper potest , an attento solummodo reatu culpæ , & pœnæ æternæ , quo ratione peccati commissi ligatur peccator , possint verba absolutionis aliquem verum habere sensum , quantumvis peccata essent jam verè remissa ? Moveor ad hanc quæstionem ita proponendam , quia video communem Theologorum sententiam

tiam id affirmare, quod mihi magni ponderis fundamentum semper est, etsi speciali via communem aliorum sententiam exponam. Pro cujus resolutione. Suppono primò, verba absolutionis esse judicialia, cùm Sacramentum istud institutum sit per modum judicii, ut definit Tridentinum sess. 14. cap. 6. dicens: *Quàmvis autem absolutio Sacerdotis alieni beneficii sit dispensatio, tamen non est solum nudum ministerium, vel annuntiandi Evangelium, vel declarandi, remissa esse peccata, sed ad instar actus judicialis, quo ab ipso, velut à judice, sententia pronunciatur.*

208. Suppono secundò: vincula peccatorum, in judicio dissolvenda, aliqua dici vincula in re ligantia, alia ligantia in retrotractione juris, sive ex natura judicii ad ulteriorem, & ulteriorem eorum solutionem. Ratio est, quia de natura judicii est, ut ille, qui semel verè absolutus est à judice competente, possit, si velit, ad alium æqualem judicem recurrere, se tanquàm reum coram ipso sistendo, declarando delictum, & querendo secundam absolutionem, tunc enim ille non appareret ligatus in re, sed in retrotractione juris, quâ posita retrotractione, satis

tis est, ut absolvatur non fictè, sed verè. Ratio est, quia si in hoc casu detur à Judice vera absolutio, quamvis per possibile, vel impossibile, prima absolutio revocaretur, dummodò ista secunda non revocaretur, maneret ille homo verè absolutus; undè ut vera, & realis judicii absolutio præstet verè, & realiter suum effectum, satis est, quod reus appareat, vel in re ligatus cum suis delictis, vel ligatus ex retrotractione juris.

209. Quod ut clarius percipiatur, apponam exemplum omnibus notissimum, & ab omnibus admissum, & admittendum. Sicut enim per peccatum ligatur homo, ita & per votum Deo factum, castitatis, v.g. homo ligatur. Undè sicuti libertas, quæ ante votum erat, non ita manet post votum; ita libertas, quæ antè peccatum erat, non ita manet post peccatum: sed hoc non obstante ex retrotractione libertatis potest homo iterum vovere, & ligare iterum libertatem, quam in re non habet, sed ex retrotractione: ita ut, quamvis dispensaretur in primo voto, si non dispensaretur in secundo, libertas non fictè, sed verè maneret ligata voto: ergo ex retrotractione juris peccator
appa-

apparens in iudicio iterum ligatus, non fictè, sed verè, & realiter absolvitur, ita ut si per possibile, vel per impossibile, prima revocaretur solutio, si non revocaretur secunda, maneret, non quidè fictè, sed verè, & realiter solutus. His positis.

210. Affero secundò. Verba absolutionis Sacramentalis supra peccata ritè confessà semper habent verum hunc sensum: *Absolvo te à peccatis juxta Christi institutionem, sive, quod idem est, confero tibi gratiam per se remissivam tuorum peccatorum*. Probatur primò. Ista verba: *absolvo te à peccatis*, verum habent sensum impositum ab hominibus, dummodò sit vera remissio cadens supra peccata, sive in re, sive in retrotractione juris ligantia: atqui quoties pœnitens verè confitetur sua peccata, verba absolutionis cadunt supra illa peccata ligantia, vel in re, si antea non fuerunt remissa, vel in retrotractione juris, si antea remissa fuere, dummodò veram, & realem afferant remissionem peccatorum: ergo quomodocumque verè confiteatur sua peccata, verba absolutionis secundum significationem, quam habent ab hominibus, verè cadunt supra talia peccata:

Un-

Undè cùm significatio imposita à Christi institutione verè cadat supra verba , quæ habent sensum impositum ab hominibus , cadet supra illa verba ita prolata . Modò sic . Verba absolutionis, supra quæ cadit significatio institutionis Christi sunt illa , vi quorum constituitur Sacramentum , & confertur gratia per se remissiva peccatorum , adeòque & quæ verè peccata remittunt , sive remissa priùs fuerint , sive non : etenim , ut verè remittant, satis est, quod peccata , vel ut in re , vel ut in retrotractione juris existentia , apponantur , tanquam materia hujus judicii , sive hujus Sacramenti per modum judicii instituti , ut patet ex num. 208. ergo &c.

211. Probatur secundò, ex Benedicto XI. in Extravag. inter cunctas de Privileg. dicente: Salubrem esse, atque adeò validam confessionem peccati iterùm validè confessi , ac proindè condonati : en ejus verba : *Ceterùm, licèt (sicut prædicitur) de necessitate non sit , iterùm eadem confiteri peccata, tamen quia propter erubescèntiam, quæ magna est pœnitentiæ pars, ut eorundem peccatorum iteretur confessio, reputamus salubre, &c.* Sed salubris non esset talis confessio , si verba absolutionis supra ea pec-

De Pœnit. Pars II.

R

cata

cata jam remissa non haberent suam significationem impositam ab hominibus: ergo ut habeant suam significationem impositam ab hominibus, satis est, quod cadant supra peccata, quantumvis pridem ritè confessa, & condonata: ac proindè talia verba absolutio-
nis verè, & realiter ea peccata iterùm remittunt, quantumvis in re jam sint remissa, si ex retrotractione juris iterùm remittenda proponantur: ergo illa verba verè significant: *Absolvo te juxta Christi institutionem, sive confero tibi gratiam per se remissivam tuorum peccatorum*. Confirmatur: si in aliis judiciis, quando iterùm remittenda proponuntur delicta, judex veram, & realem non conferret remissionem delictorum, ea verba judicis non haberent significationem impositam ab hominibus: ergo si Sacerdos absolvens non conferret veram, & realem remissionem peccatorum, non haberent ea verba significationem ab hominibus impositam; adeòque neque supra illa caderet significatio imposita ab institutione Christi: atqui si Sacerdos absolvens non conferret gratiam per se remissivam peccatorum, juxta Christi institutionem, non conferret veram,

ram, & realem remissionem peccatorum: ergo &c. Ex dictis.

S E C T I O III.

Illationes doctrinae Moralis.

§. I.

212. **F**IT primò. Absolutionem Sacramentalem conferri non posse per verba purè deprecatoria, v.g. si Sacerdos dicat: *Absolvat te Christus: Deus condonet tibi peccata: absolvatur Servus Dei: Rogo Deum, ut te absolvat.* Ratio est: quia absolutio in hoc judicio est sententia judicialis, ut definit Tridentinum citatum num. 207. Sed sententia judicialis debet à judice proferri, non quidem verbis purè deprecatoriis, sed enunciativis, & auctoritativis: ergo &c. tùm quia absolutio est actus potentiae remittendi peccata, quæ data fuit à Christo verbis illis: *quorum remiseritis &c.* non verò est usus potestatis solius orandi: ergo debet dari verbis significantibus, remissionem dari à Sacerdote, qualia non sunt verba purè deprecatoria. Sicut enim datâ potestate obligandi per leges, ni-

hil faceret Pontifex vi hujus potestatis, si solùm diceret: vobis præcipiat Deus, vel rogo Deum, ut vobis præcipiat; sic nihil faceret vi potestatis absolvendi, si solùm diceret: Deus vos absolvat. Alia est ratio extremæ unctionis, cujus administratio est usus rogandi Deum, ut patet ex forma, quam docet Ecclesia.

213. Fit secundò: absolutionem in aliquibus regionibus datam à Græcis, modo deprecatorio, non esse validam, nisi adjungantur alia verba enunciativa, ut peritiores eorum solent, quorum omnium formulas invenies apud Arcudium lib. 4. de Sacramento Pœnitentiæ toto cap. 3. Si autem aliqua verba, quæ apparent deprecatoria, talia non essent, sed imperativa, vel saltem haberent sensum verè imperativum, valida essent: quod apud modum loquendi eorum aliquandò contingere, apparet certum ex forma Baptismi, quâ dicunt: *Baptizetur servus Christi in nomine Patris, &c.* Nam, ut post aliquos notavit Bussembau tract. 2. de Baptis. dub. 3. artic. 2. *ly baptizetur* ex Græcorum phrasi per se ipsum significat: *Baptizetur à me.* Undè absolvatur, significare forsan valebit: *absolva-*

tur

tur à me, adeoque habebit modum imperativum. Quod autem talem habeat significationem, credibile apparet ex eo, quod in Concilio Florentino, vbi contrà Græcos objecta fuere ea, in quibus ab Ecclesia Latina discordes erant circa formam Sacramenti Poenitentiae, nihil contra ipsos objectum fuit: Quapropter si hanc habeat significationem, & Sacerdos intendat facere, quod facit Ecclesia, prævalet intentioni peculiari Ministri; ex dictis num. 130. de Sacramentis circa baptismum hæreticorum negantium Trinitatem Divinarum Personarum. Cæterum cum certum non sit, an ea verba per se ipsa talem habeant significationem, non licet eis vti in Sacramentis conferendis, ut constat ex prima ex 65. propositionibus ab Innocentio XI. damnatis. Quapropter tenentur Græci vti forma, quæ perfectè æquivalet formæ Ecclesiae Latinae.

214. Fit tertiò: absolutionem sub conditione de futuro invalidam esse, v.g. *Absolve te, si cras restitueris*. Ratio est; quia nullum est tempus, in quo Sacramentum datum sub conditione de futuro esset validum: non enim quando existit contritio, confessio, & ab-

R 3

solu-

olutio , cùm Sacramentum non sit validum, quando intentio ministri non est de faciendo tunc Sacramento , sed de faciendo postea , quando ponatur conditio . Deindè neque esset validum postea , quando poneretur conditio , quia minister non potest facere , quod Sacramentum sit postea validum , quod modò validum non est : & si modò illæ partes non habent virtutem ad causandam nunc gratiam , non potest minister facere , ut postea habeant talem virtutem : non enim dedit Christus Ministro potestatem ad suspendendam virtutem Sacramenti , sed ad conficiendum , vel non conficiendum Sacramentum , hæc autem ratio non militat , si conditio sit de præsentis , v. g. *absolvo te , si modò Deus scit , te manè restitutum* , cùm opus non sit ullâ Sacramenti suspensione . Quinimò apponere conditiones impertinentes in re adeò gravi , omninò illicitum est : quod licet aliqui Authores admittant in Matrimonio propter rationem assignatam num. 31. de Sacramentis . Plures autem negant , posse Matrimonium validè celebrari sub conditione , quæ sit futura respectu voluntatis actualis , quamvis concedi posset , validè celebrari sub conditione-

tione futura, quæ postea conjungatur cum voluntate virtuali sufficiente ad constitutionem Matrimonii, coëxistente conditioni tunc verificatæ, ut evenit in aliis contractibus. Cætera autem Sacramenta cum non habeant rationem contractus, neque possunt ita validè conjungi cum illis conditionibus.

215. Fit quartò: non posse Sacerdotem suspendere remissionem culpæ in futurum, licèt remissio pœnæ temporalis suspendatur in futurum, usque ad satisfactionis adimplerionem. Ratio est, quia culpa remittitur per Sacramentum essentialiter completum, quo ita completo, non est in voluntate Sacerdotis, quod culpa non remittatur. Pœna verò remittitur per Sacramentum integraliter completum, quo integraliter completo, non potest facere Sacerdos, quod non remittatur pœna temporalis, nec potest eam suspendere usque ad aliam conditionem futuram. Quapropter licèt remissio pœnæ suspendatur, hoc non est, quia à Sacerdote pro libito suspendatur, sed quia ex institutione divina differtur, usque ad positionem partis integralis Sacramenti, per quam illa remittitur,

sicut in Sacramentis, quæ reviviscunt ablato obice, non provenit ea virtus à voluntate Ministri suspendentis, sed à voluntate Christi instituētis: ergo sicut posita satisfactione, per quam remittitur pœna temporalis, non potest Sacerdos suspendere remissionem ejus usque ad conditionem aliam contingentem; ita neque positis partibus essentialibus Sacramenti poterit suspendere remissionem culpæ.

§. II.

216. Fit quintò: non posse licitè offerri Sacrificium Missæ pro eo, quem Deus scit primò oblaturum esse eleemosynam. Ratio est: quia hic modus offerendi prohibitus est à Congregatione Concilii, assentiente Pio V. ad instantiam Cardinalis de Guevara Archiepiscopi Hispalensis, ut periculosus, & scandalosus, atque contrarius Ecclesiæ consuetudini. Vndè quamvis validè posset offerri, si Sacerdos applicet pro necessitate præsentis, & non pro futurâ, ut defendunt plures cum Lugo, quia sic non suspenderetur fructus Sacrificii, qui suspenderetur, si necessitas de re futura nondum esset præsens: at ex illicito usu, offerendi Sacrificium; cùm fructus suspenderetur in-

infertur quàm optimè illicitus usus absolventi sub conditione omninò impertinente , sive conditio sit præfens erga rem contingentem , sive erga rem futuram .

217. Fit sextò : posse absolutionem Sacramentalem licitè , & validè aliquandò conferri à duobus Sacerdotibus . U. g. si poenitens bonâ fide duobus , vel pluribus Sacerdotibus confiteatur eadem peccata , vel quia bonâ fide putat , id sibi licitum , vel quia in incendio , aut naufragio absolutionem petit coram duplici Sacerdote , & ambo eum absolvent ; vel quia morti proximus confessionem petit , & postea duo Sacerdotes accedentes , invenientes illum sensibus destitutum , ambo illum absoluunt . Ratio est : quia si uterque Sacerdos simul perficit formam Sacramentalem , utraque est à Ministro legitimo , utraque supra materiam debitam , & subjectum benè dispositum . Neque est major ratio , cur una præ alia habeat valorem , & effectum : ergo utraque valida est , & suum effectum sortitur . Quo in casu est duplex Sacramentum physicè inadæquatè distinctum : quia materia proxima est eadem in utraque , & formæ sunt physicè distinctæ ; sicuti evenit

in

in duabus hostiis consecratis, in quibus Christus idem est in utraque, etsi species, & verba sint distincta, ex dictis in tractatu de Eucharistia. Quod idem suo modo dicendum est, si eadem hostia à duobus Sacerdotibus simul consecraretur.

218. Fit septimò. Quod si duo Sacerdotes dicant simul: *Nos te absolvimus*, ita ut uniuscujusque intentio sit absolvendi, ut causa partialis, nullius absolutio est valida: Ratio est, quia Christus non dedit potestatem Sacerdotibus, ut concurrant, tanquam causa partialis, sed ut causa totalis, & iudex in solidum: ex eo enim quod data sit potestas, ad hoc, & non ad causam partialem, invalidum esset Sacramentum; si ut causa partialis unusquisque vellet concurrere. Casu autem, quo seorsim, & totaliter absolvant simul eundem pœnitentem, eandem gratiam causant: Sacramentum enim illud, etsi sit duplex inadæquatè distinctum, est unum Theologicè, cùm ad eundem finem tendat, & cum æquali efficacîâ utriusque absolutio. Sic casu, quò duo Sacerdotes simul eandem hostiam consecrarent, Sacramentum illud esset unum Theologicè, idemque effectus, qui

ab

ab uno solo præstaretur , præstaretur etiam ab alio , etsi physicè essent duo Sacramenta inadæquatè distincta .

219. Fit octavò . Sine justa causa illicitum esse repetere formam Sacramentalem absolutionis in eadem confessione , etiam sub conditione ; *Si non rectè pronunciaui , si non absolvi &c.* quando non est ulla prudens dubitandi ratio . Ratio est : quia sine nova materia non licet repetere formam : sed quando nulla adest prudens dubitandi ratio in eadem confessione , nulla apponitur nova materia , & prudenter dubitari non potest de valore præuiæ formæ : ergo &c. Videatur Bonacina disputat. 1. de Sacramentis . quæst. 2. puncto 1. num. 36. post Valentiam , Coninck , & alios , quos sequitur Gobat. tract. 7. Plurimi tamen ex iis , qui eam ita repetunt , excusantur ab omni , aut certè à gravi peccato , eo quod non apprehendant inanitatem sui scrupuli invincibiliter suborientis ; aut in eas redigantur angustias , ut apprehendant peccatum , si formam non repetant . Aliam etiam rationem tradunt aliqui , nimirum , quia illi , qui formam ita repetunt , non habent otium examinandi , sine tædio , aut rubore poeniten-

tentis, utrùm liceat iterare, ex quo eligunt minus malum: minus quippè malum est repetere formam, quando non est repetenda, quàm non repetere, quando est repetenda: non enim temeritas intervenit præsumptionis, ubi est diligentia pietatis, inquit S. Leo cap. si nulla, de Consecrat. distinct. 4. Quin etiam Tamburinus lib. 1. de Sacramentis cap. 1. §. 3. absolutè damnat de solo veniali eum, qui mero scrupulo, dubioque levi laborans, an formam substantialem ritè protulerit, repetit illam sub conditione ex solâ causâ amovendi à se scrupulum: sic enim non irrogat gravem, sed solùm levem imprudentiæ injuriam Sacramento, dum repetit ex metu offendendi Deum, & nocendi proximo. Quam doctrinam extendit Gobat cum Leandro etiam ad Sacramenta imprimèntia characterem.

220. Fit nonò: confessarium totiès teneri formam sub conditione repetere, quotiès rationabiliter dubitat, utrùm eam protulerit, nec ne, quæ conditio, vel mente, vel verbis exprimi potest. Ratio est, quia confessarius tenetur non exponere Sacramentum frustrationi, vt latè constat ex dictis à num. 298.

num.298. de Sacramentis. Poteſt autem rationabile aſſeſſe dubium ad dandam abſolutionem ſub conditione hiſ caſibus. Primò, quando dubitatur, an Perſona abſolvenda adhuc vivat, an expiraverit. Secundò, an ſit prædita ſufficiente uſu rationis ad peccandum. Tertiò, an ſit benè diſpoſita quoad dolorem, propoſitum, & integritatem, modo ſtatim explicando. Quartò, an verè peccaverit. Quintò, an Confeſſarius veram habeat iuriſdictionem in illam. Sextò, an ſuper ejus peccatis. Septimo, an forma ſit rectè pronunciata. In primo caſu abſolvenda eſt ſub conditione; ſi adhuc vivat. In ſecundo, tam in caſu neceſſitatis, ſive præcepti confeſſionis, ſive in articulo mortis, quàm extra caſum neceſſitatis, abſolvenda eſt ſub conditione, quod capax ſit; etiamſi ſolùm fateatur veniale: fortè quippè habet aliquod mortale occultum, quod indirectè remittetur per eam abſolutionem, & licèt mortale non habeat, non debet privari beneficio, & gratia abſolutionis, cùm ſuppetat ſufficiens cauſa eam exhibendi ſub conditione. In tertio, dāda itidem eſt abſolutio ſub conditione, ſi adhibita confeſſarii diligentia, nequeat tolli dubiū.

221. In quarto casu, ait Lessius in *Auctuario*, verbo *Confessarius* cap. 6. pueri videntur capaces rationis, si sciant, quid even-
 turum sit malè agentibus, quid benè agentibus: tunc enim incipiunt timorem Dei, & affectum securitatis erga Deum habere. Itaque de hoc interrogandi sunt. Si autem dubitetur, docent aliqui, absolvendos non esse. Cæterùm Dicastillo disputat. 9. num. 758. ait absolvendos sub conditione, si fateantur aliquod veniale, ne priventur fructu Sacramenti, quod priùs docuerat Cardinalis de Lugo. Ratio est, quia habent jus ad absolutionem, quinimò fortè habent occultum aliquod mortale, à quo indirectè absolventur. In quinto, vel novit, se aliquandò habuisse jurisdictionem, nunc autem ambigit; & in hoc casu deberet abstinere, nisi adveniat casus necessitatis, vel prudenter possit dubium deponere. In sexto, vel scivisti, te habere jurisdictionem in omnia peccata, nunc autem dubitas in aliqua, & necessitas urget, v.g. si cæpisti bonâ fide audire confitentem, & postea oritur tibi dubium supra unum, alterumque peccatum, quando pœnitens deberet communicare sine omni confessione, vel omitte-

re

re confessionem annuam , vel manere diù in statu peccati , quibus in casibus docent plures, posse absolutionem impendi , monendo poenitentem , ut postea accedat ad alium confessarium habentem jurisdictionem certam . Verùm in his, & similibus casibus oportet Confessarium cautiorem esse . In septimo est repetenda sub conditione .

S E C T I O I V.

Solvuntur opposita .

§. I.

222. **O**BJICIES primò , contra primam Conclusionem . Absolutio Sacramentalis verè remittit , & solvit peccata: sed destructo peccato, quamvis maneat aliquod ex duobus ultimis vinculis , non manet peccatum : ergo non est absolutio à peccatis , adeoque non verificatur forma absolutionis . Resp. distin. Ma: verè remittit , & solvit peccata , quoad omnia , nego , quoad aliqua , concedo Ma: & distin. Mi: non manet peccatum, quoad omnia, concedo, quoad aliqua , nego Mi: & Conseq. quia licèt tunc
non

non maneat peccatum, quoad culpam, & poenam æternam, manet tamen quoad aliquod vinculum solubile per Sacramentum Pœnitentiæ, ut constat ex dictis.

223. Objices secundò, contra secundam Assertionem. Remisso peccato, quoad culpam, & poenam æternam, manet destructum jus totum in ordine ad culpam, & poenam æternam, nullumque manet vinculum culpæ, & poenæ æternæ: sed destructo omni vinculo culpæ, & poenæ æternæ, non potest amplius per novam absolutionem dissolvi, quod enim jam omninò destructum est, destrui jam amplius non potest: ergo &c. Resp. distin. Ma: manet destructum in re, concedo, in retrotractione juris, nego Ma: & distin. Mi: nego Conseq. Ratio est, quia jus inditum naturæ rationali affert potestatem ad adducenda iterum in judicium peccata in re omninò destructa. Cùm autē illa iterata adductio proponat peccata, qualia fuerunt, quando verè ligabāt vinculo culpæ, & poenæ æternæ, dicitur retrotractio peccatorum quoad vincula culpæ, & poenæ æternæ. Hęc autem retrotractio satis est, ut detur in judicio vera, & realis eorum iterata solutio, ex dictis num. 208.

224. Ex

224. Ex quo satis probabile est, Christum Dominum semel, & iterum remisisse verè, & realiter peccata Magdalenæ, quando Lucæ cap. 7. dixit primò Simoni: *Propter quod dico tibi, remittuntur ei peccata multa*; & quando secundò Magdalenæ dixit: *Remittuntur tibi peccata*. Ratio est, quia id, quod fieri potest, & licet, ex vi retrotractionis juris fieri etiam potest, & licet Christo Domino, ex vi supremæ Potestatis Suæ; Cùm autem ex vi retrotractionis juris peccata jam semel remissa valeant iterum, iterumque verè, & realiter remitti, pariter ex vi supremæ potestatis suæ iterum, iterumque Magdalenæ verè, & realiter potuit peccata remittere. Undè non exigua sumitur sententiæ nostræ roboratio.

225. Objicies tertio. Forma non potest bis cadere super eandem materiam: sic enim non potest quis super hostiam consecratam secundò verba consecrationis proferre, adhuc retrahendo substantiam panis destructam: ergo pariter in nostro casu. Confirmatur: si Sacramentum Poenitentiae circa eadem peccata iterari posset, etiam posset iterari Sacramentum Matrimonii circa easdem personas Matrimonio iam ligatas: sicut enim

per novam Sacramentalem Confessionem, & dolorem eorundem peccatorum ponitur nova materia proxima, & retrotrahuntur peccata verè commissa, ut possit cadere absolutio Sacramentalis, ita per novos actus, & consensus conjugum super eadem corpora, ponitur nova materia proxima, & retrotrahitur libertas capax novi Sacramenti Matrimonii: sed ista retrotractio non sufficit ad constituendum novum Matrimonii Sacramentum: ergo neque retrotractio peccatorum sufficiens erit, ut appposito novo dolore, possit confici validum pœnitentiæ Sacramentum.

226. Resp. distin. Ma: super eandem materiam remotam, nego; proximam, concedo Antecedens, & nego Conseq. peccata enim sunt materia remota, species Sacramentales panis sunt materia proxima; & quamvis super eandem materiam proximam non cadat bis forma eadem Sacramentalis, cadere quàm optimè potest super eandem materiam remotam. Sic cum eadem aqua possunt plures baptizari, eo quòd mutetur materia proxima, quæ est ablutio, quamvis maneat eadem materia remota, quæ est aqua:

aquâ: Pariter in nostro casu, materia proxima poenitentiae sunt Confessio, & contritio; peccata verò sunt materia remota: ac proindè apposita novâ confessione, & contritione, potest impendi absolutio supra eadem peccata. Ad Confirmationem, nego: Ma: quia in rebus Sacramentalibus non debemus quærere, quid fieri potuit, sed quid de facto factum fuerit, sive quid instituerit Christus.

227. Potuit enim Christus instituere Sacramentum Matrimonii, ita ut illa retrotractio libertatis satis esset ad secundum Sacramentum suscipiendum: sed noluit ita instituere, quia noluit, Sacramentum Matrimonii super easdem personas posse iterari: materia enim proxima Sacramenti Matrimonii à Christo instituta, est prima sui traditio Conjugi per verum contractum: prima autem traditio non potest iterari circà eandem personam. In Sacramento verò poenitentiae materia proxima non est prima confessio, & primus dolor de peccatis, sed indifferenter, prima, vel secunda confessio, primus, vel secundus dolor, ut constat ex Benedicto XI. citato num. 211. tum etiam ex Ecclesiae pra-

xi; tùm etiam ex Canone. *Quem pœnitet: de Pœnitentia, distin. i. ubi sic dicitur: Undè patet, quod quantò pluribus confitebitur in spe veniæ turpitudinem criminis, tantò facilius consequetur indulgentiam remissionis: Quapropter forma absolutionis non significat determinatè primam remissionem peccatorum, sicut Matrimonium primam sui traditionem conjugii, sed indifferenter, primam, vel secundam remissionem, juxtà capacitatem subjecti.*

§. II.

228. *Objicies quartò, contrà Jllationes. Hieronymus supra illud Matth. 12. Tibi dabo claves Regni Cœlorum, hæc habet: Hunc locum quidam non intelligentes, aliquid servant de supercilio Phariseorum, ut damnare innoxios, vel solvere se putent noxios, cùm apud Deum non sententia Sacerdotum, sed eorum vita quærat. In Levitico se ostendere Sacerdotibus jubentur Leprosi, quos illi non faciunt leprosos, vel mundos, sed discernunt, qui mundi, vel immundi sint. Quibus verbis videtur, Sacerdotes evangelicos legalibus æquiparare in hoc, quod sicut illi non mundabant lepro-*

pro-

profos, sed eos mundos esse judicabant; ita Sacerdotes Evangelici non justificant peccatores, nec eos mundant, sed eos mundos esse ostendunt: ergo sensus formæ absolutionis est iste præcisè: *Ego declaro, te esse absolutum, & à peccatis mundatum*: quod non solum per sententiam auctoritativam, sed etiam per deprecativam fieri potest. Confirmatur exemplo Lazari, qui prius fuit à Christo resuscitatus, & postea à discipulis vinculis solutus: ex quo colligit Augustinus, peccatorem prius à Deo intus per gratiam vivificari, quam à Sacerdote à vinculis absolvi: ergo &c.

229. Resp. Hieronymum comparare Sacerdotes evangelicos legalibus, non quidem in eo quod, sicut legales non mundabant, sed tantum mundatos declarabant, sed in eo solum, quod, sicut legales non poterant suo arbitrio discernere inter lepram, & lepram, sed solum juxta merita causæ; ita neque Sacerdotes evangelici judicare debent, aut possunt de peccatis juxta suum beneplacitum, ita ut damnare possint innoxium, vel absolvere indispositum; in reliquis verò nulla est inter legales, & evangelicos Sacerdotes comparatio, ut constat ex Tridentino sess. 14.

Can. 9. dicente: *Si quis dixerit, absolutionem Sacramentalem Sacerdotis non esse actum judiciale, sed nudum ministerium pronuntiandi, & declarandi remissa esse peccata confitenti, modò tantùm credat, se esse absolutum, aut Sacerdos non seriò, sed ioco absolvat, aut dixerit, non requiri confessionem pœnitentis, ut Sacerdos eum absolvere possit, anathema sit, & cap. 3. Res, & effectus hujus Sacramenti, quantum ad ejus vim, & efficaciam pertinet, reconciliatio est cum Deo. Undè sententia Sacerdotis judicialis esse debet, & auctoritativa, non autem purè deprecatoria.*

: 230. Quod ex ipso Tridentino sess. 14. cap. 3. manifestè convincitur; ibi enim docet, Sacramenti pœnitentiæ formam, in quâ precipuè ipsius vis sita est, in illis Ministri verbis positam esse: *Ego te absolvo &c.* quibus quidè de Ecclesiæ Sanctæ more preces quædam laudabiliter adjunguntur: ad ipsius tamen formæ essentiam nequaquâ uam spectant, neque ad ipsius Sacramenti administrationem sunt necessariae. Si enim preces satis essent ad absolvendum; illæ, quibus Ecclesia utitur ante absolutionem, nimirum: *Absolutionem, & remissionem omnium pec-*

peccatorum tuorum tribuat tibi Omnipotens, & Misericors Dominus, satis essent ad verè absolvendum, quod manifestè est contrà Tridentinum. Nec fieri potest paritas à Sacramento Extremæ Unctionis, cujus forma debet esse per modum Orationis, ut constat ex forma, quam apponit Florentinum in decreto Eugenii per hæc verba: Forma hujus Sacramenti est hæc: Per istam Sanctam unctionem, & suam piissimam misericordiam indulgeat tibi Dominus quidquid per visum &c. Et constat ex Jacobi quinto, ubi de illa dicitur: Oratio fidei salvabit infirmum, & alleviabit eum Dominus, & si in peccatis sit, remittentur ei.

231. Ad Confirmat. Respondeo cum D. Thoma Opusc. 22. cap. 2. negando Conseq. Ratio est, quia comparatio illa peccatoris cum Lazaro moralis est, non litteralis; subindèque ex illâ nullum firmum argumentum potest deduci. Quandò verò Augustinus, & alii Sancti Patres dicunt, peccatorem priùs à Deo vivificari per gratiam, quàm à Sacerdote absolvatur, non loquuntur de vivificatione amicabile habitâ per gratiam habitualement, sed de vivificatione consistente in

auxiliis vitalibus supernaturalibus à Deo collatis, quibus peccator fit potens ad elicendam veram pœnitentiam, sive perfectam contritionem, ut justificetur extra Sacramentum, antequàm in re absolutionem suscipiat, ut loquitur Tridentinum sess. 14. cap. 4. vel solam attritionem generalem, sive contritionem imperfectam, quâ justificetur per Sacramentum: illa quidèm vivificatio habita per auxilia gratiæ certissimè habetur ante absolutionem Sacerdotis, adeoque ita priùs vivificatur peccator, quàm per absolutionem Sacerdotis à vinculis peccatorum absolvatur. Vivificatio autem habita per gratiam habitualement, quæ in Sacramento pœnitentiæ recipitur, nequaquam confertur priùs à Deo, quàm à Sacerdote absolutio impendatur.

DISPUTATIO V.

An absolutio possit absenti conferri.

232. **C**ELEBRIS fuit apud Antiquos ista controversia. Docuerunt aliqui, confessionem, & absolutionem Sacramen-

mentalem validè posse absenti conferri, adeò-
que poenitentem posse, sive per epistolas,
sive per internuncium Sacerdoti absenti con-
fiteri peccata, & ab ipso absente Sacramen-
talem absolutionem suscipere: quam senten-
tiam meritò condemnavit Clemens VIII:
per hæc verba: *Propositâ questione, utrùm
liceat per litteras, seu internuncium confes-
sario absenti peccata sacramentaliter confite-
ri, & ab eodem absente absolutionem obti-
nere?* Sanctissimus Dominus Noster auditis
votis Patrum Theologorum, & re cum Illu-
strissimis, & Reverendissimis DD. Cardin.
contrà hereticam pravitatem Generalibus In-
quisitoribus maturè, ac diligenter considera-
ta, hanc propositionem, scilicet: licere per lit-
teras, seu internuncium Confessario absenti
peccata Sacramentaliter confiteri, & ab eo-
dem absente absolutionem obtinere, ad minus,
uti falsam, temerariam, & scandalosam
damnavit; ac prohibuit, præcepitque, ne
deinceps ista propositio publicis, privatisque
lectionibus, concionibus, & congressibus do-
ceatur, neque unquam, tanquam aliquo ca-
su probabilis defendatur, imprimatur, aut
ad praxim quovis modo deducatur. Quod si
quis

quis illam docuerit , defenderit , imprimi fecerit , aut etiam de ea diſputativè tractaverit , niſi forſan impugnando , vel ad praxim , ſivè directè , vel indirectè deduxerit , præter excommunicationem latæ ſententiæ , quam ipſo facto incurrat , & à quo non poſſit præterquàm in articulo mortis ab alio , quacumque etiam dignitate fulgenti , & Sanctæ Romanæ Eccleſiæ majori Pœnitentiario , niſi à pro tempore exiſtente Romano Pontifice , aliis etiam pœnis arbitrio infligendis ſubjaceat . Ex hoc Decreto plura decidentia modò ſunt ad praxim conducentia , ſimulque exponenda .

S E C T I O I.

De ſtatu , & progreſſu controverſiæ .

§. I.

233. **S**UPPONO primò , damnatam proſiſtentiæ duas continere partes , alteram de confeſſione facta aſſenti , alteram de abſolutione aſſenti collata : non enim dicitur in decreto , damnari duas , ſed unam proſiſtentiæ . Cùm autem proſiſtentiæ

fitio continens duas partes sanctissimè damnetur, sive illarum utraque, sive alterutra solùm falsa sit, quærendum est in præsentī, an utraque pars ejus propositionis falsa sit, & damnata, an verò una solùm ex illis, & quænam? Suppono secundò: Sententiam, quæ modò doceret, utramque partem posse nos licitè sequi, certò manere damnatam; adeòque qui modò doceret, confessionem Sacramentalem posse fieri absenti, simulque ab absente posse absolutionem Sacramentalem haberi, incurreret poenas ab ipso decreto latas. Quærendum modò à nobis est, quinam fuerint illi Authores, qui propositionem illam, quoad utramque partem, defendebant, nec suam sententiam retractarunt ante huiusmodi damnationem?

234. Tres fuerunt præcipuæ apud Antiquos sententiæ. Prima docebat, Confessionem Sacramentalem posse fieri absenti, simulque ab absente posse absolutionem Sacramentalem conferri. Ita graves Theologi Paludanus in quartum, distin. 17. quæst. 2. artic. 1. S. Antoninus 3. par. tit. 14. cap. 19. §. 9. & tit. 17. cap. 21. qui refert, in Concilio Bafilienfi tractatam esse quæstionem, quid faciat

ciat Sacerdos, qui sine jurisdictione audivit confessionem, & absolvit pœnitentem, multosque dixisse, posse postea petere jurisdictionem, & absolvere illum, ubicumque sit. Eandem opinionem tenet Sylvester verbo *confessio*; Author Margaritæ confessorum, cum agit de modo, quo fieri debet confessio, Turrecremata in caput: *Quem pœnitet* de pœnitentia, distinct. 1. artic. 2. Petrus de Tarantasia (postea Innocentius V.) in summa de Confessione, quem adducit, & sequitur Rainerius in Pantheologia par. 1. tract. de confess. cap. 9. Fumus verbo confessio, nu. 23. Tabiena eodem verbo, num. 34. Petrus Soto lect. 11. de confess. dicens, hanc sententiam posse securè teneri, quam tenent, inquit, plures nostrum. Magister Peña apud Henriquez cap. 2. §. 7. in eventu absolutionis collatæ præsentī, absque jurisdictione, postea comparata, cum jam procūl abest pœnitens, qui putetur benè dispositus; eosque ferè omnes Authores citat, & impugnat Eximius Doctor disputat. 19. de Pœnitentia, sect. 3. num. 2.

235. Quæ cum ita sint, non satis mirari possum, quàm negligens sit Magister Gonet

net in legendis nostris Authoribus : nam disput. 12. de absolutione Sacramentali artic. 4. §. 1. ait, nullum ex Thomistis hanc sententiam tenuisse, idque, ait, ostensum esse à Vincentio Barone, & eam sententiam ab antiquis traditam, & jam obsoletam, à Jesuitis fuisse in Scholas revocatam, & typis, & libris mandatam; & num. 54. addit, quod hæc quæstio, magno animi ardore, & contentione agitabatur in Hispania inter Dominicanos, & Jesuitas (asserentibus Jesuitis, & negantibus Dominicanis) hancque ait fuisse occasionem, cur Clemens VIII. causam ad se advocavit, & ediderit decretum citatum num. 232. quo damnavit sententiam, quam Jesuitæ libris defendebant, & ut rumor erat, ad praxim deducebant. Sed in his omnibus Magister Gonet valdè peregrinum se ostendit à veritate, & puncto quæstionis, quæ tunc temporis versabatur inter Dominicanos, & Jesuitas.

236. Quæstio enim tunc erat. An qui scripto, vel internuncio confessus est peccata confessario absenti, & postea veniens confessarius, inueniensque poenitentem morbo correptum, & sensibus jam destitutum, posset

set eum absolvere? Item, an moribundus; qui in absentia confessarii petiit confessionem, & dedit signa doloris, idque resciscens confessarius testimonio adstantium, posset eum in præsentia absolvere? hæc inquam erat quæstio. Negabant tunc temporis aliqui Dominicani, affirmabant aliqui Jesuitæ, & ad praxim deducebant, hancque sententiam defendit Exim. Doctor interpretans Decretum Clementis, disputat. 21. sect. 4. & asserens, confessionem absenti factam non damnari à Clemente, ut illicitam in omni casu, sed solum absolutionem.

237. Neque sententiam contrariam, quam defendebant antiqui illi Doctores, defendit unquam Author ullus è Societate tam post, quam ante decretum Clementis citatum, præter Patrem Sà, qui ante decretum Clementis tot antiquorum autoritate ductus asseruit, in casu necessitatis posse practitari eorum sententiam. Cæterum dictum hoc retractavit etiam ante ipsam Decretum in secunda editione, Matriti, Anno 1600. antè duos annos, quam Clemens edidisset suum Decretum. Eandem illam antiquorum sententiam defenderunt plures extra Scholam

Tho-

Thomisticam, nimirum Adrianus, Palacius, Vivaldus, pluresque alii, quos citant, & impugnant, Eximius Doctor disputat. 19. sect. 3. & Theophilus Rainaudus in dissertatione de Epistolari confessione, cap. 2.

238. Cæterum adversarii in hac controversia novam litem excitarunt. Doctor enim Eximius typis tunc dabat tractatum de Pœnitentia; in quo, ut diximus antiquam illam sententiam latè impugnabat, nec audebat illam censurâ inurere, quia ab Ecclesia nondum erat damnata. Cæterum dum opus hoc sub Typis sudabat, accessit Decretum Clementis. Qua de causa disputat. 19. ad calcem sect. 3. hæc addidit Exim. Doctor. Tandem etenim quæri potest, quam censuram contraria opinio mereatur. Respondeo: hætenus ego non audebam aliam inferre, præter eam, quæ ex assertione sumitur (scilicet esse falsam) idque præcipuè propter auctoritatem antiquorum; nunc autem verbis Sanctissimi Domini Nostri Clementis VIII. respondendum est: *Ille enim auctoritate suâ illi opinioni sequentem censuram apposuit.* Et post traditum supra dictum Decretum subjungit.

In

In quo Decreto directè solùm videtur Pontifex prohibere, dicere, aut docere, licitum esse absentem absolvere in aliquo casu, vel id facere, an verò si fiat, factum teneat, non declarare. Credo tamen, mentem ejus fuisse, hoc etiam declarare, & contrarium in eodem gradu damnare; tùm quia in hoc Sacramento hæc duo per se non separantur; tùm etiam quia hic erat cardo controversiæ, nam si ex se non licet, ideò est, quia Sacramentum non potest ita perfici. Undè clarè apparet, qualis fuerit tunc temporis inter Patres Dominicanos, & Nostros controversia.

239. Ex occasione hujus Decreti novam exagitavit quæstionem Exim. Doctor disputat. 21. sect. 4. in qua quærit, utrùm de necessitate confessionis sit, ut pœnitens Sacerdoti præsentì immediatè; & per se ipsum revellet peccata sua, & resolvit, non esse ita essentialè Sacramento Pœnitentiæ, quod Sacerdos in præsentia ejus confessionem audiat, ut in aliquo extremo necessitatis casu non possit aliter contingere. V.g. in eo casu, in quo Sacerdos veniens ad absolvendum pœnitentem morti vicinum, & inveniens illum
ità

itâ priuatum usu omnium sensum , ut nulum signum peccati , aut doloris ab eo possit obtinere , tunc enim posset esse contentus aliorum relatione ad absolvendum illum , quamvis non audierit Confessionem in præsentia , & nihilominus sufficit hæc confessio , vt licitè , & validè detur absolutio. Hæc fuit Eximii Doctoris resolutio , quam eâ Sect. 4. latè probauit , eamque absoluit his verbis. *Nihilominus declarationem hanc eiusdem Pontificis censuræ subiicio , sicut cetera omnia , quæ tam in hoc , quàm in ceteris operibus meis continentur* . Hæc pro sua in S. Sedem veneratione Exim. Doctor . Ex hac resolutione occasionem arripuere æmuli Exim. Doctoris dicentes , fuisse in Clementem irreuerentiam , ipsius mentem , ipso vivente , interpretari , adeoque duxerunt illam ad Legatum Pontificis , qui Matriti aderat ; ipse autem eam detulit ad Clementem .

240. Clemens verò morte præoccupatus non potuit mentem suam per decretum novum exponere . Cæterùm æmuli Exim. Doctoris fortiter iterùm institerunt apud Paulum V. qui Clementis mentem optimè norat , timens , ne eo tempore , in quo adeò exar-

De Pœnit. Pars II.

T

de-

descebat controversia, permittendo, quod doceretur posse confessionem absenti fieri, ansam arriperent DD. contrarii, qui defendebant totum Sacramentum Pœnitentiæ posse confici in absentia, ad tuendum suum errorem, noluit hanc locutionem eo tempore permittere. Ratio est: quia confessio aliquando sumitur pro toto Sacramento. Nihil enim Catholicis frequentius, quàm dicere, se accedere ad confessionem, vel obire velle sacramentum confessionis, per synecdochæ enim nomen Confessionis totum Sacramentum Pœnitentiæ designat: estque id adeò receptum in Ecclesia iam olim, ut S. Aug. ser. 48. *De temp.* adactus fuerit dedocere, Afros suos, ne existimarent, quoties scriptura meminit Confessionis, & ad eam hortatur, agi de Sacramento Pœnitentiæ; ut rudes illi arbitrabantur; qui cùm S.P. inter concionandum protulisset *confitendi*, aut *confessionis vocabulum*, illicò tundeabant pectora, rati Sermonem esse de Sacramento Pœnitentiæ. Propria sanè hujus sacramenti appellatio est *Sacramentum confessionis*, eamque appellationem, licèt non benè, præfert Durandus in 4. dist. 14. quæst. 1. num. 5.

no-

nolens dici *Sacramentum Pœnitentiæ* , sed *Sacramentum confessionis* . Ne igitur adversarii ansam erroris haberent ad iudicandum eo tempore permitti à Pontifice sententiam docentem, integrum Pœnitentiæ Sacramentum posse in absentia Sacerdotis fieri , noluit permittere , quod tunc temporis diceretur , posse confessionem fieri in absentia .

§. II.

241. Quod autem hæc fuerit Pontificum mens, testatur Exim. Doctor litteris suis apud Tamnerum quæst 9. *de Pœnit.* dub. 1. num. 16. dicens, se Clementis, ac Pauli mentem ex ore utriusque percepisse , & sibi certè constare, nunquam venisse illis in mentem, ut vellent obstare absolutioni ægri, qui absente Sacerdote , ante oppressionem expectiisset Confessarium , & signa doloris Sacerdoti per aliorum testimonium significata edidisset : additque eisdem litteris Exim. Doct. de huiusmodi absolutione nunquam fuisse excitatam controuersiam. Tantùm itaque Pontificis Ministros Auctores posteriorum decretorum , de quibus statim agemus, vel si lubet , Pontifices ipsos noluisse , ut diceretur , Confessionem in eo eventu fieri ab-

senti propter rationē supra à nobis attactam. Ratio est: quia cū in decreto Clementis sermo non sit de quacumque declaratione, vel confessione peccatorum, sed de confessione sacramentali: confessio autem sacramentalis non dicatur talis, dumtaxat intrinsecè, prout ordinatur ad suscipiendum præsentem Sacerdote integrum Pœnitentiæ Sacramentum, uti in circumstantiis præsentis controversiæ accipitur, sed etiam dicatur ea, quæ actu denominatur ab absolutione, quâ conficitur sacramentum, exindè, si permetteretur, quod posset confessio sacramentalis fieri absenti, dabat tunc temporis ansam errori dicentium, totum Sacramentum posse fieri inter absentes.

242. Hæc est ratio, propter quam Paulus V. præcepit, ut amoveretur eo tempore à suo Tomo expositio Exim. Doctoris: Prodiit enim decretum factum in generali Inquisitione his verbis expressum. *Die 14. Julii 1605. proposita causâ P. Francisci Suarez Jesuitæ, & consideratis his, quæ scripsit tom. 4. in 3. par. Divi Thomæ sect. 4. disput. 21. interpretando decretum felic. recordat. Clementis Papæ VIII. die 20. Junii 1602. quod*
da-

damnavit hanc propositionem : videlicet , licere per litteras , seu internuncium Confessario absenti peccata Sacramentaliter confiteri , & ab eodem absolutionem obtinere , ac etiam maturè discussis his , quæ idem Pater Suarez adduxit in defensionem suæ interpretationis , auditis votis Illustrissimorum Dominorum Cardinalium, SS. decrevit , dictam interpretationem non subsistere , & ideò amovendam esse ab ejus libris juxta decreta aliàs facta à felicis recordationis Clemente Papa VIII. de quibus in actis S. Officii . Item in alio decreto ejusdem Congregationis 20. Julii ejusdem anni sic habetur . Ex lib. Francisci Suarez Jesuitæ tomo 4. ad 3. par. disput. 23. sect. 1. num. 12. amoveantur infra scripta verba , videlicet ; Atque ex hac resolutione usque in absentia Confessoris : Idem P. Suarez corrigat suum librum , & antequam evulget , ostendat huic Congregationi . Et rursus die 18. Augusti ejusdem Congregationis aliud editum fuit decretum hujus tenoris . SS. decrevit ex tomo 4. Pater Suarez Jesuitæ in 3. par. S. Thom. disput. 21. de confessione sect. 4. cui titulus est . Utrum de necessitate confessionis sit , ut pœnitens Sacerdoti absenti imme-

diatè , & per se ipsum revelet peccata sua ? Totam esse amovendam , nec aliam ejus loco subrogandam .

243. Cæterùm cùm deficiente fine legis, lex deficiat, & finis horum decretorum nequaquam fuerit prohibere, ne absolutio conferretur ægro destituto sensibus, qui in præsentia testium petierat confessionem, & postea adveniens Sacerdos jam nullum in ægro signum advertere potest, ea de causa cùm frigefcente fervore controversiæ, & admissis ubique Pontificis decretis, jam nullum esset periculum, ut admitteretur ea antiquorum sententiæ, quæ docebat, integrum Pœnitentiæ Sacramentum posse confici inter absentes, cessavit exindè vis horum decretorum contra doctrinam illam novis istis circumstantiis vestitam, ut ex testimonio ipsorum Pontificum, ex doctrina antiquorum Conciliorum sect. sequen. demonstrabimus. Quapropter, cùm antequam è vivis discessisset Eximius Doctor, iterùm ejus opera typis data essent Lugduni anno 1613. tota ea doctrina, & integra sect. 4. disp. 21. in totum restituta sunt: illa enim verba, in quibus dicebatur, P. Suarii expositionem

non

non posse subsistere , non tendebant contra soliditatem doctrinæ ab Exim. Doctore propositæ , neque illam ut à nobis expositam reprobabant , sed prout adiunctam in illis circumstantiis decreto Clementis , quibus deficientibus circumstantiis , nullo manente timore à ferè omnibus Theologis illa doctrina , ut solida , fuit admissa , & propugnata quidquid reclamet secunda sententia . Ad eum modum , quo homo in circumstantiis sanitatis comprehenditur sub præcepto prohibente comestionem carnis die Veneris ; secùs autèm in circumstantiis infirmitatis , & aegritudinis .

244. Secunda ergo in hoc puncto modernorum aliquorum sententia docet , nunquam posse , neque validè conferri absolutionem ægroto , qui in absentia Confessarii petiit absolutionem , quamvis per litteras peccata sua absenti Confessario declaraverit , nisi postea , adveniente Confessario , in eius præsentia dicat poenitens , quod de omnibus illis peccatis se accusat . Ita plures , quos citat Raynaudus per totam dissertationem de confessione epistolari , & fatetur Gonet. disp. 12. de absolutione artic. 4. §. 1.

Sic docuerunt Victoria, Canus, Ledesma, Candidus, & alii quamplures. Tertia Theologorum sententia docet cum Eximio Doctore, in eo casu licitè, & validè posse conferri absolutionem ægroto, qui confessionem petiit, nec animum retractaverit, quando accedit Sacerdos. Ità omnes nostri, quos citat, & sequitur Moya disp. 6. quæst. 1. & hac tempestate ferè omnes externi, adeò ut F. Ludovicus Caspensis Ordinis Capucinorum, tract. de pœnit. disp. 4. sect. 22. post approbatam per omnia Eximii Doctoris de hoc puncto doctrinam contra Sotum, opponens sibi, quod ea doctrina fuerit à Clem. VIII. damnata, & expungi iussa, respondet, doctrinam Exim. Doctoris de absolutione moribundi sensibus destituti per Sacerdotem præsentem, cui per internuncium voluntas consequendæ absolutionis sit intimata, nequaquam esse damnatam à Clemen. VIII. quia alioqui tot Sapientes DD. post Clementem ei doctrinæ non adhæsissent: & ipse Clemens non dixisset (ut certò postea dixit) se nihil tale unquam vetuisse: imò in eo eventu se omninò impensurum ægro absolutionem; & puniturum Parochum, qui ab-

absolutionem negaret. Quomodo hæc omnia vera sint, comprobabit subsequens

S E C T I O II.

Resolvitur Controversia.

§. I.

245. **A**SSERO primò contrà antiquos citatos num. 234. Absolutio absenti collata ex natura sua, & ex Sacramenti institutione invalida est: atque adeò etiam si pœnitens Confessario præsenti confiteretur, si tamen postea à Sacerdote absente absolveretur, absolutio esset invalida, & Sacramentum nullum. Probatur primò, quia absolutio; sicut & formæ aliorum Sacramentorum (excepto matrimonio) ex Christi institutione consistit in verbis v. g. *Absolve te à peccatis*, aut aliis perfectè æquivalentibus, quæ materiam præsentem significant: etenim particula *te* est pronomen demonstrativum personæ pœnitentis, quod ad absentem per voces dirigi non potest: quare sicut non potest Sacerdos consecrare materiam absentem, quia pronomen demon-

monstrativum ; *hoc est corpus: hic est calix* contentum in forma consecrationis significat materiam præsentem; ita neque potest absolvere absentem, quia pronomen demonstrativum *te* inclusum in forma absolutionis significat personam præsentem : ergo sicut consecratio materiæ absentis est invalida, ità absolutio personæ absentis est invalida.

246. Probatur secundò : de ratione formæ absolutionis est , quod verbis propriè dictis proferatur, & sine illis est nulla, ex numero 182. idemque patet ex perpetua Ecclesiæ traditione, & praxi, ita ut per ea verba verè Sacerdos pœnitentem alloquatur, illum demonstrando, ita ut possit dicere : *hic est pœnitens, quem absolvo, quæ omnia requiruntur ad verificationem horum verborum: absolvo te*: Sed ad hujusmodi locutionem requiritur præsentia pœnitentis: si enim præsens non esset, non diceret, absolvo te, sed absolvo illum ex dictis num. 76. de Eucharistia: ergo &c. Confirmatur ex Tridentino sess. 14. cap. 2. ubi de baptizatis dicit: *Nam hos, si se postea crimine aliquo contaminaverint, non jam repetito baptismo ablui, cum id in Ecclesia Catholica nulla ratione liceat, sed ante*
hoc

hoc Tribunal, tanquam reos sisti voluit, ut per Sacerdotum sententiam non semel, sed quoties ab admissis peccatis ad ipsum pœnitentes confugerint, possent liberari. Quibus in verbis clare ostenditur, ex institutione Divina pœnitentes, ut reos, ante Sacerdotum Tribunal sisti debere, ut possint per eorum sententiam absolvi: Sed sisti ante hoc Tribunal est pœnitentem præsentem esse Sacerdoti: ergo nisi sit præsens non poterit per sententiam, idest per absolutionem liberari.

247. Probatur tertio. Absolutio Sacramentalis est actus judicis proferentis, & promulgantis sententiam absolutoriam criminis, non quolibet signo, sed verbis propriè dictis: nullus autem judex promulgat sententiam inter homines verbis, nullo alio homine præsentem: ergo neque potest Sacerdos proferre sententiam absolutionis, nullo alio præsentem: Sed ex Christi institutione nullus est, qui debeat esse præsens coràm Sacerdote, nisi ipse pœnitens, cùm judicium hoc ex Christi institutione non sit publicum, sed secretum; ipse enim pœnitens est testis, accusator, & reus, & propter ipsum non propter alios, sententia profertur: ergo &c. Con-
fir-

firmatur: positâ valida Sacramentali absolutione, ponitur validum Sacramentum: sed validum Sacramentum inter absentes poni non potest, ut constat ex decreto Clementis citato num. 233. ergo absolutio Sacramentalis dari non potest absenti.

248. Respondebis: Clementem non decrevisse in suo decreto, absolutionem datam absenti esse invalidam, sed esse illicitam, ut constat ex illis verbis: *Utrùm liceat per litteras*: clarè autem patet, posse absolutionem esse illicitam, quamvis aliundè sit valida, & Sacerdos peccet eam conferendo, uti contingit, quando Sacerdos in peccato mortali existens absolvit. Contrà tamen: quia hæc responsio manifestè pugnat contrà tenorem decreti, quia in eo decreto præcipitur, quod ea opinio nunquam, & in nullo casu, tamquam probabilis defendatur: atqui si absolutio absenti collata non esset invalida, posset in aliquo extremo necessitatis casu absenti conferri: ergo ex tenore decreti talis absolutio, non solùm est illicita, verùm etiam invalida. Confirmatur: in casu urgentissimæ necessitatis, in quo æterna animæ salus periclitatur, omnia media valida sunt licita, id
exi-

exigente supremo periculo æternæ damnationis , ut si aliter moribundus salutem consequi non valeat, adeoque si validè quis confiteri , & absolvi ab absente posset , hoc nulla humana potestate , nec pontificia prohiberi posset in tali casu , cum dispendio salutis æternæ : atqui ex vi illius decreti est prohibita absolutio absentis in omni casu : ergo ex vi talis decreti manifestè constat , esse invalidam .

249. Afferro secundò contra modernos citatos num.244. Si ægrotus dedit signa doloris , quando absens erat confessarius, petens confessionem , & veniens postea confessarius inveniat illum sensibus destitutum , satis est , quod testes affirment illam petitionem confessionis non retractatam , ut licitè , & validè , saltem sub conditione , absolvat . Vide Auctores apud Dianam par.3. tract.3. resolut.4. qui duos supra triginta Auctores pro hac sententia adducit . Alios prætereà invenies apud Raynaudum in dissertatione de confessione epistolari cap.4. Plures alios apud Moyam disput.6. quæst. 1. estque expressa sententia D. Thomæ opusc.65. quod est de officio Sacerdotis , ubi hæc habet : *Si*
infirmus

infirmus , qui petit unctiōem , amisit notitiā , vel loquelam , antequam Sacerdos veniat ad eum , nihilominus unget eum Sacerdos : quia in tali casu debet etiam baptizari , & à peccatis absolvi .

250. Probatur igitur Conclusio ex Conciliis. Concilium enim Arausicanum primum cap. 11. (& refertur cap. qui recedunt, 26. quæst. 6.) sic statuit: *Subito obmutescens baptizari , aut pœnitentiā accipere potest , si voluntatis præteritæ testimonium , aliorum verbis habet , aut præsentis in suo nutu .* Pariter Concilium Carthaginense tertium cap. 34. (& refertur cap. egrotantes de consecratione dist. 4. sic definit: *Ægrotantes , si pro se respondere non possunt , cū voluntatis eorum testimonium sui dixerint , baptizentur : Similiter & de pœnitentibus agendum est .* Ita refert hunc Canonem contextus Concilii Carthaginensis , ac Concilii Africani , & Jvonis citantis Isidorum , ut notant emendatores editionis Gratiani , apud quem pro verbis illis: *Cū voluntatis eorum testimonium sui dixerint ,* corruptè habebatur. *Cum voluntas eorum testimonium sui dixerunt :* Sed omnes vetusti codices Gratiani legunt eo modo , quo priùs retuli : Sicque adest in sum-

summa Conciliorum apud Caranzam.

251. Rursùs Concilium Carthaginense quartum cap. 76. (& refertur cap. is qui 26. quæst. 6.) hæc habet: *Is, qui pœnitentiam in infirmitate petit, si casu, dum ad eum Sacerdos invitatus venit, oppressus infirmitate obmutuerit, vel in phrenesim versus fuerit, dent testimonium qui eum audierunt, & accipiat pœnitentiam, & si continuò creditur moriturus, reconcilietur per manûs impositionem, & infundatur ori ejus Eucharistia. Si supervixerit, admoneatur à supradictis testibus petitioni suæ satisfactum, & subdatur statutis Pœnitentiæ legibus.* Pariter Synodus Vitenfis in Lusitania Anno 1617. celebrata sub Joanne Emmanuele lib. 1. tit. 5. Constitut. 2. num. 10. præcipit, ut is, ad quem jam planè sopitum Sacerdos pervenerit, absolvatur, si qui adfuerunt, cùm is sui compos esset, testentur, quod petierit confessionem: ergo &c.

252. Probatur secundò, ex S. Leone Papa, epist. 89. aliàs 91. quæ est ad Theodorum Foro-Juliensem Episcopum, ubi hæc habet: *Si aliqui aegritudine ita fuerint aggravati, ut quod paulò ante poscebant, sub presentia Sacerdotis significare non valeant, testimonia*
eis

eis fidelium, & circumstantium prodesse debent, ut simul, & Pœnitentiam, & reconciliationis beneficium consequantur, servatâ tamen regula Canonum Paternorum circa eorum pœnitentiam, qui in Deum à fide discedendo peccarunt. Modò sic: tales ægroti non vult S. Leo, ut maneat absque Sacramento Pœnitentiæ, neque absque reconciliatione, sive absolutione à censuris, si fortè sint innodati juxta ea, quæ præscripserat Concilium Carthaginense quartum citatum num. superiori: ergo in tali casu licitè ægrotus absolvitur. Mirum est, quot, & quantas tentaverint vias adversarii, ut testimoniis citatis, tum ex Conciliis, tum ex S. Leone respondeant.

253. Respondet primò Dominicus Soto in 4. distin. 18. quæst. 2. artic. 1. in prædictis testimoniis solùm agi de absolutione à censuris, quæ conferri potest ab absente, non verò de absolutione à peccatis. Respondet secundò Alvarez quæst. 2. disput. 8. in difficultate Appendice, sive Additicia num. 27. & 28. solùm agi in illis testimoniis de absolutione Cæremoniali; non verò de Sacramentali. Respondet tertio Canus in Relectione de

de Pœnitentia par. 5. concedendo ibi agi de absolutione à peccatis, verùm non quoad omnes, sed quoad eos dumtaxat pœnitentes, qui priùs explicitè peccata sua omnia confessi fuissent Sacerdoti initio Quadragesimæ, non tamen accepissent absolutionem sacramentalem, differri solitam usque ad tempus sub Pascha, hoc est ad feriam 5. in Cœna Domini. Cæterùm quàm malè exponant Conciliorum, & Pontificis mentem istæ responsiones, facilè conspicitur. Quapropter

254. Contrà primò: in prædictis testimoniis sermo est de *Pœnitentia*, ad quam vocandus erat Sacerdos, adeoque non satis erat Diaconus: atqui ad absolutionem à censuris satis erat, quod facultas committeretur Diacono: sic enim S. Cyprianus ep. 13. testatur, se commississe Diacono absolutionem ægroti: quæ non poterat esse absolutio à peccatis, cùm hæc sit actus proprius solius Sacerdotis; & in illis testimoniis sermo est de absolutione à peccatis: ergo, &c. Cōtrà secundo: in illis testimoniis, sermo est de quocumque ægroto subito obmutescente, postquàm petierat confessionem: sed plures ex illis neque habebant censuras, neque ad tempus

Pafchale diffulerant abſolutionem . Abſurdum quidẽ maximum eſt , cogitare eſſe cenſurâ irretitos omnes ægrotos in articulo mortis obmutefcentes , vel omnes eos non ſuſcepiffe uſque ad Paſcha abſolutionem , vel ſacramentaliter confeſſos fuiſſe ſua peccata , ante ægriitudinem , Sacerdoti : ergo omnes datæ reſponſiones manifeſtè pugnant contra mentem Conciliorum , & S. Leonis .

255. Contra tertio , quia Clemens VIII. interrogatus de moribundo , qui poſt præmiſſa pœnitentiæ ſigna , ſaltemque poſtquàm juſſit vocari Sacerdotem , ſubito obmutuit , eſſetne abſolvendus ? Reſpondit , ſe hunc eventum à S. Leone propoſitum non intendiſſe comprehendere in ſuo decreto citato num. 232. & talem moribundum omnino debere abſolvi à Sacerdote , cùm venerit , ſequæ , ſi occaſio ſe daret , abſolutionem impenſurum . Ita reſpondiſſe Clementem , teſtati ſunt Cardinalis Bellarminus , & Archiepiſcopus Armacanus , quorum uterque id teſtatus eſt Franciſco Flerontino , & Leonardo Leſſio Societatis Ieſu , cùm Romæ eſſent , & ſcripto etiam manu ſua obſignato id firmavit . Poſteaue Armacanus Antifteſ ſi-

mile

mile scriptum, quo de responso illo Clementis testabatur, misit. Lovanium ad aliquos illius Academiae Doctores. Quod quidem scriptum verbatim refert Ægidius Coninck lib. *De absolute moribūdi sub fine*: ergo expositio adversariorum pugnat contra antiquas, & recentes Ecclesiæ definitiones.

256. Probatur tertio ex Rituali Romano titulo de Sacramento Pœnitentiæ §. Ordo ministrandi Sacramentum Pœnitentiæ, versiculo, *quid si inter*, ubi agens de absolutione ægro impendenda sic præscribit: *Quod si inter confitendum, vel etiam antequam incipiat confiteri, vox, & loquela ægrum deficiat; nutibus, & signis conetur, quoad ejus fieri poterit, peccata pœnitentis cognoscere, quibus utcumque, vel in genere, vel in specie cognitis, vel etiam si confitendi desiderium, sive per se, sive per alios ostenderit, absolvendus est.* Habentur ista non modò in anterioribus Ritualibus, sive Romanæ, sive aliarum Ecclesiarum, puta in Pastoralis Leonis X. & in simili opere Cardinalis Ludovisii (postea Gregorius XV.) quod confecit pro Ecclesia Bononiensi, cui tunc præerat, sed etiam in Rituali per Paulum V. recognitum, & approbatum 17. Junii 1614.

contestatur enim Pontifex, visum sibi esse è re Ecclesiæ, ut volumen unum de ritibus, cùm in aliis Ecclesiasticis functionibus, tùm præsertim in Sacramentorum administratione servandis, ab his, qui curam animarum gerunt, Apostolica auctoritate prodiret, ad cujus voluminis præscriptum in tanta Ritualium multitudine sua illi ministeria, tanquam ad publicam, & obsignatam normam peragerent, unoque, ac fidei ductu inoffenso pede ambulant cum consensu. In hoc namque Rituali Pauli V. prædicta verba pro absolutione ægroti continentur: cujus Ritualis tanta est auctoritas, ut Paulus V. in Brevi expedito Romæ die 17. Junii 1614. testetur, illud à Congregatione plurium Cardinalium ad hoc deputatorum compositum fuisse, ordinetque, ut omnes Archiepiscopi, Episcopi, &c. ab omnibus Parochis faciant inviolabiliter observari, ut patet in Bulla illi Rituali affixa. Ex dictis

§. II.

257. Fit primò: etiamsi testes in absentia infirmi exponant Confessario poenitentia signa ab illo data, antequàm esset sensibus

bus destitutus, posse Confessarium, postea advenientem talem infirmum sensibus destitutum absolvere. Ratio est, quia quod internuncius manifestet Confessario signa doloris, quæ dedit infirmus, eaque manifestatio fiat in præsentia infirmi sensibus destituti, vel in absentia, nihil facit ad rem præsentem. Nec etiam facit, ut Sacerdos magis certus fiat de statu Poenitentis, & de ejus permanentia in proposito concepto, neque ut confessio fiat à poenitente in præsentia infirmi: Nam licet testis deponat in præsentia corporali infirmi; hic tamen moraliter est absens: Etenim sensibus destitutus in ordine ad loquendum moraliter absens est, cum depositionem testis confirmare, aut ratificare aliquo signo exteriori nequaquam valeat; ideoque Canones, & Concilia supra adducta non exigunt testimonium dari Sacerdoti in præsentia infirmi, ut patet ex eorum tenore, quod satis firmavit responsio Clementis VIII. supra adducta, de qua Ægidius Coninck in opusculo de absolutione moribundi: ergo &c.

258. Fit secundo: sufficere ad eam absolutionem, quod Sacerdoti constet de vo-

luntate infirmi, non per ipsos, qui immediatè audierunt ab infirmo, sed mediatè ab aliis, qui ab illis audierunt. Ratio est, quia Conciliorum testimonia supra adducta non exigunt immediatam auditionem. Si enim semel non requiritur, id immediatè à Confessario audiri, parùm refert, quod uno, vel duobus gradibus mediatè audiatur: semper enim desiderium confitendi exteriori signo ostenditur, si vè per testes, qui immediatè, vel mediatè audierunt, Sacerdoti referatur. Quapropter Jo. Sanchez, Diana, Lugo, & alii non requirunt plures testes, sed ajunt unum sufficere. Quando enim non agitur de præjudicio alicujus, creditur uni testi. Undè sicut nō requiritur probatio juridica per testes oculatos; ita neque requiritur probatio plena per duos testes, nec requiritur, quod testis juret, quia maximè impium esset, in casu moribundi mentiri: adeoque neque requiritur, quod testis sit fidelis, sed infidelis sufficeret, vel etiam Hæreticus, nisi præsumeretur mentiri ad illusionem Sacramentorum. Neque obstat, quod Concilia loquantur in plurali de testibus, cum requirunt testimonium aliorum, nam id intelligi de-

debet in sensu distributivo, non copulativo: sicut etiam cum dicitur in Conciliis, animam defuncti aliorum fidelium suffragiis juvari, intelligitur distributivè, quia singulorum suffragiis juvari possunt.

259. Fit *tertiò*: non posse absolvi infirmum, qui nec confessionem petiit, nec dedit in ordine ad illam ulla certa, aut dubia signa doloris, quantumvis Sacerdos attenderet ad alias actiones antecedentes, quæ ab aliquibus vocantur signa, v.g. Si Christianè vixerit, Sacramenta frequentaverit, & fidelis, ac pius habitus sit. Est illatio ista contra aliquos Doctores citatos num. 252. de Sacramentis, quorum Sententia, ut ibi dixi, non parùm conducit ad praxim: Speculativè verò loquendo, tenenda omninò est doctrina nostra. Ratio est: quia Ritualia, & Concilia permittentia absolvi agonizantem, requirunt testes petitiæ absolutionis, aut manifestationem doloris, quæ accusatio antea actæ vitæ sit: confessio enim, ut per se patet, debet esse externa accusatio antea actæ vitæ, quâ peccator se reum manifestat, & peccata sua, ut potest, declarat, fatendo se hîc, & nunc peccatorem: sed qui nec con-

fessionem petiit, nec in ordine ad illam dedit ulla certa, aut dubia signa doloris, talem non exercet accusationem: ergo &c.

260. Respondebis: vitam Christianam anteaquam esse accusationem sufficientem pro hoc casu tantæ necessitatis, cùm non possimus prudenter non censere, talem ægrotum in eo articulo non petiturum absolutionem, si posset. Undè illam censendum est petere per vitam Christianam. Contrà tamen: quia hominem fuisse Christianum, si vè malè, si vè benè vixerit, non est signum voluntatis præsentis sufficiens ad veram accusationem de peccatis commissis, licèt sit signum præsumptionis talis voluntatis, & accusationis habendæ, si posset: ergo, &c. Probatur Antecedens: Homo Christianus semper, etiam quando actu peccat, præsumitur habere voluntatem recipiendi absolutionem in articulo mortis, vel antequam exeat de vita: adeoque illa voluntas compossibilis est cum actuali peccato: sed voluntas compossibilis cum actuali peccato non est sufficiens accusatio de omnibus peccatis commissis: ergo &c.

261. Contra secundò, & explicatur ulte-

te-

terius hæc ratio fundamentalis . Voluntas confitendi, & obtinendi absolutionem per mores Christianos, & vitam anteaſtam in Eccleſia Dei non eſt ſufficiens accuſatio, quæ requiritur pro materia hujus Sacramenti, quod cùm judicium ſit, eſſentialiter conſtat accuſatione, & absolutione . Undè accuſatio ſufficiens ad hoc Sacramentum debet eſſe talis, ut fiat poſt peccatum, eâque homo confiteatur ſe reum peccati, quæque incompoſſibilis ſit cum peccato: qua de cauſa debet eſſe doloroſa, & dolorem internum ſignificare: atqui voluntas recipiendi Sacramenta, externè ſignificata per vitam Chriſtianam, nec ſignificat hominem alicujus peccati reum, nec ullum dolorem verum efficacem ſignificat: quandoquidem eſt compoſſibilis cum actuali peccato: ergo ſufficiens non eſt ad absolutionem, ſivè ad valorem Sacramenti Pœnitentiæ . Exinde Raſlerus tract. *de Pœnitentia* cap. 5. docet, priorem opinionem eſſe improbabilem: Et Gobat tract. 7. num. 602. notat, paucis abhinc annis fuiſſe prohibitum à Superioribus Societatis, ne quis doceret hanc propoſitionem: *Moribundus, etſi nullum ſignum det,*
aut

aut dederit contritionis, adeò ut Sacerdos, nec sciat, nec prudenter putare possit, præcessisse sensibilem aliquam confessionem, absolvi potest. Hæc omnia intelligenda sunt de quæstione speculativè sumpta, quam propter assignatas rationes veram judico.

262. Cæterùm practicè loquendo, existimo, Confessarium non solum posse licitè, verùm etiam teneri in prædicto casu moribundum absolvere sub conditione. Ratio est, quia Præceptum Charitatis obligat ad succurrendum proximo constituto in extrema necessitate, & periculo æternæ damnationis, remedio saltem dubio, quod sine peccato potest adhiberi, quādo aliud nō suppetit. Absolutio autem in tali casu potest dari sine peccato: quia licèt aliqui improbabilem putent hanc opinionem, alii tamen existimant probabilissimam, saltem ob auctoritatem Doctorum eam defendentium, contrā quam metaphysicam evidentiam non habemus: & quamvis sententia ista speculativè vera, aut probabilis non esset, negari non potest, esse in eo casu remedium dubium, adeoque adhibita absolutione sub hac conditione, *si capax es, vel si sis dispositus*, præca-

cavetur irreverentia : periculum enim nullitatis , ubi periclitatur salus æterna hominis , in cujus remedium sunt instituta Sacramenta , non est irreverentia ex dictis num. 300. de Sacramentis : ergo practicè loquendo, debet dari absolutio sub conditione .

263. Vide P. Moya disp. 6. quæst. 4. §. 1. & 2. afferentem pro hac sententia plures DD. quos inter P. Bonagratia Franciscanus in summula quæst. Regularium extendit suam opinionem etiam ad casum , quo ille moribundus laborat infamiâ maledicti . Vide etiam Leandrum à Sacramento tract. 5. disp. 5. quæst. 46. Delgadillum de pœnitentia cap. 13. Ludovicum à Conceptione tract. 5. quæst. 1. qui omnes sententiam istam defendunt , pro qua citant Augustinum tom. 6. de adulterinis conjugis , ubi docet, infirmum , qui repenti destituitur sensibus , nec ulla signa dare potest , si Catechumenus est, esse baptizandum ; si verò baptizatus est , esse reconciliandum , quod de Sacramento Pœnitentiæ ab Auctoribus istis intelligitur : Exinde pro praxi

264. Fit quartò : validè , & licitè absolvi moribundum , qui non potest in specie ullum

lum peccatum declarare; attamen ab ipso Sacerdote præsente petit absolutionem. Tum etiam sufficere ad absolutionem dandam, si moribundus coram Sacerdote edidit signa contritionis, & doloris in ordine ad absolutionem; tunc enim præsumendum est, nisi contrarium constet, ea signa doloris tendere in ordine ad absolutionem. Quinimò juxta Layman lib. 5. tract. 6. cap. 8. signa sunt contritionis, quando æger percutit pectus, aut quando manus, oculosve in Cœlum tollit, & juxta Dianam tract. 3. Resolut. 2. quando aliquam imaginem intentè respicit, vel juxta Lugo disp. 17. sect. 2. quando dicit *Miserere mei Deus*, si videlicet hæc faciat, sciens esse periculum mortis, sitque mentis compos, esto solitus idem facere, nihil cogitans de morte. Si verò omnibus pensatis, dubium sit, an hæc faciat in ordine ad absolutionem, absolvendus est sub conditione, si sit capax juxta citatos Doctores.

265. Fit quintò: rectè absolvi morientem, licet prædicta signa dederit confessario absente, sed aliis præsentibus, qui confessario retulerunt, sive in præsentia ægroti, sive in absentia, si quando accedit Sacerdos,
nul-

nullo alio modo possit ægrotus animū suum manifestare: re enim vera si præsens præsensem absolvis, adest quidquid requiritur ex institutione Sacramenti ad ejus valorem. Quinimmò sufficienter diceris absolvere confitentem tibi in præsentia, vel tibi præsenti, quia quandiū vivit, tandiū continuat moraliter confessionem peccatorum suorum: vivit autem adhuc coram te, ut benè notavit Gobat. Tūm etiam moribundum sensibus destitutum debes absolvere, tametsi nemo expressè testetur, illum edidisse signa doloris, modò prudenter præsumi possit, dedisse re ipsa: quia fas est administrare Sacramenta in necessitate, quandò deficientibus aliis probationibus, prudenter præsumitur, adesse omnia essentialiter requisita: etenim præsumptio habetur pro veritate, quandiū ea non eliditur, & demonstratur hic, & nunc fallere, ut habent Doctores in cap. *Semel malus*, de Regulis juris in sexto. Prudenter autem præsumi potest de quolibet bono Christiano, qui prævidit periculum instantis mortis, quod dederit signum contritionis in ordine ad confessionem: illud quippè prudenter præsumitur factum, quod plerumque fie-

ri

ri solet, ut habent Doctores in legem in *Obscuris*, tit. de Regulis juris. Immò id videtur etiam præsumendum de eo, qui perditè vixit, si advertit, se esse in mortis discrimine: quia etiam tales homines, ubi vident se in extremæ damnationis periculo, etiam solent ad Deum converti, saltem timore pœnæ.

266. Fit sextò: etiam esse absolvendum eum, de quo non constat, an vitæ discrimen præviderit, sive benè, sive malè vixerit, & invenitur sensibus destitutus, & morti proximus: quia vita, & fides Christiana, quam professus est, fundamentum præbet, ut judicemus, eum, si vitæ periculum advertit, in tali discrimine velle absolutionem, & Sacramentum, sine quo credidit, vel timet non posse salvari, & ex alia parte nescimus, an id adverterit, vel voluerit, aut aliquibus signis significaverit, quantum potuerit, neq; scimus, an externis sensibus sit destitutus, an etiam internis: sæpè enim hujusmodi homines in eo periculo eas actiones agunt ex fine petendæ absolutionis, quæ à circumstâtiis non advertuntur, aut putantur fieri vi morbi, nec denique constat, an prædicta voluntas sufficienter

ter

ter significetur vitâ antea actâ, & fide Christiana. Undè absolvendus est sub conditione, *ut si sit satis dispositus, beneficium absolutionis consequatur.* Quapropter etsi fortè quis actualiter peccando, subito destituatur sensibus, regulariter sine absolutione dimittendus non est: cùm rarissimè contingat, ut morti vicinus non velit suæ salutis consulere, saltem per attritionem, quâ non constat internè carere, quamvis externè sit sensibus privatus: per conditionem enim evitatur injuria Sacramenti, & ex alia parte consulitur, quantum fieri potest, salutis moribundi, qui per mores Christianos antea actos in tali articulo, & attritus, & satis, superque confessionem petere præsumitur. Sic Bonagratia supra citatus. Vide Gobat. tractat. 7. numer. 597. usque ad 625.

S E C T I O I I I.

Solvuntur Opposita.

S. I.

267. **O**BJICIES primò contra primam Conclusionem. In aliis judiciis

diciis absolutio poteſt aſſenti conferri: ergo etiam in iudicio Sacramentali pœnitentiæ. Confirmatur ex hiſtoria, quam Scotus refert de S. Thoma Cantuarienſi, dicens, eum petiſſe à Pontifice Romano aſſente abſolutionem. Sic Cyprianus epiſt. 13. aliàs lib. 1. epiſt. 17. ſignificat, ſe recepiſſe confeſſiones aliquorum aſſentium per Scripturam, & in eum modum aliqui interpretantur hiſtoriam, quæ eſt apud Euſebium lib. 6. cap. 34. aliàs 36. de Serapione ægrotante, qui miſit ad Presbyterum etiam ægrotantem, ut eum abſolveret, & per aliquem miniſtrum Euchariftiam mitteret: Euſebius autem refert miſiſſe Euchariftiam, adeoque videtur ſupponere, datam fuiſſe in aſſentia abſolutionem. Prætereà hiſtoria de Concilio Baſilienſi adducta à Sancto Antonino citato num. 234. oſtendit, illos Patres fuiſſe in illa ſententia: ergo &c.

268. Reſp. concedo Antecedens, & nego Conſequentiam; quia ſicut alia iudicia habent peculiareſ conditiones, & requiſita, ut ſint valida, juxta voluntatem Principum potentium hæc, vel alia apponere requiſita; ita abſolutio in hoc Sacramentali iudicio pœnitentiæ habet requiſita appoſita à Chriſto, qui

qui potuit, & voluit ea apponere: unum autem ex requisitis, ut sit valida, est, quod præfenti conferatur, ut constat à num. 245. quamvis non sit requisitum pro aliis iudiciis à suis Principibus appositum: unde in hac parte nulla est paritas ex illis ad istud iudicium. Sic esset ineptissima ista argumentatio: in aliis iudiciis absolutio non remittit peccata contrà Deum: ergo neque in isto. Ad Confirmationem, nego Conseq. quia Historia de S. Thoma Cantuar. neque apparet, undè accepta sit, neque id Scotus refert. Quinimò per absolutionem ibi optimè intelligimus indulgentiam aliquam plenariam, & Pontificiam benedictionem, pro qua fortassè S. Thomas Romam misit, vel fortè etiam pro absolutione à quacumque censura, quæ ad cautelam sæpè peti, & dari solet, etiam si non agnoscatur.

- 269. Rursùs locus Cypriani posset potius in contrarium induci; nam receptis libellis confessionum eorum, qui absentes erant, non dicit, se absolvisse illos, sed commisisse; ut aliquis Presbyter ex iis, qui præsentibus aderant, pacem eis daret, ubi omninò videtur requirere præsentiam. Attamen dùm nego-

De Pœnit. Pars II.

X

tium

tium illud commisit Diacono, dicens, ut si Presbyter non adesset, Diaconus id faceret, argumentum est, non loqui de absolutione Sacramentali, sed de aliqua reconciliatione ad publicam pœnitentiam pertinente. Ex quo à fortiori potest induci argumentum: si illam reconciliationem commisit Ministro præsentì, quantò magis Sacramentalem: & ferè idem responderi potest ad factum Serapionis apud Eusebium: nam ille etiam erat velut in statu pœnitentium, quoniam propter metum coram tyranno fidem negaverat. Et hoc modo intelligitur Canon *Qualis* 30. quæst. 5. ubi dicitur, confessionem quandam suscipiendam esse per scriptum, ubi sermo non est de absolutione Sacramentali, sed de alia judiciali, quo in sensu intelligendi sunt PP. illi Concilii Basiliensis: quamvis nihil obstaret contrà nostram Conclusionem, quod aliqui, ut Auctores privati, contrarium senserint; quandoquidem jam nostra sententia est definita à Clemente VIII. ex num. 232.

270. Objicies secundò contrà secundam Conclusionem ex Nuño. Concilium Florentinum in tract. *de Confessione*, ait, confessio-

sionem, quæ est pars Sacramenti Pœnitentiæ fieri ore: ergo in casu moribundi non potentis loqui, non datur valida confessio, adeoque neque impendi potest valida absolutio. Ex hoc argumento manifestè patet, adversarium non vidisse Florentinum, sed ad summum vidisse citatum in aliquo Auctore: Florentinum enim non habet tract. *de confessione*, sed in decreto pro instructione Armenorum explicat materias, & formas omnium Sacramentorum. Unde sicut ex eo non potest dici, quod habeat unum tractatum de Baptismo, alterum de Confessione, &c. ita neque dici potest, habere tractatum de confessione. Hoc prænotato. Respodeo: dist. Antecedens, fieri ore, necessitate præcepti, concedo, necessitate Sacramenti, nego Antecedens, & Conseq. ex dictis num. 146. & expressè habet Benedictus XI. citat n. 180.

271. Objicies tertio: materia, & forma Sacramentorum debent esse indistantes, sic non possum hodiè abluere puerum, ut eum baptizem, & intra aliquas horas proferre formulam: ergo neque potest infirmus modo petere confessionem, & intra aliquas horas, quando advenit Sacerdos, accipere ab-

solutionem. Respondeo: dist. Antecedens, debent esse indistantes physicè, nego, moraliter, concedo Antecedens, & nego Conseq. Ablutio enim, quæ tangit puerum, & verba, quæ proferuntur à Ministro, non sunt physicè indistantes, sed solùm moraliter: indistantia autem moralis debet esse talis, qualis requiritur, ut forma verè cadat supra materiam: cum autem in baptismo (idem de aliis similibus Sacramentis) non posset cadere forma supra materiam, si quando profertur forma, non apponeretur materia: forma enim dicit: *ego te baptizo*, sive *te abluo*, quod verum non esset, si tunc non ablueret: ea de causa non potest modo abluui, & intra aliquas horas proferri forma: tanta enim distantia non est sufficiens, ut in iudicio prudentum esset verum dicere, quod Minister proferens verba, tunc ablueret.

272. In Sacramento verò Pœnitentiæ contrà contingit: nam materia non apponitur à Ministro, sed à pœnitente, adeoque potest cadere forma supra materiam, quin tunc à Ministro apponatur, dummodò apposita fuerit à pœnitente, & perseveret moraliter, quod adeò notum est ex universa praxi Eccle-

clesiæ, ut non possim non mirari valdè Auctorem sic arguentem : Quis enim dubitat sæpe sæpiùs in Ecclesia Dei pœnitentes, qui de tota vita conficiunt confessiones generales, quandoque impendere unum, vel plures dies, & rectissimè cadere absolutionem supra omnia illa peccata confessa, cùm confessio tunc virtualiter perseveret, sitque verus verborum sensus, quando tunc Minister dicit : *Ego te absolvo*. Quænam ergo in hac re est paritas ex Baptismo ad pœnitentiam? Vide num. 66. de Sacramentis.

273. Objicies quartò ex Nuño, & Alvarez : Confessio sumpta pro expositione Sacramentali peccatorum, est actus personalis æquè, ac absolutio : ergo non potest per alium obiri, sed tantum à præsentè præsentì fieri. Respondeo, concedo Antecedens, & nego Consequentiam. Ratio est, quia sicut absolutio non potest dari ab alio, nisi à Sacerdote, ita confessio pœnitentis non potest fieri ab alio, nisi à pœnitente : sed quid indè? Quod modo quærimus valdè diversum est : quærimus enim, utrùm illa confessio facta à pœnitente, vel per litteras, vel per nutus, vel per signa possit per testes manifestari Sacer-

doti? quod certum esse dicimus ex praxi Ecclesiæ, ex definitionibus Conciliorum, & Pontificum. Nec video cohærentiam doctrinæ in adversariis, quandoquidem ipsi docent id, quod dicimus: docent enim prædicti Auctores sufficere expressionem doloris concepti de peccatis, & voluntatis ea confitendi, quæ est virtualis eorundem expositio, si in præsentia ægroti fiat Sacerdoti ab iis, qui adfuerunt, cum æger voluntatem suam aperuit. Quis, quæso, tam ineptus erit, ut non videat, verba prolata à testibus non esse actionem personalem infirmi, sive ea verba proferantur in absentia, sive in præsentia infirmi? Unde difficultas desumpta ab actione personali, si non fallor, voces continet, præterea nihil.

274. Objicies quintò ex Nuño, & Alvarez. Ex perpetuo usu Ecclesiæ confessio est secreta, fitque soli Sacerdoti: sed si fieret per litteras, internuncium, aut testes, neque esset secreta, neque fieret soli Sacerdoti: ergo, &c. Confirmatur à Nuño: quia Rex Castellæ Ildefonsus, cognomento sapiens, vetuit, confessionem per litteras, aut internuncium fieri: ergo non satis est ad absolutio-

nem.

nem. Respondeo: dist. Ma: soli Sacerdoti, idest ut absolvat solus Sacerdos, concedo, idest, ut sit invalida, si in alterius notitiam veniat, nego Ma: & dist. eodem modo Mi: nego Conseq. Aliter si quando adversarii confitebantur Sacerdoti sua peccata, alter audiret, confessio eo ipso esset nulla, quod est ridiculum. Quinimò nemo posset confiteri per interpretem, quamvis aliter se non posset explicare, quod inauditum est in Ecclesia Dei. Ad Confirmationem nego Conseq. quia Rex Castellæ Ildefonsus solum prohibuit, ne ministraretur integrum Sacramentum poenitentiae absenti, præcipiens, quod docebat Ecclesia. Caterùm in quem finem adducit Regem, si contrarium dixisset? An ne Rex Castellæ in mente adversarii erat Summus Ecclesiæ Pontifex?

275. Objicies sextò ex Coquetio, Gonetio, & recentioribus Thomistis: ista propositio: *Licet per litteras, seu internuncium Confessario absenti peccata Sacramentaliter confiteri, & ab eodem absente absolutionem obtinere*, condemnata est ad minus ut falsa, temeraria, & scandalosa à Clemente VIII. ex n. 232. ergo condemnata sunt utraque mem-

bra propositionis , quorum unum est, posse confessionem absenti fieri . Confirmatur primò ab Alvarez : Particula *est* in rigore sermonis sumitur complexivè , nisi ponatur ex parte subjecti , eique correspondeat verbum pluralis numeri : nam tunc sumitur divisivè , ut in ista : *tria , & quatuor sunt septem* : atqui in propositione damnata particula *&* non ita ponitur : ergo sumitur complexivè , & non divisivè , adeoque utraque propositionis pars manet damnata . Confirmatur secundò : si non maneret damnata utraque pars illius propositionis, nulla maneret damnata , cùm non sit potior ratio de una , quàm de alia : adeoque esset derisoria prohibitio pontificia : ergo , &c.

276. Respondeo : concedo Antecedens , & nego Conseq. quia ibi solùm condemnata fuit propositio contrà Auctores intendentes, posse integrum Sacramentum pœnitentiæ, confici inter absentes : non autem comprehensus fuit casus, de quo agebat S. Leo, Concilium Arausicanum , Rituale Pauli V. ex num. 250. Quod manifestè patet ex ipso Clemente VIII. id attestante , ut constat ex testibus omni exceptione maioribus , nimirum

Car-

Cardinali Bellarmino, & Archiepiscopo Armacano citatis num. 255. ex quo manifestè patet, eam propositionem in sensu à nobis exposito condemnatam fuisse, non quidem complexivè, sed divisivè ratione secundi membri, cùm absolutio absenti collata invalida sit: Imò nequit esse valida, quin validum foret Sacramentum: Si enim poenitens validè esset absolutus: poenitentiae Sacramentum esset validè confectum: cùm autem per eam prohibitionem hoc condemnatur, planè fit, condemnatam esse ratione secundi membri. Vide num. 279.

277. Ad primam Confirmationem, nego Ma: nam illa doctrina adversarii non solum est contrà bonos summulistas, verùm etiam contrà S. Scripturam, ut constat ex illo Marci 10. *Quicumque dimiserit uxorem suam, & aliam duxerit, adulterium commisit super eam,* ubi ly & non ponitur ex parte subjecti, aliter quàm in propositione damnata in decreto Clementis: nec ei conjunctioni à Marco adhibitæ correspondet verbum pluralis numeri, & tamen & sumitur complexivè; non divisivè. Certum quidem est, non esse adulterum illum, qui præcisè dimisit uxorem suam,

suam, nisi insuper aliam ducat, quâ committat adulterium, Undè evidens est, discursum Alvaris manifestè dissolvi ex scriptura.

278. Idem constat in hac propositione damnabili: *licet dare mutuum infideli, & aliquid ab eo ultrà sortem accipere*, ubi conjunctio & sumitur complexivè, ita ut secunda tantùm pars propositionis, si divisim sumatur, damnari debeat, & tamen conjunctioni & non correspondet verbum pluralis numeri, nec ponitur ex parte subjecti, sed nescit utramque enunciationem partialem respectu totalis copulatæ ex duabus integræ. Idem omninò est in decreto Clementis.

279. Ad secundam Confirmationem, nego Antecedens: nam pro damnatione secundæ partis habemus gravissima fundamenta adducta à num. 245. Quinimò cùm damnatum sit, quod integrum pœnitentiæ Sacramentum confici possit inter absentes, manifestè deducitur, condemnatum esse, absolutionem absenti datam esse validam, cùm non possit esse valida, cùm Sacramentum invalidum sit. Quæ ratio nequaquam militat in confessione: quando enim pœnitens

re-

rectè sua peccata confitetur, confessio illa valida est ante absolutionem, & tamen ante absolutionem non est validum Sacramentum. Quomodò ergo adversarii ex uno ad alterum damnatæ propositionis membrum, vel minimam invenire possunt umbram paritatis?

280. Objicies septimò ex iisdem. Doctrina Eximii Doctores explicantis damnationem à Clemente factam intelligendam esse complexivè, & non divisivè, prohibita fuit sub Paulo V. ex num. 242. ergo certum est, eam propositionem prohibitam esse, non complexivè, sed divisivè, hoc est quoad utrumque illius membrum. Respondeo: dist. Antecedens: prohibita fuit, secundum substantiam doctrinæ, ut à nobis expositæ, nego: ut conjunctæ cum periculo illius temporis, concedo Antecedens, & nego Conseq. quia ut constat ex num. 240. eo tempore periculum erat, ut per confessionem integrum acciperetur poenitentiae Sacramentum, quod periculum intendebat remove Paulus V. At illo periculo cessante, nulla in primo propositionis membro permansit prohibitio, ut constat ex ipso Paulo V. qui postea in suo
Ri-

Rituali eam primam partem propositionis toti Ecclesiæ proposuit, ex num. 256. tum ex Cardinali Bellarmino, atque Armacano, qui testes sunt omni exceptione majores.

281. Objicies octavò ex Nuño : Clemens VIII. vivæ vocis oraculo testatus est, *ut scit universalis Ecclesia*, declarationem peccatorum per litteras, aut internuncium referentem pœnitentis voluntatem, non esse sufficientem, ut Sacerdos adveniens conferat in præsentia absolutionem : ergo, &c. Respondeo, nego Antecedens : nam universalis Ecclesia oppositum scit, ut constat ex Rituali Pauli V. successoris Clementis, & ex ipso Clemente suam mentem declarante testibus num. superiori citatis.

282. Undè nisi nomine totius Ecclesiæ veniat solus unus, exprimendo figuratè totum pro parte, non apparet, qua verisimilitudine Auctor iste verba ea typis dederit. Scio non esse singulare, in his materiis, ut ab iis, quorum interest, multa referantur prodita vivæ vocis oraculo à Pontificibus, de quibus ipsi ne cogitaverunt quidem. Exempla quamplura signant P. Annatus in
qua-

quæstione historica de auxiliis subjecta operi de Scientia media, & P. Joannes Martinez de Ripalda tom.2. de Ente supernaturali, disput. 113. sect. 8. 11. & 13.

DISPUTATIO VI.

*An dari possit Sacramentum Pœnitentiæ
validum, & informe ?*

283. **P**LURA quæstionem hanc concernentia dedimus à num.463. de Virtute, ex quibus facile in præsentī controversiam istam decidemus. Pro majori autem claritate, scire oportet, Sacramentum validum, & informe tale dici, non quidē, quia careat forma intrinsecè ejus constitutivā (sic enim non esset validum); sed quia cū sit constitutum adæquatè in sua essentia, cum omnibus suis partibus essentialibus; illud tamen defectu dispositionis in subiecto, aut ratione obicis, non causat gratiam, quæ est effectus, & fructus Sacramenti, & forma Animam sanctificans. Sic potest quis suscipere cum actuali peccato Baptismum, Confirmationem, Ordinem, & tamen existet
tota

334 *Tractatus de Pœnitentia*
tota essentia Sacramenti, ex dictis num. 24.
de Baptismo: quærimus ergo in præsentî,
an etiam Pœnitentiæ Sacramentum possit
constare omnibus suis partibus essentialibus
à Christo institutis, quin gratiam conferat,
adeòque sic maneat informe.

S E C T I O I.

Resolvitur Controversia.

§. I.

284. **A**SSERO cum pluribus Nostreis.
Nullum est Sacramentum Pœni-
tentiæ validum, & informe. Ita Adrianus,
Medina, Gabriel, quos citat, & sequitur
Vazquez disputat. 92. de pœnitentia artic. 2.
Tum etiam Coninck, Fagundez, pluresque
alii, quos citat, & sequitur Arriaga dispu-
tat. 13. de Sacramentis in genere sect. 2. nu. 9.
Probatur primò. Si posset dari Sacramen-
tum Pœnitentiæ validum, & informe, vel
tale esset ex aliquo defectu se habente, ex
parte Ministri, vel ex parte pœnitentis: sed
ex neutro capite, id contingere potest: er-
go &c. Probatur Mi. Ex parte Ministri ha-
ben-

bentis facultatem absolvendi solùm requiritur, quod proferat formam cum intentione saltem faciendi, quod facit Ecclesia, ita ut si hoc modo se gerat, apponat quidquid necessarium est ad valorem, & fructum ex parte sui; Si autem deficiat, vel in ea intentione, vel in prolatione formæ, Sacramentum erit invalidum. Ex parte autem poenitentis solùm requiritur confessio eorum, quæ memoriæ occurrunt inculpatè facta, & contritio, prout præscindens à perfectâ, & imperfectâ, addendo dolorem de veniali, si hoc solum apponatur pro materia necessaria, iuxta dictâ à num. 486. de Virtute. Si enim aliquis accederet omisso culpabiliter examine, aut omiſsa contritione, Sacramentum esset nullum: Si autem nulla sit culpa, neque ex parte confessionis, neque ex parte contritionis, apponitur ex parte poenitentis quidquid requiritur non solùm ad valorem, sed etiam ad fructum: ergo &c.

285. Respondebis primò, cum aliquibus Doctoribus. Ex parte Ministri, posse dari Sacramentum Poenitentiae validum, & informe, casu, quo Confessarius poenitentem ex parte sui rectè dispositum vellet absolvere

tan-

tantum de uno peccato, & non de alio: Tunc enim in pœnitente daretur dolor de omnibus commiſſis, & eorum confeſſio; inſuper daretur vera abſolutio: nam confeſſarius proferret verba abſolutionis, cum intentione abſolvendi ab uno mortali, adeoque darentur omnes partes eſſentiales Sacramenti Pœnitentiæ. Ex alia parte Sacramentum illud eſſet informe, cum non cauſaret gratiam: etenim cum Sacerdos nollet abſolvere ab aliis peccatis, & gratia non conferatur, quin omnia remittantur, tunc non conferretur gratia. Contra tamen: quia vel ille Sacerdos haberet intentionem faciendi, quod facit Eccleſia prævalentem ſuæ particulari intentioni, vel non haberet intentionem faciendi, quod facit Eccleſia, niſi caſu, quo ipſe poſſet unum peccatum abſque alio remittere? Si primum: Sacramentum eſſet validum, & fructuoſum, ut conſtat in Hæretico baptizante, & non credente Trinitatem, ex numero 130. de Sacramentis. Si ſecundum: Sacramentum eſſet invalidum: ergo ex parte Miniſtri Sacramentum nunquam poteſt eſſe validum, quin gratia conferatur.

286. Reſpondebis ſecundò ex Lugo,
poſ-

posse ex parte pœnitentis dari Sacramentum validum, & informe: nam ad valorem sufficit dolor de peccatis, quæ memoriæ occurrunt, & pœnitens confitetur; ad fructum verò requiritur dolor etiam de peccatis oblitis, & quæ pœnitens non confitetur: exindè potest Sacramentum illud esse validum, & informe. Ratio ejus est, quia dolor, qui est pars Sacramenti pœnitentiæ, est ille, qui est sensibilis per confessionem, per quam solùm fit sensibilis dolor de peccatis, quæ confitentur: adeòque dolor de oblitis non requiritur ad valorem, sed ad fructum: ad eum modum, quo, si adultus susciperet Baptismum sine dolore sufficiente de mortalibus commissis, & postea in Sacramento pœnitentiæ reciperetur gratia, deberet habere dolorem de illis: dolor autem de peccatis ante Baptismum commissis non est pars Sacramenti Pœnitentiæ; adeòque non requiritur ad valorem, sed solùm ad fructum. Hæc est communis Doctorũ solutio, in qua plura invenio non modò falsa, verùm etiam minùs rectè examinata. Quapropter.

287. Contra primò. Dolor, qui est pars Sacramenti pœnitentiæ, non debet fieri sen-

De Pœnit. Pars II.

Y

sibi-

sibilis per confessionem nudè sumptam, sed ut ordinatam ad reconciliationem cum Deo: sed confessio quæcumque valida ordinata ad reconciliationem cum Deo significat dolorem necessarium ad remittenda omnia mortalia: ergo &c. Mi: & Conseq. tenent, & Ma: est evidens: etenim ille, qui nullum in particulari peccatum confitetur, ob instantem mortem; vel per sola signa petit absolutionem, certum est, manifestare satis suum dolorem: atqui non manifestat illum per ullum particulare peccatum, sed per eam confessionem ordinatam ad reconciliationem cum Deo: ergo &c. Contra secundò: dolor necessarius ad reconciliationem cum Deo se debet extendere ad omnia commissâ, non iterùm committenda, qui quidè̃m continetur in proposito non peccandi de cætero, dolorosè procedente, ex dictis num. 463. de Virtute, sine quo proposito Sacramentum est invalidum; adeòque est formalis dolor de illis, quæ memoriæ occurrunt, & virtualis de illis, quæ non occurrunt, quantumvis sint ante Baptismum commissâ, cùm dolorosè proponat ea iterùm non committere: ergo quæcumque confessio valida significans

cans dolorem sufficientem ad valorem, significat etiam dolorem sufficientem ad fructum Sacramenti : cum hoc tamen discrimine, quod si notassent, deposuissent æquivocationem, quâ laborant adversarii; nimirum, quod ad peccata ante Baptismum commissa se extendit ille dolor, quamvis pœnitens nolit illa examinare, cùm non sint materia confessionis, adeoque non adsit præceptum ea examinandi. Ad peccata verò post Baptismum commissa se extendit, tanquam ad materiam liberam, si aliàs sint jam ritè confessa, vel tanquam ad materiam necessariam, quam ex præcepto tenetur pœnitens examinare, & declarare Sacerdoti, si nondùm sint ritè confessa.

288. Probatur secundò Conclusio. Idem dolor, qui requiritur ad valorem Sacramenti, satis est ad illius fructum, idemque esto de confessione, & satisfactione, ut habet Tridentinum sess. 14. cap. 3. *Sunt autem quasi materia hujus Sacramenti ipsius pœnitentis actus, nempe contritio, confessio, & satisfactio, qui quatenus in pœnitente ad integritatem Sacramenti, ad plenam, & perfectam peccatorum remissionem, ex Dei institutione requiruntur,*

Y

2

bac

hac ratione Pœnitentiæ partes dicuntur: sed implicat, quod dolor, & reliqui actus pœnitentis, qui requiruntur ad Sacramenti valorem, sufficientes sint ad fructum ipsius Sacramenti, & quod simul ex parte Pœnitentis possit Sacramentum istud esse validum, & informe: ergo &c. Reliqua, quæ ad hanc rationem roborandam adduci possent, latè dedimus à num. 464. de Virtute.

289. Probatur tertiò. Forma absolutionis *absolvo te à peccatis* non potest esse valida, nisi gratiam conferat: ergo Sacramentum Pœnitentiæ nunquam potest esse validum, & informe. Probatur Antecedens: Non potest esse valida forma absolutionis, nisi Christi institutio cadat supra illam: sed institutio Christi non cadit supra illam, si gratiam non conferat: ergo &c. Probatur Mi: Institutio Christi non cadit supra verba, nisi ipsa habeant significationem impositam ab hominibus: atqui ea verba formæ non haberent significationem impositam ab hominibus, nisi gratiam conferrent: ergo &c. Consequentia tenet: Ma: autem est certa, & constat, ex dictis à num. 201. Mi: verò patet, quia hæc verba: *absolvo te à peccatis* secundum signi-

significationem, quam habent ab hominibus, significant Ministrum remittentem peccata : atqui Minister, si gratiam non conferat, peccata non remittit : ergo &c.

290. Respondebis primò : Rationem istam non tenere, quia in Sacramento Ordinis dicitur : *Accipite Spiritum Sanctum &c.* & tamen etiamsi quis in peccato accedat, & consequenter non accipiat Spiritum Sanctum, verba sunt vera, & validè confertur Sacramentum Ordinis. Quapropter poterit eodem modo absolutio esse vera, & valida in casu præsentis, licèt actu non remittatur peccatum.

291. Contra tamen primò. Si in Sacramento Ordinis per ea verba non conferretur Spiritus Sanctus, Sacramentum non esset validum, eo præcisè quòd ea verba non haberent significationem impositam ab hominibus : ergo responsio adversariorum pugnat contra ipsos. Probatur Antecedens : Duobus modis Spiritus Sanctus potest conferri : primum, quoad inhabitationem ipsius per gratiam in Anima : Secundò, quoad effectum recipiendi potestatem conficiendi Corpus Christi, & remittendi peccata, quæ pote-

itas specialiter Spiritui Sancto tribuitur: Sicut enim ea, quæ pertinent ad Omnipotentiam tribuuntur Patri, quæ ad Sapientiam Filio, quæ ad gratiam pertinent cuicumque conferendam, tribuuntur Spiritui Sancto: atqui, si Spiritus Sancti non conferretur in Sacramento Ordinis, neque quoad inhabitationem per gratiam in anima, neque quoad effectum recipiendi eas potestates, Sacramentum Ordinis esset invalidum: ergo &c.

292. Contra secundò: Receptio Spiritûs Sancti, quæ significatur per ea verba, est quoad potestatem remittendi peccata: dicitur enim: *Accipite Spiritum Sanctum, quorum remiseritis peccata &c.* Sed si Spiritus Sanctus ita significatus non reciperetur, Sacramentum Ordinis esset invalidum: ergo si remissio peccatorum significata per ista verba: *Ego te absolvo* non conferretur à Sacerdote, Sacramentum Pœnitentiæ esset invalidum: adeoque nunquam potest esse validum, & informe. Quomodò autem hæc verba intelligantur, quando peccata, quæ quis confitetur, sunt jam pridem remissa, constat ex dictis à num. 210.

293. Respondendis secundò. Verba Baptif-

ptismi significare primariò , & per se interior-
rem ablutionem per gratiam à peccato : Non
enim credendum est , Christum Dominum
solùm voluisse directè significare ablutio-
nem physicam : id enim esset quasi ridicu-
lum , & identicum . Quid enim esset neces-
sarium dicere , *ego te lavo exteriùs* , cùm id
ipsum clariùs ostendatur per ipsam ablutio-
nem . Vndè sensus solùm verborum : *Ego te
baptizo &c.* est iste : *Ego te abluo à macula
Originalis peccati , & aliorum , quæ contraxi-
sti* : id autem non est verum , quandò Bapti-
smus suscipitur in peccato , & tamen tunc Sa-
cramentum est validum . Idem ergo dicen-
dum est de illis verbis : *Ego te absolvo &c.*
Ne autem ea verba maneant sine sensu pro-
prio vero , explicari possunt : *Ego te absolvo ,
quantum est ex parte mea à peccatis tuis , & ego
te abluo quantum est ex parte mea ab Origina-
li &c.*

294. Contra tamen primò . Licèt illa
verba : *Ego te baptizo* , ex significatione à
Christo imposita significant ablutionem in-
ternam ; ex significatione tamen imposita ab
hominibus significant externam , quâ signi-
ficatione non posita , non cadit super ea ver-

ba significatio imposita à Christo: Si enim Minister diceret: *Ego te abluo*, & non ablueret, reverâ non baptizaret: atqui ista verba: *Ego te absolvo à peccatis*, significant remissionem peccatorum: ergo si Minister peccata non remittat, significatio Christi non cadet super ea verba; adeoque si gratiam non conferat, Sacramentum erit invalidum: undè nunquam poterit esse validum, & informe. Contra secundò. Verba absolutionis absoluta sunt, & non limitata ea limitatione *quantum est ex me*: hoc enim verba non dicunt, sed absolutè ait, *Ego te absolvo à peccatis*: ergo si absolutè non absolvat, non conficiet validum Sacramentum. Contra terriò. Licet Minister Baptismi diceret: *Quantum est ex me te abluo*, si reverâ non ablueret, non daretur validum Sacramentum Baptismi: ergo si Minister Pœnitentiæ dicat, *quantum est ex me te absolvo*, si reverâ non absolveret, non daretur verum Sacramentum Pœnitentiæ. Vndè instantia de Baptismo clarè pugnat contra adversarios.

295. Quapropter paritas de Baptismo nulla est: nam licèt intentum Christi fuerit hominem purgare à peccato, & abluere per

Ba-

Baptismum, sicut & in aliis Sacramentis conferre gratiam; id tamen verba formæ, prout est pars Sacramenti, non exprimunt: ergo absolute dicunt: *Ego te Baptizo in nomine Patris &c.* ideòque solum immediate significant, ablutionem illam fieri à Ministro in nomine Patris &c. quod ablutio ipsa per se non significat. Rursus, si ea verba significarent immediate, & directe eam interiorem ablutionem per gratiam, posset valide ita conferri Baptismus (quod nemo concedet): *Ego te abluo interius per gratiam à peccato Originali, & aliis peccatis, quæ commisti*, quia verba immutata, dum substantialem sensum non immutent, non invalidant Sacramentum, ex dictis num. 68. de Sacramentis.

296. Prætereà: aliud est abluere, & aliud est mundari: potest enim Æthiops ablui, & non mundari, & vestis ablui, & non mundari: potuit ergo anima ablui verè, & in re, & non mundari ab Originali: ergo in fictè baptizato poterit esse verum, quod abluitur, & verè ablui, ex qua ablutione remanet impressus character, & non mundari: arque adeò verba illa *ego te baptizo*, potuerunt esse

ve-

vera, & quod vera detur ablutio externa, & interna, quin tamen suscipiatur gratia; at verò verba absolutionis immediatè, & directè significant remissionem peccati: undè & posset validè conferri his verbis (etsi non licèt) *Remitto tibi peccata*, quæ non possunt remitti, nisi per infusionem gratiæ expellentem peccata: ergo verba non possunt esse vera, nisi infundatur gratia, & consequentè sine ejus infusione Sacramentum non est validum. Ex dictis

§. II.

297. Fit primò contrà Bernardum de Gammaco, Canum, & alios, non posse dari Sacramentum validum, & informe sine ullo, vel sine debito dolore, aut proposito, licèt defectus doloris inculpabiliter ignoretur, quia pœnitens existimat, se jam habere dolorem, quandò re ipsa non habet, neque satis est, ut intendebat Riccardus, quandò talis defectus, & ignorantia est mortaliter culpabilis, quamvis in eadem confessione se accuset de tali defectu. Ratio est: quia tunc non datur dolor, qui est pars essentialis Sacramenti Pœnitentiæ à Christo instituta, videlicèt

licet dolor, ac detestatio de peccato commisso cum proposito non peccandi de cætero: atqui deficiente parte essentiali à Christo instituta, non datur Sacramentum Pœnitentiæ validum: ergo, &c.

298. Fit secundò contrà Navarrum, Henriquez, Ledesma, & alios: non posse dari Sacramentum Pœnitentiæ validum, & informe, ob defectum intensivum doloris, sive defectum intensiōis. Ratio est, quia non est à Christo institutus dolor remissus pro valore, & intensus pro fructu: hoc enim gratis excogitatum est ab adversariis, & contrà definitiones Florentini, & Tridentini, ex quibus constat, sufficere, & ad valorem, & ad fructum ex parte doloris, actum, qui sit contritio à perfecta, & imperfecta præscindens, quin distinguat inter intensiōem, & remissionem: ergo, &c.

299. Fit tertio contrà Dianam, & alios: non posse esse informe Sacramentum Pœnitentiæ, eo quòd aliquis obliviscatur in confessione alicujus mortalis ob insufficiens examen, etiam mortalitèr culpabile. Ratio est, quia pœnitens accedendo ad absolutionem cum negligentia, vel oblivione mortaliter cul-

culpabili, mortaliter peccat in ipſa confeſſione, omittendo peccatum ex culpa ſua; ideòque non habet dolorem efficacem de omnibus ſuis peccatis, ſivè excludentem omnem voluntatem peccandi, qui requiritur à Tridentino ad valorem Sacramenti, & qualis non eſt ille, qui componitur cum actuali peccato mortali illius negligentia; tùm quia pœnitens, vel advertit malitiam illius ignorantia, aut oblivionis, vel non advertit? Si non advertit, ſaltem dubitando, vel formidando malitiam ejus ignorantia, non peccat mortaliter, & ſic non eſt iſte caſus, de quo loquimur: adeòque poteſt fieri Sacramentum formatum, vel nullum, juxta modum pœnitentis. Si autem advertit, & confitetur, ea non eſt confeſſio, ſed jaſtantia: quia confitetur peccatum abſque ejus dolore, & retractione, imò cum voluntate efficaci illius: ſi non confitetur, deficit formalis integritas confeſſionis; tacet enim peccatum, quod advertit: ergo, &c.

300. Fit quartò contrà Gaſparem Hurta-
do: non poſſe dari Sacramentum validum, &
informe ex defectu fidei, & ſpei, quandò
aliundè datur vera confeſſio, & contritio
præ-

præscindens à perfectâ, & imperfectâ. Ratio est, quia sine prælucentia fidei, ex parte intellectus, non prorumpit voluntas in detestationem supernaturalem peccatorum, neque unquam quis accedet ad confessionem, ut reconcilietur cum Deo, nisi cum spe veniæ. Quinimò, ut constat ex Tridentino, & latè diximus à num. 303. de virtute, attritio non est à Christo instituta pro constitutivo Sacramenti Pœnitentiæ, nisi quandò datur actus spei, sive spes veniæ, ad quam spem eliciendam prælucent fides: atqui absque attritione à Christo instituta non datur validum Sacramentum: ergo in casu adversarii nunquam potest esse Sacramentum Pœnitentiæ validum.

301. Fit quintò contrà Lugum, Dicastillo, Gobat, & alios: non posse esse Pœnitentiæ Sacramentum validum, & informe ex defectu doloris non se extendentis ad peccata invincibiliter oblita. Ratio est, quia dolor contritionis constitutivæ Sacramenti, non solum est formalis de illis peccatis, quæ memoriæ occurrunt, sed etiam virtualis de oblitis, quatenùs est propositum dolorosè procedens ex num. 467. de Virtute: ergo,
vel

vel dolor pœnitentis non est sufficiens ad valorem Sacramenti, vel si sufficiens sit ad valorem, sufficiet quoque ad fructum Sacramenti suscipiendum.

302. Fit sextò contrà Ioannem à S. Thoma: non posse dari Sacramentum Pœnitentiæ validum, & informe, ex defectu integritatis, ex ignorantia invincibili v. g. casu, quo quis in examine se negligenter gerat, putans invincibiliter, se satisfecisse examini, & postea confiteatur peccata, quæ meminit cum dolore universali, & proposito non peccandi de cætero. Ratio est: quia diligens examen necessarium non est necessitate mediæ ad justificationem, sed solùm necessitate præcepti ad confessionem integrè faciendam: ergo ex quocumque capite excusetur quis à culpa in defectu examinis, defectus iste non impedit gratiam, & remissionem peccati, si cætera necessaria ad valorem Sacramenti existant. Consequentia tenet, & Antecedens patet in moribundo non potente examinare conscientiam, & tamen apponente omnia necessaria necessitate Sacramenti. Quo in casu datur examen in voto, & confessio formaliter integra, quamvis non materialiter,
in

in qua omnia peccata includuntur ex dictis
num. 466. de Virtute.

S E C T I O II.

Solvuntur opposita.

§. I.

303. **O**BJICIES primò: qui commi-
sit duo peccata, & invincibiliter
oblitus unius, fatetur alterum, cum dolore
particulari ipsius, apponit quidquid requiri-
tur ad valorem Sacramenti: sed non appo-
nit quidquid requiritur ad fructum, cum
non remittatur sine retractione peccati obli-
ti: ergo in illo casu Sacramentum poterit es-
se validum, & informe. Confirmatur: bap-
tismus potest esse validus, & informis ex defe-
ctu doloris, & similiter alia Sacramenta cum
obice ad gratiam: ergo similiter Sacramen-
tum Pœnitentiæ. Respondeo: distin. Ma: si
non habeat cum illo dolore propositum non
peccandi de cætero, nego, si habeat, concedo
Ma: & dist. Mi. non apponit, si non adsit il-
lud propositum, conc. Mi. si adsit, nego Mi.
& Conf. Ratio est, quia ut constat ex num.

467. de

467. de Virtute propositum illud, utpotè dolorosè procedens, est dolor virtualis: Undè non solùm fatis est ad valorem, sed etiam ad fructum.

304. Si autem propositum illud deficiat, deficit pars essentialis Sacramenti, cùm contritio ad Sacramentum requisita includat tale propositum, ut constat ex Trid. sess. 14. cap. 4. adeòque Sacramentum erit invalidum. Undè nunquam erit validum, & informe. Ad Confirmationem: concedo Antecedens, & nego Conseq. Ratio est: quia dolor in aliis Sacramentis non est pars constitutiva Sacramenti, sed solùm dispositio ad gratiam: adeoque sine illo potest esse tota essentia Sacramenti. In Sacramento verò Pœnitentiæ dolor est pars constitutiva Sacramenti, adeòque nulla est paritas.

305. Objicies secundò: Si non posset dari Sacramentum Pœnitentiæ validum, & informe; maximè quia idem dolor requisitus ad fructum Sacramenti, requireretur etiam ad valorem: sed hoc est falsum: ergo &c. Probat Mi: Qui ex juxta causa tacet aliquod peccatum v. g. Homicidium, & confitetur alia, dolens de singulis propter speciales turpi-

pitudines, tunc dolor peccati commissi requiritur ad fructum Sacramenti, sed non ad essentiam ejus: ergo, &c. Probatur Mi. quia dolor, qui est materia Sacramenti, & spectat ad ejus essentiam, debet fieri sensibilis per confessionem: atqui per confessionem solus fit sensibilis dolor peccatorum, quæ quis confitetur, non autem dolor aliorum: ergo dolor aliorum, quæ tacet, non est pars Sacramenti, neque spectat ad ejus essentiam: adeoque etiamsi ille deficeret, maneret tota essentia Sacramenti.

306. Resp. conc: Ma: & ne: Mi. Ad prob. nego Mi. Ad probat. distin. Ma: debet fieri sensibilis per confessionem, nudè sumptam, nego, ut est ordinata ad reconciliationem cum Deo, concedo Ma: & distin. Mi. nego Conf. Ratio est, quia confessio nudè sumpta dolorem non significat: potest enim dari nuda declaratio peccatorum, sine dolore. Confessio autem, ut est ordinata ad reconciliationem cum Deo, significat dolorem requisitum ad essentiam Sacramenti, quem ex parte sua debet apponere peccator, ut eam reconciliationem obtineat: cùm autem ad eam reconciliationem non solum requirat

Christus Dominus dolorem de peccatis, quæ quis confitetur, sed etiam universalem se extendentem ad omnia commissa, etiam oblita invincibiliter, saltem ratione propositi universalis dolorosè procedentis, ut sæpè diximus, ea de causa per validam confessionem manet dolor ille significatus: quod velint, nolint, tenentur dicere adversarii, & omnes Catholici, ut patet in moribundo, qui nullum peccatum potest declarare, solùmque confitetur per signa: quæ confessio significat dolorem omnium peccatorum, non ex alio titulo, nisi quia est ordinata ad reconciliationem cum Deo.

§. II.

307. Objicies tertio, supponendo casum, quo adultus, postquam suscepit Baptismum validum, & informem, ob defectum inculpabilem doloris peccatorum mortalium, quæ commiserat, ideoque quin ista fuerint ei remissa; postea verò confiteatur peccata mortalia, vel solùm venialia commissa post Baptismum cum attritione istorum ob eorum specialem turpitudinem, v.g. in ratione furti non communi peccatis ante Baptismum, vel quia ista sunt commissa ab homine christia-

no

no cum proposito non peccandi , ob idem motivum malitiæ furti , vel reincidentiæ , vel peccati hominis christiani , & præterea habeat etiam dolorem de commisso ante Baptismum ob suam specialem turpitudinem . Quo posito , sic formatur argumentum . In hoc casu ad effectum remissionis peccati commissi post Baptismum requiritur in Sacramento Pœnitentiæ etiam dolor de commissis ante Baptismum , quia sine tali dolore non delerentur illa , & consequenter nullum : atqui ad valorem , & essentiam Sacramenti Pœnitentiæ non requireretur , nec spectare posset dolor de commissis ante Baptismum : ergo ad remissionem peccatorum per Sacramentum Pœnitentiæ requiritur aliquis dolor , qui non requiritur , tanquam pars , ad essentiam Sacramenti : adeoque sine illo Sacramentum esset validum , & informe , cum solo dolore de commissis post Baptismum , nec virtualiter se extendente ad commissis ante Baptismum . Probatur Minor , quia commissis ante Baptismum non possunt esse materia Sacramenti Pœnitentiæ : ergo neque eorum dolor . Hoc argumentum magni faciunt adversarii , at si advertissent , in-

veniffent jam ſolutionem in Tridentino. Quapropter.

308. *Reſpondeo: admiſſo caſu, conc. Ma: & ne: Mi: Ad prob. & conc. Ant. & ne: Conf. quia juxta Trident. n. 288. dolor, qui ex inſtitutione Chriſti requiritur ad fructũ hujus Sacramenti, eſt pars illius: in caſu autẽ propoſito dolor de commiſſis ante Baptiſmum requiritur ad fructum Sacramenti Pœnitentiæ; adeoque eſt pars hujus Sacramenti. Item in caſu propoſito requiritur propoſitum univerſale non peccandi de cætero doloroſè procedens, qui eſt dolor virtualis, non ſolũ de commiſſis poſt Baptiſmum, ſed etiam ante Baptiſmum, cùm debeat excludere omnem voluntatem conditionatam committendi ea peccata, quamvis homo baptizatus non eſſet; ſine cujus voluntatis conditionatæ excluſione, non excluderet illa contritio omnem voluntatem peccandi, quam excludere debet, ut definit Tridentinum ſeſs. 14. cap. 4.*

309. Unde dolor ille requiſitus ad valorem Sacramenti eſt virtualis dolor de omnibus commiſſis, quæ memoriæ non occurrunt, ſiue commiſſa ſint ante, ſive poſt Baptiſmum. Quapropter, quando adverſarii dicunt,

cunt, sufficere propositum non reincidenti, vel non committendi peccatum, quod denominet hominem christianum peccantem; simulque docent, dolorem illum non se extendere ad peccata ante Baptismum, vel ante illam confessionem commissam, manifestam implicantiam in terminis docent. Ratio est: quia illa contritio excludit omnem affectum peccaminosum ad peccata præterita; aliter non esset impossibilis cum omni voluntate peccandi: atqui est manifesta in terminis implicantia, dicere; quod excludit omnem affectum ad peccata præterita, & quod non se extendit ad illa: ergo implicatoria manifestè docent.

310. Undè licèt reincidere, vel committere peccatum post Baptismum, non sit primò committere peccatum, vel committere tempore infidelitatis; est tamen excludere affectum ad peccatum, quod commisit tempore infidelitatis, & tempore, quo non erat reincidentia, sed prima peccati commissio: Undè quæcumque apponatur conditio in motivo doloris, exponenda est, ut intelligatur, an dolor ille sufficiens sit ad valorem Sacramenti. Si enim illa conditio non tollit

rationem motivi universalis, adeoque neque quod affectus ille excludat omnia peccata, talis dolor erit sufficiens ad valorem, simulque ad fructum Sacramenti; si verò ea conditio tollat talem rationem motivi universalis, dolor elicitus, neque sufficiens erit ad fructum, neque ad valorem: adeoque ex eo capite omninò repugnat Sacramentum Pœnitentiæ validum, & informe.

311. Ratio autem Theologica pro adversariis, simulque pro nobis est, quia actus ille universalis non solum excludit peccata commissa, quæ fuerunt peccata reincidentiae, sed ea, quæ fuerunt primæ commissionis, sive quod idem est, non solum excludit peccata reincidentiae præsuppositivè, sed quæ essent reincidentiae constitutivè: cum autem sub hujusmodi reincidentia, non solum comprehendantur peccata post Baptismum, sed etiam ante Baptismum commissa, neque solum ea, in quæ quis relapsus fuit, sed etiam ea, in quæ lapsus fuit; ea de causa ejusmodi affectus universales excludunt omnem voluntatem peccandi, & sunt sufficientes non solum ad valorem, sed etiam ad fructum Sacramenti. Quod ulteriùs evidē-

denter demonstratur: nam si aliquis solum excluderet, & detestaretur sola peccata, in quæ relapsus fuit, non autem ea, quæ solum semel commisit, talis actus nequaquam excluderet omnem voluntatem peccandi, adeoque neque satis esset, juxta Tridentini doctrinam, ad valorem Sacramenti. Si autem eam voluntatem excludat, sufficiens est, & ad valorem, & ad fructum Sacramenti, sive ad Sacramentum validum, & formatum. Undè ex nullo titulo reperiri potest unquam Sacramentum Poenitentiae validum, & informe.

312. Objicies quartò: Quamvis Tridentinum de dolore dicat, esse partem hujus Sacramenti, quatenùs ex institutione divina ad integritatem Sacramenti, & peccatorum remissionem requiritur, adhuc tamen est dubium, an loquatur de parte essentiali, an de integrali: etenim de satisfactione Sacramentali idem dicit, & tamen non est pars essentialis, sed integralis, sine qua potest esse Sacramentum in tota sua essentia, & valore: ergo manebit etià locus in Trid. ut dicamus, dolorem de oblitis, aut de iis, de quibus est justa causa tacendi, scilicèt de commissis an-

te Baptismum, esse quidè̃m partem hujus Sacramenti, quatenùs ad remissionem culpæ gravium requiritur; non tamen esse partem essentialem, sed integram, sine qua potest esse tota essentia, & valor Sacramenti.

313. Respondeo: nego Antecedens, nimirum posse esse tale dubium: nam si semel admittatur, dolorem esse partem necessariam ad remissionem, necessariò debet concedi, esse partem essentialem Sacramenti, sine qua Sacramentum non possit esse validum. Ratio est: quia pars essentialiter requisita ad veritatem absolutionis est essentialiter requisita ad veritatem, sive ad valorem Sacramenti: cùm autem ea, quæ essentialiter requiritur ad remissionem, essentialiter requiratur ad veritatem absolutionis; requiritur etiam essentialiter ad valorem Sacramenti. Nulla autem est paritas de satisfactione: hæc enim ita est pars Sacramenti, ut nequaquam requiratur essentialiter ad remissionem, ut constat à num. 75. adeòque non est pars essentialis, sed integralis Sacramenti. Cæterum, ut hæc clariùs appareant, facile potest ostendi, quàm debile sit argumentum, & quan-

quantò magis pugnaret contrà adversarios ,
quàm contrà nos : nam si liceret arguere ex
cerebro nostro, non attendendo ad Tridenti-
ni doctrinam , & praxim Ecclesiæ , facilè
possemus contrà ipsos ita argumentum re-
torquere, nimirum: cur non erit locus in
Tridentino, ut dicamus, dolorem de pecca-
tis, quæ quis confitetur, esse quidè̃m partem,
quatenùs ad eorum remissionem requiritur;
non tamen esse essentialẽ, sed integram,
atque adeò sine ullo dolore poterit hoc Sa-
cramentum esse validum, licèt informè?
aut cur non idem poterit dici de confessione?
quæcumque enim ratio assignetur ab adver-
sariis est solutio argumenti, quod efformant
contrà nostram doctrinam.

super totius...

DISPUTATIO VII.

de satisfactione sacramentali.

De satisfactione Sacramentali.

super totius...

314. **S**ATISFACTIO Sacramentalis, quæ
-10 111 poenitentia dici solet vulgariter,
est executio poenæ à Confessario injectæ ob
peccata legitimè confessa. Vocatur autem Sa-
cramentalis satisfactio, quia licèt nō sit essen-
tia-

tialis; est tamen verè pars integralis Sacramenti ex dictis à numero 73. & 75. Quæritamen solet in præsentia circa hujus satisfactionis effectum, an ex opere operato causet aliquam gratiam actualem, aut habituales, an verò solam remissionem pœnæ temporalis: Prima Sententia affirmat non solum causare remissionem pœnæ, sed etiam gratiam actualem, & habituales. Ità Mart. Perez cum aliis, quos ipse citat quæst. 56. §. 2. ad 3. Secunda Sententia docet, non causare ex opere operato, nisi remissionem pœnæ temporalis: Ita cum communi DD. Lugo disp. 25. sect. 1. & Arriaga quæst. 47. sect. 1. Pro cuius decisione sit.

S E C T I O I.

De effectu Sacramentalis absolutionis.

§. I.

315. **A**SSERO primò cum communi Sententia: satisfactio Sacramentalis non causat gratiam habituales ex opere operato, nec actualem in ordine ad præservandum hominem à peccatis. Probatur primò

mò de gratia habituali : quia nullū habemus fundamentum ad tribuendum satisfactioni vim causativam gratiæ habitualis ex opere operato . Etenim Concilia , & PP. quotiēs de eā loquuntur , solūm declarant illius vim in ordine ad remissionem poenæ temporalis . Ad hoc autem non requiritur , quod infundat gratiam , ut constat in Indulgentiis , & Sacrificio Missæ mihi ab alio applicatæ , quæ sine infusione gratiæ remittunt poenam temporalem . Immò si ad hanc remissionem infusio gratiæ requireretur , sufficeret planè ea , quæ datur ex opere operantis , quandò satisfactio debito modo expletur : atqui in satisfactione non possumus admittere eam vim absque fundamento in Conciliis , & PP. ergo , &c.

316. Probaturs secunda pars de gratia actuali , quia neque ad hoc datur fundamentum ; maximè cū gratia actualis , & vis ad illam tempore opportuno accipendam fundetur in habituali , quæ intuitu Sacramenti confertur : atqui ex num. superiori satisfactio Sacramentalis non confert gratiam habitualement : ergo , &c. Quapropter , quandò in Tridentino sess. 14. cap. 8. dicitur , satisfactionem non solūm esse in vindictam

etiam peccatorum, seu ad extinguendam poenam debitam; sed etiam ad curationem, & medelam in futurum, hoc non ideò dicitur, quia illa ex opere operato det auxilium ad præservandum, aliàs non opus esset, quod Confessarius quæreret medicinalem poenitentiam, quæ ex se medicinalis esset: si enim vera esset opinio adversariorum, quæcumq; poenitentia ex se esset medicinalis. Undè ea Concilii verba significant, poenitentiam impendendam talem esse debere, ut ex se aliquo modo possit frænare peccatorem, ne in eadem pecata labatur. Quapropter gratiæ actuales præservantes non conferuntur ex vi satisfactionis, sed ex vi Sacramenti præcedentis; istud enim, sicut & alia Sacramenta, habet vim causandi in sua susceptione gratiam habitualement, & deindè tempore opportuno auxilia actualia, ut constat à num. 202. de Sacramentis.

317. Afferro secundò: satisfactio Sacramentalis ex opere operato remittit poenam aliquam temporalem. Probatur ex communi Ecclesiæ sensu, & ex Tridentino sess. 14. cap. 3. afferente, contritionem, confessionem, & satisfactionem esse partes materiales hujus

Sa-

Sacramenti, quatenus ad plenam, & perfectam peccatorum remissionem ex Dei institutione requiruntur: atqui satisfactio non requiritur ad remissionem peccati, quoad culpam; quandoquidem Sacramentum Pœnitentiæ validum, & formatum reperiri potest sine illa, ut constat à num. 75. ergo requiritur ad remissionem ejus, quoad pœnam. Confirmatur: si satisfactio haberet solum vim remittendi pœnam ex opere operantis, nihil amplius haberet, ut est pars integralis Sacramenti, quam quodcumq; aliud opus bonum in gratia elicitum: hoc enim ex opere operantis aliquid pœnæ tollit: sed satisfactio, eo quod sit imposita à Sacerdote, & sit pars Sacramenti, habet aliquam specialem vim ex institutione divina ad remittendam pœnam: aliter vera non esset doctrina citata Tridentini: ergo ex opere operato remittit pœnam. Exinde

318. Quæri potest in præsentī, an quælibet satisfactio imposita à Sacerdote tollat omnem reatum pœnæ debitæ pro peccatis ritè confessis? Certum est, si Sacerdos imponat pœnam, quam judicet multò minorem, quam qualitas peccatorum requirat, per

per eam non extingui reatum totius pœnæ temporalis debitæ . Quid autem dicendum eſſet , quando Sacerdos imponit Pœnitentiam ; quam prudenter judicat proportionatam peccatis confeſſis , licet re ipſa non ſit , tunc enim extinguet totum reatum pœnæ debitæ ? Negandum cenſeo cum Exim. Doctore , Vazquez, & communi Doctorum. Ratio eſt , quia ad cauſandos alios effectus Sacramentorum non ſufficit prudens æſtimatio Miniſtri . In his enim Miniſter non operatur ad ſuum arbitrium , ſed juxta Chriſti inſtitutionem . Sic ut abſolutio afferat gratiam , non ſufficit , quod Miniſter prudenter exiſtimet , pœnitentem eſſe rectè diſpoſitum : ſed requiritur , quod ſit rectè diſpoſitus: ergo &c. Confirmatur : Chriſtus Dominus non pro arbitrio , & judicio Sacerdotis , ſed pro ſua voluntate tantæ ſatiſfactioni tantam annexuit remiſſionem pœnæ , eo modo , quo in Sacramentis determinatè voluit , ut tanta Gratia , pro tanta pœnitentis diſpoſitione , conferretur : ergo judicium Sacerdotis non poteſt illam reddere æqualem , ſi reverâ in ſe æqualis non ſit .

319. Quapropter nullo modo credibile eſt,

est, ex iudicio Confessarii voluisse Christum pendere sufficientiam Sacramentalis satisfactionis, quoad æqualitatem cum debito poenæ: in cuius confirmationem plures possunt esse rationes. Etenim Confessarius ignorat primò quantitatem peccati in malitia. Secundò, quantitatem poenæ debitæ. Tertiò, proportionem, & æqualitatem satisfactionis Sacramentalis cum poenis debitis. Quartò, quantitatem contritionis: ex qua etenim poenitentia debita minuitur. Quintò, cum quanto dolore, & acerbitate poenitens expleturus sit poenitentiam: quò enim majori dolore expletur, eò major poena remittitur: ergo non potest esse Sacerdos bonus Judex de proportionem Poenitentiae cum debita poena. Ex dictis.

§. II.

320. Fit primò: Satisfactionem Sacramentalem non causare statim suum effectum; benè verò post collatam absolutionem. Undè si satisfactio impleatur ante absolutionem, non causabit suum effectum ex opere operato, quamvis poenitens sit in gratia. Ratio ex Lugo, Arriaga, & communi, est: quia
Sa-

Sacramentum non causat suum effectum ex opere operato; donec ponatur ejus forma, etsi materia jam posita sit: sed satisfactio ex se solum est pars materialis Sacramenti Pœnitentiæ: ergo debet per formam absolutionis informari, ut causet suum effectum. Confirmatur: remissio pœnæ temporalis per satisfactionem est effectus secundarius subsequens ex se remissionem culpæ per Sacramentum: sed Sacramentum non remittit ex se culpam, nisi ponatur absolutio ex se culpæ remissiva: ergo &c.

321. Fit secundò: cum communi sententia: satisfactionem impletam in statu peccati mortalis sufficere ad adimplendum præceptum à confessario impositum. Ratio est, quia ad alia præcepta adimplenda, v. g. jejunandi, audiendi Sacramentum, &c. non requiritur status gratiæ, sed sufficit ponere substantiam operis præcepti, ut communiter dicitur in tract. de Legibus: ergo idem erit de præcepto implendi pœnam. Confirmatur. Confessarius, sicut & Legislatores, tantum præcipit opus, non modum, nec finem operis præcepti: Finis enim Legis, juxta commune Theologorum proloquium, non cadit sub præ-

præcepto. Undè licèt Legislator præcipiat opus ob aliquem finem obtinendum, si subditus facit opus, licèt non obtineat finem, adimplet præceptum: ergo similiter, licèt Confessarius injungat opus satisfactorium ad finem remissionis poenæ temporalis, si poenitens faciat opus, adimplebit præceptum, licèt non obtineat eam remissionem. Advertendum tamen est, cum Arriaga, & Tannero, quod licèt alia præcepta adimpleantur per substantiam operis injuncti, etiamsi ea ponantur per actum internum malum; satisfactio tamen debet esse opus ex se bonum, elicitum per actum internum ex se bonum, licèt fiat in statu peccati. Ratio est: quia Concilia, & maximè Tridentinum sess. 14. cap. 8. ajunt, satisfactionem esse valdè à Scripturis commendatam, & consistere in operibus satisfactoriis, & moventibus Deum ad avertendum suam iram à nobis: ergo debet esse opus ex se bonum, & elicitum per bonum actum internum: aliter enim erit de se incapax, satisfaciendi, merendi remissionem poenæ, avertendi iram Divinam à nobis, adeoque & reviviscendi post peccatum ad hos effectus præstandos.

322. Fit tertio. Satisfactionem impletam in ſtatu peccati mortalis, non conferre pœnitenti ſuum effectum remiſſionis pœnæ, durante eo ſtatu. Ratio ex communi ſententia eſt, quia Deus homini inimico ſuo non facit gratiam aliquam, adhuc in ordine ad remiſſionem pœnæ debitæ pro peccatis jam remiſſis, quoad culpam. Undè, ſi pro illo applicetur Sacrificium Miſſæ, non remittitur illi pœna temporalis, talibus peccatis correfpondens: atqui pœnitentia impoſita in confeſſione non remittit ex opere operato pœnam temporalem, niſi ob favorem Chriſti Domini permutantis acerbas Purgatorii pœnas in levem illam pœnam, cui ad hunc effectum ipſe adjungit merita, & ſatisfactionem ſuæ Paſſionis: ergo, cùm Peccator indigniſſimus ſit iſto favore, durante eo ſtatu, non fit illi gratia remiſſionis, etiamſi Chriſtus potuiſſet id feciſſe, tam in hoc Sacramento, quàm in Miſſæ Sacrificio.

323. Fit quartò. Recedente peccato, Sacramentalem ſatisfactionem in ſtatu peccati impletam habere ſuum effectum remiſſionis pœnæ temporalis. Ratio eſt: quia talis pœnitentia

nitentia, & satisfactio, cùm sit pars integralis Sacramenti, atque adeò & opus Christi, ex dictis à num. 193. de Sacramentis, non videtur omninò esse opus mortuum, sed tantùm mortificatum; adeòque recedente obice, habebit suum effectum, ut contingit in aliis Sacramentis, quæ, si in peccato suscipiantur, causant deindè gratiam, recedente obice, & fictione. Et licèt ab hac regula excipiat Sacramentum Pœnitentiæ essentialiter sumptum, eo quòd non possit esse validum, & informe, ex num. 284. eò quòd vel dolor debet sufficere ad effectum Sacramenti, vel non sufficit ad valorem. At satisfactio Sacramentalis, cùm in sui adimpletione non requirat talem dolorem, nec statum gratiæ, poterit validè impleri, & sine fructu, qui postea obtinebitur vi satisfactionis præteritæ, cùm homo à peccato resurgit.

324. Fit quintò: nullum esse peccatum, ne quidèm veniale, satisfactionem implere in statu mortalis. Ratio est, quia status gratiæ requiritur ratione Sacramenti essentialiter sumpti, quod gratiam confert, & nomine Christi perficitur: adeòque dispositio gra-

tiæ requiritur ex parte pœnitentis, quando essentialiter perficiendum est Sacramentum; satisfactio verò, neque gratiam confert, neque est pars essentialis Sacramenti, sed solum integralis; ergo nulla est obligatio eam agendi in statu gratiæ. Confirmatur primò: confessio, & attritio sunt partes essentielles Sacramenti, & tamen licitè ponuntur ab homine existente in mortali, & antequàm per absolutionem constituatur in statu gratiæ; ergo etiam licitè in statu peccati poterit adimpleri satisfactio, quæ tamen est pars integralis. Confirmatur secundò ex praxi Fidelium: nam etsi alicui pro pœnitentia iungatur, ut singulis diebus recitet Rosarium, & singulis Hebdomadis die Veneris jejundet, nullus existimat, se ex hoc capite, vel venialiter peccare, quod toto anno non sit in gratia, ad eas pœnitentias adimplendas; ergo nullus supponit, hoc esse peccatum, adhuc leve. Videatur Lugo, Ariaga, Perez, & alii, cum Gobat tract. 7. num. 770. hæc latè prosequentes, & roborantes.

§. III.

325. *Objicies primò, contra Assertion-
es, & Illationes. Christus Dominus ita
potuit instituere poenitentiam Sacramenta-
lem, ut ex opere operato augeret gratiam
actualem, & habitualem, neque ejus adim-
pletio in peccato lethali sufficiens esset ad
implendum præceptum: ergo absque fun-
damento negatur talis vis augmentativa gra-
tiæ poenitentiae Sacramentali, & asseritur suf-
ficiens ejus adimplerio in peccato. Retor-
queo argumentum: Christus Dominus ita
potuit instituere satisfactionem Sacramenta-
lem, ut non augeret ex opere operato gra-
tiam actualem, ejusque adimplerio in lethali
sufficeret: ergo absque fundamento nega-
tur, ita non instituisse. Resp. deindè: conce-
do Antecedens, & nego Consequentiam, quia
in rebus hujusmodi pendentibus à Christi be-
neplacito, non debemus discurrere, ex eo
quod Christus potuit, sed ex eo quod vo-
luit. Quid autem voluerit, inferendum est
non quidem ex libito nostro, sed juxta do-
ctrinam Scripturæ, Conciliorum, aut PP.,
vel juxta praxim Ecclesiæ. Hæc autem As-*

sertiones nostras, & Illationes confirmant ex dictis; secùs autem assumptum adversariorum.

326. *Objicies secundò.* Si Pontifex dispenset in aliquo voto, vel impedimento, prudenter existimans sufficientem causam, valet dispensatio, etsi causa reverâ non sit sufficiens. Tùm etiam si concedat Indulgentiam, prudenter putans, causam esse sufficientem, etsi causa reverâ sufficiens non sit, valet Indulgentia, quæ si plenaria sit, remittit totam pœnam debitam, si parva sit, si magna, si vè conditio requisita à Pontifice impleatur cum magna devotione, si vè cum parva: ergo idem dicendum erit de satisfactione, quoad vim remittendi totam pœnam debitam pro peccatis, si Sacerdos judicet prudenter, satisfactionem eam esse sufficientem, etsi reverâ sufficiens non sit. *Resp. concedo Antecedens, & nego Consequentiam.* Disparitas est: quia in his rebus, quæ pendent à mera voluntate, & libera institutione Christi, non valet paritas ab vna ad aliam, quandò de una constat, ita voluisse Christum, & id non constat de alia.

327. In præsentì autem certum est, Pontificem

tificem, tanquam dispensatorem, posse Indulgentias concedere, & in votis dispensare: docet enim Univerſa Eccleſia, hanc Potestatem fuiſſe à Chriſto datam Pontifici, tanquam dispensatori immediato, in quo ſolùm requiritur, quod ſit prudens dispensator, & non diſſipator, ut ejus dispensatio ſit valida. Hanc autem potestatem datam fuiſſe cuilibet Confessario ſine fundamento dicitur: aliter quælibet prudens impositio pœnitentiæ eſſet quaſi Indulgentia Plenaria pœnitenti à Confessario cōceſſa; & ità Indulgentia Plenaria concedi ſolita contritis, & confectis ferè nunquam lucranda eſſet, eo quòd ſupponeretur remiſſa tota pœna temporalis per ſatisfactionem à Sacerdote impositam, quod dici non poteſt. Quapropter ex magna illa potestate reſidente in Pontifice, non inferitur, reſidere ſimilem potestatem in quolibet Confessario, ſed potiùs oppoſitum debet inferri, ut conſtat, ex dictis numero 318.

S E C T I O II.

*De Obligatione Confessarii ad injungendam
Pœnitentiam, & Pœnitentis ad ac-
ceptandam, & imple-*
dam.

§. I.

328. **A**S S E R O. Confessarius, per se lo-
quendo, tenetur sub gravi pœni-
tentiam justam injungere, & pœnitens eam
acceptare: Ita communis Theologorû contra
Scotum, Navarrum, & alios asserentes, pœ-
nitentem non habere obligationem acceptâ-
di, sed solum acceptatam pœnitentiam adim-
plendi; tùm etiam contra alios, quos impu-
gnat Lugo disp. 25. sect. 5. dicentes, nec habere
obligationem acceptâdi, nec acceptatam im-
plendi. Probatur primò Conclusio ex Triden-
tino sess. 14. cap. 8. dicente: *Debent ergo Sacerdo-*
tes Domini, quantum Spiritus, & Providentia
suggererit, pro qualitate criminum, & pœniten-
tium facultate, salutare, & convenientes satisfa-
ctiones injungere, ne, si fortè peccatis conniveant,
& indulgentius cum pœnitentibus agant, levissima
que-

quædam opera pro gravissimis delictis injungendo, alienorum peccatorum participes efficiantur.

Modò sic: Hæc verba, per se loquendo, gravem obligationem significant: peccatum quippè grave esset, Confessarium fieri participem peccatorum poenitentis, quin immò *ly debent* satis judicât Confessarii obligationem. Hæc autem obligatio Confessarii inanis esset, si poenitens non teneretur, neque acceptare, neque implere poenitentiam: ergo &c.

329. Probatur secundò. Confessarius in hoc Sacramento est Judex, & Medicus, ut constat ex Tridentino sess. 14. cap. 8., ubi loquens de satisfactione, quam imponit Confessarius, ait, *Medentur quoque peccatorum reliquiis*. Et ex Lateranen. in cap. omnis utriusque dicente: *Sacerdos autem sit discretus, & cautus, ut more periti Medici superinfundat vinum, & oleum vulneribus sauciato*: ergo, ut Judex, teneretur ex Justitia vindicativa æquitatem in poenis injungendis servare, pro gravitate, & qualitate criminum; ut Medicus autem curare vulnera poenitentis, ideòque sæpè obligatur adhibere poenitentiam præservativam ad medelam poenitentis contra aliquod

quod peccatum, in quod timetur relapsurus : sed non est minor obligatio pœnitentis , ad acceptandam justam pœnam à suo legitimo Superiore injunctam : ergo &c. Confirmatur . Magis est obligatus pœnitens ex præcepto Confessarii, quàm populus ex lege lata à Principe : sed populus tenetur ad acceptandam legem latam à Principe , quando justa non est causa excusationis , ut constat ex Alexandro VII. qui hanc 28. propositionem damnavit : *Populus non peccat; etiamsi, absque ulla causa, non recipiat legem à Principe promulgatam* : ergo &c. Ex dictis .

330. Fit primò : pœnitentiam à Confessario esse imponendam, per se loquendo, sub gravi, cùm Sacramentum istud per se sit Sacramentum mortuorum, adeòque per se tendat ad compēsandam materiam gravem: per accidens autem obligatio ista potest esse sub levi tam in Confessario ad injungendam pœnitentiam, quàm in pœnitente ad eam adimplendam . Ratio est : quia, ut benè notat Card. de Lugo disput. 25. sect. 4. sicut pœnitens non tenetur sub gravi adimplere pœnitentiam, quandò ea est levissima, eo quòd tunc levitèr solùm maneat imperfectum Sacra-

cra-

cramentum, neque ulla alia considerari possit imperfectio; nisi ipsa omissio poenitentiae, quae levis est; ita in Confessario nulla alia considerari potest omissio in eo casu; nisi levis: solùmque adest hoc discrimen, quòd Confessarius satisfacit suae obligationi, injungendo poenitentiam, quam acceptat poenitens; at poenitens non satisfacit solùm acceptando, sed ulteriùs tenetur implere, nisi per accidens excusetur ratione impotentiae, aut inculpabilis ignorantiae, ab ejus adimplentione. Unde quando, ex prudenti judicio Confessarii, solùm injungenda est poenitentia levis, dum non sit contemptus periculum, dumtaxat datur obligatio sub levi in Confessario ad eam imponendam, & in poenitente ad acceptandam, & implendam. Utrùm aliquando pro venialibus imponi possit poenitentia gravis? Affirmant Lugo, & Arriaga: negant alii cum Eximio Doctore disp. 38. sect. 7. num. 5. Cæterùm omnes fatentur, rarò pro venialibus imponi posse poenitentiam gravem, quia rarò erit justa; si verò justa fuerit, tenebitur poenitens ad eam sub gravi, si velit suscipere Sacramentum.

331. Fit secundo: quandoque per accidens

dens nullum esse peccatum, si Confessarius levissimam, aut nullam injungat pœnitentiam, v.g. quandò pœnitens nullam perficere potest ob ægritudinem, ut si inter confitendum sensum amisit, vel si jam integrè expiarit sua peccata, quod licèt sine revelatione Dei certò constare non possit, satis est, dùm moraliter certò constet, ut ait Petrus Soto lect. ult. de satisfactione. Itèm: quandò pœnitens indulgentiam plenariam mox est lucraturus, vel paulò antè lucratus est, nisi fortè egeat aliqua pœnitentia medicinali; vel si confiteretur, inquit Arriaga, ut martyrium subeat: nam cùm per martyrium extinguatur omne debitum pœnæ temporalis ex num. 4. de Baptismo, non est cur imponatur pœnitentia.

332. Fit tertio: Confessarium non posse imponere pœnitentiam sub consilio, sed debere eam imponere sub præcepto. Ratio est, quia obligationem imponendi pœnitentiam probat Trident. ses. 14. cap. 8. his verbis: *Nam claves Sacerdotum non ad solvendum dumtaxat, sed & ad ligandum confessos, etiam antiqui PP. & credunt, & docebant. Quibus verbis manifestè ostenditi, mpositionem*

pœni-

pœnitentiæ oriri ex potestate ligandi: atqui pœnitentia imposita per modum consilii non ligat pœnitentem, ergo quandò imponitur ex consilio, non est Sacramentalis pœnitentia. Qua de causa idem Tridentinum cit. 328. dicit, Sacerdotes debere injungere pœnitentiam, quæ verba non significant consilium, sed præceptum. Pœnitentia autem cùm sit pars integralis Sacramenti suscepti ab ipso pœnitente, sitq; præceptum personale, sicuti præceptum jejunandi, & audiendi Sacrum, ab eo ipso debet impleri, nec pro libito potest substituere alium, qui loco ipsius eam adimpleat. Qua de causa Alexander VII. damnavit 24. Septembris 1665. propositionem 15. quæ sic habebat: *Pœnitens propriâ auctoritate substituere sibi aliû potest, qui loco ipsius pœnitentiam adimpleat.*

§. II.

333. Fit quartò: circa pœnitentiæ quantitatem, debere Confessarium pro qualitate criminum, & pœnitentiû facultate, salutarem, & convenientem pœnitentiâ injungere, ut ait Trid. cit. nu. 328. Quapropter, ait post alios Card. de Lugo, peccat graviter Confessarius, si pro magnis peccatis imponat pœnitentiâ valdè exiguan,

guam, nisi causa aliqua intercedat minuendi pœnitentiam; adeoque omnibus pensatis taxari debet, quæ juxta prudens Confessarii judicium æqualis appareat. Cause autem, ob quas minui potest pœnitentia, variæ à variis assignantur. Prima: quando Confessarius credit, pœnitentem ob fragilitatem non adimplendum pœnitentiam, alias justam: nunquam enim debet imponere pœnitentiam, quam credit, pœnitentem ob fragilitatem non implendum. Ita Exim. Doct. Lessius, Coninck, Gobat, & alii. Secunda: quando minuendo pœnitentiam, allicitur pœnitens ad frequentiorē, utilemque confessionem. Ita Bonacina cum aliis disp. 5. quæst. 5. §. 3. puncto 2. Tertia: quando intervenit difficultas, v.g. in infirmis, quibus non valentibus exequi debitas, injunguntur leviores, nimirum, quod pronuncient aliquoties Sanctissima Nomina JESU, & MARIÆ, quod tundant aliquoties pectus, quod offerant suos labores, & vitam suo Creatori ter quotidie, quod jubeant dari eleemosynas, & quod si convalescerint, audiant tot sacra, &c.

334. Quarta: quando pœnitens est re ipsa valde contritus, & compunctus: nam
suo

fuò dolore multũ expunxit ex syllabo debitorum. Quinta: quondò novit, pœnitentem ex se solere præstare multa bona opera in satisfactionem suorum peccatorum. Sexta: quondò novit, pœnitentem esse lucratum, aut proximè lucraturum indulgentiam plenariam, quo casu non est imponenda, nisi pœnitentia medicinalis ad tollendas peccatorum reliquias, ex num. 331. Septima ex Navarro, & Diana: quondò Confessarius reflexè dicit, *quidquid boni egeris, & mali patienter sustinueris, sit tibi in remissionem peccatorum, &c.* quia valdè probabile est, ex vi eorum verborum cum intentione satisfactionis, elevari id, quod pœnitens benè agit, vel patienter sustinet. Undè, ut monet Diana 3. par. tract. 4. Resol. 82. non sunt ea verba facillè omitterenda. Octava: quondò Confessarius paratus est expiare suis pœnitentiis peccata pœnitentis: cujus rei exemplum narrant Turfelinus, & Daniel Bartholus in vita S. Francisci Xaverii lib. 2. num. 44. Monet autem accuratè Gobat num. 760. debere Confessarium præcavere, ne in his casibus pœnitens, ex levitate pœnitentiæ, censeat, se leviter peccasse, cùm tamen graviter deliquerit.

335. Fit quintò: circa pœnitentiæ qualitatē, debere Confessarium imponere pœnitentiam satisfactoriam, & medicinalem, quandò eâ opus sit: potest autem, ut docet communis sententia, in pœnitentiam injungere quævis opera bona meritoria. Ratio est, quia Tridentinum sess. 14. cap. 8. ita præscribit: *Habeant autem præ oculis, ut satisfactio, quam imponunt, non sit tantum ad novæ vitæ custodiam, & infirmitatis medicamentum, sed etiam ad præteritorum peccatorum vindictam, & castigationem.* Illa enim verba, *sed etiam*, utramque partem conjungunt, adeoque, & pœnitentiam satisfactoriam, & medicinalem. Rursus: eadem sess. 14. can. 13. ait. *Si quis dixerit, propeccatis, quoad pœnam temporalem, minimè Deo per Christi merita satisfieri pœnis ab eo inflictis, & patientèr toleratis, vel à Sacerdote injunctis, sed neque spontè susceptis, ut jejniis, orationibus, eleemosynis, vel aliis etiam pietatis operibus, atque ideò optimam pœnitentiam esse tantum novam vitam, anathema sit.* Quibus ex verbis constat, quævis opera bona meritoria, sive interna, vti conformitas cum voluntate Dei in laboribus,

bis, oratio, &c. sive externa, ut jejuni-
um, elemosyna, &c. esse opera satisfactoria: et-
enim, ut cum Lugo, & Ripalda notavit Mar-
tinus Perez disp. 55. sect. 4. nullum est de fa-
cto opus meritorium, quod non sit poenale
ob difficultatem, quæ vincenda est in exer-
citio talis operis contra inclinationem no-
stram nimis proclivem ad delectabilia, &
à bono averfam: atqui Sacerdos potest in
satisfactionem injungere quodvis opus poe-
nale: ergo, &c.

336. Fit sextò: poenitentem sub gravi te-
neri non solum ad substantiam, verum etiam
ad circumstantias implendas operi satisfacto-
rio injectas, quæ graves sint, vel notabili-
ter poenitentiam aggravantes. Ratio est, quia
tenetur sub gravi ad satisfactionem, quæ sa-
tisfactio, sive quæ poenalis graviter est: at-
qui illæ circumstantiæ notabiliter aggravan-
tes addunt poenitentiam gravem: ergo, &c.
Undè si præcipiat Confessarius recitare Ro-
sarium flexis genibus, vel jejunare in pane,
& aqua, tenetur poenitens sub gravi, quia ea
circumstantia aggravat poenitentiam. Si ve-
rò circumstantiæ leves sint, idest leviter so-
lum poenitentiam aggravantes; ut quod re-

citet Rosarium coràm tali imagine Virginis, tunc tenetur ad circumstantiam sub levi.

337. Fit septimò: teneri pœnitentem non differre satisfactionis adimpletionem per longum tempus, licèt Confessarius terminum non præfigat. Quod si præfigat, tenetur sub gravi non differre notabiliter ultrà illud tempus adimpletionem. Ratio est, quia, quandò Confessarius terminum non præfigit, ex communi fidelium persuasione censetur, solùm adesse obligationem, ut fiat quandò commodè possit, ita, ut in prudentum judicio gravis dilatio non censeatur: Id enim postulat, ait Card. de Lugo, medicinæ, aut justæ sententiæ titulus, quam satisfactio præsefert. Quandò verò Confessarius præscribit tempus, ad id pœnitens obligatur, cùm jam determinatio à sola præsumptione non pendeat, sed à superioris præcepto, adeoque si ultrà hoc tempus notabiliter differatur, erit peccatum grave. Cæterùm quia pœnitentia non est onus temporis, sed onus, quod differri non potest ultra tale tempus: est enim onus ad gravem integritatem Sacramenti, si pœnitentia sit gravis; vel ad levem si sit levis, adeoque transacto tempore, non ideo

ideo transit onus obligationis. Undè non manet exindè deobligatus, sed debet illam implere, ut de præcepto annuæ confessionis diximus à num. 35. eadem enim ubique ratio militat. Quinimò, ut benè notavit Martinus Perez disput. 57: sect. 3. quamvis non possit poenitens implere circumstantias, tenetur implere substantiam, si possit, cùm semper maneat titulus obligationis, nec prudenter præsumi possit aliter de mente Confessarii. Undè tenetur recitare v. g. Rosarium, etsi non possit flexis genibus coràm tali Imagine.

338. Fit octavò : poenitentem omninò oblitum poenitentiae impositae non teneri quidquam aliud loco illius substituere. Ratio est, quia ut constat ex num. 332. poenitentia sacramentalis descendit ex potestate ligandi, quam Confessarius habet supra peccata, de quibus judicat in judicio sacramentali, quam vim non habet opus, quod poenitens substitueret; adeoque, neque vim ullam habet ex opere operato. Unde sufficiet, confiteri oblivionem culpabilem, quin opus sit repetere confessionem, ut nova poenitentia imponatur, cùm non teneatur bis

sua peccata confiteri. Quod si statim post confessionem obliviscatur pœnitentiæ, & existimet, Confessarium esse illius memorem, tenetur eum adire, aut consulere, ut in memoriam revocet. At si nec adire, nec consulere possit, non tenetur quidquam aliud substituere. Quinimò plures docent cum Gobat num. 769. quod si pœnitens consulat Confessarium, & hic nec pœnitentiæ; nec peccatorum sit memor, caret potestate injungendi aliam, quia jam expiravit ejus vis coactiva supra pœnitentem, nec illius iudicium moraliter perseverat. Vide num. 340.

339. Fit nonò, cum communi Theologorum, contrà Dianam, Navarrum, & alios: pœnitentem, nec licitè, nec validè posse sibi commutare pœnitentiam in aliud opus, etiam evidenter melius, & excellentius. Ratio est, quia ex num. 332. pœnitentia Sacramentalis descendit ex potestate ligandi in iudicio Sacramentali, & ità habet valorem ex opere operato, estque à Superiore legitimo præcepta, & pars integralis Sacramenti: sed hæc habere non potest, si ab ipso pœnitente commutetur. Quinimò inferior non habet potestatem ad commutandum præceptum su-

pe-

perioris; aliter posset quisque in die festo commutare sibi auditionem Sacri in communionem, quæ evidentè melior est: ergo, &c. Quapropter si pœnitentia imposita sit propter peccata reservata, non poterit commutari à Confessario, non habente jurisdictionem in reservata, ut contra Vazquez, & alios docent communiter Doctores, quia inferior non potest commutare legem à Superiore impositam, adeoque, neque pœnitentiam correspondentem peccatis, de quibus ipse judicare non poterat. Quinimò neque ullus alius Confessarius habens jurisdictionem, distinctus ab illo, qui pœnitentiam injunxit, potest illam commutare, nisi intrâ confessionem, & auditis peccatis, ob quæ imposita est, saltem in communi, ut possit formare judicium de illis, v. g. si dicat pœnitens, fuisse similia istis, quæ modò confitetur, aut quæ commisit alter, de quo confessarius habet notitiam, vel quid simile. Ratio est, quia Confessarius dumtaxat in sacramentali confessione, & auditâ causâ potest exercere potestatem clavium: ergo & imponere, sive pœnitentiam commutare. Exindè

340. Fit decimò: non posse eundem Con-

Bb 3

fes-

fessarium , qui pœnitentiam imposuit , illam commutare, nisi intrâ confessionem moraliter perseverantem , & nonnisi habitâ memoriâ saltèm confusâ peccatorum . Ratio est , quia Judex non potest sententiam ferre incognitâ causâ : commutatio autem pœnitentiæ est judicium revisivum , & lenitivum prioris sententiæ , adeoque requirit notitiam causæ sufficientem ad judicandum . Rursus: potestas ligandi , à qua satisfactio sacramentalis descendit, non potest exerceri, nisi in judicio . At quia judicium , quoad pœnitentiam imponendam, consideratur, non solum , ut physicè , sed & ut moraliter perseverans , juxta communem sensum Theologorum , tandiù poterit Sacerdos , qui confessionem audit , & judicium exercuit , pœnitentiam commutare , quandiù moraliter duret , ut Judex , adeoque moraliter duret confessio . Quantum autem comprehēdat temporis hæc moralis perseverantia , valdè incertum est apud Authores , adeoque ex solo prudenti judicio taxari potest, considerato toto eo tempore , quo confessio duravit , & aliis similibus : solet enim quandòque fieri per plures dies generalis confessio . Exindè aliqui docent,

cent, eam perseverantiam se extendere ad longum tempus; alii, nonnisi ad breve; Alii, ad dimidiam horam; alii, ad integrum diem; alii ad triduum. Tandem Vazquez, & Lugo extendūt eam durationem ad totum illud tempus, quo Confessarius recordetur confessionis, vel status poenitentis.

441 Fit undecimò: quandò peccata reservata non erant Superiori Confessario, quemlibet Confessarium posse intrā confessionem commutare poenitentiam ab alio Confessario impositam, cognitā tamen causā, sive peccatis, ob quæ imposita est: Ratio ex communi Theologorum est, quia in eo casu secundus Confessarius succedit primo in eodem judicio, cum eadem jurisdictione, & potestate: ergo sicut primus Confessarius cognitā causā poterat in sacramentali judicio poenitentiam commutare; itā etiam secundus: quamvis enim secundus non possit eam commutare in judicio suo moraliter perseverante, cū perseverare non possit judicium suum, quod, ut supponimus, nunquam extitit; at potest judicium instituere cum æquali auctoritate, ac institutum fuit à primo. Sic Summus Pontifex mutare potest præcepta

sui prædecessoris, & Episcopus sui prædecessoris Episcopi .

S E C T I O . III.

Solvuntur opposita .

342. **O** J I C I E S primò: licitè potest homo non satisfacere in hac vita pro pœna temporali, sed relinquere totam illam luendam in Purgatorio: ergo licitè potest non adimplere satisfactionem Sacramentalem, sive gravem, sive levem, quæ ad illud debitum extinguendum ordinatur. Respondeo, dist. Antecedens: licitè potest, dùm non tenetur ad hoc Sacramentum, omitto, dùm tenetur, nego Antecedens, & Conseq. Ratio est, quia dùm tenetur ad Sacramentum; tenetur etiam ad omnia onera Sacramento necessaria: sed licèt independēter ab hoc Sacramento nō teneatur sua peccata alteri manifestare, tenetur ea manifestare Cōfessario, quandò tenetur suscipere hoc Sacramentum. Sic etiam licèt non teneretur adimplere pœnitentiam, quam in hac vita solveret pro debito pœnæ temporalis, independenter ab institutione hujus Sacra-

ramenti, tenetur ad eam solutionem ex natura, & obligatione habita in susceptione Sacramenti.

343 Objicies secundò : Pœnitens non tenetur ad pœnitentiam; quæ se sola sit æqualis satisfactio ad totum debitum extinguendum : ergo neque ad pœnitentiam, quæ se sola sit sufficiens ad extinguendam partem debiti. Respondeo cum Card. de Lugo disp. 25. sect. 5. num. 73. concedo Antecedens, & nego Conseq. quia pœnitens solùm tenetur ad pœnitentiam justam, & rationabilem, secùs ad irrationabilem. Suppositâ autem fragilitate hominum, & consuetudine rationabili, quæ propter illam fragilitatem jam est introducta, non esset rationalis talis pœnitentia. Quinimò Confessarius non debet excedere limites suæ potestatis, ne præceptum utpotè injustum ad nihil obliget. Satisfactio autem sacramentalis non solùm habet valorem ex opere operantis, sed ex opere operato ex num. 317. ; ideoque ut justa sit, non debet esse tanta, ut independenter à Sacramento maneret æqualis debito poenæ temporalis. Qua de causa juxtâ prudens Confessarii judicium, omnibus pensatis,
in-

injungenda est pœnitentia conveniens, ut habet Trid. cit. num. 328. ad quam tenetur ex præcepto pœnitens.

344. Objicies tertio: Vovens potest propria auctoritate commutare sibi votum in rem evidenter meliorem: ergo & pœnitens pœnitentiam adjunctam, adeoque neq; Confessarius obligare potest sub præcepto, neque pœnitens tenebitur adimplere pœnitentiam ab illo assignatam. Resp. omitto Antecedens, quod non semper est verum, & nego Conseq. Ratio est, quia obligatio voti nascitur ex propria voluntate voventis, se ipsum obligantis ad opus, quod credit Deo gratum: Dùm autem de divina voluntate contraria non constat, semper debet præsumere, Deo gratius futurum, quod in se melius est, ideoque potest mutare rem, quam vovit, in aliam evidenter meliorem. At obligatio præsens sacramentalis nascitur ex aliena voluntate Superioris obligantis declarata, & determinata, quam non potest mutare subditus, ut manifestum est in aliis præceptis. Undè in præceptis non potest attendere subditus, quid in re sit melius, sed quid Superior præceperit.

345. Objicies quarto: instando simul solu-

lutionem. Confessarius injungit poenitentiam ad finem satisfaciendi Deo : ergo si aliud opus evidenter sit magis satisfactorium poterit substitui à poenitente loco poenitentiae. Retorqueo Argumentum : Ecclesia præcipit audire Sacrum diebus Festis ad finem colendi Deum : ergo si aliud opus est evidenter melius ad hunc finem, poterit substitui à fidelibus loco auditionis Sacri. Respondeo deinde, dist. Antecedens : ad finem satisfaciendi pro libito suo, nego ; obediendo, conc. Anteced. & nego Conf. Quinimò præceptum poenitentiae non solum imponitur, ut poenitens utcumque satisfaciat, sed ut satisfaciat integrando Sacramentum, quod integrari non potest per opus ab eo substitutum, sed per illud, quod à Confessario præscriptum est ex num. 339.

346. Objicies quintò : Si quis post injunctam poenitentiam plenè satisfaceret Deo pro peccatis, per aliud opus magis satisfactorium ; idque poenitenti per Dei revelationem constaret, jam non opus esset peragere poenitentiam injunctam : ergo potest poenitens propria auctoritate substituere sibi opus illud loco poenitentiae. Respondeo: nego An-

te-

tecedens: quia licet opus non eſſet pœnitentia ad effectum ſatisfaciendi, eſſet tamen opus ad finem integrandi Sacramentum, quod ab initio ſuæ exiſtentiae non fuit integrum: tunc enim opus erat pœnitentia ad plenam, & perfectam peccatorum remiſſionem. Sacramentum autem, quod ſemel non eſt integrum, ex defectu partis integralis, nunquam integratur, niſi poſita parte integrali; illud verò opus magis ſatisfactorium, cum non deſcendat à poteſtate ligandi, nequit eſſe pars integralis Sacramenti. Unde quamvis poſito eo opere jam non ſit neceſſaria pœnitentia ad plenam, & perfectam remiſſionem peccatorum, ſatis eſt, quod fuerit neceſſaria, quando conficiebatur Sacramentum, ad ejus integritatem, & ex eo quod fuerit injecta à Confefſario. Quamobrem adhuc in eo caſu teneretur pœnitens ſub præcepto ad pœnitentiam implendam.

347. Objicies ſextò, inſtando ſimul ſolutionem: ſi ex obligatione integrandi Sacramentum teneretur pœnitens adimplere pœnitentiam, nunquam poſſet commutari ab alio Sacerdote: atqui ex num. 340. poteſt commutari: ergo, &c. Probatur Major:

Con-

Confessarius non habet facultatem ad faciendum, ne primum Sacramentum maneat mutilum, mancum, & non integrum: atqui si poenitentia in alia confessione commutaretur, quamvis esset pars illius novi Sacramenti, non esset pars Sacramenti primò suscepti, adeoque istud maneret non integrum: ergo, &c. Respondeo, nego Major: Ad probationem, conc.Ma: & nego Mi. quia Sacramentum non est totum physicum, sed morale, adeoque ut satisfactio aliqua sit pars integralis, sufficit moralis designatio à Ministro legitimo, quæ eadem potest esse respectu utriusque Sacramenti. Sicuti quando Sacerdos consecrat duas hostias, eadem verba sunt pars moralis essentialis Sacramenti sub utraque hostia contenti; ita etiam secundus Confessarius conficiens secundum poenitentiae Sacramentum consulit integritati istius secundi, & alterius primi, quod licet confectum omninò sit, quoad essentialia; adeoque quoad hæc independens omninò sit à secundo Confessario, non est completum, quoad integralia; adeoque & potens est, ex praxi Ecclesiæ, & ex auctoritate secundi Confessarii integraliter compleri, quam

quàm optimè proindè potest, vel assignare eandem pœnitentiam, tanquam partem utriusque Sacramenti integram, vel assignare unam pro integritate primi, & alteram pro integritate secundi Sacramenti.

348. Objicies septimò: instando iterùm solutionem. Non potest par in parem exercere jurisdictionem: atqui si secundus Confessarius posset commutare pœnitentiam à primo sibi æquali injunctam, par in parem exerceret jurisdictionem: ergo &c. Confirmatur. Appellatio non est apponenda coràm æquali, sed coràm Superiore: atqui si pœnitens adiret secundum Confessarium, ut pœnitentiam commutaret, apponeret appellationem coràm æquali, & non coràm superiore: ergo &c. Resp. concedo Ma: & nego Mi: quia secundus Confessarius non exercet jurisdictionem in primum Confessarium sibi æqualem, sed suprà pœnitentem sibi subditum. Sic Pontifex mutans legem prædecessoris non exercet jurisdictionem in prædecessorem, sed in subditos. Ad Confirmat. concedo Ma: & nego Mi: quia hæc non est appellatio, sed recursus, per modum revisionis, ad æqualem judicem, & æquale Tribunal; sive ad

ad idem moraliter Tribunal. Si autem esset appellatio, neque ad primum Confessarium posset recurrere. Sicut ergo potest recurrere ad primum, non quidem per modum appellationis, sed per modum revisionis ejusdem sententiæ; ita etiam potest recurrere ad secundum.

349. *Objicies octavò.* Si poenitens posset recurrere, per modum revisionis, ad secundum Confessarium; posset etiam adire ipsum, licet peccata fuissent prius reservata: sed in eo casu recurrere non potest, ex nu. 339. ergo in nullo. Probat *Ma:* illa peccata, semel absoluta à superiore, jam non manent reservata: ergo jurisdictionem in illa habet Confessarius inferior, adeoque posset poenitens ad illum recurrere. Confirmatur. Si superior commutet votum reservatum in materiam non reservatam, poterit inferior commutare hanc secundam materiam: ergo idem erit in nostro casu. Resp. nego *Ma.* ad probat. distin. Antecedens: non manent reservata, quoad effectus pendentes à reservatione, quam habebant, nego: quoad effectus independentes, concedo Antecedens, & nego Conseq. Ratio est, quia sententia superioris, quoad

ad peccata pendebat à reservatione, adeoque & revisio illius sententiæ; cùm esse debeat saltem ab æquali iudice, requirit jurisdictionem se extendentem ad reservationem.

350. Ad Confirmat. concedo Antecedens, & nego Conseq. quia ad commutandam materiam non reservatam, opus non est examinare, aut revidere superioris iudicium, sed supponere facultatem ab ipso concessam: commutatio enim illa non est præceptum à superiore impositum, sed est facultas data subdito, ut circà illam materiam se possit gerere, tanquam circà materiam non reservatam; at pœnitentia propter reservata non confert facultatem, sed est obligatoria ex iudicio, & præcepto superioris, quod præceptum nequit commutari ab inferiori, neque illud iudicium ab inferiori jurisdictione examinari valet, aut revideri. Si autem superior commutaret votum reservatum, non quidèm conferendo hanc facultatem, sed præcipiendo, ut subditus circà illam assignatam materiam se exerceret, nequaquam posset in eo casu ab inferiori commutari.

DISPUTATIO VIII.

De Ministri Muneribus, & Obligatione.

351. **P**RINCIPIA generalia ad praxim pertinentia circà rectam Sacramentorum administrationem, ex quibus peculiares resolutiones in hoc, & reliquis Sacramentis, inferendæ sunt, latè dedi in tract. de Sacramentis in genere, à num. 298. usque ad 377. qua de causa, ne actum agamus, opus non est in præsentia ea iterùm repetere. Notare autem oportet octo præcipuè propositiones, nimirùm à 58. usque ad 65. ab Innocentio XI. damnatas, quæ ex principiis ibi præjactis exponendæ sunt, ut statim dicemus.

S E C T I O I.

De Ministro Sacramenti Pœnitentie.

§. I.

352. **A**SSERO primò: Minister Sacramenti pœnitentiæ est Sacerdos
De Pœnit. Pars II. C c præ-

præditus potestate expedita ligandi ; atque absolvendi in foro sacramentali , sive potestate expedita ad absolvendum sacramentaliter poenitentem . Probatur , & explicatur simul Conclusio . Sacerdos in sua Ordinatione recipit potestatem ad absolvendum , sine qua esse nequit Minister hujus Sacramenti : datur enim ea potestas per ea Episcopi verba : *Accipite Spiritum Sanctum , quorum remiseritis peccata , &c.* ut diximus à n.2. Insuper : cum ea potestas exerceri non possit , nisi in subditum , & Sacerdos validè , & licitè suam exerceat potestatem , eget jurisdictione ; sive ordinaria , qualem habent alii Confessarii . Rursus : ut ille , qui potestate , & jurisdictione præditus est , possit cum illis validè operari , necesse est , ut non habeat impedimentum , quo earum effectus invalidetur , sive jurisdictio suspendatur , vel auferatur : Canonicum autem hujusmodi impedimentum est defectus approbationis pro confessione Sæcularium ; adeoque , ut Confessarius possit eos validè absolvere cū legitima jurisdictione , eget approbatione . Undè ut aliquis ita sit expeditus ad ministrandum Sacramentum Pœnitentiæ , sive ut sit Minister , debet ha-

habere potestatem, jurisdictionem, & approbationem: hoc autem idem est, ac esse Sacerdotem præditum potestate expedita ligandi, atque solvendi in foro sacramentali: ergo, &c.

353. Confirmatur ex Tridentino hæc omnia exigente ad valorem absolutionis in Ministro Sacramenti poenitentiae. Quod enim, ut habeat potestatem, debeat esse Sacerdos, constat ex ses. 14. cap. 6. ubi hæc habet: *Circa Ministerium autem hujus Sacramenti declarat Sancta Synodus, falsas esse, & à veritate Evangelii pœnitùs alienas doctrinas omnes, quæ ad alios quosvis homines præter Episcopos, & Sacerdotes clavium Ministerium perniciosè extendunt. Quod autem debeat habere jurisdictionem, constat ex eadem ses. 14. cap. 7. ubi hæc habet. Quoniam igitur natura, & ratio judicii illud exposcit, ut sententia in subditos dumtaxat feratur, persuasum semper in Ecclesia Dei fuit, & verissimum esse Synodus hæc confirmat, nullius momenti absolutionem eam esse debere, quam Sacerdos in eum profert, in quem ordinariam, aut subdelegatam non habet jurisdictionem.*

dè unusquisque scire debet , qualem concessam habeat facultatem , scù jurisdictionem , & quomodò; nam possunt esse plures casus reservati , ad quos confessarii jurisdictionis non se extendat : ex consuetudine enim Cardinales, sibi, & domesticis eligere possunt Confessarium; Reges etiam sibi; at privilegium non extenditur ad familiam , sicuti , & domestici Pontificis . Verùm ille , qui eligitur , debet esse approbatus ab Ordinario , ut bene Lugo disp. 21. sect. i. num. 3.

357. Tùm etiam ex consuetudine, Regulares peregrinantes , ex præsumpta voluntate Superiorum , si ordinis socium non habeant , à quocumque Confessario etiam sæculari absolvuntur , exceptis reservatis , in quæ, si extra domicilium inciderint, non potest Confessarius , nisi juxtà tenorem suorum privilegiorum , absolutionem impendere . In aliquibus Religionibus conceditur Confessario etiam sæculari facultas , ut eos ità peregrinantes absolvat , cum onere , ut postea se sistant suo Superiori . Videatur Lugo disp. 15. sect. 6. & disp. 20. Quin immò , ut habent Suarius , Diana , & alii quem plures cum Lugo disp. 19. quandò communis est er-

ror

ror, cum titulo putativo à legitimo Superiore collato, Ecclesia dat jurisdictionem propter publicam utilitatem : adeoque si aliquis simplex Sacerdos communi errore putaretur Parochus à legitimo Superiore institutus , cum re ipsa non esset , & ex illo titulo colorato se exponeret ad confessiones audiendas, validè absolveret .

358. Si autem aliquis extrà casum necessitatis, cū sola dubia jurisdictione, absolveret, graviter peccaret ; cum se exponeret periculo frustrandi Sacramentum ; secus autem si jurisdictionē haberet verè probabilem , quia tunc Pontifex dat certam ex dictis à num. 331. de Sacramentis . Qui autem confitetur legitimo Confessario, adeoque habenti veram suprà illum jurisdictionem , non tenetur iterum adhuc in Paschate confiteri proprio Parocho, ex num 32. Qui autem in articulo mortis absolvitur à reservatis , probabile est, non teneri se sistere postea suo Superiori , si hæc non habuerint annexam censuram ; probabilius autem est oppositum : quia Ecclesia in eo casu solùm confert jurisdictionem , & facultatem cuilibet Sacerdoti ad absolvendum , ne penitens ex defectu absolutionis incurrat da-

minationem æternam, ut patet ex Tridentino, n. 370. atqui ad hunc finem non est necesse, ut pœnitens excusetur ab obligatione se postea sistendi, si potuerit, suo Superiori, sicuti non excusatur ab obligatione quaerendi directam absolutionem à censuris: ergo, &c.

359. Ratio ulterior, & mihi fundamentalis, est, quia sæpè Pontifices, & Ecclesia post Tridentinum concedunt privilegia, ut moribundus, à quibusvis reservatis, & à quolibet Sacerdote absolvi possit in articulo, seu in periculo mortis: periculum etenim mortis absolutè dictum, & mortis articulus pro eodem sumuntur in jure, ut habet Diana par. 3. tract. 4. Resol. 57. 71. & 72. Sic virtute Bullæ Cruciatae concedit Pontifex singulis septenniis hanc facultatem, & privilegium: atqui moribundus, sine hoc privilegio, verè manet absolutus ex perpetua Ecclesiæ consuetudine, quæ vim legis habet, certamque ex illa habet Confessarius jurisdictionem ex num 332. de Sacramentis: ergo privilegium circa ea reservata aliquem afferre debet effectum, quem generalis illa facultas non præstat: iste autem nullus alius est,

est, nisi quod ille, qui absolvitur in articulo mortis, ex privilegio, à reservatis, non tenetur se postea sistere superiori; benè verò ille, qui sine privilegio absolutus fuit ex sola generali facultate, quam omnes Sacerdotes habent, ad absolvendum à reservatis pœnitentem in articulo mortis.

360. Neque dici potest, quod ista privilegia ideò post Tridentinum conferuntur, quia non manet jam illa generalis facultas: hoc enim dici non potest, cùm per Tridentinum ea generalis facultas sit potiùs roborata, & stabilita: sic etenim habet sess. 14. cap. 7. *Veruntamen piè admodum, ne hâc ipsa occasione aliquis pereat, in eadem Ecclesia Dei custoditum semper fuit, ut nulla sit reservatio in articulo mortis: atque ideò omnes Sacerdotes quosvis pœnitentes, à quibuscvis peccatis, & censuris absolvere possint.* Moneo tamen, juxta communem DD. Sententiam, servandum esse ordinem; ità ut, si sit Parochus, vel proprius Sacerdos ab Episcopo approbatus, & habens jurisdictionem, non debeat eligi extraneus, vel simplex Sacerdos. Quinimmò ex declaratione Eminentiss. Cardinalium, quam refert Prosper Fa-

Fagnanus in cap. non est nobis de sponsal. & Matr. invalidè absolvit excommunicatus, degradatus, suspensus, hæreticus, &c. si sit alius carens his vitiis. Ex quo magis roboratur communior sententia de Ordine servando.

361. Approbatio autem est authentica, seu auctoritativa declaratio, quâ declaratur, personam, quæ approbatur, esse instructam qualitatibus necessariis ad fungendum officio Confessarii, dummodò accedat jurisdictio. Undè approbare aliquem, est declarare, illum esse dignum, & idoneum, cui à legitimo Superiore possint re ipsa in actu secundo committi subditi, in quos exercent potestatem clavium. Ex quo apparet, quod licèt Episcopus possit pro libito suo non admittere aliquem ad examen, eo quòd alios nolit in sua Dioecesi Confessarios; si jam admittat, non posse absque injustitia negare approbationem iis, qui verè digni sunt. Quod autem jurisdictio, & approbatio, solùm durante beneplacito, vel ad determinatum tempus, quandòque concedantur, parùm refert: nam ex eo non negatur aptitudo præsens: sed quia homines mutabiles sunt, fieri pot-

potest, ut vel in doctrina, vel in moribus postea aliter se habeant. Qua de causa non invenio difficultatem, quam aliqui concipiunt, eo quod aliqui in primo suo ad Episcopatum ingressu, vel revocant, vel suspendunt, usq; ad novam approbationem licentias ad excipiendas confessiones.

§. II.

362. Afferro secundò : Munera propria Confessarii tria præcipuè sunt; nimirum Medici, Doctoris, & Judicis, juxta quæ operari tenetur. Probatur, & explicatur simul Conclusio: quia Confessarius tenetur præscribere poenitentiam medicinalem, quando rationabiliter credit; poenitentem indigere hujusmodi præscriptione ad alicujus peccati mortalis emendationem ex num. 335. & 329. adeoque tenetur, ut Medicus, operari. Tum etiam tenetur habere scientiam, etsi non ad resolvenda omnia dubia, quæ occurrunt, saltem ad communia, ita ut de difficilioribus sciat dubitare, & libros, aut peritiores consulere: etenim licet non requiratur tanta scientia ad audiendam confessionem hominis imperiti; neque tanta ad confessionem
pue-

puerorum, vel rusticorum, quanta ad confessionem non rusticorum, judicum, aut aliorum, qui casus habent difficiliores, at tamen peccaret graviter, qui absque scientia respectivè requisitâ se exponeret ad audiendas confessiones extrâ casum urgentissimæ necessitatis, qualis est articulus mortis, vel quod sæpè evenit, quandò aliquibus Oppidis exiguis, & valdè remotis præficiuntur Parochi indocti, & rudes, quia cùm non inveniantur aptior volens curam illam suscipere, propter penuriam rerum, ac pauperiem incolarum, melius est eo modo, quo potest, illis ovis succurrere, quàm absq; ullo remedio relinquere, admonendo Parochum de defectu scientiæ, & obligatione, quam habet, illam, prout possit, comparandi: adeoq; ex munere suo tenetur semper, ut Doctor, operari.

363. Quamobrem tenetur instruere discretè pœnitentem, quandò invenit eum laborantem aliquo dubio, vel ignorantia vincibili, quæ est causa plurium formalium peccatorum. Quandò verò ignorantia est invincibilis, solùmque est causa peccatorum materialium, tunc debet monere, si speratur fructus, & non timentur majora mala.

Si

Si autem prudenter timentur, præstat communiter, tacendo, illum relinquere in sua bona fide, ne perseveret malâ fide in his, in quibus antea bona fide perstabat, & peccet formaliter in his, in quibus solùm materialiter peccabat, juxta illud Augustini in cap. *Si quis de pœnit. dist. 7. Si scirem tibi non prodesse, te non monerem, te non terrerem.*

364. Non tamen licet talem pœnitentem positivè hortari ad prosequendum tale malum, licèt solùm materiale. Si autem Confessarius de hoc interrogetur à pœnitente dubitante, tenetur illi aperire veritatem, prudenter tamen, non plus dicendo, quàm interrogatur, & speratur profuturum, ex dicendis à num. 376. Debet etiam instruere laborantem ignorantia circà ea, quæ necessaria sunt ad validam, & licitam susceptionem Sacramenti, & circà res fidei necessarias, vel certò, vel probabiliter necessitate medii. Ratio est, quia si certò sunt necessaria necessitate medii, certum est, absque illis Sacramentum non dari; si verò probabiliter sunt necessaria necessitate medii, probabile est, Sacramentum frustrari, quamvis inculpabiliter omitterentur: cùm autem Minister non possit
se

se exponere periculo frustrandi Sacramentū , ea de causa Confessarius tenetur antè absolutionem circà ista pœnitentem instruere: Cùm autem probabile sit, post Evangelii promulgationem , necessariam esse necessitate mediū ad justificationem, fidem explicitam mysteriorum SS. Trinitatis, & Incarnationis, ut defendunt S. Thom. Bonaventura , Durandus, Molina , Valentia , Th. Sanchez , Granado Contr. 1. de fide tract. 10. disp. 2. sect. 2. aliq; quamplures contrà alios, tùm antiquos, tùm modernos; exindè extrà articulū mortis, quādo aliter fieri non posset , nequit absolvi pœnitens cum ignorantia horum Mysteriorum.

365. Hæc autem est ratio, propter quam meritò damnata fuit ab Innocentio XI. propositio 64. quæ sic habebat: *Absolutionis capax est homo , quantumvis laboret ignorantia Mysteriorum. Fidei , & etiamsi per negligentiam , etiam culpabilem , nesciat Mysterium SS. Trinitatis , & Incarnationis D. N. J. C. & 65. Sufficit illa Mysteria semel credidisse : licet enim non teneantur fideles explicitè credere omnia fidei Mysteria : quis enim obligatur ad credendum explicitè, Christum Dominum in Sepulchro novo fuisse sepultum, & alia*

& alia similia , quæ in Evangelio continentur ? obligantur autem ad credendum explicitè aliqua necessitate medii , nimirum , & Deum esse , & remuneratorem esse , ut constet ex num. 5. de Deo . Tenentur etiam credere necessitate præcepti præcipua fidei nostræ Mysteria , ità ut ea duo Mysteria Trinitatis , & Incarnationis , valdè probabile sit , debere credi fide explicita . Undè ea , quæ certò , vel probabiliter credi debent fide explicita , necessitate medii , si ignorentur , reddunt poenitentem incapacem absolutionis ; secùs autem ea , quæ certò requiruntur necessaria solùm necessitate præcepti , ut plures habent cum Lessio , dummodò de peccato ignorantia doleat , & promittat , se daturum operam , ut ea discat , primo quoque tempore . Exindè clarè constat , quomodò Confessarius exercere teneatur munus Doctoris .

366. Tenetur tandèm Confessarius munus judicis exercere ex Tridentino sess. 14. c.2. Exercet autem hoc munus , primò : dùm examinat poenitentem . Secundò : dùm judicat de ipsius peccatis , sint ne mortalia , an venialia juxtà dicta à num. 101. Tertiò : dùm
im-

impertitur, aut negat absolutionem. Quarto: dum imponit poenitentiam, aut satisfactionem debitam, vel soli Deo, aut etiam hominibus: debet enim Confessarius in his se gerere cum debita prudentia, ut caveat, ne absolvat indispositum: debet enim ei moraliter constare de bona dispositione poenitentis; aliter absolvendo, peccaret mortaliter. Unde non licet absolvere eum, qui non præbet signa doloris, & propositi non peccandi de cætero: atque adeo neque eum, qui cum possit, non est paratus restituere, vel proximas peccandi occasiones fugere, vel odium inimici deponere, & sic de aliis. Ad hæc autem melius præstanda, habendæ sunt præ oculis propositiones huc spectantes damnatæ ab Innocentio XI. præsertim subsequentes.

367. LVIII. *Non tenemur Confessario interroganti fateri peccati alicujus consuetudinem.* LIX. *Litet Sacramentaliter absolvere dimidiatè tantum confessos, ratione magni concursus penitentium, qualis v. g. potest contingere in die magnæ alicujus Festivitatis, aut Indulgentiæ.* LX. *Pœnitenti habenti consuetudinem peccandi contra Legem Dei, naturæ, aut Ecclesiæ, etsi emendationis spes*

nulla appareat, nec est deneganda, nec differenda absolutio, dummodò ore proferat, se dolere, & proponere emendationem. LXI. Potest aliquandò absolvi, qui in proxima occasione peccandi versatur, quam potest, & non vult omittere, quinimmò directè, & ex proposito querit, aut ei se ingerit. LXII. Proxima occasio peccandi non est fugienda, quandò causa aliqua utilis, aut honesta non fugiendi occurrit. LXIII. Elicitum est, querere directè occasionem proximam peccandi pro bono spirituali, vel temporali nostro, vel proximi.

SECTION II.

Solvuntur opposita.

§. I.

368. **O**BJICIES primò contrà primam Assertionem: Cuicumq; Sacerdoti in sua ordinatione cōceditur talis potestas absolvendi, ut vi illius verè maneant remissa peccata, quæ ab eo remittuntur: ergo non est necesse, ut superaddatur alia jurisdictio, aut approbatio ad validam, et si

De Pœnit. Pars II.

D d

re-

requiratur ex præcepto, ad licitam absolutionem. Confirmatur primò: volente Parocho, potest simplex Sacerdos validè suas oves absolvere: ergo multò meliùs poterit habere approbationem absq; ullo Episcopi autentico testimonio. Confirmatur secundò: simplex Sacerdos validè absolvit à venialibus, vel à mortalibus, jam ritè confessis: ergo in ordinatione recipit omnia requisita ad valorem, licèt non ad licitam absolutionem. Confirmatur tertiò: nullus potest absolvere adhuc in articulo mortis, quin habeat omnia necessaria ad valorem absolutionis: sed quilibet Sacerdos in eo casu absolvere potest, ex num. 358. ergo ex vi suæ ordinationis habet, quidquid requiritur ad validam absolutionem. Confirmatur quartò: si ex vi suæ ordinationis non haberet quicumque Sacerdos quidquid requiritur ad validam absolutionem, Romanus Pontifex non posset habere Confessarium, cùm nulli alii sit subiectus, nec possit dare suprà se jurisdictionem: ergo, &c.

369. Respondeo, dist. Antecedens, ut vi illius, tanquàm necessariò requisitæ, concedo, tanquàm unicè requisitæ, nego Antecedens,

dens, & Conseq. Ratio est, quia quando ad constituendam potentiam aliquam expeditam requiruntur plura, futilis valdè argumentatio est, si dicatur: hoc unum est necessariò requisitum: ergo, & unicè requisitum. Sic ad constituendum hominem, est corpus necessariò requisitum, sed non unicè requisitum, cum requiratur etià anima, & unio. Pariter ad facultatem Confessarii expeditam ad validè absolvendum, ex Tridentino cit. à num. 352. requiruntur tria, nimirum potestas, jurisdictio, & approbatio. Undè inutilis omninò argumentatio est, dicere: potestas Ordinis Sacerdotalis necessariò requiritur: ergo & unicè requiritur. Ad primam Conf. dist. Antec. Si sit approbatus, concedo: Si non sit, nego Antecedens, & Conseq. quia jurisdictio, & approbatio conferri possunt seorsim absque ulla inter ipsas dependentia. Sic Pontifex aliquibus Religionibus confert immediatè jurisditionem, non autem approbationem: Episcopus autem confert illis approbationem, quin sua egeant jurisditione: Parochus verò, cum in spiritualibus suarum ovium sit superior, potest simplici Sacerdoti conferre circà illas jurisdictio-

D d 2

nem,

nem; secùs approbationem, quam Ordinarius, vel Episcopus debet conferre, ex num.

354. Ex quo patet, talem approbationem necessariam non esse ex Tridentino ad audiendas Confessiones Regularium.

370. Ad secundam Confirmationem: dist.

Antecedens: si habeat jurisdictionem, & approbationem concessas ab Ecclesia per consuetudinem, concedo: si non habeat, nego

Antecedens, & Consequentiam. Ratio est, quia licèt antè decreta Innocentii XI. tanquàm certa supponeretur à ferè omnibus Authoribus ea facultas concessa ab Ecclesia, ex immemorabili consuetudine, siyè, ut agebat Vazquez, ex jure divìno; at Innocentius XI. in decreto, circà Communionem quotidianam, dato Romæ 12. Februarii 1679. sic præcipit Ordinariis: *Non permittant, ut venialium confessio fiat simplici Sacerdoti non approbato ab Episcopo, aut Ordinario.* Ex quibus verbis aliqui judicant, Ecclesiam non concedere illam jurisdictionem, quæ per consuetudinem, ex tacito Ecclesiæ consensu, habebatur, adeoque non esse jàm validam talem absolutionem; Alii dicunt, dubium esse, an illa facultas revocetur, adeoque du-

bium

bium esse absolutionis valorem.

371. Alii verò cum Cardenas *dis. 2. cap. 6. art. 9. & 10.* judicant, ex illis verbis *foram* inferri, absolutionem esse illicitam, secus invalidam; adeoque esse adhuc in eo casu certò validam, & exindè manere absolutum directè à mortalibus illum, qui bonà fide confitetur ea peccata, simulque Sacerdos absolvit bona fide. Quidquid tamen de hoc sit, non habetur ea facultas ex sola potestate Ordinis, sed si habetur, est ex Ecclesiæ concessionem, ut reliqui concedunt, præter Vazquez, qui censet haberi ex jure divino, adeoque sola potestas Ordinis satis non est ad validè ministrandum poenitentiae Sacramentum; sed ultrà illam potestatem necessaria est jurisdictio expedita, & non ablata, neque ad effectum illum suspensa.

372. Ad tertiam Confirmationem: concedo Ma: & *dist. Mi:* potest absolvere, ex jurisditione expedita concessa ei ab Ecclesia, concedo, absque tali jurisditione, nego *Mi.* & *Conseq.* Ratio est, quia talis expedita jurisdictio pro eo casu conceditur ab Ecclesia simplici Sacerdoti ex *num. 358.* Ad quartam Confirmationem, nego *Anteced.* Pon-

rifex enim poteſt dare juridiſtionem Confefſario juxta facultatem, quam habet à Chriſto Domino ad eam conferendam: Cùm autem Chriſtus Dominus ei dederit facultatem, non ſolùm ut inſtituat Confefſarium pro aliis, ſed etiam pro ſe, cùm non ſolùm alii, ſed etiã ipſe ex inſtitutione hujus Sacramenti ad confeſſionem Sacramentalem obligetur; exindè poteſt ſe alteri ſubjicere in foro ſacramentali, & ad hoc munus ei dare juridiſtionẽ. Sic etiã Epifcopus ſibi inſtituit Confefſarium, & illa, quæ poteſt concedere ſubditis, poteſt ſibi ipſi concedere, ſi illi non ſit ſpecialiter prohibitũ.

373. Quamobrem, quandò cum communi populo diſpenſat in aliquibus, v. g. in lege jejunii, ea diſpenſatio comprehendit ipſum Epifcopum, adeoque poteſt committere ſuo Confefſario, ut diſpenſet ſecum in iis, in quibus ipſe Epifcopus poteſt diſpenſare cum ſubditis, de quibus latè Thom. Sanchez tom. 3. de Matr. lib. 8. diſp. 3. Nec reſert, quod ſe ipſum deſignare non poſſit ad habendam dignitatem, vel beneficium, quod poteſt alteri conferre, quia hoc eſt illi ſpecialitè prohibitum in cap. final. de inſtit. ubi dicitur, inter dantem, & accipientem, debere eſſe

esse distinctionem personalem. In casu autem nostro, nulla quidem requiritur personalis distinctio inter subjicientem, & subiectum: sicuti, quando aliquis se ipsum humiliat, nulla requiritur personalis distinctio inter humiliantem, & humiliatum.

§. II.

374. Objicies secundò contrà secundam Conclusionem. Si Confessarius teneretur operari juxtà munera à nobis exposita, peccarent Episcopi, qui multoties Parochos indoctos constituunt: atqui durum est, eam praxim improbare: ergo, &c. Confirmatur primò: munera à Christo data Confessario non redundant per se in poenam habentis; sunt quidè gratia, & non supplicium: atqui si Confessarius teneretur operari juxtà ea munera, per se redundarent in poenam habentis: ergo, &c. Probatur Minor: quando poenitens laboraret ignorantia invincibili, sive facti, sive juris humani, sive divini, vel naturalis, non posset excusari à peccato, quomodocumq; cum poenitente se gereret, v. g. quando conjux, cujus matrimonium est nullum, non vult reddere debitum viro, putans invincibiliter esse validum; Confessarius ve-

rò timet plura peccata; ſi rem aperiat, peccabit, quomodocumque ſe gerat: nam ſi dicit, quod reddat debitum, inducit ad peccatum, adeoque peccat; ſi aperit veritatem, eſt cauſa aliorum peccatorum, quæ prævidet: ergo, &c. Confirmatur ſecundò: quando Judex confiteretur peccatum ſuum, quia non ſatisfacit ſuo debito condemnandi reum poenâ capitis, ſi Confefſarius taceret, non adimpleret munus ſuum, adeoque peccaret; ſi doceat, & hortetur ad id faciendum, erit cauſa mortis, adeoque irregularis: ergo, &c.

375. *Reſpondeo: diſt. Ma: qui conſtituunt, nulla cohonestante neceſſitate, concedo: urgente neceſſitate, nego Ma: & diſt. Mi. nego Conſeq. Ratio eſt, quia quando aliquis inter duo extrema mala reperitur, quorum unum vitari non poteſt, niſi amplectendo alterum, non eſt peccatum amplecti minus, ad vitandum majus; ſed eſt valdè prudens, & naturæ rationali conforme. Cùm autem Epiſcopi ità ſe gerant, quando præficiunt Parochos minùs aptos, & doctos; exindè non peccant, ſi ſe gerant, ut diximus num. 362. Quod ſi præficerent ineptos,*

ptos, quando possunt aptos præficere, manifestè peccarent. Ad primam Confirmationem, concedo Ma: & nego Mi. Ad probationem, nego Antecedens, quia Confessarius, si in eo, & similibus casibus, se gerat, ut debet, nullatenus peccat: cum enim ejus munus ordinetur ad bonum poenitentis, considerare, & ponderare debet utrumque malum, nimirum malum illud violationis legis Dei naturalis, & absque formali peccato, & illud aliud malum, & detrimentum, si vè spirituale, si vè temporale, quod ex admonitione incurreretur: hoc enim potest, aliquando illi præponderare, & tunc absq; peccato omittitur admonitio.

376. Quamobrem Sotus in 4. distin. 18. quæst. 2. art. 4. ad 2. dicit, non posse Confessarium, in casu argumenti, dicere uxori absolute, quod reddat debitum, cum id sit consulere fornicationem; sed debere dicere in genere, quod conjuges tenentur reddere debitum. Hanc tamen distinctionem impugnat Sanchez lib. 2. de Matr. disp. 38. quia illa verba in iis circumstantiis eandem vim habent, ac si diceret *redde debitum*. Undè Cardin. de Lugo, pluresque alii cum Sanchez
do-

docent, posse licitè Confessarium tunc absolutè dicere: *Tu teneris reddere debitum*: quia in eo statu, & cum ea bona fide tenetur sub peccato reddere debitum. Si verò admonitio redundaret in bonum commune, & ignorantia illa in solum bonum particulare, admonendus foret pœnitens. Exemplum esto, quandò Parochus invincibiliter habet opiniones erroneas, quas subditis ingerit circà mores; vel quandò aliquis bona fide putat, se esse Sacerdotem, cùm non sit, cujus ignorantia redundat in damnum commune eorum, qui ab eo Sacramenta irrita suscipiunt; vel si esset publica fama, & scandalum de nullitate matrimonii; coniux autem ipse eam ignoraret, & sic de aliis, &c.

377. Ad secundam Confirmationem: nego Antecedens, quia in eo casu Confessarius, neque est irregularis, adimplendo, ut debet, munus suum: Sed quomodò adimplere debet? Henriquez lib. 14. de Irregularitate cap. 16. num. 4. Avila part. 7. de cens. disp. 5. sect. 2. dub. 6. Concl. 2. docent, Confessarium fore irregularem, si in casu aliquo particulari dicat, debere occidi aliquem reum, vel si id pœnitenti consulat. Molina tom. 4. de Just. tract.

tract. 3. disp. 34. Bonacina cum aliis, quos ipse refert disp. 7. de censuris quæst. 4. punct. 1. num. 7: docent, Confessarium posse dicere quid dicent leges in communi, nihil aut præcipiendo, aut consulendo in particulari, nec dicendo, quid ipse sentiat. Hoc autem quàm difficile sit, nemo est, qui non videat: quia illa verba generalia in illis circumstantiis æquivalent re vera consilio, vel præcepto occidendi hunc reum: cur ergo non poterit consulere, aut præcipere, si potest impunè in illis circumstantiis ea verba facere, & talem doctrinam docere?

378. Qua de causa probabilior mihi videtur sententia, quam defendunt P. Vazquez, Luisius Turrianus lib. 9. de Cens. disp. 66. dub. 4. & 2. 2. tom. 1. disput. 93. dub. 2. Diana par. 2. tract. 5. miscel. Resol. 80. Card. de Lugo disp. 22. de pœnitentia, sect. 2. num. 33. & plurimi Recentiores docentes, non incurri irregularitatem à Confessario propter tale consilium, vel præceptum. Ratio est, quia Confessarius eam obligationem docendo, & præcipiendo, non excedit limites sui muneris: atque ideò non habet, undè contrahat irregularitatem, quæ munèri Confessa-

sarii neutiquam est annexa. Quinimò, ut cum Vazquez defendit Turrianus supracitata disp. 66. dub. 3. & subscribunt Lugo, Tamburinus, & communiter Recentiores, irregularitas illa, quæ ex defectu lenitatis provenit, non incurritur à personis privatis, sed à solis iis, qui spectant ad iudicium, & à Ministris Justitiæ, ut Iudice, Tabellione, Advocato, Procuratore, Accusatore, Teste, &c. non verò ab aliis, qui sunt extrà iudicium, neque sunt Ministri Justitiæ, quia pro illis non invenitur in iure talis irregularitas imposita. Ex qua doctrina, quæ verè probabilis est, nullus manet scrupulus in casu nostro.

DISPUTATIO IX.

De Sigillo Sacramentali.

379. **S**IGILLUM Sacramentale translata metaphora ab eo, quo secreta obfignantur, ne aliis palàm fiant, dicitur, & est obligatio juris divini servandi secreta, & tecta, in omni casu, illa, quæ accepta sunt ex confessione sacramentali. Quamobrem vi sigilli obligatur Confessarius iure divino
stri-

strictissimè in omni casu , etiam quo totius mundi salus periclitaretur, ad omninò tacendum, & nullatenùs manifestandum, adhuc indirectè, & post mortem pœnitentis, omnia audita, & cognita ex confessione, quorum revelatio redderet Sacramentum onerosum, & odiosum: Adeò constans, & certum fuit semper hoc Divinum præceptum in Ecclesia Dei, ut nec Hæretici hoc unquam negaverint, ideoque necessaria non fuit peculiaris definitio Concilii Tridentini in hoc articulo. Qua de causa, relictis aliorum probationibus, ex hoc ipso principio ostendemus facilè, tale præceptum non esse juris humani, sed divini. Pro quo sit.

S E C T I O I.

De præcepto, & materia Sigilli Sacramentalis.

§. I.

380. **A**SSERO primò: obligatio Confessarii servandi secreta, & tecta in omni casu, quæ in ordine ad claves accepit ex confessione Sacramentali, oritur ex præcepto, & jure divino. Probatur primò: plura sunt in Ecclesia Dei per traditionem, ab Apostolis ha-

habita ex jure, & præcepto divino, ut constat ex Paul. 1. ad Corint. 11. dicente: *Ego enim accepi à Domino, quod & tradidi vobis, & cap. 15. tradidi enim vobis in primis, quod & accepi.* Et ad Galat. 1. *Notum enim vobis facio, fratres, Evangelium, quod Evangelizatum est à me, quia non est secundum hominem. Neque enim ab homine accepi illud, neque didici, sed per revelationem Jesu Christi.* Et 2. ad Thes. cap. 2. *tenete traditiones, quas didicistis.* Unde ea, quæ à tempore Apostolorum per continuam Ecclesiæ traditionem habita sunt à fidelibus, non quidem, ut obligatoria ex jure humano, sed ex jure, & præcepto divino; certissimum est, ex divino præcepto obligare, ut definit Tridentinum sess. 4. in decreto de Canonicis Scripturis: atqui talis est ea obligatio sigilli sacramentalis, ut constat ex num. superiori: ergo, &c.

381. Probatur secundò: Ecclesia Catholica, quandò agit de obligatione sigilli Sacramentalis non innovat, sed supponit certissimam illam obligationem: ergo clarè supponit, eam esse ex jure divino. Probatur Antecedens ex Gregorio Papa in cap. *Sacerdos* de Pœnitentia dist. 6. ubi ait: *Propter nul-*

nullum scandalum vitandum, frangendum esse hoc sigillum. Sic etiàm Conc. Lateran. in cap. *Omnis utriusque sexus*, ait: *Caveat autem omninò, ne verbo, vel signo, vel alio quovis modo prodat aliquatenùs peccatorem; sed si prudentiorum consilio indiguerit, illud, absque ulla expositione personæ, cautè requirat: ergo, &c.* Quapropter licèt ex suppositione hujus Sacramenti maneret Confessarius ad naturale secretum jure naturæ obligatus; Christus Dominus non contentus obligatione orta ex secreto juris naturalis, quod ad evitandum totius Reipublicæ maximum detrimentum aperiri potest, aliisque in casibus apud Authores videndis, voluit strictiorem imponere obligationem ex novo præcepto, cognito à nobis per traditionem, ut in nullo casu secretum hoc revelari posset, ut notavit optimè contrà alios P. Vazquez quæst. 93. art. 4. dub. 1. n. 10. & Coninck disp. 9. de pœnitentia, dub. 2. pluresque alii cum ipsis.

382. Quapropter verissima est persuasio Fidelium de eo, quod revelatio Confessionis esset injuriosa, contrà reverentiam debitam Sacramento, ejusque Institutionem. Ratio est, quia ex hujusmodi Institutione

con-

constat, voluisse Christum Dominum, ne ex metu revelationis sigilli retraherentur Fideles ab hoc Sacramento, adeoque de facto excusatur pœnitens à Confessione sui peccati, quandò prudenter timet, Confessarium non observaturum sigillum, ex numero 123. atqui, per revelationem sigilli, Fideles retraherentur, ut per se notum est: quinimmò legimus apud Abissinos, vel Æthiopes, hoc Sacramentum ferè abiisse in defuetudinem propter malitiam Sacerdotum, qui sigillum religiosè non observabant: ergo revelatio sigilli esset injuriosa contrà reverentiam debitam huic Sacramento. Undè ex communi Doctorum, in revelatione Sigilli, multiplex malitia contraheretur. Primò, Malitia sacrilegii contrà reverentiam huic Sacramento debitam ex jure Divino, & in hoc non datur parvitas materiæ. Secundò, Malitia injustitiæ, cùm unusquisque habeat jus, ut ipsi servetur secretum, quod servari debet; & hoc semper debeat servari. Tertiò, Malitia contrà Charitatem ex præcepto non infamandi proximum, cùm nimirum revelatur peccatum, pœnitentem infamans. Exindè

383. **A**ffero secundò: Obligatio sigilli oritur ex omni, & sola Confessione Sacramentali, qualis est ea, in qua aperiuntur peccata alteri, sive sacerdoti vero, sive existimato, qui loco Christi Domini putabatur pollere potestate remittendi peccata, adeoque fiebat confessio in ordine ad absolutionem, & remissionem peccatorum impetrandam, sive confessio illa sit valida, sive invalida, ex defectu, vel jurisdictionis, vel integritatis, vel doloris, vel propositi. Probat-ur primò: quia ita habet communis persuasio Fidelium, ut testantur ferè omnes DD. videndi apud Gobat, tract. 7. Etenim qui ita confitebitur, sive Sacerdos sit reipsa talis, sive existimatus, vult illud Sacramentum modo, quo Christus instituit, & eo fine querit absolutionem, adeoque ex intentione poenitentis, ea confessio est Sacramentalis: at-qui ad obligationem sigilli, sufficit confessio ita Sacramentalis, licet absolutio, vel invalida sit, vel nulla: aliter, quandò Confessarius agnoscens carentiam propositi, vel alium defectum, negat poenitenti absolutionem, non obligaretur ad sigillum, quod est: contrà omnes Catholicos: ergo, &c.

394. Probatur secundò: Obligatio sigilli oritur ex confessione illa, quæ verè comprehenditur sub fine, quem habuit Christus ad imponendum tale præceptum: sed talis confessio verè comprehenditur sub tali fine: ergo, &c. Probatur Mi. finis, quem habuit Christus, est, ne retraherentur homines à confessione Sacramentali, ex num. 382. sed si talis confessio non sufficeret ad obligationem sigilli, facilè retraherentur homines à confessione Sacramentali, cùm scire non possint, an talis Sacerdos sit verus, an solus existimatus: non enim scire possunt, an velit decipere, an sit verè baptizatus, ordinatus: ergo &c. Exindè cùm finis præcepti à Christo impositi tenderet, ut fideles accederent ad eum, quem existimabant Sacerdotem, & potentem remittere peccata, non valet paritas desumpta ab illo, qui accederet ad laicum cognitum, ut talem, etsi per errorem judicaret, posse peccata remittere: ex tali enim confessione, ut contrà Hurtadum, & Navarrum, docent cum Suario, & Vazquez communiter Theologi, non oritur obligatio sigilli, quia ille error, utpotè deceptio in jure, non est satis ad retrahendum homines à con-

à confessione ; benè verò alter, qui non est ex deceptione in jure , sed ex ignorantia facti , quæ valdè diversa sunt , ut per se patet .

385. Quamobrem non oritur obligatio sigilli ex confessione simulata , seu facta fictè , & non ex animo confitendi , vel illudendi , vel pervertendi Confessarium , etsi in hoc casu prudenter sit tacendum ; tùm etiam , quandò poenitens accederet ad Confessarium , & diceret , nolo confiteri , sed volo schedulam de confessione , ut Parocho tradam ; cùm non daretur confessio in ordine ad Sacramentalem absolutionem , non oriebatur obligatio sigilli . Quinimmò neque frangitur sigillum , licèt neges schedulam indisposito , quem non absolvis , ut contrà alios defendit Lugo disp. 23. sect. 4. num. 87. etsi ex ea confessione verè oriatur obligatio sigilli : etenim negare schedulam non est reprobare , sed præcisè non approbare testimonio positivo , ad quod tunc Confessarius non tenetur . Neque oritur obligatio sigilli , quandò alicui , sive Confessario , sive non Confessario extrà confessionem , neque in ordine ad confessionem faciendam , dicitur aliquid sub secreto , etsi qui loquitur dicat , se hoc di-

cere sub secreto Confessionis: quia tunc cum nulla re vera detur confessio, solum datur obligatio secreti naturalis, gravior, aut levior pro rei qualitate.

386. Igitur ut oriatur obligatio sigilli, requiritur, quod pœnitens non solum consilii petendi gratiâ veniat ad Confessarium, sicut posset venire ad Diaconum, vel ad laicum, sed tanquam ad Judicem in illo foro, ut judicet de illius dispositione, & dirigat eum in ordine ad id, quod deesse judicat, ut possit absolutionem aliquandò obtinere. Sic licet tunc pœnitens indispositus sit, jam dicitur illa confessio facta in ordine ad absolutionem Sacramentalem. Undè in cap. *quod quidam* de pœnit. & remis. dicitur, admitendas esse, & audiendas confessiones meretricum, & aliorum similium, licet non sit danda eis absolutio. Undè ad obligationem sigilli oportet, quod per illam confessionem velit pœnitens aliquomodò facere id, quod Christus præcepit. Hæc autem intentio à posteriori colligitur: nam si in illa qualicumq; confessione graviter mentiretur, putaret, se committere sacrilegium contrà veritatem, ac fidelitatem, & integritatem confessioni

fioni debitam : atque adeò apprehendit eam, ut confessionem à Christo institutam , & ex parte sua Sacramentalem ; licèt ob indispositionem compleri non possit per formam Sacramenti .

§. II.

387. Affero tertio : non solùm obligat Confessarium Sacramentale sigillum , verùm etiam omnes illos, ad quos citrà consensum poenitentis , vel immediatè, vel mediatè notitia confessionis pervenerit , vel ad quos pervenerit cum poenitentis licentia , prout in ordine ad obtinendam Sacramentalem absolutionem . Ità Suarius disp. 33. sect. 4. Card. de Lugo disp. 23. pluresq; cum illis contra Tannerum , & alios . Probatur primò : quia talis est communis Fidelium persuasio : quæ in hac materia est melior interpretes divini præcepti : etenim cùm Sacramentum poenitentiae sit difficillimum , & unum ex difficilioribus , quæ in lege gratiae præcipiuntur , probabilius est, Christum suo præcepto prohibuisse omnia , quæ illud gravius , & difficilius efficiunt , & præcepisse , quæ facilius , & suavius reddunt : atqui si omnes illi , qui

licentia, quam in tali periculo constitutus reus illi offerebat, coràm Crucifixo Confessarium illum examinabat, à quo scivit, verum esse, quod reus agebat. Quo audito, S. Præsul, & Confessario acerrimas, quas merebatur, pœnas, & reo libertatem donavit: præcepit enim, ut Ministri justitiæ sisterent, usquedùm ipse Proregem alloqueretur. Zelo itaque Dei armatus Proregem adiit, conquestus acriter, quod homo innocens condemnaretur. Obstupuit Prorex, delicti rei non ignarus ex juramento testium. At S. Præsul Christum Dominum Regem Regum in defenso-rem vocavit, qui sacramentale sigillum ità observandum præceperat, ut per notitiam ex illo habitam nemo auderet, neque directè, neque indirectè pœnitentem infamare: qua de causa sub comminatione divini judicii exigebat, ut sententia prolata revocaretur, & de illo homine, tanquam de innocente, judiciũ fieret: veritate comprobata annuit libenter Prorex, & summo cum ingentis illius populi plausu, & Ecclesiæ Catholicæ honore, homo ille, tanquàm innocens, & vitæ dignus, libertate donatur. En casum, ex quo

390. Sic formatur argumentum. Notitia, quæ ad Regium Tribunal advenerat, non quidem per Confessarium, sed per Laicos advenerat: atqui ex doctrina S. Thomæ de Villanova Regium Tribunal, ne Sacramentalis sigilli violationem incurreret, ita debebat se gerere; ac, si notitiam illam non haberet: ergo &c. Undè licèt soli Confessario datum fuerit à Christo Dño ministerium clavium, & in hoc sensu, solus ipse dicatur habere propriè sigillum; at si sigillum non sumatur in hoc sensu, sed pro obligatione secreti ex illo orta, modo, quo illud sumimus in præsentì, non solum ad Confessarium, sed etiam se extendit ad Laicos, & ad omnes, qui per Sacramentalem Confessionem notitiam habuerint; hancque judico esse Angelici Præceptoris mentem, si benè expendatur; quidquid Tannerus, & alii reclamant: ità enim habet Angelicus Doctor quæst. 11. Supplementi, artic. 3. *Respondeo dicendum, quod sigillum confessionis competit Sacerdoti, in quantum est Minister hujus Sacramenti, quod nihil aliud est, quàm debitum confessionem celandi, sicut clavis est potestas absolvendi; tamen sicut aliquis, qui*

sivè ex consensu , sivè sine consensu pœnitentis, notitiam confessionis habent, præter Confessarium possent sine contraventione præcepti Christi , de sigillo Sacramentali servando, confessionem revelare , redderetur profectò gravivs, & onerosius Sacramentum: ergo eos omnes, præcepto sigilli interposito, obligavit Christus ad tacendum . Confirmatur : plures Authores contrariæ Sententiæ, videnti apud Dianam par. 5. tract. 11. Resol. 11. et si non dubitent teneri eos omnes jure secreti naturalis , at in casu extremæ necessitatis , præsertim publicæ , ad publicum malum avertendum, censent, reliquos omnes præter Confessarium licitè posse revelare , quæ norunt , quæ non possent , si obligarentur lege sigilli ; sed ex eo redderetur odiosa , & retraherentur Fideles à confessione , contra finem præcepti , ex num. 382. ergo , &c.

388. Probatur secundò , ratione mihi fundamentali . Quandò aliquis casus occurrat , ex quo desumi potest de sensu Catholicorum experimentum ; & Ecclesiæ Prælati , & Populus Catholicus censent fractorem sigilli Sacramentalis, illum , qui eam notitiam ex confessione habitam , absq; licentia pœnitent-

tentis manifestat, sive ab ipso Confessario, sive à laico, qui ex illo notitiam habuit, manifestetur. Qua de re præclarissimum habemus exemplum in vita S. Thomæ de Villanova Archiepiscopi Valentini: eo quippe tempore, quo Sanctus hic pariter, atque Doctissimus Præsul Ecclesiam illam gubernabat, quidam improbus Confessarius excepit confessionem rei, qui occiderat inimicum: Confessarius verò occisi cognatus rem laicis manifestavit, ut occisorem accusarent coràm Regio Tribunali, & veritatem juramento firmarent: quod cùm ità factum esset, comprehensus fuit reus, & sententia mortis contrà ipsum pronunciata: ductus fuit ad patibulum, ut ibi suspensus poenam lueret: Reus autem, etsi instanter rogatus à probis hominibus, ut conscientiam suam per sacramentalem confessionem, antè mortem expiaret, omninò renuebat, ratus confessionem sibi esse perniciosam, quia, ut ipse agebat, soli Confessario factum revelaverat, adeoque testes neutiquam potuisse deponere contrà ipsum, nisi per notitiam habitam ex Sacramentali Confessione.

389. Eo tempore S. Thom. ex publica

E c 4

li-

licentia, quam in tali periculo constitutus reus illi offerebat, coràm Crucifixo Confessarium illum examinabat, à quo scivit, verum esse, quod reus ajebat. Quo audito, S. Præsul, & Confessario acerrimas, quas merebatur, pœnas, & reo libertatem donavit: præcepit enim, ut Ministri justitiæ sisterent, usquedùm ipse Proregem alloqueretur. Zelo itaque Dei armatus Proregem adiit, conquestus acriter, quod homo innocens condemnaretur. Obstupuit Prorex, delicti rei non ignarus ex juramento testium. At S. Præsul Christum Dominum Regem Regum in defenso-rem vocavit, qui sacramentale sigillum ità observandum præceperat, ut per notitiam ex illo habitam nemo auderet, neque directè, neque indirectè pœnitentem infamare: qua de causa sub comminatione divini judicii exigebat, ut sententia prolata revocaretur, & de illo homine, tanquam de innocente, judiciû fieret: veritate comprobata annuit libenter Prorex, & summo cum ingentis illius populi plausu, & Ecclesiæ Catholicæ honore, homo ille, tanquàm innocens, & vitæ dignus, libertate donatur. En casum, ex quo

390. Sic formatur argumentum. Notitia, quæ ad Regium Tribunal advenerat, non quidem per Confessarium, sed per Laicos advenerat: atqui ex doctrina S. Thomæ de Villanova Regium Tribunal, ne Sacramentalis sigilli violationem incurreret, ita debebat se gerere; ac si notitiam illam non haberet: ergo &c. Undè licèt soli Confessario datum fuerit à Christo Dño ministerium clavium, & in hoc sensu, solus ipse dicatur habere propriè sigillum; at si sigillum non sumatur in hoc sensu, sed pro obligatione secreti ex illo orta, modo, quo illud sumimus in præsentì, non solum ad Confessarium, sed etiam se extendit ad Laicos, & ad omnes, qui per Sacramentalem Confessionem notitiam habuerint; hancque judico esse Angelici Præceptoris mentem, si benè expendatur; quidquid Tannerus, & alii reclamant: ità enim habet Angelicus Doctor quæst. 11. Supplementi, artic. 3. *Respondco dicendum, quod sigillum confessionis competit Sacerdoti, in quantum est Minister hujus Sacramenti, quod nihil aliud est, quàm debitum confessionem celandi, sicut clavis est potestas absolvendi; tamen sicut aliquis,*
qui

442 *Traſtatus de Pœnitentia*

qui non eſt Sacerdos ; in aliquo caſu participat aliquid de actu clavis , dùm confeſſionem audit propter neceſſitatem ; ita etiam participat aliquid de actu ſigilli Confeſſionis , & tenetur celare ; quamvis propriè loquendo , ſigillum confeſſionis non habeat . Undè ex mente D. Thomæ aliud eſt habere ſigillum , & aliud obligationem ortam ex ſigillo . Hanc habet in caſu noſtro propriè Laicus , licèt ſigillum propriè non habeat .

391. Exindè omnes iſti habent obligationem ſigilli . Primò, interpres pœnitentis . Secundò, Superior, cui ſe ſiſtit abſolutus à reſervato , vel ad quem delatus eſt caſus reſervatus, pro abſolutione , vel licentia abſolvendi . Tertiò, Doctor , vel alius , quem ex licentia pœnitentis conſulit confeſſarius , ad rectitudinem ſui muneris . Quartò, qui caſu , vel nequitèr audit pœnitentem confitentem aliquod peccatum : valdè quidèm moleſtum eſſet, ſi pœnitens deberet attendere , ſingulo quoque verbo , an audiretur , abſque ſigilli onere . Quintò, ille, cui confeſſarius revelavit peccatum pœnitentis , abſque huius licentia . Sextò, omnes univerſim , ad quos
me-

mediate, vel immediate pervenit notitia confessionis, citrà consensum poenitentis. Septimò, qui alterius rudis confessionem scripsit, vel scriptam reperit. Octavò, Laicus, qui se fingens Sacerdotem, & confessarium, confessionem audit: ex quibus facile est, alios casus inferre. Poenitens autem non obligatur sigillo Sacramentali; etsi teneatur tacere, quæ audit à Confessario, vñ legis secreti naturalis, quandò res ipsæ postularent hujusmodi secretum.

392. Afferò quartò. Omnia, quæ poenitens manifestat, animo se accusandi in ordine ad Sacramentalem absolutionem, simulque omne illud in sola Sacramentali Confessione cognitum, cujus revelatio meritò posset reddere confessionem gravem, & odiosam, est materia sigilli Sacramentalis. Ita Bonacina cum communi quæst. 6. sect. 1. par. 2. & Valentia disputat. 7. quæst. 13. punct. 3. Probatur Conclusio facile ex dictis: quia præceptum Divinum, de sigillo Sacramentali, ad id tendit, ut Fideles non retrahantur à Sacramentali Confessione, ex timore manifestationis eorum, quæ in ordine ad Sacramentalem absolutionem declarantur, ex num. 381.

atqui

atqui ſi timerent manifeſtanda ea, de quibus ſe accuſant, aut quæ in ſola confeſſione cognita redderent illam gravem, & odioſam, meritò retraherentur à confeſſione Sacramentali: ergo &c. Confirmatur. Quamvis confeſſarius ſolùm manifeſtaret peccata venialia, aut alia ſimilia, etſi pœnitens ob ſui humiliationem, quandoque forſan non malè ferret; attamen ſi abſque explicito, & libero ipſius conſenſu fieret, meritò poſſet conqueri, adeòque & confeſſio, quantum eſt ex parte talis revelationis, fieret ei gravis, & oneroſa, ut ex Eccleſiæ praxi, & doctrina tenent omnes Fideles: ergo ea omnia ſunt vera materia ſigilli Sacramentalis. Ex dictis.

393. Cadunt ſub Sacramentale ſigillum hæc omnia. Primò: peccata omnia tam præterita, quàm futura pœnitentis, nimirùm propoſita peccaminofa, ſive executioni mandata, ſivè mandanda, aut retractata, vel retractanda, eſto ſint, aut tantùm venialia, aut omnibus cognita, tam quæ vera peccata ſunt, quàm quæ falſò exiſtimata. Undè reus erit ſigilli Cōfeſſarius, ſi de latrone mox ſuſpendendo dicat: *O' cum quanta contritio-*

ne confessus est mihi sua furta; vel si dicat, Petrum sibi confessum esse aliquod mortale, etiamsi non nominet peccatum; vel si exprimat certum aliquod veniale, aut in genere dicat, confessum esse plura venialia. Quod si dicat, confessum esse aliquod veniale, non exindè franget sigillum, cùm sit materia minor, quæ ad confessionem requiritur, adeòq; perindè est dicere, se illum absolvisse, ac dicere eum ad minus aliquod veniale confessum fuisse.

394. Secundò. Cadunt sub sigillum omnes peccatorum circumstantiæ, immò & objecta, v. g. quandò quis in confessione se accusat, quod dixerit de Petro esse blasphemum, vel de Joanne esse adulterum; non potest ex hac notitia confessarius dicere, Petrum esse blasphemum, aut Joannem esse adulterum, ut notat benè Filiucius tract. 7. num. 321. Pariter cùm quis confitetur, impatienter tulisse, quod Petrus sit incarceratus ob sua crimina, non poterit ex hac notitia dicere, Petrum esse incarceratum, eo quod sit objectum, sive materia circà quam peccati confessi. Tertiò. Defectus naturales, qui deteguntur in confessione ad explicandam ratio-

tio-

tionem ſui peccati, v. g. ſi pœnitens confiteatur, malè ſuſcepiffe Ordines Sacros, quia eſt illegitimus, non poterit ex hac notitia Confefſarius hunc defectum manifeſtare, etſi poſſet loqui de circumſtantiis publicis, quæ probro carent. Addit Lugo diſputat. 23. num. 60. diſtinguendum eſſe inter defectus notos ex confeſſione, vel notos, non quidè ex confeſſione, ſed in confeſſione, v. g. ſi ex modo loquendi notaret Confefſarius pœnitentem eſſe bleſum, ſurdaſtrum, hebetis, aut pertinacis ingenii, naturæ irrefolutæ, & moleſtæ, ſcrupuloſum, & ſuis nœniis, impertinentiis, & minutiis obtundere caput confeſſariis: cùm enim pœnitens de his nequaquam ſe accuſet, non cognoscuntur ex confeſſione, ſed in confeſſione, atque ideò cenſet Lugo cum Navarro, non eſſe materiam ſigilli. Meliùs autem diſtinguunt Coninck, & Gobat: nam ſi aliqua in confeſſione cognita, etſi publicentur, non reddunt confeſſionem gravem, & odioſam, adeòque non ſunt materia ſigilli; alia verò eam odioſam meritò redderent, adeòque talia ſunt materia ſigilli.

395. Quartò. Cadunt ſub ſigillum peccata

cata complicis, tùm quandò complex nominatus est, ad malitiam actus explicandam, ut omnes tradunt; tùm etiam quandò ea nominatio fit, absque necessitate, imò & cum peccato, ut quandò poenitens dicit: iuvi Petrum, vel fratrem meum in furto, quod patravit. Quinto. Poenitentia imposita poenitenti, si gravis sit, quæ solet injungi pro uno mortali, vel quæ imponitur pro veniali magno, aut pro pluribus venialibus. Virtutes autem, quas in Confessione, vel ex confessione poenitentis novisti fixisse sedem in ejus animo, non cadunt sub sigillo, ut communiter tenent Doctores cum Sà, verbo *Confessio num. 3.* nisi, ut ait Lugo, enarratae sint ad declarandam suam ingratitudinem erga Deum post tot coelestia dona. Similiter votum Religionis, aut propositum nubendi, & alia hujusmodi impertinentia ad confessionem, quæ per accidens in ea interponuntur, non cadunt sub sigillo, nisi, ut ait Tannerus, poenitens talia dixerit, in ordine ad explicanda peccata, vel talia essent, que ex se possunt, si revelarentur, meritò reddere confessionem odiosam, ex numero superiori. Reliqua, quæ hìc possent superaddi, melius

lius intelligentur ex solutione argumentorum.

S E C T I O II.

Solvuntur Opposita.

§. I.

396. **O**BJICIES primò, contrà primam Conclusionem : Non constat de ullo Christi præcepto in ordine ad sigillum, contradistincto à jure naturali tacendi, quæ audiuntur in confessione, ex suppositione institutionis hujus Sacramenti : ergo obligatio sigilli non oritur ex jure Divino, sed ex jure naturali, suppositâ divinâ hujus Sacramenti institutione. Confirmatur primò : in Concilio Carthaginensi octavo relato in cap. *Placuit* 9. quæst. 2. supponitur, posse Episcopum aliquid dicere, quod in confessione audivit : ergo &c. Confirmatur secundò, ex Concilio Moguntino cap. 10. & 21. ubi significatur, fuisse olim in usu, ut quædam peccata in confessione audita tacerentur, alia verò in publicum proferrentur : ergo, &c.

go &c. Resp. distin. Antecedens: Non constat jure Divino scripto, concedo, tradito, nego Antecedens, & Consequentiam, ex numero 380.

397. Ad primam Confirmat. distin. Antecedens: quæ audivit in confessione Sacramentali, nego: in confessione non Sacramentali, sed publica, quæ olim erat in usu cum consensu pœnitentium, concedo Antecedens, & nego Conseq. quia cùm illa confessio nequaquam tenderet ad absolutionem Sacramentalem, sed ad humiliationem pœnitentium, & ædificationem audientium, non ferebat secum obligationem Sacramentalis sigilli. Quinimò ob inconvenientia, quæ ex illa nascebantur, abrogata fuit ab Ecclesiâ rûm Latina, tùm Græca, ex numero 52. Exindè ad secundam Confirmationem, distin. Antecedens: proferrentur audita in confessione Sacramentali, nego; in publica, vel de licentia pœnitentis, concedo Antecedens, & nego Conseq. ea enim, quæ in Sacramentali confessione dicuntur, nunquàm revelari potuere in Ecclesia Dei, absque licentia pœnitentis, sine crimine violationis sigilli. Exindè

398. Frangeret sacrilegè Confessarius sigillum Sacramentale his omnibus modis. Primò, quandò rem comprehensam sigillo ità manifestaret directè, vel indirectè, verbo, vel facto, ut quisquam prudenter posset, vel opinione, vel suspicione assequi, quisnam in individuo rem illam patraverit, vel ad quem res illa pertineat, cùm ex hoc modo loquendi, vel agendi confessio meritò redderetur odiosa. Dixi prudenter: *Nam de suspitione imprudente, improbabili, & temeraria non est habenda cura, cùm impediri non possit.* Tunc autem censetur indirectè revelari pœnitens, complex, aut objectum, quandò dicis, facis, aut omittis aliquid, ex quo prævides futurum, ut qui illud dictum, factum, aut omissionem mediatè, aut immediatè cognoscant, sint probabiliter judicaturi, aut suspicaturi, quisnam in individuo sit ille, quem tuum dictum, factum, aut omissio rangebat.

399. Frangeret secundò: quandò uteretur notitia confessionis intrà confessionem ipsam cum molestia pœnitentis non utili, aut necessaria; vel si extrà confessionem loqueretur de auditis in confessione cùm pœnitente

re non consentiente, etiamsi loquatur, ut consoletur. Non verò frangis sigillum, quandò, in hodierna confessione, loquens utiliter cum pœnitente de auditis in alia confessione facta ante mensem; vel quandò statim post finitam, datamque absolutionem mones pœnitentem, de aliquo, cujus fueras oblitus, quia meritò hæc non possunt reddere confessionem odiosam, ut contrà Diamam, & alios, docent Lugo, Tannerus, pluresque alii cum Gobat. num. 828.

400. Frangeret: tertio si diceret: Petrus mihi confessus est, sed negavi absolutionem. Ratio est, quia tunc prudenter suspicari possunt audientes, an fuerit negata, vel quia attulit casum reservatum, vel quia caruit proposito emendationis; secus esset si diceret: negavi absolutionem, quia non attulit materiam sufficientem, vel quia non est compos mentis. Quinimmò, etsi Petrus ultrò, & publicè dicat, te ei negasse absolutionem; non ideò ter poteris id fateri, aut confirmare veritatem: quia tu teneris sigillo, non ille. Addunt Diana, Malderus, & alii, violari sigillum, si Confessarius dicat, se in tali Monasterio audivisse grave peccatum, etsi non

nominet personam: quia satis est ad red-
dendam in eo Monasterio confessionem
odiosam, & gravem. Exindè Hurtado,
Malderus, & alii docent, non licere Confes-
sario dicere: in hoc Oppido, vel Urbe, si exi-
gua sit, committi solent talia peccata, nec
posse absque scandalo Confessarium, qui
paucos habet pœnitentes, v.g. moniales unius
Monasterii, coràm illis concionari de vitiis
auditis in confessione, quia pœnitentes faci-
lè suffunduntur rubore.

401. Quamobrem peccaret Abbas, Guar-
dianus, aut Rector, qui suo Provinciali, Visita-
tori, aut Generali scriberet, sibi suos subditos
esse valdè molestos in casibus reservatis. Pec-
cat etiam contrà sigillum Confessarius, ità
altè coràm aliis loquens, absque licentia pœ-
nitentis, ut præsentes intelligant aliquod pec-
catum; sicut, & injungens pœnitentiam
renitenti, faciendam coràm aliis: ex quo hi
possent colligere, confessum esse peccatum
grave. Quandò autem peccatum fuerit pu-
blicum, fas est Confessario, imponere pœni-
tentiam publicam in satisfactionem aliorum,
quam si pœnitens, ut ténetur, acceptet, non
adest violatio sigilli peccaminosa, quia con-
sen-

sentiente pœnitente fit. At si pœnitens habeat rationabilem causam non acceptandi, reniti poterit.

402. *Objicies* secundò, contrà secundam Conclusionem: scriptura continens peccata ad faciendam confessionem, vel confessionis factæ, non est confessio, & obligat ad sigillum ex num. 391. confessio invalida, utpotè non sacramentalis, obligare nequit ad sigillum: ergo obligatio sigilli, neque oritur ex sola, neque ex omni confessione facta in ordine ad absolutionem. Confirmatur primò: quandò Confessarius consulit alterum in ordine ad absolutionem, Consiliarius non tenetur sigillo: etenim si consuleretur à pœnitente, non obligaretur ad sigillum: quandò autem à Confessario consulitur, perindè est, ac consuli à pœnitente, medio Confessario: sed habet notitiam peccatorum in ordine ad absolutionem: ergo, &c. Confirmatur secundò: si aliquis audiret pœnitentem se examinantem, ut confiteretur sua peccata, non obligaretur sigillo: atqui ea notitia est habita in ordine ad absolutionem: ergo, &c. ex quo videtur, neque teneri sigillo, qui scribit, vel peccata reperit scripta, eùm per-

indè se habeat , ac si pœnitentem se examinantem audiret .

403. Resp. dist. Antecedens, quoad primam partem: non est confessio, quæ fit Sacerdoti, concedo: non est confessio disposita juxtà præceptum Christi, ut Sacerdoti fiat, aut quæ facta fuit, nego hanc, & secundam partem Antecedentis, cum Consequentia . Ratio est, quia confessio illa scripta æquivalentèr est manifestatio per interpretem, vel ut accuratiùs fiat, ne peccata è memoria decidant, quod nequaquam fieret, nisi ex animo accuratè satisfaciendi præcepto . Undè sicut interpres, statim atque audit peccatum pœnitentis, & antequàm ipse manifestet illud Confessario, jam obligatur, postquàm peccatum dixit; paritèr peccata, sub ea scriptura contenta, annexam habent obligationē sigilli, & antequàm dicantur & postquàm dicta sunt Sacerdoti à pœnitente: utrumque enim sub finem præcepit cadit; adeoque si revelaretur, meritò redderet cōfessionem onerosam. Undè ut oriatur obligatio sigilli, non est necesse, quod confessio sit sacramentalis, sive actu constituens Sacramentum, sed sat est, quod à posteriori colli-

gamus, esse factam in ordine ad absolutionem sacramentalem: ex quo, & confessio invalida inducit veram sigilli obligationem ex num. 386.

404. Ad primam Confirmationem, nego Ma: quia Confiliarius in eo casu habet notitiam ex confessione jam ordinata ad absolutionem, & non ex confessione purè ordinanda, qualem haberet, si consuleretur à poenitente, ut confessionem suam ordinaret: adeoque licèt tunc non obligaretur, nunc autem sigillo obligatur. Sic quandò poenitens purè consulit Confessarium, ut suam ordinet confessionem, non exindè inducit obligationem sigilli; bene verò, quandò jam ordinatam manifestat illam Confessario, qui antè absolutionem jam tenetur ad sigillum. Quinimmò si incipit illam ordinare, revelando illam modo, quo præcipit Christus, jam est sufficiens ad obligationem illam inducendam, ex num. 386. Cæterùm cùm hæc ordinatio, ex ibi dictis, solùm colligi possit à posteriori, & per actionem peccati manifestativam, sive formalem, qualis est confessio vocalis, sive æquivalentem, qualis est nuntialis, & epistolaris confessio; exindè istæ

solum manifestationes inducunt obligationem sigilli. Unde ad secundam Confirmationem, concedo Ma:& dist. Mi: in ordine ad absolutionem per confessionem ordinandam, concedo, ordinatam per expressionem formalem, aut æquivalentem, nego Mi:& Conseq. Nam quando est ita ordinata, absque dubio redderetur onerosa confessio, si absque fractione sigilli unicuique liceret eam notitiam uti; secus quando ordinata non est, ut ex ipsa experientia, & communi persuasione fidelium unusquisque facile comprobabit, ex quo dissoluta manet ratio ibi subiecta. Videatur in simili Lugo disp. 23. sect. 2. à num. 36.

405. Exinde communiter docent Auctores cum D. Thom. & Suario, non sufficere licentiam pœnitentis præsumptam, tacitam, interpretativam, aut virtualementem, sed requiri licentiam pœnitentis formalem, & expressam, ut confessarius possit agere, sive cum ipso pœnitente, sive cum aliis, de auditis in confessione, etiam quando cedit in bonum ipsius pœnitentis, eamque licentiam debere esse liberam, & spontaneam, non autem vi, dolo, injuria, precibus importunis, aut metu etiam reverentiali erga ipsum.

Con-

Confessarium extortam, aut obtentam. Præterea debet esse non revocata: nam data à poenitente semper potest pro ipsius libito, etià sine causa, revocari, etsi opus nō sit, ut habeatur in scripto. Quando autem dubium sit, an Sacerdos locutus fuerit eum, vel sine licentia, Sacerdoti potiùs credendum est, quàm poenitenti, aut ejus hæredibus, cùm de licentia defuncti revelat restitutionem ab eis faciendam: licentia autem expressa potest dari à poenitente tam dicto, quàm facto, quod æquivalet expressæ concessioni, ut si poenitens extrà confessionem incipiat loqui cum Confessario de dictis in confessione, tunc poterit Confessarius prosequi, quod expedierit circà materiam subjectam à poenitente.

406. Quando autem nullum est periculum revelationis sigilli, tunc Confessarius licitè loqui potest, sed cautè omnia pericula præcludendo. Undè etsi dicere possis, hunc hominem, cujus excepisti confessionem, esse probum, & innocentem, hoc quippè non dicendum est comparativè ad alios, aut in circumstantiis, quibus colligi possit, alios esse nocentes, aut confessos esse mortalia. Pariter, etsi quando nullum est periculum, dice-

re

re possis, Petrum tibi esse confessum, aliquando autem non licet, & præcipuè, quando pœnitens verbo, aut facto significaret, se nolle sciri, aut cognosci, v. g. si clàm, aut noctu accedat ad confessionem, ne ab aliis videatur. Exindè quando narras peccata, etiàm indicando personam, sola notitia utens, quam habebas extrà confessionem; nullo modo potes notitia confessionis uti ad rem magis individuandam, aut certius asseverandam, vel confirmandam. Quando autem peccata etiam particularia, ità refers, præscindendo à loco, tempore, aliisque circumstantiis, ità ut moraliter loquendo, persona innotescere non possit, neq; aliqua communitas infamari, nullum est peccatum.

§. II.

407. Objicies tertiò contrà tertiam Conclusionem: ex S. Thom. quæst. 11. suppl. art. 3. §. Sed contrà dicente: *homo tenetur ea, quæ in confessione audiuit, celare, si non scit ea, ut homo, sed ut Deus: sed solus Sacerdos est Minister Dei: ergo solus Sacerdos tenetur occultare: ergo alii ad quos media-*

diatè , vel immediatè notitia confessionis pervenerit , etiam absque licentia pœnitentis, non obligantur sigillo sacramentali . Respondeo; concedo totum primum D. Thomæ Syllogismum , & nego Conseq. exindè deductam . Ratio est , quia D. Thom. eo ipso loco in corpore ejusdem articuli suam mentem satis explicat , dicens , solum Confessarium habere sigillum , quatenùs hoc significat , habere munus claudendi , sive ministerium clavium ; alios verò etsi hoc modo sigillum non habeant ; participare tamen de actu sigilli , ex eo quod obligantur ad secretum, ex num. 390. quæ, ut ibi notavimus , est expressa doctrina nostra : dicimus, enim ministerium clavium , adeoque , & sigillum in hoc sensu solùm competere Sacerdoti ; obligationem autem ad silentium , exindè deductam , quæ licèt non sit sigillum, est vera ; & propria obligatio sigilli , non competere soli Sacerdoti , sed etiam iis omnibus, ad quos citrà pœnitentis licentiam ea notitia pervenerit.

408. Quapropter valdè cautè respon. debet Confessarius ad aliquas , quæ à probis , vel improbis acutis , vel simplicibus hominibus fieri possunt, interrogationes . Si enim
inter-

interrogetur: utrùm ſciat, an hic, vel ille homo commiſerit tale peccatum, vel illud ab eo audierit in confeſſione? Reſpondere debet, ſe nihil ſcire de iis, quæ audit in confeſſione, & nequaquam recordari, an ullus pœnitens tale peccatum dixerit, vel non dixerit. Quinimò talem interrogationem indignam eſſe, quæ ab homine Chriſtiano fiat. Si autèm Confeſſarius conjiciat, ſe meliùs conſulturum famæ pœnitentis, negando abſolutè, quod audierit tale peccatum, licitè poteſt negare, & ſi opus fuerit, jurare; ſubintelligens ad revelandum: nullam enim habet talem notitiam, quæ revelari poſſit, ſicuti de die Judiciï dixit Chriſtus Marc. 13. *De die illo nemo ſcit, neque filius hominis.* Si autem animus interrogantis non tendat ad explorandum, an pœnitens peccatum illud commiſerit, cùm benè præſciat illud commiſiſſe, ſed ad explorandum, an rectè, ut deſiderat, confeſſus fuerit, quâ ratione aliquæ pię, & ſimplices matres nonnunquàm interrogant Confeſſarios, an filiæ confeſſæ ſint hoc, vel illud peccatum, quod probè norunt, filias patraſſe; tunc rectius eſt modo jam expoſito reſpondere, ſe non recordari,

an

an dixerint, vel non dixerint, quàm si absolute responderet, negando : nam sicuti tunc affirmando, revelaret confessionem ; ita negando induceretur mater ad credendum defectum in integritate materiali confessionis . Qua de causa opus est , illam de Doctrina Catholica certiolem facere , ne unquam tales faciat interrogationes .

409. Objicies quartò , contrà quartam Conclusionem : si ea omnia essent materia sigilli Sacramentalis, nunquàm posset Confessarius uti notitià habità ex sola confessione , sed ex doctrina plurium Doctorum aliquandò potest : ergo , &c. Respondeo : dist. Ma: nunquàm posset, cum periculo adhuc indirecto revelationis sigilli , vel suspicionis prudentis , quâ poenitenti reddi posset odiosa confessio , concedo : absque tali periculo , nego Ma: & dist. Mi. nego Consequentiam . Ratio est , quia nunquàm concedunt DD. id posse fieri , si adsit tale periculum , sed solum dicunt, aliquas actiones nullum ex se afferre periculum, adeoque licitas esse . Quamobrem aliqui docent, nullum esse periculum, adeoque licere , secretò negare suffragium ei , quem, ex sola confessione, scis esse indignum: Si-

Similiter claudere ostium, per quod quis ingreditur ad peccandum, aut monere de diligenti custodia, cognitâ proditione futura, vel impedire clàm matrimonium, quandò ex confessione scis impedimentum. Cæterùm cùm probabilius sit, aliquod ibi immisceri periculum, & ex ea Doctrina posse absterri poenitentem à confessione, probabilius est, eas actiones non licere, ut cum Sanchez, Diana, & Lugo docent plurimi. Quomodo enim subditus non suspicabitur, ei ad Prælaturam negatum fuisse suffragium à suo Provinciali v. g. ex peccato ei in confessione revelato, si nulla alia negandi causa subdito appareat?

410. Cautè propter rationem, quæ ex se efficacissima est, & mihi certissima R. P. Claudius Aquaviva Gen. Soc. ad præcavendum, ne contraria doctrina in Societ. doceretur à anno 1590. decreto suo prohibuit, ne ullus unquam eam doctrinam publicè, aut privatim doceret, eâve uteretur. Neque in ordine ad externam saltèm gubernationem possumus jam dubitare de falsitate contrariæ opinionis, postquàm Clemens VIII. à anno 1594. die 26. Maii. decretum edidit pro Præ-
latis

tis omnibus Regularibus usum notitiæ habitæ ex confessione prohibet his verbis . *Tàm Superiores pro tempore existentes . quàm Confessarius , cui postea ad superioritatis tradum fuerit promoti , caveant diligentissimè , ne eâ notitiâ , quam de aliorum peccatis in confessione habuerunt , ad exteriorem gubernationem utantur : & infra atque ita per quoscumque Regularium Superioris , quicumque illi sint , observari maneamus .* Undè ille solus usus erit licitus , qui neque directè , neque indirectè revelet peccatum pœnitentis , vel ille de quo , quamvis solus pœnitens suspicari posset , nequaquam illi redderetur onerosa confessio , quamvis sciret , Confessarium posse ea notitia uti . Exemplum esto . Si Confessarius propter confidentiam , quam pœnitens erga ipsum ostendit confitendo ei peccata gravissima , & cum magnis pœnitentiæ signis , peculiari eum affectu prosequatur , idque beneficiis , & speciali circa ipsum curâ manifestet , licèt pœnitens , intelligat totum id oriri ex confessionis notia , non idèò ægrè feret , nec confessio propterea gravior , aut difficilior reddetur . Ex quo principio censent Enriquez , Coninck , Layman , & alii,

alii , quandò non eſt periculum ullum revelationis peccati, licere Confefsario uti notiâ confessionis ad ſui ipſius gubernationem, v.g. abſtinendo à Calice , ubi ſcit eſſe venenum , declinando à Sylva , ubi ex unius Latronis confessione novit, inſidias ſibi eſſe paratas . Ex his enim facile erit in hac materia reliquos , qui occurrere poſſunt , caſus decidere.

LAUS DEO.

IN-

INDEX RERUM

Numerus subindicat
marginalem.

A



ABSOLUTIO est pars formalis in-
trinsēca Sacramenti pœnitentiæ. Nu-
mero 73.

Absolutio sub conditione de futuro col-
lata, est invalida. Num. 214.

Absolutionis sensus. Num. 205. & 210.

Andianorum hæresis. Num. 1.

Annus Ecclesiasticus, quoad confessionem. Nu-
mero 33.

Approbatio, quid? Num. 361.

B

BAPTIZATUS qualiter ad Sacra-
mentum Pœnitentiæ obligetur? Num. 16.
Baptismus fidele suscipiens tenetur confiteri le-
thalia in instanti baptismi commissæ. Nu-
mero 19.

Gg

Ba-

INDEX RERUM.

Baptizatus non potest apponere pro materia, aut necessaria, aut sufficiente Sacramento Pœnitentiæ, peccata ante baptismum commissa. Num. 71.

C

CALVINI hæresis. Num. 1.

Causæ excusantes à materiali confessionis integritate. Num. 123.

Circumstantiæ peccatorum, quot, & quales. Numero 120.

Circumstantiæ intrà eandem speciem dumtaxat aggravantes, non debent ex necessitate in confessione aperiri, benè verò quæ, sive formalitèr, sive equivalentèr, peccatorum numerum augent. Num. 139.

Compositio quotuplex in Sacramentis. Numero 69.

Confessarius, per se loquendo, tenetur pœnitentiam justam injungere. Num. 328.

Consuetudo exposita, quando sufficiat ad aperiendum numerum peccatorum? Num. 112.

Contritio, Confessio, & satisfactio sunt partes materiales intrinsecæ Sacramenti Pœnitentiæ. Num. 73.

DE-

INDEX RERUM.

D

DEPRECATORIA absolutio , invalida .
Num. [212](#).

Determinatus , ac certus peccatorum numerus ,
quomodò in confessione aperiendus. Num. [108](#).

Dolor necessitate Sacramenti ad confessionem ve-
nialium requisitus . Num. [150](#).

Dolor universalis , non censetur per unum ve-
niale adequatè retractatus . Num. [84](#).

E

EFFECTUS remissionis pœnæ tempora-
lis , durante statu peccati mortalis , non
causatur à satisfactione in eo statu facta ; be-
nè verò recedente peccato . Num. [322](#).

Essentiale constitutivum , & purus terminus ab
institutione Christi præfixus , valdè diffe-
runt . Num. [89](#).

Essentialia verba absolutionis constitutiva . Nu-
mero [185](#).

INDEX RERUM.

F

FORMA absolutionis requirit verba propriè dicta. Num. 182.

Forma essentialis sita est in verbis illis, absolvo te à peccatis. Num. 185.

Forma intrinseca, & essentialis Sacramenti Pœnitentiæ, sita est in absolutione. Num. 73.

G

GENUINUS, atque legitimus sensus verborum absolutionis. Numero 205.
& 210.

Gratia habitualis non causatur à satisfactione Sacramentali, ex opere operato. Numero 315.

Graviter obligatur Confessarius, per se loquendo, ad justam pœnitentiam injungendam, & pœnitens ad acceptandam. Num. 328.

HÆ-

INDEX RERUM.

H

HÆRESES circa Sacramentum Pœnitentiæ. Num. 1.

Haberi quandòque potest licitè, & validè absolutio à duobus. Num. 217.

Haberi nunquàm potest validè absolutio à duobus, si unusquisque, ut partialis causa intendat absolvere. Num. 218.

I

INFIRMÆ, in ratione moris, peccatorum species aperiendæ sunt in Confessione. Num. 103.

Institutio Sacramenti Pœnitentiæ, quo tempore facta? Num. 3.

Integritas, tùm materialis, tùm formalis, requisita ad confessionem. Num. 130.

Jurisdictio in foro Sacramentali, quid? Numero 356.

INDEX RERUM.

L

LEGITIMUS sensus verborum absolutionis. Num. 205. & 210.

Licita non est, absque justâ causâ, repetitio Sacramentalis absolutionis. Num. [219.](#)

Lutheri hæresis. Num. 1.

M

MATERIA Sacramentalis sigilli, quænam? Num. [392.](#)

Materia sufficiens Sacramento pœnitentiæ non extenditur ad peccata antè baptismum commissâ. Num. [71.](#)

Medicus egrotum visitans. Num. 20.

Messalianorum hæresis. Num. 1.

Minister Sacramenti Pœnitentiæ. Num. [352.](#)

Montanistarum hæresis. Num. 1.

N

NOVA peccata aperienda sunt, ut nova. Num. [118.](#)

Novatianorum hæresis. Num. 1.

Nul-

INDEX RERUM.

H

HÆRESES circa Sacramentum Pœnitentiæ. Num. 1.

Haberi quandoque potest licitè, & validè absolutio à duobus. Num. 217.

Haberi nunquàm potest validè absolutio à duobus, si unusquisque, ut partialis causa intendat absolvere. Num. 218.

I

INFIRMÆ, in ratione *moris*, peccatorum species aperiendæ sunt in Confessione. Num. 103.

Institutio Sacramenti Pœnitentiæ, quo tempore facta? Num. 3.

Integritas, tùm materialis, tùm formalis, requisita ad confessionem. Num. 130.

Jurisdictio in foro Sacramentali, quid? Numero 356.

INDEX RERUM.

L

LEGITIMUS sensus verborum absolutionis. Num. [205.](#) & [210.](#)

Licita non est, absque justâ causâ, repetitio Sacramentalis absolutionis. Num. [219.](#)

Lutheri hæresis. Num. [1.](#)

M

MATERIA Sacramentalis sigilli, quanam? Num. [392.](#)

Materia sufficiens Sacramento pœnitentiæ non extenditur ad peccata antè baptismum commissâ. Num. [71.](#)

Medicus ægrotum visitans. Num. [20.](#)

Messalianorum hæresis. Num. [1.](#)

Minister Sacramenti Pœnitentiæ. Num. [352.](#)

Montanistarum hæresis. Num. [1.](#)

N

NOVA peccata aperienda sunt, ut nova. Num. [118.](#)

Novatianorum hæresis. Num. [1.](#)

Nul-

INDEX RERUM.

Nullum est peccatum, ne quidem veniale, satisfactionem implere in statu peccati mortalis. Num. [324.](#)

Numerus peccatorum quomodo dignoscendus? Num. [113.](#)

O

OBLIGATIO sigilli Sacramentalis ex quânam confessione habeatur. Numero [383.](#)

Obligatio Sacramentalis sigilli, an, & quomodo extendatur ad alios, præter Confessarium. Num. [387.](#)

Omnes species peccatorum purè physicas necesse non est aperire in confessione. Num. [102.](#)

Opinio solum speculativè probabilis, non sufficit ad licitum usum Sacramenti Pœnitentiæ. Num. [81.](#)

P

PECCATA dubia aperienda sunt in confessione. Num. [131.](#)

Peccata dicta, ut dubia, si postea constet esse certa, aperienda sunt, ut certa. Num. [110.](#)

Pœ-

INDEX RERUM.

Pœnitentia Sacramentalis imponi debet, non quidè̃m sub consilio, sed sub præcepto. Numero 332.

Potestas consecrandi, & absolvendi. Numero 2.

Petri de Osma hæresis. Num. 1.

Præcepto annuæ confessionis, aut annuæ communionis, non satisfit per confessionem, aut communionem sacrilegas. Num. 25.

Præceptum à Tridentino latum sess. 13. cap. 7. an obliget laicos? Num. 24.

Q

QUÆNAM opera injungi possint in pœnitentiam? Num. 335.

Quenam sit formalitas pertinens ad substantiam, & quenam ad circumstantiam, in actu? Num. 106.

Quot sint casus, in quibus adest rationabile dubium ad repetendam absolutionem. Num. 220.

Quot sint peccati vincula? Num. 202.

INDEX RERUM.

Nullum est peccatum, ne quidem veniale, satisfactionem implere in statu peccati mortalis. Num. 324.

Numerus peccatorum quomodo dignoscendus? Num. 113.

O

OBLIGATIO sigilli Sacramentalis ex quânam confessione habeatur. Numero 383.

Obligatio Sacramentalis sigilli, an, & quomodo extendatur ad alios, præter Confessarium. Num. 387.

Omnes species peccatorum purè phycas necesse non est aperire in confessione. Num. 102.

Opinio solùm speculativè probabilis, non sufficit ad licitum usum Sacramenti Pœnitentiæ. Num. 81.

P

PECCATA dubia aperienda sunt in confessione. Num. 131.

Peccata dicta, ut dubia, si postea constet esse certa, aperienda sunt, ut certa. Num. 110.

Pœ-

INDEX RERUM.

Pœnitentia Sacramentalis imponi debet, non quidè̃m sub consilio, sed sub præcepto. Numero 332.

Potestas consecrandi, & absolvendi. Numero 2.

Petri de Osma hæresis. Num. 1.

Præcepto annuæ confessionis, aut annuæ communionis, non satisfit per confessionem, aut communionem sacrilegas. Num. 25.

Præceptum à Tridentino latum sess. 13. cap. 7. an obliget laicos? Num. 24.

Q

QUÆNAM opera injungi possint in pœnitentiam? Num. 335.

Quanam sit formalitas pertinens ad substantiam, & quanam ad circumstantiam, in actu? Num. 106.

Quot sint casus, in quibus adest rationabile dubium ad repetendam absolutionem. Num. 220.

Quot sint peccati vincula? Num. 202.

INDEX RERUM.

R

REPERIRI possunt, in eodem actû plu-
res malitiæ in confessione explicandæ.

Num. 105.

Repetitio absolutionis, quandò non sit illicita ?

Num. 220.

Retrotractio juris, quid juvet ? Num. 208.

S

SACRAMENTUM Pœnitentiæ va-
lidum, & informe, repugnat Num. 284.

Satisfactio est pars integralis Sacramenti Pœni-
tentia. Num. 75.

Satisfactio, siuè ut injuncta, siuè ut impleta,
non est pars essentialis : Num. 86.

Satisfactio non causat ex opere operato gratiam,
aut actualem, aut habitualement. Num. 315.

Satisfactio Sacramentalis ex opere operato re-
mittit aliquam pœnam temporalem. Nume-
ro 317.

Sensus verborum absolutionis. Numero 205.
& 210.

Sigillum Sacramentale, quid ? Num. 379.

Si-

INDEX RERUM.

Sigilli Sacramentalis obligatio oritur ex præcepto, & jure divino. Num. 380.


Species omnes morales peccatorum mortalium, aperiendæ sunt in confessione. Num. 102.

T

TOT sunt aperiendæ in confessione species peccatorum, quot reperiuntur distinctæ in ratione moris. Num. 103.

Tria præcipua Confessarii munera. Num. 362.

V



VINCULA peccati, quot? Num. 202.
Ultimæ quæque peccatorum species, in esse moris, aperiendæ sunt in confessione. Num. 103.

Voces illæ communes paulò, plus minusvè quantum extendantur? Num. 101.

F I N I S.

*Pag. Vers. Errata**Corrige.*

12	5	erant	erunt
37	12	Confirmetur	conformetur
44	20	quæstio	quæstione
57	16	alterius	alteriusvè
105	2	pœnitentia	pœnitente
135	26	valeat	valet
157	5	pro	ipso
160	4	cui	cur
262	13	Sacerdotaliter	Sacramentaliter
189	4	talet	talem
190	14	ergo	verbi gratiâ
207	12	aliisque	aliquæ
246	13	Tunc	tum
307	11	quid	quod
342	26	Respondendis	Respondebis
365	25	pœnam	pœnitentiam
377	7	judicat	indicat
380	24	Confessos	concessas
380	26	ostenditi	ostenditur
392	20	sed	sic
405	8	faciendi	ferendi
462	16	propter	propter hanc
463	14	Superioratis	Superioratus

Reliqua errata, si quæ occurrant, sicuti & in prima parte irrepsere, Lectori emendanda relinquo.

